


8.45.A.5






Ex Bibliotheca  
majori Coll. Rom.  
Societ. Jesu

4.6.12.  
4 4  
C C  
12 16



8-45-A-5







TRAITE' DE  
L'ART DE  
BIEN MOVIR.

8  
45  
A  
5

*Divisé en deux Liures.*

PAR L'ILLVSTRISSE  
ET REVERENDISSE CARDINAL  
Bellarmin, de la Soc. de Iesus.  
NOUVELLEMENT TRADUIT  
de Latin en François, Par L.C.S.



Chez SEBASTIEN CRAMOISY, rue  
S. Iacques, aux Cigognes.

M. DC. XX.

Avec Privilege du Roy.

1871  
1872

1873  
1874

1875  
1876



A

TRES-ILLVS-  
TRE ET TRES-RE-  
VERENDE PRINCESSE  
LOVYSE de Bourbon, Ab-  
bessè de Fronteuraud, &c.



ADAME,

*Ayant à vous  
offrir cet ouura-  
ge, ie craignois que le titre  
qu'il porte sur le front ne luy  
causast autant de disgrâce,*

à ij

que le nom de celuy qui vous  
l'offre vous peut donner d'e-  
stonnement : veu que l'un  
portant d'abord un peu d'es-  
froy , & l'autre ne vous  
estant pas familier , ce me  
sembloit estre un assez am-  
ple suiet de refus. Mais  
considerant d'ailleurs que ce  
present pourroit sembler de  
mauvaise grace à ceux qui  
establissants leur felicité au  
monde , n'entendent parler  
qu'à regret de la mort : qui  
est neantmoins le passage  
pour arriuer au Ciel : Pour  
cetteraison ie me suis persua-



dé que par droict special, il  
appartenoit aux âmes deuotes & Religieuses, qui estâs  
mortes au monde & ne viuant que pour Dieu, ne se  
peuvent rien figurer d'horrible en la mort, ains qui  
uent tousiours en estat de mourir. Parmy ce nombre,  
vn chacun vous defere le mesme rang que le Soleil  
occupe entre les Astres; & admire avec estonnement  
celle qui par les exemples de sa pieté singuliere, va conduisant à la perfection, vne  
des plus religieuses maisons.

de l'Europe. Cette considération m'a faict croire que cet ouvrage tout rempli de pieté, quoy qu'il enseigne l'Art de bien mourir, ne pouvoit estre accueilly de mauvais visage, d'une personne dont la profession n'est qu'une perpetuelle meditatio de la Mort; Et dont l'âme est le vray Temple de la Pieté, comme vostre maison en est l'Escole. Faites luy donc paroistre (MADAME) par le bon accueil que vous luy tesmoignerez, que ie ne me suis point trompé en mon

élection. Le merite de son  
Auteur, & le sujet qu'il  
traite, le rendent assez re-  
commandable. Il ne me re-  
ste plus qu'à vous en desi-  
rer les effects, au temps que  
l'Horloge du Ciel sonnera  
vostre heure derniere. La-  
quelle ie coniure celuy qui est  
le souverain arbitre de no-  
stre vie & de nostre mort,  
de ne precipiter point, ains  
que vous conservant en lon-  
gue & heureuse vie, pour  
l'instruction & pour la con-  
solation des bonnes âmes,  
elles puissent tirer en exemple

*les rares traic̃ts de la perfe-  
ction, sur le modelle de vo-  
stre pieté singuliere. Ce sont  
les vœux & les desirs que  
faict d'ordinaire pour vo-  
stre santé & conseruation.*

*MADAME,*

Vostre tres-humble & tres-obeissant  
seruiteur, SEBASTIEN CRAMOISY.




T A B L E  
**DES CHAPI-  
TRES CONTENVZ**

EN CE PREMIER LIVRE DE  
l'Art de bien Mourir.



Viconque desire bien  
mourir, doit bien viure.  
chap. 1. 1

<u>Demourir au mode. c. 2</u>	<u>6</u>
<u>Des vertus Theologales. chap. 3.</u>	<u>20</u>
<u>De 3. enseignemens Euangeliq. c. 4.</u>	<u>33</u>
<u>Erreur des riches de ce monde. c. 5.</u>	<u>50</u>
<u>Des 3. vertus Morales. chap. 6.</u>	<u>61</u>
<u>De l'Oraison. chap. 7.</u>	<u>74</u>
<u>Du Ieufne. chap. 8.</u>	<u>94</u>
<u>De l'Aumosne. chap. 9.</u>	<u>113</u>
<u>Du Baptisme. chap. 10.</u>	<u>133</u>
<u>De la Confirmation. chap. 11.</u>	<u>147</u>
<u>De l'Eucharistie. chap. 12.</u>	<u>155</u>
<u>De la Penitence. chap. 13.</u>	<u>168</u>
<u>De l'Ordre. chap. 14.</u>	<u>182</u>
<u>Du Mariage. chap. 15.</u>	<u>195</u>
<u>De l'Extreme Onction. chap. 16.</u>	<u>211</u>



T A B L E D E S  
**CHAPITRES**  
**CONTENVZ AV SE-**  
**COND LIVRE DE L'ART**  
**de bien Mourir.**

<b>D</b> E la Meditation dela Mort,	
chap. 1.	249
Du Jugement dernier. c. 2	
	264
De la peine éternelle. chap. 3.	284
De la consideration de la gloire des	
justes. chap. 4.	296
De faire vn bon Testament. chap. 5	
	310.
De la Confession des pechez. c. 6.	317
Du Sacro-sainct Viatique. c. 7.	326
De l'Extrême Onction. ch. 8.	347
Del Heresie. chap. 9.	354
Du desespoir. chap. 10.	361
De la haine de Dieu. chap. 11.	369
Du premier remede contre les tenta-	
tions du Diable. chap. 12.	372

Du 2. remede contre les tentations  
du Diable, chap. 13. 188

De ceux qui ne meurent point de  
maladie ordinaire, mais de quel-  
que autre cause. chap. 14. 396

De la Mort heureuse de ceux qui ont  
appris l'Art de bien Mourir c. 15. 404

Sommaire de tout l'Art de bien  
mourir, chap. 16. 424

F I N.

ã vj

---

*Extrait du Privilege du Roy.*

**P**AR grace & priuilege du Roy, il est permis à SEBASTIEN CRAMOISY, Marchand Libraire Iuré en l'Vniuersité de Paris: d'imprimer ou faire imprimer, & mettre en vente, *un Traité de l' Art de bien Mourir, Composé en Latin, par le R. Cardinal Bellarmín, nouvellement traduit en François.* Et faisant tres-expresses defences à tous Imprimeurs & Libraires, ou autres de nos subiects de quelque qualité ou condition qu'ils soient, d'imprimer ou faire imprimer ledict Traicté & vendre, faire vendre, debiter, ny distribuer par nostre Royaume, sous pretexte de quelque addition, changement ou autre forme de desguisement qu'on y pourroit apporter durant le temps & espace de neuf ans entiers, & accomplis, sur peine aux contreuenans de mil liures d'amende, & de confiscation des exemplaires, & de tous despens, dommages & interests, comme il est plus amplement déclaré és lettres de priuilege, données à Paris le 23. Auiil 1620..

*Signé, Par le Roy en son Conseil.*

RENOVARD.





# P R E F A C E

**E**N la retraite que ie  
fais d'ordinaire, afin  
que quittant toutes af-  
faires du mōde ie puis-  
se vacquer à moy mesme, repensant  
à part moy qu'elle est la cause pour-  
quoy il se trouue si peu de gens qui  
soient curieux d'apprendre l'Art de  
bien mourir, qui deuroit neantmoins  
estre commune & familiere à tout  
le mōde: ie ne trouue rien autre chose  
sinon ce que dit le Sage; Le nom-  
bre des fols est infiny. Car  
quelle plus grande folie se peut-on  
imaginer que de negliger vn Art,  
dont dependent les biens souuerains  
& éternels: & cependant en ap-

## Preface.

prendre avec beaucoup de peine, & exercer avec non moins de soin vne quantité d'autres presque sans nombre, qui ne seruent qu'à conseruer ou accroistre vn peu de bien qui doit en fin perir?

Or que l'Art de bien Mourir soit le plus excellent de tous les Arts, personne ne le niera, qui voudra serieusement penser, qu'à l'article de la mort il faudra rendre compte à Dieu de tout ce que nous aurons fait, dit, ou pensé: pendant tout le temps de nostre vie, mesmes iusques à vne seule parole oyseuse: Et ce, le Diable se rendât accusateur, nostre consciëce faisant office de tesmoing, Dieu tenant lieu de Iuge, l'issue & l'attente n'estant autre, que ou de la peine d'une mort perdurable, ou d'une recompense éternelle.

Nous voyons tous les iours que quand on attend vne derniere sen-

Preface.

tence, quoy que ce soit en choses de  
peu d'importance, les parties ne se  
donnent aucun repos, mais que tan-  
tost ils ont recours aux Aduocats,  
tantost aux Procureurs, tantost aux  
Iuges, & recherchent les amis &  
les alliez de cettuy-cy & de cettuy-  
là: Et au point de la mort lors qu'on  
traite nostre cause deuant le souue-  
rain Iuge, en laquelle il s'agist de la  
vie & de la mort éternelle; il arriue  
souuent que celuy qui est coupable,  
pressé qu'il est de maladie, & à pei-  
ne estant à soy, sans preparation au-  
cune, se void contraint de rendre  
compte de choses, desquelles peut estre  
il n'a iamais pensé à rendre compte,  
pendant qu'il estoit en bonne santé.  
De là vient que les miserables mor-  
tels vont tombans à la foule dans la  
gehennie d'Enfer; & comme parle  
sainct Pierre, Si à peine le iuste Petr.  
est sauué, que deuiendra le

## Preface.

pecheur & l'impie? Partant dōc  
j'ay estimé qu'il estoit neceffaire de  
prendre aduis, premierement pour  
moy - mesme, & puis de le donner  
à mes freres, que & les vns & les  
autres nous facions estat del' Art de  
bien mourir. Et s'il y en a quelques-  
vns qui n'ayent pas encore appris cet  
Art de quelque maistre qui y soit  
bien versé, que pour le moins ils ne  
méprisent point ce que nous auons  
mis peine de recueillir sur ce sujet,  
tant de l'Ecriture sainte que des  
escrits des saints Peres.

Mais auant que Venir aux Pre-  
ceptes de cet Art, j'ay creu qu'il se-  
roit à propos de demander touchant  
la nature de la Mort, sçauoir si elle  
doit estre mise au rang des choses bō-  
nes, ou des mauuaises. Et à la ve-  
rité, si on la considere absolument,  
sans doute il faut croire qu'elle est  
mauuaise, comme estant contraire

*Preface.*

à la vie, que nous ne pouuons nier  
estre bonne. Adjoustez à cela que  
Dieu n'est point autheur de <sup>S ap. 1. & 2.</sup>  
la mort, mais que par l'enuie  
du Diable, la mort est entrée  
au monde, comme enseigne le Sa-  
ge; à la parole duquel S. Paul sous-  
crit, disant que par vn homme  
le peché est entré au monde,  
& par le peché la mort, auquel  
(homme) tous ont peché. Veri-  
tablement si Dieu n'a point créé la  
mort, la mort ne peut estre bonne,  
attendu que tout ce que Dieu a fait  
est bon, suyuant ce que dit Moysé; Genes. 1.

Dieu cōsidera toutes les cho-  
ses qu'il auoit créées, & elles  
estoyent grandement bonnes,

Or encore que la mort en soy ne  
soit pas bonne, pourtant la Sagesse  
Diuine scait l'assaisonner de sorte,  
que de la mort mesme il en peut nai-  
stre plusieurs biens. De là David a

Préface.

Mal. 115.

pris sujet de chanter ; La mort des Saints est grandement précieuse deuant Dieu. Et l'Eglise parlant de Iesus-Christ, dit, C'est luy qui en mourant a destruit nostre mort, & qui en resuscitant a réparé la vie. Certes ce genre de mort qui a destruit la mort & réparé la vie, ne peut estre que fort bonne : & partant il faut dire qu'encore que toute mort ne soit pas bonne, que pour le moins il y en a quelque vne qui est bonne. Et S. Ambroise n'a point eu de crainte d'intituler vn de ses liures, Du bien de la Mort: auquel il montre assez apertement que la mort quoy qu'elle soit née du peché, apporte avecque soy ses vtilitez qui ne sont pas petites.

Vient en après vne raison qui montre éuidemment que la mort, quoy que de soy-mesme elle soit

*Preface.*

mauvaise, peut neantmoins par la  
grace de Dieu apporter beaucoup de  
biens. Car premierement, nous en re-  
cueillons vn grand fruit, attendu  
qu'elle met fin à plusieurs grādes mi-  
seres qu'il nous faut supporter en ce  
monde. Iob se plaint en paroles diser-  
tes des miseres de cette vie. L'hom-  
me (dit-il) qui est nay de la fē- Iob. 14.  
me, en si peu de temps qu'il  
vit au monde, est remply de  
beaucoup de miseres. L'Eccle-  
siaste dit; l'ay fait plus d'estat Ecclef. 4.  
de ceux qui sont morts que  
des viuants; & ay iugé plus  
heureux que tous les deux  
ensemble, celuy qui est enco-  
re à naistre, & qui n'a point  
encore veu les maux qui se  
font au dessous du Soleil. l'Ec-  
clesiastique adionste dauantage, &  
dit: Vn grand empressement Ecclef. 40  
est né avec les hommes, & vn



*Preface.*

joug fort pesant a esté mis sur  
les enfans d'Adam, depuis le  
iour de la sortie du ventre de  
leur mere, iusques au iour  
qu'ils seront enscuelis dans la  
terre, qui est la mere à tous,  
*L'Apostre mesme se plaint des*  
*miseres de ceste vie, en ces ter-*  
*mes; Miserable homme que ie*  
*Rom.7. suis, qui sera ce qui me deli-*  
*urera du corps de ceste mort?*

*Par ces tesmoignages donc de*  
*l'Escripture sainte, il demeure suf-*  
*fisamment prouué que la mort a cela*  
*de bon en soy qu'elle deliure l'homme*  
*de plusieurs miseres de cette vie. La*  
*mort apporte encore vn plus grand*  
*bien & bien plus excellent, en ce*  
*qu'elle est la porte pour passer de la*  
*prison au Royaume. Cela a esté re-*  
*uelé par nostre Seigneur à Saint*  
*Iean Euangeliste & Apostre, lors*  
*qu'il estoit en exil pour la foy en*



### *Preface.*

*L'Isle de Pathmos; l'ay entendu Apoc. 14.  
(dit-il) vne voix qui me disoit  
du Ciel; escry, Bien-heureux  
sont les morts, qui meurent en  
Dieu: Dés maintenant l'Es-  
prit dit, qu'ils ayent à se met-  
tre en repos, & à cesser leur  
travaux, car leurs œuvres les  
suivent. Bien-heureuse certes est  
la mort des saints, laquelle par le  
commandement du Roy Celeste tire  
l'ame de la prison du corps, & la  
conduit au Royaume des Cieux: là  
où les saintes âmes après auoir tra-  
uillé, iouissent d'un doux repos, &  
reçoient pour recompense de leurs  
bonnes œuvres, la Couronne du Roy-  
aume. Mais mesmes aux ames qui  
sont conduites en Purgatoire, la  
mort leur cause un bien qui n'est pas  
petit; veu qu'elle les affranchist de  
l'apprehension de la gehenne, & les  
rend certaines de la felicité éternelle*

*Preface.*

qui est à venir.

Quoy? A ceux mesme qui sont reprouuez, la mort arriuant, semble apporter quelque sorte de proffit, lors que les separât du corps, elle fait que la mesure des supplices ne s'accroist plus dauantage.

Ces grands biens font que la mort ne montre point aux gens de bien un visage plein d'horreur & d'effroy, mais doux & serain, non plein de terreur, mais d'amour. C'est pourquoy saint Paul dit avec assurance; Iesus-Christ est ma vie, & mourir, c'est mon bien, desirât estre dissoluz, & d'estre avecque Iesus-Christ. Et en la premiere Epistre aux Thessaloniens, il exhorte les bons Chrestiens, qu'ils ne s'affligent point de la mort de leurs amis, & qu'ils ne les pleurent point comme morts, mais qu'ils les considerent comme s'ils sommeilloient.

Philip. 1.

Preface.

Et mesmes de la memoire de nos  
Ayeuls, a vescu vne sainte fem-  
me nommée Catherine Adorna na-  
tine de Genes, qui estoit si ardente  
en l'amour de Iesus - Christ, qu'elle  
desiroit d'un desir incroyable de se  
voir dissoute, & d'aller à son bien  
aymé. Si bien qu'estant comme  
éprise de l'amour de la mort, elle la Lelecteur  
loüoit souuentefois comme belle & peut voir  
gracieuse, ne trouuant rien à redire sa vie, au  
chap. 7.  
en elle, sinõ qu'elle fuyoit ceux qui la  
cherchoient, & cherche ceux qui la  
fuyent.

De tout ce discours nous pouuons  
donc recueillir que la mort en tant  
qu'elle est née du peché, est mauuaise:  
mais que par la grace de Iesus Christ  
qui a daigné endurer la mort pour  
l'amour de nous, elle a esté rendue  
en plusieurs façons, vtile, salutaire,  
aymable, & desirable.





TABLE  
GENERALE  
DES PRINCIPALES

Matieres contenuës en ce  
present liure par ordre  
Alphabetique.

A

<b>A</b> braham estoit fort riche.	17
Abraham grand Aumosnier.	125.

A qui appartient l'or & l'argent.	53
Atouchement quest-ce.	243
Aumosne produit de grands effects.	74
A qui est-ce de faire Aumosne.	114
Aumosnes peuuent beaucoup.	116
prerogatives de l'Aumosne.	118
Petite Aumosne merite beaucoup	123
L'Aumosne comme se doit elle faire.	125
Comment est-on obligé à faire Aumosne	

E

## B

Baptisme qu'est-ce.	134
Baptisme est bien different de la Confirmation.	147
Ceremonies du Baptisme.	135
Joye & plaisir des Bien-heureux.	307

## C

Charité comprend toute la Loy.	22
Charité defaillante cause beaucoup de choses imparfaites.	313
Force des Commandemens de Dieu.	42
reigle pour la Confession.	175
Contrition exageree.	178
Confirmation qu'est-ce.	149
Confirmation à quoy sert.	150
Contrition necessaire à ceux qui veulent bien mourir.	321

## D

Digression sur les peines des Damnez.	286
De la disette des Damnez.	289
Dieu veut estre adoré d'un cœur net.	86
Dieu se plaisir au profit de l'ame.	345
Diable fin & cauteleux.	356
Le Diable tente aussi les justes, afin de les faire desespérer.	366
Diabes qui s'apparoissent aux mourants en	

formes horribles.	375
Le Diable pere de mensonge.	385
Le Diable ne peut non plus que Dieu luy permes sur les hommes.	389

E

Erreur des Riches de ce monde.	50
Esperance des meschans.	28
Eucharistie qu'est-ce.	155
Eucharistie sert de medecine.	160
L'Eucharistie se confere maintenant aux malades auant l'Extrême-Onction, pourquoy?	328
Eucharistie tres-precieux banquet.	333
Comme il faut conférer l'Eucharistie.	332
Comme il la faut recevoir.	343
Utilité de l'Eucharistie.	334
Contre ceux qui critiquent & expliquent à leur aduantage l'Escripture sainte.	416
Excellence de strauaux de S. Paul.	422
Exemples de diuers personnages qui ont bien & mal vescu.	425

F

La Foy sincere & non feinte, est le commen- cement de iustification.	24
Foy sincere, à quoy se recognoist-elle.	25

G

Qu'est-ce que le Goust.	236
-------------------------	-----

## H

<i>Heretiques seduitz &amp; trompez.</i>	355
<i>Hypocrites salariez.</i>	105

## I

<i>Iesus-Christ auoit des parents pauvres,</i> <i>pourquoy.</i>	247
<i>S. Iean sans macule.</i>	6
<i>Effets du Ieufne.</i>	74
<i>Impieté qu'est-ce.</i>	63
<i>Iugement de Dieu double.</i>	264
<i>Qui sera le Iuge au Iugement dernier.</i>	274
<i>D'où viendra ce Iuge.</i>	275
<i>Auec qui viendra ce Iuge.</i>	377
<i>Liures de comptes ouuerts au Iugement.</i> 278.	
<i>Trois choses à considerer en la gloire des iu-</i> <i>stes.</i>	296

## L

<i>Langue peruerse cause de la mort de saint</i> <i>Iean Baptiste.</i>	226
<i>Digression sur la langue.</i>	220
<i>Le bon Larron auoit une grande Foy.</i>	4
<i>Loix de deux sortes.</i>	95
<i>Object de la Loy de Dieu.</i>	21

## M

<i>Manne qu'est-ce.</i>	241
<i>Le Mariage a trois sortes de biens.</i>	195



<i>Maximes sur la Mort.</i>	5
<i>Aduis pour ceux qui voguent sur mer.</i>	401
<i>Meschantz au cuglez.</i>	371
<i>Vaine &amp; folle esperance des meschans.</i>	370
<i>Le Monde que signifie.</i>	9
<i>Il faut mourir au Monde, auant que de mourir avec Dieu.</i>	7
<i>Trois choses deffendues aux mondains.</i>	17
<i>Mourir au Seigneur qu'est-ce.</i>	406
<i>Bien mourir, affaire tres-importante.</i>	404
<i>Mort qu'est-ce.</i>	252
<i>Il n'y a rien de plus incertain que l'heure de la Mort.</i>	254
<i>Considerations diuerses sur la Mort.</i>	288
<i>Pensee de la Mort fort utile.</i>	260
<i>Heure de la Mort tousiours proche.</i>	281

N

<i>Nombre des meschantz fort grand.</i>	11
---	----

O

<i>Odeur qu'est-ce.</i>	236
<i>Onction sacree produict de grands effects.</i>	346.
<i>Trois pointz en l'Oraison.</i>	75
<i>Diuers fruietz prouenantz del'Oraison.</i>	80
<i>Trois fruietz principaux de l'Oraison.</i>	77
<i>qu'est-ce que l'Ouye.</i>	219
<i>Remedes pour suyrr l'Oysiuete.</i>	247.

P

Paradis depend de Charité.	22
Presens grands & magnifiques de David & autres Princes des Tributs.	52
Deux sortes de Prestres.	182
Par où le peché entre en nostre ame.	212
Trois vertus en la penitence.	168
Penitence est un Baptisme de larmes.	
Peine d'Enfer qu'elle.	292
Pieté qu'est ce.	63
Porte de perdition large & spacieuse.	11
Porte de Paradis fort estroicte.	ibid.
Prerogatives & excellence des Prestres.	
193.	

R

Richesses distinguées.	54
Diverses punitions des Riches.	55
Richesses d'iniquité qu'est-ce.	56
Richesses superflües à qui sont elles.	60
Richesses du monde à qui sont elles.	72
Dumauuais Riche.	57

S

Salomon faisoit vne belle requeste à Dieu.	
71.	
Les saints visitent les hommes iustes mourans.	408
SAUVEZ en petit nombre.	11

<i>Sobrieté qu'est-ce.</i>	70
<i>Sommaire de la Loy Divine.</i>	62
<i>Signes de la venue de Iesus-Christ.</i>	35

*T*

<i>Comme se doit faire un bon testament.</i>	312
<i>Ceremonies de la Tonsure.</i>	184

*V*

<i>Qu'est-ce de la Venë.</i>	214
<i>Vertus de l'homme iuste.</i>	25
<i>Advis aux vieilles gens.</i>	310
<i>Visions de malings esprits.</i>	418
<i>Vivre iustement qu'est-ce.</i>	68

*Y*

<i>L'Yrongnerie nuit à la santé du corps.</i>	258
<i>Remede contre l'Yrongnerie.</i>	239

Fin de la Table des matieres.







# DE L'ART

DE BIEN

MOURIR.

LIVRE PREMIER.

---

## CHAP. I.

*Du premier precepte de bien  
mourir; à sçavoir, que quicon-  
que desire de bien mourir ,  
doit bien vivre.*

**N**OUS commençons  
maintenant à traicter  
des regles de l'Art de  
bien mourir. Or nous di-  
niserons cet Art en deux parties.

## 2 De l'art de bien mourir.

En la premiere nous enseignerons les preceptes dont il faudra se servir lors que nous serons en bonne santé. En l'autre nous donnerons ceux qui seront necessaires lors que nous nous verrons atteints de maladie dangereuse, & que nous pourrons iuger que la mort sera proche. En la premiere nous donnerons premierement les regles qui concernent les vertus; & puis après celles qui appartiennent aux Sacrements: par ce que ces deux moyens là nous aydent grandement tant à bien viure qu'à bien mourir. Mais il semble qu'avant toute chose, nous devons presupposer cette regle generale, que *Celuy - la doit bien viure qui desire de bien mourir.* Car la mort n'estant autre chose que la fin de la vie, certes quiconque vit tousiours en homme de bien iusques à la fin, meurt aussi en homme de bien; si bien que celuy qui n'a iamais mal vescu, ne peut aussi mourir en mauvais estat; comme au contraire

celuy qui a tousiours mal vescu, meurt aussi miserablement; & ne peut pas mourir miserablement, quiconque n'a iamais bien vescu. Ce que nous voyõs arriuer en plusieurs semblables choses: Car tout homme qui marche suiuant son droict chemin, arriue sans faillir a lieu auquel il aspire. Au contraire celuy qui se foruoye du droict sentier n'en trouuera iamais l'issue; Celuy qui avec beaucoup de diligence s'adonne à l'estude, deuendra en peu de temps docte ou mesme Docteur; au lieu que celuy qui hante les Escoles, mais qui n'applique pas son esprit à comprendre les sciences, perd son temps & sa peine.

Mais quelqu'un peut estre objectera l'exemple du bon larron lequel à tousiours mal vescu, & cependant à bien & heureusement finy sa vie. Cela n'est pas, au contraire ce bon larron la, a pieusement & saintement vescu, & pour cette raison aussi il est mort pieusement



#### 4 *De l'art de bien mourir.*

& saintement. Car encore qu'il ait consumé la pluspart de sa vie en peché, toutefois il a passé l'autre si saintement, qu'il s'est facilement purgé des pechez passez, & s'est acquis de grands merites, veu que tout ardent de charité enuers Dieu, il a publiquement defendu Iesus - Christ des calomnies des meschans: Et semblablemēt poussé de la mesme charité à l'endroit de son prochain, il admonesta & reprist son compaignon des blasphemies qu'il vomissoit, & tascha de le ramener à vne meilleure vie. Car il estoit encor en cette vie mortelle lorsqu'il disoit à son compaignon; *Quoy ? ne crains-tu point Dieu, toy qui te voyes condamné à vne semblable peine ? & Quant à nous certes c'est iustement, car nous receuons des supplices dignes de nos mesfaits : Mais celuy-cy n'arien fait de mal. Et le mesme larron n'estoit pas mort, mais estoit encore plein de vie, lors qu'il jetta cette voix, confessant Iesus-Christ & l'inuoquant; Seigneur*

Luc. 13.



*souvenance de moy, quand vous serez parvenu à vostre Royaume. Et partant il semble que celuy-cy est du nombre de ceux qui sont venus les derniers à la vigne, qui ont receu le salaire deuant les premiers.*

C'est donc vne maxime generale & bien veritable; *Que celuy qui vit bien, meurt heureusement. Et cette autre; Quiconque vit mal, meurt aussi miserablement.* Toutefois il ne faut pas nier que c'est vne chose grandement dangereuse, que d'attendre iusques à la fin de sa vie à se conuertir, & à quitter nos pechez pour embrasser la iustice; & que ceux-la s'ont bien plus heureux qui commencent dès leur ieune aage à porter le ioug du Seigneur, comme parle Ieremie: *Ierem. 3.*  
 & tres-heureux en tous points ceux qui ont esté achetez entre tous autres, pour estre les primices à Dieu & à l'Agneau, lesquels non seulement ne se sont point souillezz avec les femmes, mais mesmes ne s'est trouué en leur bouche aucune sorte de menson- *Apoc. 14*

6 *Del'art de bien mourir.*

ge , estans sans macule deuant le thrône de Dieu ; Tel qu'a esté le Prophete Ieremie , & saint Iean plus que Prophete , & par dessus tout autre, la Mere de nostre Seigneur ; & semblablement plusieurs autres tant hommes que femmes , que la science de Dieu seul cognoist. Demeure donc arrestee cette premiere maxime, que la reigle de bien mourir depend de la reigle de bien viure.

---

CHAP. II.

*Du second precepte de l'art de bien mourir , qui est Mourir au monde.*

**O**R maintenant afin que quelqu'un viue bien, il est necessaire premierement de mourir au monde, auant que de mourir à la vie corporelle. Car tous ceux qui

viuent pour le monde, sont morts à Dieu, & ne se peut faire en aucune maniere que quelqu'un puisse commencer à viure à Dieu, si premierement il n'est mort au monde. Cette verité est preschée avec telle euidēce dans l'Escripture Sainte, qu'elle ne peut estre reuocquée en doute que par les infideles & incredules. Et afin qu'en la bouche de deux ou trois telmoins toute parole demeure constante & arrestée, ie mettray en auāt les Saints Apostres, saint Iean, saint Iacques, & saint Paul, tesmoins les plus receuables qu'on puisse produire, comme ceux par lesquels a parlé le saint Esprit, qui est l'esprit de verité. Voicy donc comme escrit S. Iean Apostre & Euangeliste, faisant parler Iesus-Christ en ces termes; *Le Prince de ce monde est venu, & il n'a chose quelconque sur moy.* Auquel lieu par le Prince du monde il entend le Diable qui est le Prince de tous les mechans; Et par le monde, il entend la compagnée des pecheurs qui

A iij.

8. De l'art de bien mourir.

- aiment le monde, & qui sont aimez du monde. Le mesme vn peur
- Ioan. 15. apres; Si le monde vous a en haine, dit il, sçachez qu'il m'a hay auparavant vous, si vous eussiez esté du monde, le monde aimeroit ce qui estoit à luy: mais parce que vous n'estes pas du monde, ains que ie vous ay triez du monde, pour ce subiect le monde vous a en haine. Et
- Ioan. 17. en vn autre lieu. Ie ne prie point pour le monde, mais pour ceux que vous m'avez donnez. Où Iesus-Christ prononce manifestement, que par le nom du monde sont entendus ceux
1. Ioan. 2. qui au dernier iour entendrōt avec le Diable; Allez maudits dās le feu-ternel. Le mesme en son epistre adionste; N'appliquez point vostre volōté à aimer le monde, ny les choses qui sont au monde. Si quelqu'un aime le monde, la charité du Pere n'est point en luy: parce que tout ce qui est au monde est concupiscence de la chair, conuoitise des yeux, & orgueil de vie, qui ne vient point du Pere, mais qui est du monde: & le monde passe, & la conuoitise du monde. Mais celuy qui fait la volonté de

Dieu, demeure eternellement

Escoutons maintenant son compaignon en l'Apostolat S. Iacques, lequel parle de cette sorte en son epistre; *Adulteres, ignorez vous que l'amour de ce monde est ennemie de Dieu?* Iacob. 4.

*Quiconque donc voudra se rendre amateur de ce siecle, il se rend ennemy de Dieu.* Escoutons en fin le compaignon en l'Apostolat de l'un & de l'autre, Sainct Paul vaisseau d'election. Celuy-cy escriuant en la premiere aux Corinthiens à tous les fideles, dit; *Vous deniez sortir de ce monde.* Et en la mesme Epistre il adiouste; *Quand nous sommes iugez, nous sommes chastiez de Dieu, de peur d'estre damnez avec ce monde.* 1. Cor. 5.  
1. Cor. 11.

Où il dit manifestement que tout le monde doit estre damné au dernier iour. Et partant par le Monde il n'entend pas le Ciel & la Terre, ny tous les hommes qui sont au monde, mais ceux-la seulement qui sont amateurs du monde. Car les iustes, & les gens de bien qui viuent au monde, dans lesquels regne la Charité.

10 *De l'art de bien mourir.*

& non la concupiscence de la chair, sont à la verité dans le monde, mais ils ne sont pas du monde; Au lieu que les meschans & les impiés sont non seulement au monde, mais aussi sont du monde. Parquoy la charité de Dieu ne regne point en leurs cœurs, mais la concupiscence de la Chair, c'est à dire la luxure; & la conuoitise des yeux, c'est à dire l'auarice; & l'orgueil de la vie, c'est à dire l'elevation d'esprit, par laquelle ils s'elevant par-dessus les autres, imitans en cela l'orgueil & l'arrogance de Lucifer, & non pas l'humilité & la douceur de Iesus-Christ.

Gal. 6.

Ce qu'estant ainsi, si quelqu'un veut apprendre veritablement l'art de bien mourir, il faut que serieulement, & non point de parole, mais en effect & en verité il sorte du monde, & die avec l'Apostre; *Le monde est crucifié pour moy, & moy au monde.* Or cette affaire icy n'est pas vn ieu d'enfants, mais c'est vne chose fort difficile, & de grande

importance : C'est pourquoy nostre Seigneur estant interrogé si il y aura fort peu de sauués, respondit ; *Efforcés-vous d'entrer par la petite porte* ; Et plus ouuertement dans S. Matthieu ; *Entrés par la porte étroite*, par ce que le chemin & la porte qui conduit à perdition est fort spacieuse, & plusieurs entrent par icelle : Mais cōbien serrée est la porte, & combien estroit est le chemin qui conduit à la vie ! Et peu y en a qui le trouuent.

Luc. 13.  
Matt. 7.

Viure dans le monde, & mepriser les biens du monde c'est chose fort difficile. Voir de belles choses sans y mettre son affection, goustier les douceurs, & n'en ressentir aucun plaisir, mespriser les honneurs, desirer les travaux, tenir franchement le dernier rang, quitter les premiers lieux à toute sorte de personnes ; en fin viure en la chair cōme si nous n'estions pas de chair, c'est vne forme de vie qui me semble deuoir plustost estre appellée Angelique qu'humaine. Et toutēfois l'Apostre escriuant à l'Eglise de

A vj

Corinthe, en laquelle presque toutes sortes de personnes viuoient en estat de mariage avec leurs femmes, par quoy il n'y auoit parmy eux ny Clercs, ny Moynes, ny Hermites, ains estoient comme nous disons maintenant, Seculiers, il parle pourtant à eux en cestermes;

3<sup>e</sup> Cor. 7. Partant voicy que ie vous dy, mesfreres, le temps est brief. Reste que ceux qui ont des femmes soient cōme s'ils n'en auoient point, & ceux qui gémissent cōme s'ils ne pleuroient pas, & ceux qui s'ëioiissent, comme s'ils n'auoient aucune ressource, & ceux qui achètent, cōme s'ils ne deuoient rien posséder: & ceux qui vsent de ce monde cōme s'ils n'entiroient aucun vsage, car la figure de ce monde passe. Desquelles paroles le sens est, que l'Apostre exhorte les fidelles, que leuant leurs esprits à l'esperance de la fœlicité eternelle, ils soient tout aussi peu touchés des choses de la terre, comme si elles ne leur appartennoient en rien: Qu'ils aimēt leurs femmes, mais d'un amour tellement réglée, comme s'ils n'en



auoient point ; s'il est besoing de verser des larmes pour la perte de leus enfans ou de leurs biens, qu'ils pleurent avec autant de moderation que s'ils ne pleuroient pas, & n'estoient nullement attristez ; s'il s'offre quelque sorte de contentement à raison du gain ou de quelque hōneur qui leur soit arriué, qu'ils s'en resiouyssent si peu qu'il semble qu'ils ne s'en resiouyssent point du tout ; c'est à dire, comme si le suiet de cetteioye ne les regardast nullement : S'ils achetēt vn champ ou vne maison, qu'ils en soiēt aussi peu touchez que s'ils n'en estoient pas possesseurs. Enfin l'Apostre commande, de viure de sorte dans le monde, comme si nous estions simplement passagers & voyageurs, & non pas citoyens du monde. Ce qu'enseigne encore plus apertement l'Apostre S. Pierre, disant, *Je vous prie que comme estrangers & passagers, vous ayez à vous abstenir des desirs de la chair qui sont la guerre à nos âmes. Car ce bien-heureux Prince des*

#### 14. *De l'art de bien mourir.*

Apostres veut que mesmes en nostre propre ville, en nostre maison nous y viuions de la mesme façon que si nous viuions en vne maison & vn païs estranger, nous soucians fort peu si les choses necessaires manquent ou abondent en ce lieu. Ce qu'il commande, afin que par ce moyen nous puissions nous abstenir des desirs de la chair qui combattent contre nostre âme: parce que les desirs de la chair ne s'eleuent pas facilement, quand nous ne voyons seulement que les choses qui ne nous appartiennent pas. Cela d'oc c'est estre au monde, & n'estre pas du monde. Ce qui n'appartient qu'à ceux qui estans morts au monde, ne viuēt que pour Dieu seul; & pour cette raison ils n'apprehendent nullemēt la mort corporelle, laquelle ne leur apporte aucun des-avantage ains beaucoup de profit, suiuant cette parole de l'Apostre saint Paul; *IESVS-CHRIST est ma vie, & mourir c'est mon bien.*

Phil. 1.

Mais combien pensez-vous ie vous prie que nous en trouuions tellement morts au monde, qu'ils ayent des-ja appris à bien mourir à leur propre chair, & à mettre par ce moyen leur salut en assurance? Quand à moy certes ie ne doute nullement qu'il ne se trouue grand nombre de saincts personnages veritablement morts au monde, nō seulement dās les monasteres, & parmy le Clergé, voire mesme dans le monde, qui ayent appris l'art de bien mourir. Mais il me semble aussi que l'on ne peut nier qu'il s'ē trouue beaucoup, lesquels non seulement n'estans point morts au monde, ains au contraire y estant fort attachez, tres-ardents amateurs des voluptez, des honneurs, & des richesses, s'ils ne font resolution de mourir au monde, & y meurent en effect, sans doute il periront par vne mort miserable, & comme parle l'Apostre. *Ils seront damnez avec le monde.* 1. Cor. II.

16 De l'art de bien mourir.

Mais diront peut estre les amateurs du monde, c'est chose trop difficile de mourir au monde, pendant que nous sommes dans le mode, & de mepriser les biens que Dieu a créez pour l'usage des hommes. Ausquels ie respōds, que l'invocation de Dieu n'est pas, ny ne commande pas que les richesses, les honneurs, & les autres biens du monde soient entieremēt mesprizez, ou delaissez; car Abraham mesme a esté des grands amis de Dieu, & cependant il a possédé de grandes richesses. Nous lisons pareillement, que David, Ezechias, Iosias, qui estoient des Roys, estoient grandement riches & bien-aymez de Dieu; ce que nous pouons semblablement dire de plusieurs Roys & Empereurs Chrestiens. Partant les biens du monde, les richesses, les honneurs, les plaisirs ne sont pas totalement defendus aux Chrestiens, mais l'amour immodérée des choses de ce monde, qui est appelée par S. Iehan Con-

cupiscence de la chair, conuoitise des yeux, & orgueil de vie. Abraham certes estoit grandement riche, mais non seulement il vsoit modérément de ses richesses, mais aussi estoit-il tousiours prest d'elargir avec profusion tout ce qu'il auoit au bñ plaisir de dieu. Car celuy qui n'épargna point son fils vnique tresbon & tres-aymable, lors que Dieu luy fit cōmandemēt de l'immoler de sa main propre; combien plus facilement eust-il donné toutes ses richesses au premier mandement de Dieu? Abraham estoit donc fort riche en biens, mais encore l'estoit-il plus en foy & en charité, & pour ce il n'estoit pas de ce monde, ains plustost il estoit mort au monde. Ce qui se peut semblablement dire de plusieurs autres Saints Personnages, qui estans doīez de richesses, de puissance, & de gloire, possédants des Royaumes & des Empires, ont esté pauvres selon l'esprit, & estants morts au monde, & ne viuants plus que

18. *De l'art de bien mourir.*

pour Dieu, ont appris exactement l'art de bien mourir. Partant ny l'abondance des richesses, ny les hauts faistes d'honneurs, ny les Royaumes, ny les Empires ne font pas que l'homme soit du monde, ny qu'il viue dans le monde, mais c'est la concupiscence de la chair, la conuoitise des yeux, & l'orgueil de la vie, qui en vn mot s'appelle Conuoitise, & est contraire à la charité diuine: Si bien que si quelqu'un commence par l'inspiration de Dieu, à aimer veritablement Dieu pour l'amour de luy-mesme, & son prochain pour l'amour de Dieu, celuy-la comēcera à sortir du monde, & la charité croissant peu à peu, la cupidité viendra à s'amortir, & par ainsi il commencera à mourir au monde: Car la Charité ne peut croistre que la conuoitise ne soit diminuée. Ainsi faisant il arriuera que ce que nous croiyons impossible pendant que la conuoitise dominoit, à sçauoir quel'homme viuant dans le mon-

de ne fust point du monde, la Charité venant à croistre, & la convoitise à diminuer, sera rendu tresfacile. Car ce qui est vn fardeau dur & pezent à la cupidité, est à la Charité vn ioug bien doux & vn fardeau leger.

Ce que donc nous auons dit que sortir du monde & mourir au monde n'est pas vn ieu d'enfant, mais chose fort difficile & de grande importance, a esté dit veritablement pour ceux qui ne cognoissent pas la puissance de la grace de Dieu, qui n'ont pas encore saouuré les douceurs de la Charité, & qui sont encore brutes & n'ayants aucun traict d'esprit : Car si tost qu'on a gousté ce qui est de l'esprit, toute chair deuient insipide. Celuy la donc qui desire d'apprendre serieusement l'art de bien mourir, d'où depend le salut eternal & toute vraye fœlicité, qu'il ne tarde plus à sortir du monde, & de mourir tout à fait au monde, attendu qu'il est impossible qu'un homme

20 *De l'art de bien mourir.*  
puisse viure à Dieu & au monde, &  
iouyr ensemblement de la terre &  
du Ciel.

---

### CH A P. III.

*De la troisieme regle de  
bien mourir, qui est des trois  
vertus Theologales.*

**N**OVS auons enseigné au chapitre precedent que celuy là ne peut bien mourir, qui ne sort point du monde, & qui ne meure point au monde ; maintenant il faut adiouster ce que doit faire celuy qui est mort au monde, pour viure à Dieu: Car la grace de bien mourir ne se donne qu'à celuy qui a bien vescu, comme nous auons monstre au premier chapitre. Le sommaire de bien viure est couché par l'Apostre en sa premiere epistre à Timothée, en ces termes ; Le



fin de la loy c'est la Charité de cœur pur, & de bonne conscience, & de la foy qui n'est point feinte. L'Apostre ne pouvoit ignorer la response que donnoit nostre Seigneur à celuy qui l'auoit interrogé; *Quoy faisant auray-je la vie éternelle?* car il luy respondit; *si tu veux entrer à la vie, garde les commandemens;* mais il a voulu expliquer en peu de paroles la fin du premier precepte, duquel depend toute la loy, & toutel'intelligence & l'accomplissement de la loy, & mesme le chemin pour paruenir à la vie éternelle. Et ensemble il a voulu enseigner quelles vertus sont nécessaires pour obtenir vne parfaite iustice, desquelles il auoit dit ailleurs; *Maintenant ces trois choses demeurent, à sçauoir la Foy, l'Espérance, & la Charité, mais la plus grande est la Charité;* Il dit donc; la fin de la loy c'est la Charité: c'est à dire, la fin de tous les commandemens dont l'obseruance est nécessaire pour bien viure, consiste en la Charité, de sorte que quiconque

Math. 19.

1. Cor. 13.



22 *De l'art de bien mourir.*

a la Charité de Dieu il accomplit tous les commandemens qui appartiennent à la premiere Table; & qui a la Charité du prochain, il accomplit les commandemens qui appartiennent à la seconde.

Le mesme Apôstre en son Epistre aux Romains declare cette derniere partie qui pouuoit sembler vn peu obscure, disant; *Celuy qui aime son prochain a accompli la loy.*

Rom. 13. Car ces commandemens, *Tu ne feras point aduultere; Tu ne tueras point, Tu ne déroberas point; Tu ne diras point faux tesmoignage; Et s'il reste quelque autre commandement, il est sommairement compris en cette parole; Tu aimeras ton prochain comme toy mesme. L'amour du prochain ne fait aucun mal, Donc la dilection est la perfection de la Loy. Duquel discours vn chacun peut entendre de luy mesme, que tous les commandemens qui se rapportent à honorer Dieu, sont accomplis en la seule Charité. Car cōme la charité du prochain, ne pense aucun mal à l'endroit du prochain; aussi la Charité de Dieu ne peut me-*

diter aucū mal à l'endroit de Dieu:  
& par consequent la plenitude & la  
perfection de la Loy tant enuers  
Dieu qu'enuers le prochain, c'est  
l'amour & la Charité.

Or quelle soit la vraye & par-  
faicte Charité tant enuers Dieu  
qu'enuers le prochain, le mesme  
Apostre le declare disant; *La Cha-  
rité de cœur pur, de bonne conscience, &  
d'vn foy qui n'est point feinte.* Esquel-  
les paroles par la bonne conscien-  
ce nous entendons avec S. Augu-  
stin en la preface du pseaume tren-  
te & vniesme, la vertu de l'Esperan-  
ce, qui est vne des trois vertus  
Theologales. Or l'Esperance est  
appelée *de bonne conscience*, par ce  
qu'elle naist de la bonne conscien-  
ce, comme le desespoir naist de la  
conscience peruerse. De là vient  
cette parole de S. Iean : *Mes bien-* 1. Iean. 3.  
*aymés, si nostre cœur ne nous accuse  
d'aucune chose, nous auons confiance en  
Dieu.* Il y a donc trois vertus, es-  
quelles consiste la perfection de la  
Loy Chrestienne, la Charité de

24 De l'art de bien mourir.

cœur pur; l'Esperance, de bonne conscience; & la Foy qui n'est point feinte. Mais comme la Charité est la premiere selon l'ordre de perfection, aussi la foy est la premiere selon l'ordre de generation, suivant cette parole du mesme Apôstre; *Maintenant cest trois choses demeurent, la Foy, l'Esperance, & la Charité; dont la Charité est la plus excellente.*

Commençons par la Foy qui doit estre la premiere de toutes, dans le cœur de l'homme qui desire d'estre iustifié. Ce n'a pas esté sans subiect que le S. Apôstre a adioucté à la Foy cette condition, *non feinte*. Car la foy est le commencement de la iustification; s'entend si elle est vraie, & sincere, n'estant ny fausse ny feinte. La foy des Heretiques ne peut servir pour commencer la iustification, parce qu'elle n'est point vraie mais fausse; la foy des mauvais Catholiques ne peut estre le commencement de la iustification, parce qu'elle n'est pas sincere

sincere, mais feinte. Or la Foy est recogneüe feinte en deux façons: Ou quand quelqu'yn ne croit pas, mais feint de croire; ou bien quand il croit, mais il ne vit pas comme il croit qu'il faut viure.

En l'vne & l'autre façon se peuuent entendre ces parbles de S. Paul en l'epistre à Tite; *Ils confessent qu'ils cognoissent Dieu, mais en effet ils le nient par leurs œuvres.* Tit. i. Car ainsi l'interpretent les Saincts Peres, S. Hierosme en son Commentaire, & S. Augustin au Sermon trente-vnielme des paroles de l'Apostre.

Et de cette premiere vertu de l'homme iuste, nous pouuons facilement comprendre combien grande est la multitude de ceux qui ne vivent pas bien, & qui pour ceste raison meurent aussi miserablement. Je ne parle point des infideles, des Payens, des Heretiques, des Athées, qui ignorent tout à fait l'art de bien mourir.

26 *Del'art de bien mourir.*

Entre les Catholiques combien grand nombre y en a t'il qui cōfessent de paroles auoir la cōgnoissance de Dieu, & qui le niēt par les œuures ? Combien qui confessent que Iesus - Christ est iuge des viuans & des morts, & qui toutefois viuēt tout de mēme que s'ils n'auoient point de iuge ? Combien qui confessent que la Mere de nostre Seigneur est Vierge, & cependant parmy leurs blasphēmés ordinaires, n'ont aucune horreur de l'appeller infame ? Combien y en a t'il qui louient les prieres, les ieusnes, les aumosnes, & les autres œuures vertueuses, & cependant commettent tous les iours les vices qui leur sont contraires ? Je passe sous silence beaucoup d'autres choses, qui sont cogneuës à tout le monde. Que donc ceux-là ne se vantent point d'auoir vne foy non feinte, lesquels où bien ne croient pas ce qu'ils dissimulent de croire, où bien ne viuēt pas



comme la foy Catholique ordonne: & que par là ils cognoissent qu'ils n'ont pas mesme encore commencé à bien viure; & qu'ils n'esperent pas de mourir heureusement, si par l'inspiration de la grace de Dieu, ils n'apprennent premierement l'art de bien viure & de bien mourir.

L'autre vertu de l'homme vraiment iuste c'est *l'Esperance*, ou la bonne conscience, comme S. Paul nostre maistre a trouué bon de l'appeller en ce lieu. Ceste vertu naist de la foy, car celuy-la ne peut esperer en Dieu, lequel ou bien ne cognoist pas le vray Dieu, ou bien ne le croit pas tout-puissant & misericordieux. Mais pour releuer & fortifier l'esperance de sorte qu'elle soit appelée non seulement Esperance, mais aussi Confiance, la bonne conscience y fait beaucoup. Car de quel front osera se presenter deuant Dieu, & luy demander ses graces, celuy qui se co-

18 *De l'art de bien mourir.*

gnoist coupable d'un peché commis contre Dieu, qu'il n'a pas encore expié par vne vraye penitence? Qui est-celuy qui ose demander vne faueur à son ennemy? Qui est-ce qui osera s'asseurer d'auoir de l'ayde & du soulagement d'un qu'il sçait assurément estre courroucé contre luy? Escoute le Sage, quel iugement il fait de l'esperance des meschans, *L'esperance des impies, dit-il, est comme vn floccon de laine que le vent emporte, & comme l'escume deliée que la tempeste a escartée çà & là; & comme la fumée que le vent a épanuë; & comme la souuenance d'un voyageur qui ne s'arreste qu'un iour pour loger.* Voila ce qu'en dit le Sage, lequel aduertist les meschans que leur esperance est fragile & nullement solide; qu'elle est fort briefue & n'a point de durée. Car ils peuuent pēdāt leur vie, auoir quelque esperance de faire vn iour penitence & de se reconcilier avec Dieu: Mais



quant la mort approchera, si Dieu ne les preuient par vne grace speciale, & ne leur inspire la volonté de faire penitence, l'esperance se changera en desesper, & pour lors ils diront avec les autres meschans ce que nous lisons au mesme lieu; *Doncques nous nous sommes fouruoyez du chemin de la verité, & la lumiere de iustice ne nous a pas esclairé. Que nous a seruy l'orgueil, ou bien que nous a profité l'éclat des richesses? Tout cela a passé comme vne ombre.* Voila le discours du Sage, qui nous admonestez que si nous voulons bien viure & heureusemēt mourir, nous n'ayons iamais la temerité de demeurer en estat de peché, pas seulement vne minute de temps, nous flattans de ceste vaine confiance qu'il nous reste encore beaucoup de temps à viure; & qu'en certain temps nous ferons vne serieuse penitence. Car ceste folle assurance en a beaucoup deçeu, & en trompera

Sap 5.

30 *De l'art de bien mourir.*

encore si par prudence, pendant qu'ils ont le temps, ils n'apprennent l'art de bien mourir.

Reste la troisiésme vertu, laquelle à bon droit est appellée la Reine des vertus, à sçauoir la *Charité*, avec laquelle personne ne viét perir, sans laquelle personne n'a la vie, ny en ce monde, ny au Ciel. Or celle - là est appellée vraye charité, laquelle naist d'un cœur pur : Non que à proprement parler la pureté de cœur engendre la charité, *car la Charité*

1 Ie. 2. 4. *vient de Dieu*, comme parle S.

Iean, & plus clairement S. Paul,

Rom. 5. *disant ; La Charité de Dieu est es-*

*pandue dans nos cœurs par le saint*

*Esprit qui nous a esté donné.* Nous

disons donc que la charité pro-

cede d'un cœur pur, parce que

la charité ne s'enflamme point

en un cœur qui est impur & souil-

lé : mais en celui lequel par la

foy diuine est purgé de toutes

erreurs, suivant ceste parole de

Act. 15. l'Apostre S. Pierre ; *Purifiant leurs*

cœurs par la foy: & en celuy qui par l'esperance diuine est purifié de l'amour & de la cupidité des choses de la terre. Car comme le feu ne s'éprend point dans le bois verd qui est encore tout plein d'humidité, mais dans celuy qui est sec: de mesme aussi le feu de la Charité demande des cœurs qui soient purgez & nettoyez de l'amour terrien, & de la vaine esperance que nous mettons en nos propres forces.

De tout ce que dessus nous pouuons cognoistre quelle est la vraye charité, & quelle est celle qui est fausse & fardee. Car si quelqu'un par aduanture parle librement de Dieu, & en priant Dieu, est attendry iusques aux larmes, fait quelques bonnes œuvres, donnant des aumosnes & ieunant assez souuent, de telle façon toutefois qu'il retient en son cœur vne amour des-honneste, vne vaine gloire, vne haine contre son prochain, & autre choses sem-

32 *De l'art de bien mourir.*

blables qui rèdent le cœur souillé & fordide : Celui-la porte en son cœur non la vraye & diuine charité, mais vne vaine image & vn vain simulachre de la charité. Prudemment donc le S. Apôstre n'a pas simplement nommé la Foy, l'Esperante, & la Charité, parlant de la vraye & parfaite iustice; mais il a dit; *La fin de la loy est la Charité de cœur pur, de bonne conscience, & d'une foy qui n'est point feinte.* Et voyla le vray Art de bien viure & de mourir heureusement, si quelqu'un peut perseuerer iusques à la mort en ceste vraye & parfaite Charité.

# CHAP. IV.

*Du quatriesme precepte de  
l'Art de bien mourir, qui  
contient trois enseignemens  
Euangeliques.*

**E**N CORE que ce que nous auons dit de la Foy, de l'Esperance, & de la Charité, semble pouuoir suffir pour bien viure & pour bien mourir; toutefois pour plus parfaitemēt & facilement le mettre en pratique, Iesus-Christ nous en a daigné laisser trois enseignemens dans l'Euangile. Car voicy cōme il parle dans S. Luc; *Que vos reins soient ceints, & qu'en* Luc. 12.  
*vos mains il y ait des lampes arden-  
tes. Soyez comme les seruiteurs qui  
attendent leur maistre insques à ce  
qu'il reuienne des nopces, afin qu'e-*

34 *De l'art de bien mourir.*

*stant arrivé, frappant à la porte ils luy  
ouurent promptement. Bien-heureux  
sont ces serviteurs-là, que leur maistre  
trouvera veillans. Ceste Parabole  
se peut entendre en deux façons;  
à sçavoir de la preparation que  
nous devons faire en attendant  
l'aduenement de nostre Seigneur  
au dernier iour ; & de celle que  
nous devons aussi faire en atten-  
dant sa venuë au iour du trespas  
d'vn chacun de nous.*

Desquelles deux explications  
la dernière qui est de S. Gregoi-  
re en l'Homelie 13. sur ceste E-  
uangile , semble faire dauantage  
à nostre propos. Car l'attente  
du dernier iour ne sera que pour  
ceux qui seront trouuez encore  
en vie, & le Seigneur la propo-  
see, tant aux Apostres qu'à tous  
tant que nous sommes. Or cer-  
tes les Apostres & ceux qui ont  
succédé aux Apostres , estoient  
esloignez de beaucoup de siecles  
de ce iour dernier, En apres, plu-  
sieurs signes paroistront deuant

ce iour pour aduertir les hommes, suivant ce qu'a dit nostre Seigneur; *Il y aura des signes au Soleil, à la Lune, & aux Estoilles, & en la terre y aura oppression de nations, les hommes venants à secher de crainte, à raison de l'attente des choses qui suruiendront à tout le monde.* Mais pour l'aduenement de nostre Seigneur au iugement particulier au iour du deceds d'un chacun de nous, nuls signes le precederont. Et c'est cét aduenement que veulent signifier ces paroles si souuent repetées dans l'Escripture Saincte, que nostre Seigneur viendra comme vn laron; c'est à dire lors qu'on l'attendra le moins. Luc. 21.

Expliquons donc briuelement ceste parabole, pour apprendre de là que la dispositiō à la mort est vne chose extremement necessaire sur toute autre chose, à tous tant que nous sommes. Nostre Seigneur nous commande trois choses: La premiere, que nous

### 36 *De l'art de bien mourir.*

soyons ceints aux reins; La seconde, que nous ayons des lampes ardentes dans les mains; La troisieme, que nous veillions en attendant son aduenement, lequel de sçauoir quand il arriuera c'est chose que nous n'ignorons pas moins que plusieurs ne sçauent à qu'elle heure le larron doit arriuer. Venons donc à l'explication de ces paroles; *Que vos reins soient ceints.*

Le sens literal de ces paroles est, que nous soyons prests & preparez pour aller au deuant de nostre Seigneur, quand par la mort il viendra nous citer au iugement particulier. Ceste similitude de ceindre les reins est tirée de la coustume des Orientaux qui porteroient de longues robes, lesquelles ils releuoient quand ils vouloient marcher plus promptement, ceingnants ainsi leurs reins, de peur que la longueur de leur robe ne vint à retarder leur course. Comme il est dit au liure de



Tobie, de l'Ange Raphaël qui estoit venu pour accompagner le ieune Tobie; *Alors Tobie estant* Tob. 5. *sorty, rencontra vn ieune homme de bonne façon, troussé & tout prest pour faire voyage.* Et de ceste coustume des Orientaux S. Pierre a pris ceste façon d'escrire; *Pour ce ayans les reins de vostre esprit ceints, estans sobres, ayez parfaite esperance, &c.* Et S. Paul en l'Epistre aux Ephesiens; *Demeurez fermes, dit-il, ayants vos reins ceints en verité.* De plus, auoir les reins ceints signifie deux choses; Premièrement la vertu de Chasteté: secondement la propérité à venir au deuant de Iesus-Christ, lors qu'il viendra au iugement tant general que particulier. La premiere exposition est suivant l'explication qu'en donnent les Saincts Peres, S. Basile en l'explication du quinzième chapitre du Prophete Esaie, S. Augustin au liure de la Contenance, & S. Gregoire en l'Homelie treizième sur les Euangiles. Et veritablement

1. Pet. 2.

Eph. 6

### 38 *De l'art de bien mourir.*

la Concupiscence de la chair, entre toutes les autres perturbations de l'esprit, empesche la prompte & legeré coursé pour aller au deuant de Iesus - Christ, lors qu'il viendra. Comme au contraire il ny a rien qui rende l'homme plus prompt à suiure Iesus-Christ que la Chasteté virginale. Car mesme dans l'Apocalypse nous lisons que les Vierges suiuent Iesus-Christ quelque part qu'il aille.

Apo. 14

1. Cor. 7

“ Et l'Apostre exhorte & dit, Celuy  
 “ qui est sans femme, a soin de ce qui  
 “ regarde Dieu, cōment il luy pour-  
 “ ra complaire; mais celuy qui a vne  
 “ femme, est en soin des choses du  
 “ monde, comment il pourra plai-  
 “ re à sa femme, & ainsi il est di-  
 “ uisé.

Mais l'autre exposition qui ne restreint pas ces reins troussés à la seule Cōtinance, mais qui s'estend à la prompte obeissance que nous deuons à Iesus - Christ en toutes choses, est de S. Cyrille au liure de l'exhortation au Martyre, au cha-

pitre 8. laquelle suivent ceux qui ont escrit des Commentaires sur S. Luc. Le sens donc de ce passage de l'Euangile, est que toutes les affaires de la vie presente, mesmes les meilleurs & les plus necessaires, ne doiuent point tenir nos esprits tellement occupés qu'ils empeschent la principale pensée que nous deuons auoir de venir au deuant de Iesus - Christ, lors qu'il nous appellera par la mort, pour luy rendre compte de toutes nos œuures & mesme de nos paroles, de nos pensées, iusques aux paroles oyseuses, & aux vaines pensées. Que feront donc, quand la mort viendra à l'impourueu, ceux qui sont entierement occupés és choses temporelles, & qui n'ont iamais employé vne minute de temps pour rendre compte à Dieu de toutes leurs actions, de toutes leurs paroles, de toutes leurs pensées, de tous leurs desirs, de toutes les omissions qu'ils ont faictes? Ceux-la courront-ils au deuant de

40 *De l'art de bien mourir.*

Iesus-Christ, ayans les reins trouf-  
 fez? Ains plustost ne croupiront-  
 ils pas dans leurs ordures esquel-  
 les ils se sont embroüillez & en-  
 lacez, demeurants muets, & se  
 voyans au desespoir? Car que res-  
 pondront-ils au Iuge qui leur de-  
 mandera; Pourquoi n'avez-vous  
 escouté mes paroles par lesquel-  
 les ie vous anois aduertiy disant,  
 Mat. 6. *Cherchez premierement le Royaume de  
 Dieu, & saintice, & toutes ces choses  
 vous seront données? Et pourquoy  
 n'avez-vous pas meurement con-  
 sideré ces paroles-la, lesquelles si  
 souuent vous ont esté publique-  
 ment leuës & chantées dans l'E-  
 glise? Marthe, Marthe vous estes en  
 soucy, & vous vous troublez en vous  
 occupât à trop de choses. Mais vne cho-  
 se est necessaire. Marie a choisy la meil-  
 leure part, laquelle ne luy sera point  
 ostée. Si i'ay repris le soin de Mar-  
 the qui desiroit de me seruir tres-  
 deuotement, puis-je auoir agrea-  
 ble le soin que tu as eu d'amasser  
 des richesses superflües? de cher-*

MC. 10

cher des honneurs dangereux? d'assouvir tes mauuais desirs? & en fin d'oublier le Royaume de Dieu & sa iustice, qui est la chose la plus necessaire de toutes les choses du monde?

Mais venons à l'autre second deuoir du seruiteur fidelle & diligent; *Que vous ayez des lampes ardentes dans vos mains.* Ce n'est pas assez au seruiteur fidelle, de ceindre ses reins afin de courir promptement & sans aucun empeschement au deuant de nostre Seigneur; mais il est encore requis d'auoir vne lampe ardente pour monstrier le chemin, veu qu'on attend le Seigneur reuenant de nuit du banquet nuptial. La lampe en ce lieu-la signifie la Loy de Dieu, laquelle monstre le bon chemin. *Vostre parole,* dit Dauid, *est vne lampe à mes pieds,* Et *la Loy est la lumiere,* dit Salomon en ses Prouerbes. Mais ceste lampe n'eclaire point, ny ne monstre point le chemin, si on la laisse dans la chābre ou dedans la maison: &

Pla. 118.

Prou. 6.

42 *De l'art de bien mourir.*

partant il la faut auoir dans les mains, afin qu'elle nous enseigne la droicte voye. Il y en a beaucoup qui sçauent les loix diuines & humaines, mais cependant ils commettent plusieurs pechez, où delaisent a faire les œuvres qui sont bonnes & necessaires, par ce qu'ils ne portent pas la lampe à la main: C'est à dire, n'appliquent pas la science de la Loy, a faire de bonnes œuvres. Combien y a-t'il d'hommes fort sçauants, qui commettent de grands pechez, parce que en leurs actions, ils ne consultent point la Loy de Dieu, mais la Colere, la Volupté, ou quelque vne des perturbations de l'esprit? Si le Roy David lors qu'il s'arresta a contempler Bethsabée toute nue, eust consulté ceste Loy de Dieu; *Tu ne desireras point la femme de ton prochain*, iamais il ne fust tombé en vn si grand peché: Mais par ce qu'il eut plustost esgard à la beauté de ceste femme, mettant en oubly la loy de Dieu, cét homme qui d'ail-

leurs estoit saint & homme de bien, commist vn adultere. Il ne faut donc pas cacher la lampe de la Loy de Dieu dans le cabinet, mais il la faut tousiours porter dans nos mains, obeissant à la voix *Psalm.* du S. Esprit qui nous commande de *mediter iour & nuict la Loy de Dieu; Psal. 118* & de dire avec le Prophete, *Vous auez ordonné qu'on eust à garder exactement vos commandemens: A la mienne volonté que mes voyes soient adressées pour garder vos iustificacions.* Car celuy qui a tousiours deuant ses yeux la lampe de la Loy de Dieu, se presentera en toute assurance au deuant du Seigneur lors qu'il viendra.

Reste le troisieme & dernier deuoir du seruiteur fidelle, à sçauoir qu'il veille tousiours, comme incertain de l'heure qu'arriuera le Seigneur. *Bien-heureux, dit-il, sont ces seruiteurs là que le Seigneur arriuant trouuera veillants.* Dieu n'a pas voulu que tous les hommes vinsent à mourir en certain temps, de

#### 44 De l'art de bien mourir.

peur que pendant tout le temps  
 procedent ils ne se fussent arrestez  
 à l'yurongnerie, aux jeux, & à mil-  
 le autres mauuaises actions, en es-  
 perance de se cōuertir à Dieu, vn  
 peu de tēps auāt la mort. La Diui-  
 ne prouidence a dōc ordōné qu'il  
 n'y eust rien de plus incertain que  
 l'heure de la mort, les vns mou-  
 rants dans le ventre de leur mere,  
 les autres ne faisant encore que de  
 naistre; les vns en extreme vieil-  
 lesse, les autres à la fleur de leur  
 ieunesse; Derechef les vns languis-  
 sent long temps, les autres me-  
 urent soudainement; les vns d'vne  
 grieve maladie qui sembloit pres-  
 que incurable, retournent en san-  
 té; les autres ne sont qu'un peu  
 malades, & lors qu'on les croit  
 hors de danger de mourir, la force  
 de la maladie s'accroist & les em-  
 porte. Pour nous signifier ceste

**LUC. 12.** incertitude, nostre Seigneur dit en  
 l'Euangile; *Que si le Maistre vient  
 à la seconde veille, & pareillement s'il  
 vient à la troisieme, & qu'il les trouue*



*ainsi, bien-heureux sont ces seruiteurs là. Or sçachez que si le Pere de famille sçauoit à quelle heure doit venir le larcin, il veilleroit, & ne lairroit percer sa maison. Vous doncques aussi soyez prests, par ce qu'à l'heure que vous n'y penserez pas, le fils de l'homme viendra.*

Pour nous faire entendre de quelle importance est de nous persuader l'incertitude du temps auquel le Seigneur viendra pour juger, soit à la mort d'un chacun, soit à la fin du monde; l'Escrature Sainte ne repete rien si souuent que ceste parole, *Veillez*, & la comparaison du voleur qui a accoustumé de venir lors qu'on l'attend le moins. Ce mot *Veillez* est plusieurs fois repeté en l'Euangile de Saint Matthieu, de S. Marc, & de Saint Luc. Et la comparaison prise d'un voleur est commune, non seulement dans les Euangiles, mais aussi dans les Epistres des Apostres, & dans l'Apocalypse.

De tout cela on peut recueillir

Matth.  
24. & 25  
Marc.  
13 & 21.  
Luc. 12.  
& 21.  
Mat. 24  
Luc 12.  
1. Thes.  
sal. 5.  
2. Per. 3  
Apoc. 3.  
& 16.

#### 46 *De l'art de bien mourir*

combien grande est la negligence & l'ignorance, pour ne dire la folie de la plus grande partie des hommes, lesquels ayans esté si souuēt aduertis de la part de l'Esprit de verité par les sainctz Escrivains, qui ne pouuoient mentir; Qu'il nous failloit preparer à la mort comme à vne affaire tres-difficile, & de tres-grande importance, dont depend nostre souveraine & eternelle felicité, ou nostre dernier & eternel mal-heur; cependant il s'en trouue fort peu qui s'éueillent à ceste voix, ou plustost à ces foudres du S. Esprit!

Mais quelqu'un me dira, quel conseil nous donnez-vous pour veiller cōme il faut, & pour nous preparer en veillāt à la mort eternelle? Je ne trouue rien meilleur que de nous preparer souuent à la mort par vn serieux examen de nostre conscience: Et certes les Catholiques n'obmettent point chaque année de faire l'examen de leur conscience quand ils veu-

lent venir à confesse. Et derechef lors qu'ils commencēt à se porter mal; par l'ordonnance du grand Pape Pie V. il est defendu aux Medecins de visiter deux fois vn malade, si premierement ayant fait l'examen de sa conscience, il ne fait vne entiere confession de ses pechez. Mais que dirons-nous de ceux que nous voyons emportez par vne mort soudaine? Quel iugement ferons-nous de ceux qui tombent en folie ou en phrenesie auant que s'estre confessez? Que penserons-nous de ceux qui pressiez par la rigueur de la maladie, ne peuuent pas seulement penser quels pechez ou combien de pechez ils ont commis? Que pouuons-nous croire de ceux qui meurent pechans actuellement, ou qui pechent mesmes en mourant, comme ceux qui sont tuez en vne guerre iniuste, ou en duel, ou estant surpris en adultere?

Pour euitier prudemment & religieusement tous ces inconue-

#### 48 *De l'art de bien mourir*

niens & mille autres semblables, l'on ne peut rien penser de plus vtile, sinon, que ceux qui ont au cœur le desir de se sauuer, examinent tous les iours deux fois, au matin & au soir leur conscience, sçauoir ce qu'ils peuuent auoir desiré, dit, fait, ou pensé, soit la nuit soit le iour, en quoy il y ait quelque tache de peché. Et s'ils trouuent quelque chose de semblable, principalement qui semble mortel, qu'ils ne different nullement de rechercher les remedes d'une vraye contrition, avec deliberation de s'approcher à la premiere commodité du Sacrement de Penitence.

Partant qu'ils demandent à Dieu la grace de contrition, qu'ils repensent souuent à la grandeur de leur peché, qu'ils detestent en leur âme leur faute : qu'ils examinent serieusement, quel est celuy qui peche, & quel est celuy qu'il offense ; A sçauoir vn homme faible, Dieu : vn seruiteur inutile, le  
Seigneur

Seigneur du Ciel & de la Terre:  
Qu'il ne s'espargne point à verser  
des larmes, ny la main à frapper la  
poitrine. Finalement qu'ils for-  
ment vne vraye & efficace resolu-  
tion de iamais n'irriter Dieu par  
leurs offenses, ny d'offenser vn si  
bon Pere. Cet examen, si on le  
pratique souuent, au matin, au  
soir, ou du moins vne fois le iour  
difficilement se pourra-t'il faire  
qu'un homme peche en mourant,  
ou meure pechant actuellement,  
ou bien qu'il soit preoccupé de  
phrenesie, de perte d'esprit, ou  
d'autres semblables accidens. Et  
delà il arriuera, qu'estants bien  
preparez à la mort, ny l'incertitu-  
de la mort ne nous pourra nuire,  
ny la felicité de la vie eternelle ne  
nous pourra manquer.

## CHAP. V.

*Du cinquiesme precepte de  
l'Art de bien mourir, par  
lequel est monstree l'erreur  
des riches de ce monde.*

**A** ce que nous auons dit cy dessus, il nous faut adiouster vne refutation d'une erreur qui s'est glissée parmy les riches du monde, & qui empesche grandement de bien viure, & de mourir heureusement. L'erreur consiste en ce, que les riches croient-que les richesses qu'ils possèdent, quoy qu'à bon tiltre, simplement & absolument sont à eux, que par conséquent ils ont droit de les dissiper, d'en faire des largesses, & de les consumer, & qu'on n'oseroit leur demander pourquoy faites-vous



cela ? pourquoy portez-vous des habits si somptueux ? pourquoy faites-vous de si delicieux banquets ? A quel propos perdez-vous avec tant de profusion si grande quantité d'or & d'argent, à nourrir des chiens, des oyseaux, au jeu des cartes, ou à vos autres plaisirs ? Car ils vous répondront, que vous en souciez-vous ? ne m'est-il pas loisible de faire ce que bon me semble de ce qui m'appartient ? Mais certes ceste erreur est sans doute tres-grande, & grandement pernicieuse. Car ie veux que ceux qui ont des richesses au monde soient seigneurs de leurs biens, si on les compare avec le reste des hommes : Toutefois au regard de Dieu ils n'en sont nullement seigneurs, ains seulement Ministres, Dispensateurs, & Oeconomies. Ce que ie puis monstrier par plusieurs tesmoignages. Escoutez le Prophete Royal ; *Au Seigneur*, Psal. 25. dit-il, *appartient la terre & tout ce qu'elle contient ; Tout le rond de la ter-*

52 *Del'art de bien mourir*

*re, & tous ceux qui habitent la terre.*

**Psal. 49** *Et derechef ailleurs ; A moy appartiennent toutes les bestes des forests, les cheuaux & les bœufs qui paissent sur les montagnes. Si j'ay faim, ce n'est pas à toy à qui ie le feray sçauoir, car tout le rōd de la terre est à moy, & tout ce qui la remplist. Et au premier liure des Croniques sacrées, après que Dauid eut offert trois mille talens d'or, & sept mille talens d'argent pur, avec grande quantité de marbre : & que les Princes des Tribus, suiuaus l'exemple du Roy eurent offert cinq mille talens d'or, dix mille talens d'argent, dix-huit mille talens de cuire, & cent mille talens de fer, Dauid adressa ceste parole à Dieu ; C'est à vous, Seigneur, qu'appartient la magnificence, la puissance, & la gloire, car tout ce qui est aux Cieux & en la terre, est à vous ; Le Royaume est à vous, & vous estes par dessus tous les Princes, A vous les richesses, à vous la gloire ; vous estes Seigneur de tous. Qui suis-je moy, & quel est mon peuple, que nous puissions vous promet-*

**i. Paral. 29.**



*tre toutes ces choses? Toutes choses vous appartiennent, & nous ne vous auons rien donné que ce que nous auons recen de vostre main liberale. A quoy l'on peut adiouster le tesmoignage de Dieu mesme, qui parle en ceste sorte par le Prophete Aggée, L'argent Agg. 2. est à moy, & l'or m'appartient. Ce que Dieu dit pour donner à entendre au peuple que pour rebastir de nouveau le Temple, rien du tout ne leur manqueroit; veu que celui qui commandoit de releuer le Temple est celuy auquel appartient tout l'or & l'argent qui se trouue dans tout le monde.*

*I'adiousteray encore deux autres tesmoignages pris du nouveau Testament & tirés des paroles de Iesus-Christ. Nous auons dans S. Lu la parabole du mauuais fermier. Un certain homme, dit nostre Seigneur, estoit riche, & auoit un fermier, lequel fut accusé à luy, de luy auoir dissipé son bien. Et il le fist appeler, & luy dist; Qu'est-ce que j'entends dire de toy? Rends-moy compte*

*Luc. 16.*

54 *De l'art de bien mourir*  
de ton administration, car desormais tu  
n'auras plus le maniement de mes biens.  
Par cét homme riche, il ny a point  
de doute qu'on entéd Dieu, lequel  
comme nous disions vn peu plus  
haut, crie par Aggée; *L'argent est à  
moy, & l'or est à moy.* Par le fermier,  
ou Oeconome, comme portent les  
liures Grecs, doit estre entendu  
l'homme riche, selon que l'expos-  
tent les Saints Peres S. Ieā Chry-  
sostome, dans S. Thomas en sa  
chaine d'or, S. Augustin és que-  
stions Euangeliques, lib. 2. q. 34.  
S. Ambroise, Beda, Theophilaète  
& Euthimius, & plusieurs autres  
sur ce passage de l'Euangeliste S.  
Luc. Tout homme riche en ce  
monde est donc obligé, s'il croit  
l'Euangile, de confesser que les ri-  
chesses qu'il possede, soit souz bon  
tiltre, soit autrement, ne sont pas  
à luy : mais que s'il les possede à  
iuste tiltre, Dieu l'en a estably ad-  
ministrateur & œconome, si souz  
mauuais tiltre, qu'il en est larron &  
voleur. Or que celuy qui est riche

en ce monde ne soit pas Seigneur des richesses qui sont en la possession, on le peut cognoistre, par ce qu'estant accusé d'iniustice enuers Dieu, Dieu luy en peut oster la disposition, ou par la mort ou par la pauureté. Car c'est ce que veulent dire ces paroles; *Rends moy compte de ton administration, car desormais tu ne seras plus mon fermier.* Car Dieu ne manque point de iustes sujets de reduire les riches à la mendicité, & de leur oster par ce moyen la disposition de leur bien; les naufrages, les larrecins, les gresles, les chenilles, les grandes pluies, les grandes secheresses, les grandes tempestes, & beaucoup de semblables accidens, sont autant de voix de Dieu, qui prechent & annoncent aux riches, que desormais ils ne pourront plus disposer de leurs biens.

Quant à ce que nostre Seigneur adiousté sur la fin de ceste parabole; *Faites-vous des amis par le moyē des richesses d'iniquité, afin que quand*

*vous viendrez à manquer, ils vous re-  
goient és tabernacles eternels : il ne  
veut pas dire qu'il faille faire des  
aumônes des richesses iniustemēt  
acquies, mais de celles qui ne sont  
pas les vrayes richesses, ains seu-  
lement l'ombre des richesses. Ce  
que nouspouons apertement col-  
liger du mesme lieu de S. Luc, où  
nostre Seigneur dist ; Si vous n'avez  
pas esté fidelles és richesses iniques, qui  
sera-ce qui voudra vous consigner les  
vrayes? Desquelles paroles le sens  
est, si és richesses d'iniquité, c'est  
à dire, si és fausses richesses, vous  
n'avez pas esté fidelles pour les dé-  
partir liberalement aux pauvres;  
qui est-ce qui voudra vous donner  
les vrayes richesses, les richesses  
des vertus, qui rendent l'homme  
veritablement riche? Ainsi l'a en-  
tendu S. Cyprian au sermon qu'il  
a fait des œuures & de l'aumône;  
& non gueres autrement, S. Au-  
gustin au second liure des questiõs  
Euangeliques quest. 34. Où il dit,  
que les richesses d'iniquité, ce sont*

les richesses, que les seuls mes-  
chans, & les insensez estiment ri-  
chesses; veu que les sages & les  
gens de bien ne les prisent rien du  
tout, ains soustiennent que les  
vrayes richesses, ce sont les dons  
& les graces spirituelles.

L'autre passage de l'Euangile  
est au mesme chapitre de S. Luc,  
que l'on peut prendre pour vn cō-  
mentaire & vne explication de la  
parabole du mauuais fermier. Vn Luc. 16.  
certain homme, dit nostre Seigneur,  
estoit riche, lequel estoit vestu de pour-  
pre & de fin lin, & faisoit tous les iours  
de somptueux banquets. Et il y auoit vn  
certain pauvre mendiant nommé Laza-  
re, qui estoit couché par terre près de sa  
porte, tout couu d'ulceres, desirant d'e-  
stre substenté de miettes qui tomboient  
de la table du riche, & personne ne les  
luy donnoit: Les chiens aussi venoient  
& luy lechoient ses playes. Or il arri-  
ua que le pauvre mourust, & fut porté  
par les Anges dans le sein d'Abraham.  
Le riche vint aussi à mourir, & fut  
enseuely dans l'enfer. Ce riche glou-

ton estoit pour le seur du nombre de ceux qui se persuadent qu'ils sont maistres de leur richesses, & non pas Oeconomies & administrateurs de Dieu. C'est pourquoy il ne croyoit pas offenser Dieu de se vestir de pourpre & de fin lin, ny de faire tous les iours de somptueux bāquets, de nourrir vne grande multitude de chiens, & peut estre des bouffons, & des balleteurs. Car il pouuoit dire en soy-mesme, ie dépense mon bien, ie ne fais tort à personne, ie ne viole point les loix de Dieu, ie ne blaspheme point, ie ne iure point faussement, ie garde le Sabbath, i'honore mon pere & ma mere, ie ne tuë personne, ie ne commets point d'adultere, ie ne desrobe point, ie ne porte faux témoignage contre personne, ie ne desire ny la femme ny les biens d'autrui. Mais s'il est ainsi, pourquoy donc est-il enseuely dans l'enfer? Pourquoy est-il tourmenté dans le feu de la gehenne? Il faut donc confesser que tous ceux-là



se trompent qui pensent estre seigneurs absolus des biens qu'ils possèdent. Car si ce riche glouton eust esté coupable de quelque plus grand crime, l'Escripture sainte en eust fait quelque mention. Mais n'ayant adioucté autre chose, il semble qu'elle a voulu simplement nous donner à entendre que cet ornement superflu du corps en ce qui est des habits somptueux, & la grande despenſe qu'il faisoit tous les iours en banquets, & la quantité de seruiteurs & de chiens, sans auoir aucune compassion de ce pauvre homme tout remply d'ulceres, est vn assez ample subject, pourquoy ce mauuais riche a esté enseuely dans l'enfer, pour estre à iamais tourmenté des ardeurs eternelles.

Que ce soit doncvne Loy certaine & asseurée pour bien viure & pour bien mourir, de penser souuent, serieusement considerer, & mettre en son esprit, qu'il faut rendre compte à Dieu du luxe su-

perflu que nous mettons en nos palais, en nos iardins, en nos carosses, au grand nombre de seruiteurs, à la despense des habits, és banquets, en l'amas des richesses, & en plusieurs autres excés qui ne sont nullement necessaires, à raison desquels on fait grand tort à vn nombre infiny de pauvres gens, & de malades, qui ont disette de ce qui est de superflu aux autres. Lesquels sans doute des maintenant crient, & ne cesseront de crier au iour du iugement, iusques à ce que ces gens-là soient liurez avec le riche glouton pour estre tourmentez des flammes qui ne s'esteindront iamais.



## CHAP. VI.

*Du sixiesme preceptre de l' Art  
de bien mourir ; auquel sont  
expliquées trois Vertus  
Morales.*

**E**N COÛTE que ces trois Vertus  
Theologales, la Foy, l'Espe-  
rance, & la Charité, comprennent  
comme en vn abregé toutes les  
regles de bien viure, & par conse-  
quent aussi celles de bien mourir ;  
Toutefois le S. Esprit qui est le  
principal Autheur des liures sa-  
crez, a voulu pour vne plus facile  
intelligence de cet Art tres-salu-  
taire, adiouster encore trois autres  
vertus qui seruent merueilleuse-  
ment aux hommes pour bien viure  
& bien mourir : à sçauoir *la Sobrie-  
té, la Justice, & la Piété*. Desquelles  
l'Apostre parle en ces termes en

## 62 De l'art de bien mourir

- Tit. 2.** l'Epistre à Tite ; La grace de Dieu nostre Sauueur est apparüe aux hommes, nous enseignant que renonçant à l'impieté, & aux desirs du monde, nous viuions en ce siecle sobrement, iustement, & pieusement, attendants l'esperance bien-heureuse, & l'aduenement de la gloire du grand Dieu, nostre Sauueur Iesus-Christ. Le sixiesme precepte de bien viure & de bien mourir sera donc, que renonçans aux desirs & conuoitises du monde, nous ayons à viure en ce siecle sobrement, iustement, & religieuxment. Nous auons icy en vne sentence tout le sommaire de la Loy Diuine merueilleusement raccourcy ; *Destourne-toy du mal, & fais le bien*, dit le saint Prophete Dauid. Au mal y a deux choses ; à sçauoir la separation d'avec Dieu, & la conuersion aux creatures,
- Hier. 2.** suiuant ceste parole de Hieremie ; *Mon peuple a commis deux fautes. Ils m'ont delassé, moy qui suis la fontaine d'eau viue ; & se sont creusé des Cister-nes qui ne peuuent tenir l'eau. Que*

fera donc celuy qui voudra eiter  
l'un & l'autre de ces deux maux?  
*Il renoncera à l'impieté, & aux convoi-*  
*tises mondaines.* Car l'impieté de-  
stourne de Dieu, & les desirs du  
monde nous attachent aux crea-  
tures. Quant à ce qui est de faire  
le bien; pour lors nous accom-  
plissons la Loy, quand nous vivons  
sobrement, iustement, & religieu-  
sement: c'est à dire estans sobres  
envers nous mesmes, iustes en-  
vers nostre prochain, & religieux  
envers Dieu. Mais il sera bon  
d'expliquer vn peu plus ample-  
ment cecy, afin de pouoir plus  
facilement pratiquer ce precepte,  
aussi brief que salutaire.

Qu'est-ce donc que l'impieté?  
c'est vn vice opposé à la pieté.  
Qu'est-ce que la pieté? c'est vne  
vertu ou vn don du S. Esprit, par  
lequel nous recognoissons, nous  
seruons, & nous adorons Dieu  
comme nostre Pere. L'Apostre  
donc nous commande de renon-  
cer à l'impieté, de sorte que nous

#### 64 *De l'art de bien mourir*

viuions pieusement, pendant que nous sommes au monde: Ou bien qui est le mesme, viure si sainctement & religieusement en ce monde, que nous renoncions à toute sorte d'impieté.

Mais pourquoy a t'on mis ces deux conditions, veu que l'une estoit suffisante? Par ce qu'il a pleu au S. Esprit de parler de la sorte; pour nous donner à cognoistre, que si nous voulons nous rendre agreables à Dieu, nous deuons cultiuer la pieté, de sorte qu'il n'y reste aucun meslange d'impieté. Car il ne manque pas d'y en auoir parmy les Chrestiens, qui méprisent les exercices de pieté, en priant Dieu, assistant au redoutable Sacrifice, entendans les Predicateurs; Mais cependât ou ils blasphemement contre Dieu en iouant, ou ils iurent le nom de Dieu sans sujet, ou bien ils n'accomplissent pas les vœux & les promesses qu'ils ont faites à Dieu. Or cela qu'est-ce autre chose, sinon vouloir pieu-

sement servir Dieu, estant impie  
euers Dieu ?

Il faut donc que ceux qui de  
sirent de bien viure, afin que Dieu  
leur fac la grace de bien mourir,  
seruent Dieu si sainctement qu'ils  
reiettent toute sorte d'impieté,  
voire mesmes les moindres om-  
brages d'impieté. Car cela sert biē  
peu d'entendre tous les iours la  
Messe, d'adorer Iesus - Christ és  
mysteres sacrez, si cependant tu  
blasphemes impieusement contre  
Dieu, & te pariores employant  
mal à propos son nom.

Il faut aussi soigneusement prē-  
dre garde que l'Apostre n'a pas dit  
simplement quittāt l'impiété, mais  
toute impiété; c'est à dire toute es-  
pece d'impiété, & non seulement  
les plus atroces, mais aussi les plus  
legeres. Ce que nous disons contre  
ceux qui n'estiment pas que ce soit  
grād peché de iurer sans necessité,  
de regarder d'un œil trop petulant,  
quoy que sans impudicité, les fem-  
mes és lieux saincts, de caqueter

pendant le Divin service , ny de  
commettre plusieurs autres sem-  
blables especes de pechez: comme  
s'ils ne croyoient pas que Dieu soit  
là present, qu'il regarde tout, & re-  
marque tous les pechez qui s'y cō-  
mettent , quelques legers qu'ils  
soient. *Nostre Dieu est vn Dieu ia-*  
*loux, qui visite les iniquitez des peres*  
*és enfans, iusques à la trois & quatries-*  
*me generation , de ceux qui le haïssent:*  
*& faisant misericorde iusques aux mil-*  
*liers à ceux qui l'ayment , & qui gar-*  
*dent ses commandemens.* Cela mesme

Exod.  
20.

1. Pet. 2

le Fils de Dieu l'a enseigné par son  
exemple, lequel estant humble &  
debonnaire, encore qu'il ne fist au-  
cune sorte d'outrage à personne  
en endurant beaucoup ; encore  
que souffrant beaucoup, il n'y fist

Ican 2.

point de menaces: Toutefois voyât  
des marchands de Colombes, &  
des changeurs assis tenans la ban-  
que dans le Temple , enflammé  
d'une grande indignation , ayant  
fait vn fouët de cordelettes, il chas-  
sa les vendeurs & les acheteurs, &



renuersa les tables des Banquiers, disant, *Il est escrit, que ma maison est la maison d'oraison. Et vous l'auex rendue vne cauerne de voleurs !* Ce qu'il fist par deux fois, l'vne, la premiere année qu'il commença à prescher, selon le tesmoignage de S. Iean : l'autre la derniere année, dont sont tesmoins les trois autres Euangelistes. Venons à la seconde vertu dont les actions regardent le prochain.

La seconde vertu c'est la *Iustice*, de laquelle l'Apostre dit, que delaisans les desirs mōdains, nous viuions iustement. Icy ceste sentence generale a aussi lieu, *Destourne-toy du mal & fais le bien*, veu qu'il ne peut y auoir de vraye iustice enuers le prochain, où les desirs du monde ne cessent point. Car que signifient autre chose les desirs mondains, sinon la concupiscence de la chair, la conuoitise des yeux, & l'orgueil de la vie, qui ne sont point de Dieu, ains du monde ou du siecle ? Partant comme la Iu-

68 *Del'art de bien mourir*

stice ne peut estre iniuste, aussi les desirs môdains ne peuuēt en aucune maniere s'accorder avec la vraye iustice: Il est vray que les enfans de ce siecle peuent feindre la iustice par leurs paroles. C'est pourquoy prudēment le S. Apostre n'a pas dit seulement, *Que nous ayons à viure iustement*, mais il auoit dit auparauāt, *renonçants aux desirs mondains*, pour monstrier qu'il faut arracher la racine infectée du venim de la concupiscence, auant qu'on puisse planter dans vn cœur bon & saint, la bonne arbre de Iustice.

De sçauoir maintenant que c'est que viure iustement, il me semble qu'il ne peut estre reuocqué en doute. Car c'est chose cogneuē à tout le monde, que la iustice commande de rendre à vn chacun ce qui luy appartient. *Rendez*, dit Rom. 13, *l'Apostre, ce qui est deu à vn chacun; à qui on doit tribut, rendez luy le tribut; à qui le peage, rendez luy le peage; à qui la crainte, la crainte; à qui l'honneur, l'honneur. Au Roy nous de-*



uons le tribut, à nos Peres l'honneur, à Nosseigneurs la crainte, car c'est ainsi que Dieu parle par son Prophete Malachie; *Si ie suis vostre Pere, où est l'honneur qu'on me doit rendre? Et si ie suis vostre Seigneur, où est la crainte qu'on doit auoir de moy?* Mal. 8.  
 A celuy qui vend, est deu vn iuste prix, à celuy qui trauaille, vn iuste salaire, & ainsi semblablement des autres. Et n'y a pas moindre raisõ, ains bien plus grande, que ceux auxquels appartient de distribuer le bien commun, le distribuent comme ils doiuent suiuant la iustice distributiue, à ceux qui ont dauantage de merite: & non pas par acception de personnes à ceux qui leur appartiennent de plus pres, ou qu'ils ayment dauantage.  
 Partant donc si quelqu'un veut apprendrel Art de bien viure & de bien mourir, qu'il escoute le Sage Sap. 1.  
 disant tout au commencement de son liure; *Soyez amateurs de iustice, vous qui tenex rang de Iuges au monde:*  
 Qu'il escoute S. Iacques en son

Iac. 5.

epistre disant d'une voix plaintive;  
*Voilà, que le salaire des ouvriers qui  
 ont moissonné vos terres, que vous leur  
 avez fraudé, crie, & leur clameur est  
 entrée dans les oreilles du Dieu de Sab-  
 baoth.*

Reste la troisième vertu, que  
 nous appellons *Sobriété*, à laquelle  
 les desirs mondains ne sont pas  
 moins contraires qu'à la Justice.  
 Car icy par la Sobriété nous n'en-  
 tendons pas seulement la vertu  
 opposée à l'ivrongnerie, mais en  
 general nous entendons la vertu  
 de Temperance ou de la modera-  
 tion: qui fait que l'homme suivant  
 la raison & non pas la cupidité,  
 sçait garder la mesure és choses  
 qui sont nécessaires pour la santé  
 & pour la conservation de son  
 corps. Mais ceste vertu se trouve  
 rarement parmy les hommes, si  
 bien que les desirs mondains sem-  
 blent avoir desja remply toutes  
 les maisons des riches. Mais ceux  
 qui sont sages, ne doiuent pas  
 prendre garde à ce que font les

fols, en quelque grand nombre  
qu'ils soient, fust-il innumerable;  
mais à ce que font les sages. Cer-  
tes Salomon estoit tres-sage, & Pro. 30.

toutefois il prioit en ces termes;

*Mon Dieu ie vous demande deux cho-*

*ses, lesquelles ie vous supplie ne me de-*

*nier point auant que ie meure. Ne me*

*donnez ny la pauvrete ny les richesses,*

*mais seulement donnez moy ce qui sera*

*necessaire pour ma vie. L'Apostre*

*S. Paul estoit sage, & disoit; Ayans*

*nostre nourriture, & dequoy nous*

*courir, soyons en contents. Car*

*nous n'auons rien apporté en ce*

*monde, & n'y a point de doute*

*que nous n'en pouuons rien em-*

*porter, qui est vne raison tres-sage.*

Car à quel propos deuons nous

nous mettre en peine des richesses

superflues, puisque nous ne pou-

uons les emporter avec nous, au

lieu auquel nous arriuons par la

mort? Iesus-Christ estoit plus sa-

ge non seulement que Salomon

& que S. Paul, ains il estoit la mes-

1. Th. 6.

”

”

”

”

”

”

me Sapience Diuine; & toutefois

**Luc. 6.** „ il disoit; Bien heureux sont les  
„ pauvres, & mal-heur à vous qui

**Luc. 9.** „ estes riches. Et parlant de spy-  
„ mesme il disoit: Les renardeaux

„ ont des tanières, & les oiseaux  
„ de l'air ont des nids, mais le fils

„ de l'homme n'a pas où reposer

**Deute.** „ sa teste. Si de la bouche de deux

**son. 19.** ou trois tesmoins depend tout

iugement, à combien plus forte

raison doit demeurer fixe & ar-  
restée toute parole en la bouche

de ces trois hommes les plus sa-  
ges du monde? Quoy donc, si

nous voulions adiouster que les  
richesses que nous auons de su-

perflu ne sont pas à nous, mais aux  
pauvres, comme tient l'opinion

commune des Saincts Peres, &  
des Docteurs scholastiques; ceux-

là ne sont-ils pas fols qui gar-  
dent si soigneusement ce, pour-

quoy par le iugement de Dieu ils  
seront condamnez aux gesnes e-

ternelles?

Si donc

Si donc quelqu'un veut entièrement apprendre l'art de bien vivre & heureusement mourir, qu'il ne suive pas la troupe du monde, qui ne croit & qui n'estime que ce qu'elle voit; mais qu'il suive Iesus-Christ, & ses Apostres, qui ont enseigné par parole & en effet que les choses du monde estoient à mespriser, & qu'il faut attendre la grande espérance, & l'apparition de la gloire du grand Dieu & de nostre Sauveur Iesus-Christ. Car véritablement la chose que nous espérons au glorieux aduenement de nostre Seigneur Iesus-Christ au iugement, est si grande qu'il faut estimer toute la gloire, & toutes les richesses, & toutes les ioyes passées de ce monde, comme si elles n'auoient iamais esté: Et ceux-là doiuent estre estimez grandement fols & malheureux, qui en vne chose de telle importance, veulent adiouster plustost foy aux fols qu'aux sages.

Tit. 2.

## CHAP. VII.

*Du septiesme precepte de l'Art  
de bien mourir, qui est de  
l'Oraison.*

**N**OUS auons tiré iusques à maintenant les reigles de bien mourir des trois vertus Theologiques, à sçauoir de la Foy, de l'Espérance, & de la Charité; & puis des trois autres Morales à sçauoir de la Sobriété, de la Iustice, & de la Piété, desquelles toutes le bien-heureux Apostre saint Paul nous a instruits. I'adiousteray maintenant vn autre precepte, pris des trois effets des vertus, à sçauoir l'Oraison, le Ieusne, & l'Aumosne; que nous auons appris de l'Ange Raphaël. Car ainsi lisons nous au liure de Tobie, que l'Ange Raphaël parla de cette sorte; *L'oraison jointe avec le ieusne & l'aumosne, vane*

Tob.12.



*mieux qu'amasser destrefors d'or.* Or ce trio de bonnes œuures, c'est le fruit qui prouiét de ces vertus de la Religion, de la Misericorde, & de la Temperance, qui ont vn grand rapport & vne grande conuenance avec la Pieté; la Iustice, & la Sobriété. Car comme la pieté regarde Dieu, la iustice le prochain, & la sobriété nous-mesmes; aussi l'oraison, qui est vn acte de religion, regarde Dieu; l'aumosne, qui est vn acte de misericorde, regarde le prochain; & le ieusne, qui est vn acte d'abstinence, regarde nous-mesme. Quant à l'oraison, plusieurs en ont beaucoup escrit: pour moy entant que requiert le present sujet, i'en traiteray seulement trois poincts, l'vn qui sera de la necessité de l'oraison, l'autre des fruiets de l'oraison, & le troisieme de la façon de prier fructueusement.

La necessité de l'Oraison se void si claiement dās l'Escripture sainte qu'il ny a rien qui y soit plus clairement monstre ny commandé

76 *De l'art de bien mourir.*

que l'oraison. Car encore que Dieu cognoisse bien les choses qui nous sont necessaires, & que nostre Seigneur no<sup>s</sup> en assure d'as. Mat-thieu, il veut neantmoins que nous les luy demandions, & que si nous les voulons recevoir, nous les receuions par le moyen de l'orai-son comme par vne main spirituel-le, ou comme par vn instrument propre pour ce faire. Escoutez là dessus le Seigneur en saint Luc;

Matth. 6. *Il faut tousiours prier, & iamaïs n'y*

Luc. 18. *manquer. De plus; Veillez en tout*

Luc. 21. *temps, & soyez en priere. Escoutez pa-*

1. Thess. 5. *reillement l'Apostre; Priez sans in-*

*termiſſion. Escoute finalement l'Ec-*

Ecclef. 18. *clesiastique; Qu'il ny ait chose qui t'é-*  
*peſche de prier continuellement. Les-*  
*quels preceptes ne veulent pas di-*  
*re que nous ne facions iamaïs au-*  
*tre chose, mais que iamaïs nous ne*  
*mettiôs en oubly vn exercice si fa-*  
*lutaire, & que tousiours nous y*  
*ayons recours. Ce que nostre Sei-*  
*gneur, & pareillement son Apostre*  
*à son exemple, nous ont enseigné.*



Car Iesus-Christ & ses Apostres ne prioient pas tousiours, en telle forte qu'ils n'eussent pas le temps d'enseigner les peuples, & de confirmer leurs paroles par signes & prodiges; & toutefois on peut dire qu'ils prioient tousiours, par ce qu'ils prioient fort souuent. Auquel sens on doit entendre ces paroles; *Mes yeux sont tousiours esleuez au Seigneur: Et sa louange sera tousiours dans ma bouche: Et ce passage des Apostres; Ils estoient tousiours dans le Temple donnans louange & benediction au Seigneur.* Or il y a principalement trois especes de fruiets qui procuiennent de l'oraison; à sçauoir le merite, la satisfaction, & l'impe-  
 tration. Quant au merite nous en auons le tesmoignage de Iesus-Christ dans l'Euangile. *Quand vous ferez vos oraisons, vous ne ferez point* Matth. 6.  
*comme les Hypocrites qui se plaisent à prier debout dans les synagogues & aux coings des rues, pour estre veus du monde. Je vous dis en verité qu'ils ont receu leur salaire. Mais toy quand tu*

Ioan. II.

*voudras prier, enire dans ton cabinet, & fermant la porte sur toy prie ton Pere en secret, & il te recôpensera en public.* Par lesquelles paroles nostre Seigneur ne deffend pas de prier en public, veu qu'il a prié luy-mesme publiquement auant que resusciter le Lazare : Mais il deffend l'oraison publique quand on la faiët avec intention d'estre veu de plusieurs, & ce par vn desir de vaine gloire. C'est pourquoy aussi nous pouuôs prier dans le Temple, & là mesme trouuer le cabinet du cœur, & en iceluy prier nostre Pere en secret.

Or ce mot, *il te le rendra*, signifie le merite. Car comme il diët du Pharisien *qu'il auoit receu son salaire*, c'est à dire la loüange humaine; tout de mesme deuons nous entendre ce qu'il dit de celuy qui prie Dieu au secret de son cœur, à sçauoir qu'il en receuroit recompense du pere qui le voit en secret.

Quant à la satisfaction pour les pechez passez, cela est tout notoire par l'usage de l'Eglise, en laquelle

quand on impose quelque satisfaction, on adjoint d'ordinaire l'oraison au ieusne & à l'aumosne; Et bien plus on obmet quelquefois l'aumosne, ou le ieusne; mais l'oraison, on ne l'obmet jamais.

En fin quelle soit impetratoire de beaucoup de graces & de benefices, S. Chrysost. l'enseigne tres-bien en deux liures qu'il a faicts de l'oraison, où il use de la comparaison des mains de l'homme. Car tout ainsi que l'homme naist sans armes; tout nud, & ayant besoin de toutes choses; & neantmoins il n'a aucun subiect de se plaindre de son Createur, par ce qu'il luy a donné des mains qui sont l'Organe des organes, par le moyen desquelles l'homme peut se pourvoir d'aliment, d'habits, de logis, d'armes, & de tout ce qui luy est nécessaire. De mesmes aussi l'homme spirituel ne peut faire aucune chose sans l'aide de Dieu; mais il a la force & la vertu de l'Oraison, qui est comme l'organe des organes spirituels, par.

80 *De l'art de bien mourir.*

le moyen de laquelle il se peut facilement pourvoir de toutes choses.

Outre ces trois fruits principaux, il y en a encore beaucoup d'autres. Car premierement l'Oraison esclaire nostre âme. Et il ne seroit pas possible que l'homme peult fixement arrester les yeux de son esprit, & les eleuer vers Dieu qui est la lumiere mesme, s'il n'est tât soit peu illuminé de Dieu. *Approchez vous de luy*, dit David, *& soyez illuminez.*

Psal. 33.

Secondement l'oraison nourrist l'esperance & la confiance, car d'autant plus qu'une personne parle souuēt à vne autre, d'autant plus hardiment auili & confidemmets'en approche-t'elle.

En apres l'oraison enflamme la Charité, & rend l'ame plus capa-

Lib. 1. de  
ser. Dom.  
in mon. c.

ble de recevoir de plus grandes grâces, comme alleure saint Augustin.

7.

En quatriesme lieu elle augmente l'humilité, & la crainte chaste. Car celuy qui se met en deuoir de

prier, connoist qu'il s'approche de Dieu comme mendiât: C'est pourquoy il a accoustumé de se presenter deuant luy avec toute humilité, & se donne bien garde d'offenser celuy de l'aide & secours duquel il a besoin en toutes choses.

Cinquiesmement l'Oraison frequente engendre dans l'esprit de celuy qui prie, vn mespris des choses corporelles. Car il ne peut arriuer autrement que toutes les choses de la terre ne viennent à mespris, à celuy qui contemple assiduelement les choses celestes & eternelles. Sur quoy voyez saint Augustin au liure neuuesieme de ses confessions. Lib. 9. c. 1.  
& 10.

Sixiesmement l'Oraison engendre vne delectation incroyable, veu qu'elle faict que l'homme commence à gouter combien le Seigneur est doux & debonnaire. Or de sçauoir combien est grande cette douceur, nous le pounōs apprendre de ce que nous sçauons que plusieurs ont non seulement

## 82 De l'art de bien mourir.

passé les nuits en prieres, mais mesmes y ont ioint les iours entiers avec les nuits entieres.

Finalemēt outre l'vtilité & le contentement, l'Oraison apporte encore beaucoup d'honneur & de dignité à celuy qui prie. Car les Anges mesmes honnorent vne âme qu'ils voyent estre si souuent & si familièremēt admise pour cōmuniquer avec Dieu. Sur quoy voyez saint Iean Chrysostôme au premier liure de la maniere de prier Dieu.

Luc. 6.

Reste maintenant à dire quelque chose de la maniere qu'il faut tenir pour prier Dieu : en quoy gist principalemēt l'Art de bien viure, & par consequent aussi l'art de bien mourir. Car ce que dit nostre Seigneur ; *Demandez, & vous obtiendrez*, Et, *Toute personne qui demande, recoit* : Saint Iacques declare en son Epistre qu'il le faut entendre, avec cette condition, si nous le demandons de la façon qu'il appartient. *Vous demandez* (dict-il) &

Iacob. 1.

*vous ne recevez pas, par ce que vous demandez mal.*

Il sera donc permis de faire ce discours. Ceuy qui demande comme il faut la grace de bien viure, certainement l'obtiendra; & qui demande bien aussi le don de perséuerance, pour bien viure iusques à la mort, & en suite, vne heureuse mort, sans doute il luy sera octroyé. Expliquons donc brièvement les conditions requises pour faire vne parfaite Oraison, afin que de là nous puissions appréhendre à bien prier, à bien viure, & à bien mourir.

La premiere condition c'est la Foy, suyuant ce que dit l'Apostre; *Rom. 10.*  
*Comment est-ce qu'ils pourront prier celui auquel ils ne croient pas? Auquel se conforme saint Iacques; qu'il demande, dit-il, avec foy sans hesi- Iac. 1.*  
 ter. Mais il faut entendre cette nécessité de foy, non de sorte qu'il soit nécessaire de croire pour tout assuré, que Dieu fera tout ce que nous demanderons; car en



# 34 *De l'art de bien mourir.*

cette façon, la Foy se trouueroit  
souuent faulſe, & pour ce nous  
n'obtiendrions rien du tout. Il faut  
donc croire que Dieu eſt tout-  
puiſſant, tres-ſage, tres-hon &  
tres-fidelle; & partant qu'il peut,  
qu'il ſçait, & eſt tout preſt de faire  
ce que nous deſirons, pourueu que  
ce ſoit choſe conuenable à luy de  
le donner, & à nous de le receuoir.

C'eſt cette Foy que demande Ieſus  
Chriſt, de ces deux aueugles qui  
deſiroient d'eſtre gueris. *Croyez-*

*Matth. 9.*

*vous que ie vous puiſſe faire cela?* Par  
cette meſme Foy, Dauid pria pour  
ſon enfant qui eſtoit malade. Car  
qu'il ne creuſt pas aſſeurement  
que Dieu feroit, mais qu'il pou-  
uoit faire ce dont il le prioit, ces  
paroles le monſtrent allez; *Qui peut*

*1. Reg. 12. ſçauoir ſi par aduenture Dieu me le don-*

*2. Cor. 12. nera?* L'on ne peut non plus dou-

ter que ſainct Paul n'ait prié avec  
cette meſme Foy, afin que l'ai-  
guillon de la chair luy fuſt oſté: par  
ce qu'il pria avec une Foy, & ſa  
Foy euſt eſté faulſe, s'il euſt creu



asseurement que Dieu feroit ce qu'il luy demandoit alors; Car pour lors il n'obtint pas ce qu'il auoit demandé. N'y l'Eglise mesme n'a point d'autre Foy, quand elle prie Dieu que tous les Heretiques, les Payens, les Schismatiques, & finalement les mauuais Chrestiens se conuertissent à penitence, lesquels neantmoins il est certain qu'ils ne seront pas tous conuertis. Sur quoy voyez saint Prosper, és liures de la vocation des Gentils. Lib. I. c. 4.

L'autre condition grandement requise & necessaire pour faire vne bonne Oraison, c'est la Foy, ou bien la Confiance. Car encore qu'il ne faille pas determiner asseurement par nostre foy, qui est vn acte d'entendement, que Dieu fera tout ce que nous luy demandons: il faut neantmoins fermement nous attacher, par l'esperance & par la confiance, qui est vn acte de volonté, à la bonté Divine, & nous tenir asseurez que

Dieu fera enfin ce que nous luy demandons.

- C'est cette condition que nostre Seigneur requeroit du Paralytique, auquel il dit, *Ayez confiance mon fils, Tes pechez te sont remis.* C'est la mesme que requiert l'Apostre de toute personne, en ces paroles; *Approchons-nous avec confiance du Throne de sa grace.* Et dès long temps auparavant le Prophete auoit introduit Dieu parlant de la sorte: *Par ce qu'il a eu esperance en moy, ie le deliureray.* Mais par ce que la confiance naist de la Foy parfaicte, c'est pourquoy quand l'Escripture requiert de nous la foy és choses de grande importance, elle adjoint d'ordinaire quelque chose qui appartient à la Foy. C'est pourquoy nous lisons dans saint Marc; *Quiconque dira à cette Mōtagne, Enleue toy, & iette toy dans la mer, & ne hesitera nullemēt en sō cœur, mais croira que tout ce qu'il dira sera fait, il luy arrivera de la sorte.* Et c'est de cette Foy qui engendre la confiance, que se doit
- Matth. 9.
- Heb. 4.
- Psal. 90.
- Mar. 11.

entendre cette parole de l'Apostre; *Quand j'aurois une foy si grande*, 1. Cor. 13: *que ie peusse transporter les Montagnes, &c.* Sur quoy saint Iean Cassian a laissé par escrit, en la collation del'Oraison, qu'un signe Cass. Col: certain de l'impetration, - c'est 9. c. 52. quand celuy qui prie a une entiere confiance d'obtenir ce qu'il demande; quand il ne hesite nullement en demandant; & quand il se sent remply d'une ioye spirituelle, à l'heure mesme qu'il faict son Oraison.

La troisieme condition, c'est la Charité, ou la Justice, par laquelle nous sommes iustifiez de nos pechez. Car il n'y a que ceux qui sont vrayement amis de Dieu, qui impetrent asseurement ses graces. Voicy comme parle David en ses Pseaumes; *Les yeux du Seigneur* Psal. 33. *sont arrestez sur les iustes, & ses oreilles sont attentives à leurs prieres.* Et en un autre lieu; *Si j'ay recogneu quelque sorte d'iniquité dans mon cœur,* Psal. 65. *le Seigneur ne m'exaucera point.* Et au

88 De l'art de bien mourir.

nouveau testament Dieu dit ; si  
 Ioan. 15. vous demeurez en moy, & si mes paro-  
 les, c'est à dire mes commande-  
 mens, demeurent en vous, vous pou-  
 rez demander tout ce que vous voudrez,  
 & il vous sera accordé. Et le bien-  
 1. Ioan. 3. aymé disciple ; si nostre cœur ne nous  
 condamne d'aucune chose, nous auons  
 confiance en Dieu ; & tout ce que nous  
 demanderons, nous l'obtiendrons, par ce  
 que nous gardons ses commandemens,  
 & faisons tout ce qui est agreable deuant  
 Luc. 15. luy. Et n'est point contraire à cette  
 doctrine que le Publicain deman-  
 dant à Dieu pardon de ses pechez,  
 s'en retourna iustifié. Car le pe-  
 cheur qui faict penitence, n'impe-  
 tre pas ce qu'il demande entant  
 que pecheur, mais entant que pe-  
 nitent ; veu que entant que peheur  
 il est ennemy de Dieu. Car celuy  
 qui peche, fait chose qui deplait à  
 Dieu : au lieu que celuy qui se re-  
 pent, d'auoir offensé, fait chose  
 grandement agreable à Dieu.

La quatriesme condition, c'est  
 l'Humilité, par laquelle celuy qui

prie a confiance non en sa propre iustice, mais en la bonté de Dieu. *sur qui ietteray-ie mō-regard, dit Dieu, sinon sur le pauvre, qui est contrit en son âme, & qui redoute mes paroles ? Et l'Ecclesiastique adiouste, L'oraison de celuy qui s'humilie, passe au delà des nuées; & elle ne retombera point insques à ce que le tres-haut y ait égard.*

Isa. 66.

Eccl. 35.

La cinquiesme condition, c'est la *Devotiō*, qui fait que celuy qui prie, ne prie pas avec negligence, comme plusieurs ont accoustumé de faire, mais avec attention, avec soing, avec diligence, & ferueur. Car Dieu a autrefois repris avec aigreur ceux qui ne prient que du bout des leures. *Ce peuple icy, dit Dieu par Isaye, m'honore de ses leures, mais son cœur est fort esloigné de moy.* Or ceste vertu naist de la Foy vive, laquelle ne consiste pas seulement en l'habitude, mais aussi en l'actiō. Car celuy qui pense attentiuement & d'une ferme foy, combien est grande la Majesté de Dieu, combien est grande nostre bassesse, &

Isa. 29.

de quelle importance est la chose que nous demandons; difficilement se peut-il faire qu'il s'applique à l'oraison, sans se voir accompagné d'une rare humilité, d'une profonde reuerence, d'une grande deuotion, & d'une ardente ferueur,

Il sera bon de ioindre à ce discours deux tesmoignages tirez des esprits des saints Peres. Saint Hierosme au Dialogue qu'il a fait contre les Luciferians; Je me range (dit-il) quelquefois à la priere. Je ne prierois pas, si ie ne croyois : Que si ie croyois véritablement, ie purgerois ce cœur, par lequel on meid Dieu, de mes mains ie fraperois ma poitrine, ie baignerois mes ioües de larmes, tout mon corps fremiroit d'horreur, mon visage deuiendroit palle, ie me iecterois aux pieds de mon Dieu, & les ayant arrosez de mes pleurs, & les essuierois de mes cheueux. Je demeurerois collé au tronc de la Croix, & ne la quitterois iamais qu'auparauant ie n'eusse obtenu misericorde. Mais, tenant au contraire souuentefois faisant ma priere, ou bien ie me proinene dans

une galerie, ou bien ie m'amuse à compter  
 mes rentes, ou bien estant emporté de  
 quelque sale pensée, ie fais chose que ie ne  
 puis dire sans rougir. Où est la Foy?  
 Croyons-nous donc que Ionas ait prié de  
 la sorte? que les trois enfans d'as la four-  
 naise; que Daniel au milieu des Lyôs,  
 que le larron pendant en croix ayent prié  
 de la façon? Sainct Bernard au sermō  
 qu'il a fait des quatre manieres  
 de prier; Il nous faut (dit-il) pendant  
 le temps de nostre oraison, entrer tout à  
 fait dans la Cour celeste, En cestecour, dis-  
 je, dans laquelle est assis le Roy des  
 Roys sur un throsne tout emaille d'es-  
 toilles, environné d'une multitude d'a-  
 mes bienheureuses, dōt le nōbre ne se peut  
 compter ny exprimer. Et donc avec quelle  
 reuerence, avec quelle crainte, avec quel-  
 le humilité doit approcher de ce lieu un  
 animal immonde qui se va trainant, ne  
 faisant que sortir du marefcage? Avec quel  
 tremblement, avec quelle deuotion, avec  
 quelle humilié, & en fin avec quel soucy  
 de toute l'attention de son ame. pourra se  
 presenter un homme deuant la Maistē  
 de gloire, en la presence des Anges, au-

92 De l'art de bien mourir.

conseil & en l'assemblée des iustes? Il est donc necessaire d'apporter en toutes nos actions vn grand soin d'esprit, mais principalement en l'Oraison.

Luc. 11.

La sixiesme condition, c'est la *Perséuerance*, que nostre Seigneur a singulierement recommandee par deux Paraboles dans S. Luc.

La premiere est de celuy qui s'en alla de nuict trouuer vn sien amy, pour le prier de l'accommoder de trois pains : lequel ayant esté rejeté par plusieurs fois, à raison que ce n'estoit pas là le temps, neantmoins continuant tousiours sa requeste, il obtint ce qu'il demandoit. La derniere est d'une

Luc. 18.

femme veufue, qui supplioit vn iuge de luy vouloir faire iustice de sa partie : lequel iuge encore qu'il fust meschant, & qu'il n'eust ny crainte de Dieu, ny respect des hommes, neantmoins estant vaincu par les importunitéz de ceste femme, il luy fit raison de ses ennemis.



De là nostre Seigneur veut recueillir, qu'à plus forte raison il nous faut auoir de la perseuerance és prieres que nous faisons à Dieu, qui est iuste & bening. Lequel, comme adiousté saint Iacques, *donne abondamment à tous, & ne reproche rien à personne: C'est à dire; il donne liberalement à tous ceux quiluy demandent ses graces: & ne reproche point leur importunité, comme se rendans souuent trop importuns en leur demandes. Car Dieu est riche sans mesure, & misericordieux audelà de toutes bornes.* S. August., sur ces paroles du Pseaume soixante & cinquiesme; *Beny soit Dieu, qui ne m'a point osté ma priere, & n'a point retiré de moy sa misericorde, adjouste, Si tu recognois que Dieu ne t'a point osté ta priere, tu es asseuré qu'il n'a point retiré de toy sa misericorde.*

Iacob. i.

Expos.  
ultimi v.  
Psal. 65.

## CHAP. VIII.

*Du huitiesme precepte de  
l'Art de bien mourir, qui  
est du Ieufne.*

**E**N suite de ce que nous auons dit cy dessus, nous auons à traiter du Ieufne, suiuant l'ordre que l'Ange Raphael a prescrit. Laisant donc à part beaucoup de questions dont les Theologiens disputent entr'eux, nous apporterons seulement ce qui nous semblera faire à nostre sujet. Nostre dessein est d'expliquer l'Art de bien viure, entant qu'elle nous prepare la voye à bien mourir.

A cest Art, ces trois choses semblent suffir, dont nous auons desja parlé, traictans de l'oraison, à scauoir la Necessité, le Fruit, & la Maniere. La necessité du Ieufne

depend de deux loix, à sçavoir de la Loy Diuine, & de la Loy humaine.

Quand à la Loy Diuine, le Prophete Ioël nous seruira de tesmoing, qui dit de la part de Dieu; *Ioel. 2.*

*Conuertissez-vous à moy de tout vostre cœur, en ieusne, pleurs, & gemissements. Nous auons encore vn semblable tesmoignage, dans le Prophete Ionas, qui assure que les Niniuites prescherent le ieusne & le cilice, & toutefois il n'y auoit encor pour lors aucune loy positive pour le ieusne. Nous pouuons encore recueillir le semblable, des paroles de nostre Seigneur, dans saint Matthieu: *Quand vous ieusnerez oignez vostre teste, afin de ne paroistre pas ieusner aux yeux des hommes, mais deuant vostre Pere qui vous regarde en secret: & vostre Pere qui vous contemple en secret, vous recompensera.**

Ioignons à ces tesmoignages, vn ou deux autres tirez des Peres. Saint Augustin en l'epistre à Casulanus parle en ces termes; *Ayant parcouru en mon esprit le nouveau Te-*

96 Del'art de bien mourir.

Epist. 36. *Stament tout entier, iay trouué dans les  
escrits Euangeliques & Apostoliques,  
que le ieusne est de commandement. Mais  
de sçauoir à quels iours il ne faut point  
ieusner, & à quels iours il faut ieusner,  
ie ne trouue point cela deffiny, ny par le  
commandement de Dieu, ny par le com-  
mandement des Apostres. Sainct Leon  
au sermon du ieusne du dixiesme  
mois. Les choses (dit-il) qui auoient  
esté figurées comme futures étant ac-  
complies, les figures aussi ont cessé;  
neantmoins la grace du nouveau Te-  
stament n'a point supprimé l'vtilité des  
ieusnes, ains par vne sainte observa-  
tion, elle a receüe l'abstinence, comme  
grandement salutaire, & profitable au  
corps & à l'ame. Car comme il est de-  
meuré en l'esprit des Chrestiens; Tu  
adoreras le seigneur ton Dieu, & à luy  
seul seruiras, & le reste des autres  
semblables commandemens; De mesme  
aussi, ce qui a esté commandé dans ces  
mesmes liures, de la sanctification des  
ieusnes, n'a esté abrogé par aucune in-  
terpretation. Voilà le discours de  
sainct Leon, par lequel il ne veut  
pas*

pas dōner à entēdre que les Chre-  
tiens doiuent ieusner aux mesmes  
iours que les Iuifs; mais qu'ils doi-  
uent garder le commandement de  
ieusner qui a esté donné aux Iuifs,  
pour ce qui est du tēps & de la ma-  
niere, suivant ce qui en a esté deter-  
miné par les Pasteurs del'Eglise.

Or quelle soit cette ordonnance,  
cela est tellement cogneu à tout le  
monde que ie n'ay point de besoin  
de le declarer dauantage. Voylà  
quant à la necessité du ieusne.

Pour les fructs & vtilitez qui  
prouiennent du ieusne, il est fort  
facile de les monstrier. Car pre-  
mierement, le ieusne est tres-vti-  
le pour preparer nostre ame à l'o-  
raison, & à la contemplation des  
choses celestes; ainsi que nous  
l'a signifié l'Ange Raphaël, di-  
sant; *L'oraison est bonne avec le* Exod. 34  
*ieusne.* Ainsi Moysé disposa son  
ame par vn ieusne de quarante  
iours, auant que de s'oser appro-  
cher pour parler avec Dieu. Ain-  
si Elie ieusna quarante iours afin

de pouuoir par quelque moyen se rendre digne de communiquer avecques Dieu. Ainsi Daniel se disposa par vn ieusne de trois semaines à receuoir les reuelations de Dieu. Ainsi l'Eglise a institué des ieusnes aux vigiles des grandes Fêtes, afin que les Chrétiens se rendissent par ce moyen plus disposez à vacquer aux choses diuines. Outre cela, les saincts Peres preschent souuent en leurs escrits l'vtilité du ieusne. Le lecteur pourra voir saint Athanase au liure de la virginité: saint Basile en la premiere & seconde oraison du ieusne: saint Ambroise au liure d'Elye & du ieusne: Saint Bernard au sermon de la vigile de saint André. Mais ie ne feray point de difficulté de rapporter icy les paroles de saint Iean Chrysostome prises de sa premiere Homelie sur la Genese, lesquels sont peu en nombre, mais tres-belles; Le ieusne (dict saint Chrysosto-

me, Est la nourriture de nostre ame:  
il luy fait naistre de legeres plumes  
pour s'eleuer en haut, afin de contempler  
les choses celestes.

L'autre vtilité que nous appor-  
te le ieiune, c'est de dompter la  
chair. Et pour cette considera-  
tion le ieiune est grandement  
agreable à Dieu, qui desire que  
nous crucifions nostre chair avec  
les vices & les conuoitises qui la  
suiuent; ainsi que nous enseigne  
l'Apostre. Lequel pour le mes-  
me subiect disoit, Je chastie mon  
corps, & le reduis en seruitude; de  
peur que preschant aux autres, ie de-  
viennemy mesme meschant & reprou-  
ué. Car saint Chrysostome,  
Theophilacte, & saint Ambroi-  
se expliquent ces paroles là du  
ieiune. Les saints Peres pres-  
chent aussi cette grande vtilité  
du ieiune comme saint Cyprian,  
saint Basile, saint Chrysosto-  
me, saint Hierosme, & saint  
Augustin au premier liure de ses

Galat. 5.  
1. Cor. 9.  
Theop. in  
coment.  
amb. ep. ad  
Eccl. ver-  
cell. Cyp.  
ser. de Ie-  
iunio. Bas.  
ora. de Iei.  
Chrys.  
hom. 1. in  
Genes.  
Hier. ad  
Eust. de  
crist. virg.  
Aug. lib. 1.  
Confess.  
cap. 32.



Confessions. Et l'Eglise mesme vniuerselle chante ces belles paroles prises de l'Hymne de saint Ambroise ; *Que le retranchement du boire & du manger abbatte l'orgueil de la chair.*

La troisieme vtilité du Ieufne, c'est de nous rendre plus disposez à honorer Dieu. Car Dieu se sent comme honoré de nous, quand nous ieufnons pour l'amour de luy. Voicy comme en parle l'Apostre en l'epistre aux *Cap. 12.* Romains; *Le vous conuie que vous rendiez vos corps vne Hostie viuante, sainte, agreable à Dieu, qui est le seruice raisonnable que vous luy devez.* Il y a au Grec *τινὸν λογικὸν λατρείαν* : c'est à dire, le culte & honneur raisonnable. Et c'est de ce culte que parle Sainct Luc, quant il dit de Sainte Anne ; *Luc 3.* *Elle ne sortoit point du Temple, seruant Dieu nuit & iour en ieufnes & Oraisons.* Et le grand Concile de Nicée appelle le ieufne



de Carefme , un present annuel *Conc. Nic.*  
 pur & net , que l'Eglise presente *Can. 5.*  
 à Dieu : auquel sens aussi parle  
 Tertulian au liure de la Resur-  
 rection de la chair , appellant  
 les viandes seiches, dont les  
 Chrestiens vsoient au soir les  
 iours de ieusne , *sacrifices agrea-*  
*bles à Dieu.* Et saint Leon au  
 second sermon du ieusne du di-  
 xiesme mois apres la recolte ;  
*Tresdignement* , dit-il , *apres auoir*  
*fait l'entiere recolte de tous les fruiets,*  
*nous offrons le Sacrifice de ieusne ,*  
*& d'abstinence , à Dieu qui nous les*  
*a donnez.* Finalement Saint Gre-  
 goire escrit en l'homelie seiziesme,  
 que par le Ieusne de Carefme nous  
 offrons à Dieu les dismes & les pri-  
 mices de nostre vie.

La quatriesme vtilité que  
 nous recueillons du ieusne , c'est  
 la satisfaction pour nos pechez.  
 Cela premierement l'escriture  
 Sainte l'enseigne. Les Ninuities,  
 comme nous apprend Jonas , ap-

*Jonas. 3.*

Ionx. 3. païserent Dieu par le ieusne. Les  
 Iuifs le practiquerent encor, les-  
 Reg. 7. quels ieusnans avec Samuel, ap-  
 païserent Dieu, & remporterent  
 la victoire de leurs ennemis. Le  
 3. Reg. 21. Roy Achab quoy qu'impie, ap-  
 païsa l'ire de Dieu en partie par  
 le ieusne & par le cilice. Les  
 Hebrieux au temps de Iudith &  
 d'Ester ne trouuerent misericor-  
 de enuers Dieu, par aucune au-  
 tre sorte de sacrifice que par le  
 ieusne, par les pleurs & les ge-  
 missemens. Les SS. Peres aussi  
 ont perpetuellement enseigné  
 cette mesme doctrine. Tertu-  
 lian au liure du ieusne; Comme,  
 dit-il, l'usage de la viande a perdu  
 les premiers hommes, aussi faut-il  
 faire satisfaction à Dieu par le Ieuf-  
 ne. Sainct Cyprian au sermon  
 qu'il a faict de ceux qui estoient  
 tombez. Il faut que nous appaisions  
 par nos Ieufnes & nos pleurs l'ire &  
 le courroux de Dieu que nous auons  
 prouoqués par nos offenses, comme luy

*mesme nous en aduertist. Sainct Ba-  
sile en la premiere oraison du Ieuf-  
ne; La penitence, dit-il, sans le Ieuf-  
ne est sans fruct, & inutile; Mais  
par le ieufne, tu fais satisfaction à Dieu.  
Sainct Iean Chrysostôme en l'Ho-  
melie sur la Genèse; Dieu, dit-il,  
comme un Pere grandement indulgent,  
a inuenté pour nostre bien ceste sorte  
de guerison qui se fait par le Ieufne.  
Sainct Hierôme en son Commen-  
taire sur le troisieme Chapitre de  
Jonas; La Haire, dit-il, & le Ieuf-  
ne sont les armes de penitence, & le  
soulagement des pechez. Sainct Au-  
gustin au sermon soixantiesme du  
temps; Que personne ne Ieufne, dit-  
il, pour recueillir de la louange des  
hommes, mais pour obtenir pardon de  
ses offenses. Sainct Leon au sermon  
quatriesme du Ieufne du septies-  
me mois, enseigne que Dieu est  
appaisé par le sacrifice du Ieufne.  
Sainct Bernard au sermon soixan-  
te & sixiesme sur les Cantiques;  
Quelquesfois, dit-il, ie fais abstin-*

104 *De l'art de bien mourir.*

*ce, mais mon abstinence m'est une satisfaction pour mes perchez, & non pas une superstition d'impieté.*

Enfin la cinquiésme vtilité qui nous reuiet du ieusne, c'est qu'il est grandement meritoire, & est grandement efficace pour obtenir les graces & les faueurs de Dieu. Anne femme de Helcana

*1 Reg. 1.*

estant sterile, merita par le ieusne d'auoir vn fils. Car c'est en ce sens que saint Hierosime, au second liure contre Iouinian, interprete ces paroles de l'Escriture sainte, *Anne pleuroit, & ne prenoit point son repas. Anne, dit-il, merita de remplir d'un enfant son ventre, qui estoit vuide de nourriture.* Sara fust deliurée du Diable par le moyen du ieusne, cōme il est escrit au liure de Tobie. Mais il y a

*Tob. 3.*

vn insigne passage dans l'Euangile pour montrer le merite du ieusne. Car voicy comme parle nostre Seigneur ;

*Math. 6.*

*Or quand tu ieusneras oings ta tesse, & lue ton visage,*

afin que les hommes ne s'aperçoivent pas que tu ieusnes, & ton Pere qui est en secret te le rendra. Auquel lieu ces paroles: Te le rendra, valent autant à dire comme, il te rendra recompense, car elles sont opposées à celle-cy; Car ils sont tous defaits de visage ( les Hypocrites ) afin qu'il apparaisse aux hommes qu'ils ieusnent. Je vous d'y enverité qu'ils ont des-jà receu leur salaire.

Et donc les Hypocrites qui ieusnent reçoivent leur salaire, à sçavoir, les loüanges humaines; & les gens de bien reçoivent aussi le leur, quand ils ieusnent, à sçavoir la recompense eternelle, & de cela nous en auons de manifestes tesmoignages dans les Petes.

Sainct Iean l'Euangeliste voulant escrire son Euangile, s'obligea à vn ieusne solemnel, afin de meriter la grace de bien escrire, comme tesmoigne Sainct Hie-

106. De l'art de bien mourir.

Beda in.  
cap. Ioan.

rosine en la preface de ses cōmentaires sur Sainct Matthieu ; & le venerable Beda qui l'a suivy en cela.

Tertulian au liure du Ieufne: Les Ieufnes ont meritē de Dieu la cognoissance de plusieurs mysteres. Sainct Ambroise en l'epistre qu'il adresse à l'Eglise de Verseil : *Qui sont*, dit-il, *ces nouveaux Docteurs, qui veulent exclurre le merit du Ieufne?* Sainct Athanase au liure de la Virginitē ; *Quiconque*, dit-il, *est travaillé par l'esprit immonde, doit tenir pour tout certain que les malignes esprits s'ensuyent, quand ils se voyent assaillis par le Ieufne, dont ils redoutent la force.* Sainct Basile en la premiere Oraison du Ieufne: Le Ieufne, dit-il, est grandement utile pour éviter les maux, & pour acquerrir les biens du siecle à venir. Sainct Gregoire de Nazianze en l'Oraison des loüanges de Sainct Cyprian, expliquant par quelles armes vne sainte Vierge chassa de

foy le Diable : Elle luy opposa, dit-il, le remede du Ieufne, & de coucher sur la dure. Sainct Iean Chrysostome au premier sermon du Ieufne : Ieufne, dit-il, par ce que tu as peché : Ieufne, afin de ne pecher plus : Ieufne, afin d'obtenir ce que tu desire : Ieufne, afin de ne perdre pas ce que tu as obtenu. Sainct Hierosme au liure contre Iouinian, traite à dessein du merite du Ieufne. Sainct Augustin au sermon soixante & deuxiesme : Le Ieufne, dit-il, est ou remede, ou salaire ; c'est à dire, ou bien il acquiert le pardon pour les pechez, ou la recompense du Royaume des Cieux. Sainct Leon au premier sermon du Ieufne du septiesme mois : Par l'Humilité du Ieufne, dit-il, nous impetrerons l'ayde de Dieu contre nos ennemis.

Nous auons donc la necessité & l'vtilité du Ieufne. Reste maintenant la maniere ; c'est à dire, il nous reste à expliquer comment.

c'est qu'il faut ieusner , afin que le Ieusne nous soit veritablement utile pour bien viure, & par consequent aussi pour bien mourir; Car il s'en trouvent plusieurs qui ieusnent tous les iours commandés de l'Eglise : à sçauoir les Vigiles des Festes, les quatre Temps, & le Carême. Et ne manquent pas d'y en auoir d'autres qui ieusnent de leur pure volonté les Advents, pour se preparer sainctement pour le iour de la Natiuité de nostre Seigneur ; ou bien le Vendredy en memoire de la Passion de nostre Seigneur ; ou bien le Samedi à l'honneur de la Vierge, mere de Dieu. Mais sçauoir s'ils ieusnent, de sorte qu'ils gagnent veritablement le fruct du Ieusne, c'en'est pas sans cause qu'on le demande ; La fin principale du ieusne, c'est la mortification de la chair, afin de rendre l'esprit plus puissant. Pour paruenir à cette fin, il semble qu'il



seroit necessaire d'yser de fort peu de viande, & encore qu'elle ne fust pas trop delicate. Et c'est ce que nostre mere l'Eglise nous enseigne, quand elle commande de donner la refection au corps, non deux fois, ains vne seule fois le iour: & de le nourrir non de chair ou de laiçtages, mais d'herbes, de legumes, & d'autres viandes legeres. Cela, Tertulian l'a exprimé en deux mots, au liure de la Resurrection de la chair, quand il a dit que la viande de ceux qui ieus-  
nent estoit vne espece de viandes du soir, & arides.

Lesquelles conditions certes, ne gardent pas ceux qui ne mangent pas moins à vn dîner le iour qu'ils ieusnent, qu'ils seroient aux autres iours à dîner & à souper: ny ceux aussi qui en ce dîner font apprester de si excellents mets de toutes sortes de poisson, & d'autres viandes, qui ne sont propres qu'à prouoquer à gour-

mandise, qu'il ne semble pas que ce soit vn dîner de personnes qui pleurent & qui font penitence, mais plustost vn souper de nopces, que l'on veut continuer iusques à la minuit. Ceux qui ieusnent en cette maniere, sans doute ne peuuent acquerir le fruit du ieusne.

Ny ceux là non plus, lesquels encore qu'ils mangent plus sobrement, & avec moins d'appareil & de sumptuosité, ne s'abstiennent pourtant point dauantage des ieux, des gaulleries, des disputes, des dissentions, des chansons lasciuues, & des resioüyssances immoderes, aux iours qu'ils ieusnent; & ce qui est de plus grief, ne s'abstiennent pas dauantage en ces iours-là de leurs crimes. & de leurs pechez ordinaires, qu'aux autres iours qui ne sont pas consacrez au ieusne. Escoute ce que dit Isaie de cette sorte de gens; *Voila que*

Ha. 58.

*vostre mauuaise volonte ne cessera mais,*

au temps mesme de vostre ieusne, & vous recherchez tousiours ceux qui vous doiuent. Voilà que parmy vos ieusnes vous n'oubliez iamais vos querelles ny vos disputes, employans mesmes vos mains à fraper sans sujet. Ne ieusnez point de la façon, que vous aux ieusné iusques à maintenant, si vous desirez que vos clameurs soient entendues au Ciel. Voila ce que Dieu trouue à reprendre aux Iuifs; à sçauoir qu'és iours de ieusne qui sôt iours de penitēce, ils vouloient faire leurs volontez, & non pas la volonté de Dieu; & que non seulement ils ne vouloient pas quitter leurs debtes à ceux qui leurs estoient redeuables, comme ils demandoient à Dieu qu'il leur remist les leurs: mais mesmes ne leur vouloient donner aucun delay.

De plus, il les reprend de ce que le temps que ceux qui ieusnoiet eussent deu employer à prier Dieu, ils le consumoient en procès, en querelles & cōtentions pro-

fanes. Et finalement, de ce que aux iours del eufne, non seulement ils ne s'adonnoient pas aux exercices spirituels comme ils deuoient, mais que adionstans peché sur peché, ils meurtrissoient de coups leur prochain, sans aucune compassion.

Voilà ce que les gens de bien doiuent éviter, & toute autre chose semblable s'ils desirerent que leurs ieunes soient agreables à Dieu, & vtils à eux mesmes, de sorte qu'ils puissent esperer de mener desormais vne sainte vie, & faire vne belle fin. Reste à parler des trois œuvres que l'Ange Raphaël a louées dans Tobie, & qu'il nous a proposées à imiter.

## CHAP. IX.

*Du neufiesme precepte de  
l'Art de bien mourir, qui  
est de l'Aumosne.*

**N**OUS auons trois choses à  
traicter briefuement au su-  
ject de l'Aumosne : le fruit, la ne-  
cessité, & la maniere. Or qu'il y  
ayt vn commandement qui nous  
oblige de faire des aumosnes, per-  
sonne ne la iamais reuoqué en  
doute. Car encore que nous n'en  
eussions aucun, la sentence du  
souuerain & iuste Iuge nous doit  
suffir, qui dira aux meschans ;  
*Allez maudits dans le feu eternel, qui  
est preparé au Diable & à ses compli-* Matth. 25  
*ces. Car i'ay eu faim, & vous ne m'avez  
point donné à manger : Iay eu soif, &  
vous ne m'avez point donné à boire : l'e-  
tois passant & voyageur, & vous ne*

114 De l'art de bien mourir.

m'avez pas recueilli : l'estois nud & vous ne m'avez pas reuestu, l'estois malade & en prison, & vous ne m'avez point visité. Et vn peu apres il adiouste; autant de fois que vous n'avez point fait cela au moindres des miens, c'est à moy à qui vous ne l'avez point fait.

Duquel passage nous pouuons apprendre qu'à faire l'aumosne, ceux-là seulement y sont obligez, qui en ont le moyen. Car nous ne lisons point que nostre Seigneur ait fait ces œuvres là, mais seulement qu'il a commandé que de l'argent qui luy auoit esté donné, vne partie en fust donnée aux pauures : Comme nous pouuons recueillir de ce passage de l'Euangile, où nostre Seigneur ayant dit à Judas ; *Ce que tu fais, fais-le promptement*, les Apostres penserent que nostre Seigneur luy eust commandé qu'il tirast quelque chose de la bourse qu'il portoit, pour donner aux pauures. Les theologiens veulent neant moins

Io. 13.

que ce commandement soit compris dans cestuy-cy du Decalogue; *Honore ton pere & ta mere*: les autres en cestuy-cy; *Tu ne tueras point*. Mais il n'est pas necessaire qu'il soit compris au Decalogue, puisque l'Aumosne appartient à la Charité, & que les commandemens portez dans le Decalogue, sont commandemens de Iustice. Que si il faut rapporter au Decalogue tous les preceptes moraux, In 4. sent.  
d. 15. ar.  
19. l'Opinion d'Albert le grand, qui rapporte le commandement de l'aumosne, à celuy-cy; *Tu ne déroberas point*; est fort probable: Par ce qu'il semble que c'est vne espece de larrecin, de ne donner pas aux pauvres, ce que nous 22. q. 38.  
art. 5. devons. Mais l'opinion de Saint Thomas est encore plus probable, lequel rapporte ce commandement, au premier de la seconde Table, à sçavoir; *Honore ton pere & ta mere*, Car en ce lieu là, par l'honneur que nous devons à nos parents, n'est pas entendu le.

seul respect & la reuerence que nous leurs portons , mais principalement le soing de leur procurer les choses necessaires à la vie : qui est vne certaine aumosne que nous deuons à nostre prochain, qui nous touche de plus près ; comme l'explique saint Hierosme au commentaire sur le quinziésme de saint Matthieu. D'où nous pouuons entendre, que nous deuons aussi l'aumosne à nos autres prochains, qui en ont besoin.

Ioinct que le commandement de l'aumosne n'est pas negatif, mais affirmatif. Or entre les commandemens de la seconde Table, il n'y en a point d'affirmatif que le premier, à sçauoir , *Honore pere & mere.* Mais d'en parler plus amplement, ce lieu ne le requiert pas. Voilà donc quant à ce qui est de la necessité de l'Aumosne.

Quant au fruit qui en pro-  
uient, il est tres-abondant. Car  
premierement l'aumosne deliure  
de la mort eternelle, soit que cela



se face par maniere de satis - fa-  
ction, soit par forme de disposi-  
tion à la grace, ou autrement. Car  
l'Escripture sainte l'enseigne claire-  
ment. Nous lisons ainsi au liure  
de Tobie ; *L'aumosne deliure du* Tob. 4.  
*peché & de la mort, & ne permet pas*  
*que l'âme descende dans les tenebres.* Et  
au mesme liure, l'Ange Raphaël  
dit en paroles fort disertes ; *L'au-* Tob. 12.  
*mosne deliure de la mort, & c'est elle*  
*aussi qui purge les pechez, & nous fait*  
*trouver la misericorde & la vie eternal-*  
*le.* Daniel aussi parlant au Roy Dan. 4.  
Nabuchodonozor ; *Partant sire,*  
*luy ( dit - il ) qu'il vous plaise d'auoir*  
*agreable mon Conseil. Rachetez vos pe-*  
*chez par aumosnes, & vos iniquitez*  
*par œuvres pieuses enuers les pauvres.*

En apres l'Aumosne, si elle est  
faicte par vn homme qui soit en  
grace, & par vne vraye Charité,  
elle meritela vieeternelle. Et de  
ceste verité sera tesmoing Iesus-  
Christ, Iuge des viuans & des  
morts : quand il dira au iugement ; Math. 25  
*Venez benis de Dieu mon Pere, prenez*

118 De l'art de bien mourir.

possession du Royaume qui vous a esté préparé dès l'establisement du monde. Car i'ay eu faim, & vous m'avez donné à manger, &c. Et plus bas; Ce que vous avez fait au moindre des miens, vous me l'avez fait.

Troisiemement, l'aumosne a comme la vertu d'un Baptisme, sçavoir en effaçant les pechez, quant à la coulpe & quant à la peine tout ensemble, suivant ce que Eccles.3. dit l'Ecclesiastique; Comme l'eau esteint le feu, de mesme l'Aumosne esteint le peché. Car l'eau esteint tout à fait le feu, de sorte qu'il n'en reste pas seulement la fumée. Et c'est ce qu'enseignent les saints Peres, saint Cyprian, saint Ambroise, saint Chrysostome, & saint Leon. Saint Cyprian au sermon de l'aumosne, parle en ces termes; Comme par le lauement de l'eau salutaire, le feu de la gehenne est esteint; de mesme, la flamme des pechez est assoupie par les aumosnes, & par les bonnes œuvres. Saint Ambroise au sermon trente & troisieme;

L'Aumosne (dit-il) est en quelque façon vn autre lauement des âmes, suivant ce que dit nostre Seigneur; Donnez l'aumosne, & toutes choses vous seront nettes: si ce n'est que nous vœillions dire, sans toutefois déroger à la Foy, que l'aumosne est plus puissante pour obtenir le pardon, que le Baptême. Car le Baptême ne se donne qu'une fois, & ne promet qu'une fois le pardon. Mais l'Aumosne, autant de fois que vous la ferez, autant de fois vous obtenez le pardon. S. Iean Chrysostome en l'Homelie vingt-cinquiesme, sur les Actes des Apostres; Il n'y a (dit-il) point de peché que l'aumosne ne puisse effacer & éteindre. S. Leon au sermon cinquiesme des collectes ou recoltes; Les aumosnes (dit-il) effacent les pechez, étouffent la mort, & amortissent la peine du feu éternel. Voilà certes de grandes prerogatiues de l'Aumosne, qui deuroient enflammer tout le monde à aymer l'Aumosne. Mais cela ne se doit pas entendre de toute sorte d'Aumosne, mais de

celle - là seulement , qui procede d'une grande contrition , & d'une grande ferveur de Charité : Telle qu'a esté celle de Marie Magdaleine , qui lava avec les larmes de contrition , les pieds de nostre Seigneur , & oignit les mesmes pieds , avec l'aumosne d'un onguent precieux.

En quatriesme lieu, l'Aumosne augmente la Foy envers Dieu, & faict naistre vne ioye Spirituelle , Car encore que l'Aumosne aye cela de commun avec toutes les autres bonnes œuvres , toutefois cela convient principalement à l'Aumosne , attendu que par icelle nous rendons vn agreable service à Dieu , & au Prochain ; & par ce que c'est vne œuvre , qui sans difficulté est appertement recogneüe pour bonne & sainte. De là vient ceste parole de Tobie ; *L'Aumosne sera vne grande assurance deuant Dieu à tous ceux qui l'auront faicte.* Et celle - cy de l'Apostre : *Vous*

*aux*

Tob. 4.

avez eu compassion de ceux qui sont Heb. 10.  
dans les liens, ne perdez donc pas  
vostre confiance. Finalement saint  
Cyprian appelle l'Aumosne, au  
sermon qu'il en a fait, vne grande  
consolation pour les fidelles.

Cinquiesmement, l'Aumos-  
ne vnist & concilie la bien-vueil-  
lance de plusieurs ensemble, les-  
quels prient Dieu pour leurs bien-  
facteurs, & leur impetrent la gra-  
ce de conuersion, ou le don de  
perseuerance, ou l'accroissement  
de la grace & de la gloire. Car en  
toutes ces façons, se peut enten-  
dre ceste parole de nostre Sei-  
gneur; Faites vous des amis de l'ar- Luc. 16.  
gent d'iniquité, afin que quand vous  
viendrez à manquer, ils vous recoi-  
uent es Tabernacles eternels.

Sixiesmement, l'Aumosne est  
vne disposition à la grace iustifican-  
te. Et c'est de ce fruit qu'entend  
parler Salomon en ses Prouerbes, Prouer. 15.  
où il dit, que les pechez sont purgez  
par les Aumosnes & par la Foy. Et  
nostre Seigneur entendant la gran-

Luc 19.

de liberalité de Zachée qui auoit dit ; *Voilà que ie donne la moitié de mes biens aux pauvres , & si i'ay quelque chose du bien d'autrui , i'en rends quatrefois autant* , dist ; *Auiourd'huy le salut est aduenn à ceste maison*. Enfin nous lisons és Actes des Apostres, qu'il fut dit à Corneille , qui n'estoit pas encore Chrestien , & qui faisoit neantmoins de grandes Aumosnes ; *Tes aumosnes sont venues en memoire deuant Dieu*. Duquel passage saint Augustin veut prouuer que Corneille impetra de Dieu par les Aumosnes , la grace de la Foy Chrestienne , & d'une parfaite iustification.

Act. 10.

Lib. 1. de  
Prædest.  
Sanct. c. 7

Prouer. 19

Pro. 28.

Ioh. 6.

Septiesmement en fin , l'Aumosne est souuentefois cause de faire croistre les biens temporels. Ce que confirme le sage , disant ; *Celuy-là reçoit au double de Dieu , qui a pitié du pauvre* , Et de rechef ; *Celuy qui donne aux pauvres , n'aura iamais disette*. Ce que nostre Seigneur mesme enseigna par son exemple , quand il commanda à ses disciples



de distribuer au peuple , cinq pains & deux poissons qu'ils auoient & rien dauantage : faisant qu'il leur restast douze corbeilles pleines des restes des pains & des poissons , qui estoient suffisants deles nourrir long-temps. Thobie aussi qui donnoit liberalement de ses biens aux pauures , acquist en peu de temps de grandes richesses. Tout de mesme , la veufue de Sarepta qui donna par Aumosne vn peu de farine & d'huile au Prophete Elye , merita que par vn singulier bien-faict de Dieu , ny l'huile ny la farine ne luy manquaist de long temps. Beaucoup d'autres exemples, & dignes d'estre leues, se trouuent dans Gregoire de Tours , au cinquiesme liure de l'histoire de France ; dans Leon-tius en la vie de Sainct Iean l'Aumosnier ; dans Sophronius en son Iardin Spirituel. Ce que confirme sainct Cyprian au sermon de l'Aumosne, & sainct Basile en l'Or-taison qu'il adresse aux riches,

; Reg. i.

c. 185. &amp;

201.

La où par vne gentille similitude il compare les richesses à l'eau des puits, laquelle deuient tousiours meilleure & en plus grande abondance, quand on en puise souuent; & aucontraire, si elle demeure sans estre mouuee, elle vient à décroistre & à se corrompre. Cela, les riches auaricieux ne l'entendent pas volontiers, & encor moins le croiront-ils: Mais apres cette vie, ils le cognoistront, & le croiront comme veritable, quand il ne leur seruira plus de rien de le cognoistre, ny de le croire.

Reste maintenant que nous escriuiôs quelque chose, de la maniere de donner l'Aumosne. Car c'est ce qui est le plus necessaire, pour bien viure & pour bien mourir. Il faut donc premierement faire des Aumosnes, avec droicte intention de plaire à Dieu, & non pas pour acquerir de la reputation au monde. Car nostre Seigneur l'enseigne, en ces paroles

Math. 6. tres-élegantes, disant : *Quand tu*



donnes l'Aumosne, ne sonne point de la trompette, & que ta main gauche ne sçache point ce qu'aura fait la droite.

Sainct Augustin expliquant ce passage en l'exposition del'epistre de saint Iean, entend par la main gauche, l'intention que l'on a de donner l'Aumosne pour l'honneur temporel; ou pour quelque autre profit semblable; & par la main droite, il veut estre entendüe l'intention de faire des Aumoses pour acquerir la vie eternelle; pour la gloire de Dieu; & pour l'amour du prochain.

Secondement, il faut donner l'Aumosne promptement & sans difficulté; de sorte qu'elle ne semble pas estre extorquée à force de prieres; & ne doit iamais estre deferree au lendemain, si on la peut faire sur l'heure; Ne dis iamais, dit le sage, *va t'en & reuiens demain, & ie te le donneray, si tu peus le donner à l'heure mesme.* Abraham grand amy de Dieu, inuitoit les passants à loger chez luy, & n'attendoit ia-

Prouerb. 3  
Genes. 18.

Genef. 16. mais qu'ils l'en priaissent. Ce que  
 Tob. 1. mesme faisoit son neveu, le bon  
 Loth. Tobie tout de mesme,  
 n'attendoit pas que les pauvres  
 vinssent à luy ; mais il les alloit  
 chercher luy mesme.

En après, l'autre condition re-  
 quise à donner l'Aumosne, est de la  
 donner gayement & de bon cœur,  
 & non pas avec tristesse, *En tousce*  
 Eccl. 31. *que tu donneras, dit l'Ecclesiastique,*  
*rends ton visage gay & serain. Et l'A-*  
*postre ; Que ce ne soit ny par melan-*  
*colie, ny par contrainte, Car Dieu*  
*ayme celuy qui donne avec gayeté de*  
*cœur.*

En quatriesme lieu, il faut que  
 l'Aumosne se face avec l'humilité,  
 de sorte que celuy qui est riche re-  
 cognoisse qu'il reçoit plus par ce  
 moyen, qu'il ne donne ; De quoy  
 saint Gregoire parle en ceste sor-  
 te ; *Il sert de beaucoup pour dompter*  
 Lib. 21. *l'orgueil de celuy qui donne, si en don-*  
 Moral. c. *nant les choses temporelles, il repense*  
 14. *aux paroles du Maistre Cœleste, qui dit ;*  
*Faites vous des amis par le moyen des*

richesses d'iniquité, afin que si vous venez à avoir besoin, ils vous reçoivent és tabernacles éternels. Car si par leur amitié nous gagnons les tabernacles éternels, lors que nous leur donnons quelque chose, nous devons sans doute croire, que nous faisons plustost des presents à nos Aduocats, que nous ne donnons l'Aumosne à des pauvres.

Cinquièsmement, il faut que l'Aumoline soit grande selon la grandeur de nos moyens. Car ainsi l'enseigne Thobie ce grand Aumolnier; Sois misericordieux autant que tu pourras. Si tu as beaucoup de moyens, donne beaucoup; si tu en as peu, sois soigneux d'en donner aussi librement peu. Et l'Apostre enseigne que l'Aumosne doit estre donnée comme par maniere de benediction, & non par avarice. Et saint Iean Chrysostôme adjouste; Donner simplement n'est pas faire ad pop. l'Aumosne: mais donner amplement. Et au mesme sermon il adjouste que ceux qui desirent d'estre exaucez de Dieu, quand ils disent;

Genes. 16. mais qu'ils l'en priaissent. Ce que  
Tob. 1. mesme faisoit son neveu, le bon  
Loth. Tobie tout de mesme,  
n'attendoit pas que les pauvres  
vinssent à luy ; mais il les alloit  
chercher luy mesme.

En après, l'autre condition re-  
quise à donner l'Aumosne, est de la  
donner gayement & de bon cœur,  
& non pas avec tristesse, *En tout ce*  
Eccl. 31 *que tu donneras*, dit l'Ecclesiastique,  
*rends ton visage gay & serain.* Et l'A-  
postre ; *Que ce ne soit ny par melan-*  
*colie , ny par contrainte , Car Dieu*  
*ayme celuy qui donne avec gayeté de*  
*cœur.*

En quatriesme lieu, il faut que  
l'Aumosne se face avec l'humilité,  
de sorte que celuy qui est riche re-  
cognoisse qu'il reçoit plus par ce  
moyen, qu'il ne donne ; De quoy  
sainct Gregoire parle en ceste sor-  
te ; *Il sert de beaucoup pour dompter*  
Lib. 21. *l'orgueil de celuy qui donne, si en don-*  
Moral. c. *nant les choses temporelles , il repense*  
14. *aux paroles du Maistre Cœleste, qui dit ;*  
*Faites vous des amis par le moyen des*

richesses d'iniquité, afin que si vous venez à avoir besoin, ils vous recoiuent es tabernacles éternels. Car si par leur amitié nous gagnons les tabernacles éternels, lors que nous leur donnons quelque chose, nous deuons sans doute croire, que nous faisons plustost des presents à nos Aduocats, que nous ne donnons l'Aumosne à des pauvres.

Cinquiesmement, il faut que l'Aumosne soit grande selon la grandeur de nos moyens. Car ainsi l'enseigne Thobie ce grand Aumosnier; Sois misericordieux autant que tu pourras. Si tu as beaucoup de moyens, donne beaucoup; si tu en as peu, sois soigneux d'en donner aussi librement peu. Et l'Apostre enseigne que l'Aumosne doit estre donnée comme par maniere de benediction, & non par auarice. Et saint Iean Chrysostôme adjoûte; Donner simplement n'est pas faire l'Aumosne: mais donner amplement. Et au mesme sermon il adjoûte que ceux qui desirent d'estre exaucez de Dieu, quand ils disent;



quer les passages de l'Ecriture  
saincte, & des Docteurs tât anciẽs  
que modernes; & là dessus ie fini-  
ray ce discours.

Les passages de l'Ecriture sont en  
en S. Matthieu 6. *Vous ne pouvez  
servir à Dieu & aux richesses.* En S.  
Luc 3. *Qui a deux vestemens, qu'il en  
donne vn à celuy qui n'en a point. Et  
celuy qui a des viures, qu'il face le sem-  
blable.* En saint Luc 12. il est dict à  
cet homme riche qui auoit si gran-  
de abondance de biens, qu'a peine  
sçauoit il ou les mettre, *Mal-aisé,  
eieiten n'ist prochaine, on te redemanderá  
ton aine*; Lesquelles paroles saint  
Augustin au liure des cinquante  
Homelies, les explique de sorte Homil. 7.  
qu'il croit que ce riche soit perdu  
à iamais, pour auoir retenu des ri-  
cheses superflües.

Les autoritez desperessõt tirees  
de S. Basile, en l'Oraison qu'il ad-  
dresse aux riches; *Mais toy, dit-il,  
n'es tu pas vn voleur, toy qui fais tã pro-  
pre de ce que tu n'as reęu que pour le di-  
tribuer?* Et vn peu après, *Et partant*

130 De l'art de bien mourir.

dit-il, tu fais tort à autant de pauvres, auxquels tu pourrois donner. Saint Ambroise au sermon 81. Quoy, (dit-il) est-ce mal-faict, si ne raiissant rien du bien d'autrui, ie conserue curieusement ce qui m'appartient par droit de propriété? O l'impudente parole! Tu t'attribues comme propre? Et quoy? Et vn peu plus bas; Il n'y a pas moins de crime de denier l'Aumosne aux pauvres quand tu as le moyen de la donner, & du surplus, que de raurir le bien d'autrui. S. Hierosme, en l'epistre à Hedibia en la premiere question; Si tu as dauantage que ce qui est necessaire pour viure & pour t'habiller, dñe le; & apprens qu'ence cas là tu y es obligee.

S. Iean Chrysost. en l'Homelie 34. au peuple d'Antioche; Est-ce à toy ce que tu possèdes? Le bien des pauvres s'a esté baillé en garde, soit que tu le possede par iustetruail, soit que tu le possede pour l'auoir herité de ton pere. S. Augustin au traicté sur le Pseaume 147. Ce qui est superflu au riche, est necessaire au pauvre: Quand nous possedons

choses superflues, nous possédons les  
 biens d'autrui. S. Leō au sermō 5. des  
 collectes parle en cette façon; Les  
 biens terriens & corporels, prouiennent  
 de la liberalité de Dieu, de sorte que in-  
 cemment il demandera compte des choses  
 n'il n'a pas plus tost baillées pour les  
 posséder, que pour les distribuer. S. Gre-  
 goire en la 3. partie de son liure du  
 loing des Pasteurs, en l'exhortatiō  
 12. Ceux (dit-il) qui ne desirent nulle-  
 ment le bien d'autrui; ny ne donnent  
 point aussi du leur, doiuent estre aduer-  
 tis qu'ils apprennent diligemment, que  
 la terre dont nous auons esté formez, est  
 commune à tous les hommes, & que par-  
 tant les aliments qu'elle produit sont  
 communs à tout le monde; si bien que  
 ceux-là en vain s'estiment inno-  
 cents qui s'attribuent comme propre, un  
 bien que Dieu a rendu commun. Sainct  
 Bernard en l'epist. à Henry Arche-  
 uesque de Sens, tient ce langage;  
 C'est à nous, crient les pauvres, ce que  
 vous depensez avec trop de profusion: On  
 nous oste avec trop de cruauté, ce que  
 vous consommez inutilement. S. Tho-



Q. 66.  
art. 7.

mas en la seconde secōde. Les biens dit-il) qu'ont quelques-uns en trop grāde abōdānce, par le droit de nature, doivent estre employez à la nourriture des pauvres. Et en la question 87. art. 1. Dieu commande, (dit-il) de donner aux pauvres, non seulement la dixiesme partie, mais tout ce qui est de surplus. Finalement, le mesme auteur escriuant sur le quat riesme des sentences, à la distinction quinzieme, tesmoigne, que c'est vne doctrine toute commune entre les Theologiens. L'adiouste icy, que si quelqu'un vouloit debattre, qu'à la rigueur du droit personne n'est obligé de donner les choses superflues aux pauvres; neantmoins il ne poura nier que pour le moins il le doit faire par Charité. Or il n'y a guere à dire de l'un à l'autre, que quelqu'un soit enuoyé au feu de la gehenne, ou à faute de iustice, ou par manquement de Charité.

CHAP. X.

*Du dixiesme precepte de l'Art  
de bien mourir, qui est du  
Sacrement de Baptisme.*

**A**Yans expliqué ce qui regar-  
de les principales vertus qui  
nous apprenent l'art de bien mou-  
rir; il nous faut maintenant adiou-  
ster quelque chose de la doctrine  
des Sacrements, qui ne sont pas  
moins necessaires, & qui ne con-  
tribuent pas moins pour appren-  
dre aisement l'Art de bien viure.

Les Sacrements instituez par Je-  
sus-Christ, sont sept en nombre.  
Le Baptisme, la Confirmation,  
l'Eucharistie, la Penitence, l'Or-  
dre, le Mariage, & l'Extreme-Un-  
ction, qui sont comme certains in-  
strumens, dont il plaist à Dieu de  
se servir pour conferer, augmen-

ter, ou restituer la grace, par le ministère de ses seruiteurs : afin que les hommes estants deliurés de la seruitude du Diable, & esleués à l'honneur des enfans de Dieu, puissent vn iour paruenir à la gloire, avec les Anges bien heureux. Je desire donc monstrier briefuement par ces Augustes Sacremens, qui sont ceux qui s'aduancent & profitent en l'art de bien viure, & qui sont ceux qui retardent, & n'y font point de profit : afin de pouoir cognoistre par là qui est-ce qui peut esperer de mourir heureusement, & qui est-ce au contraire qui doit attendre vne fin malheureuse, s'il ne change de meurs & de façon de viure.

Commençons au premier Sacrement. Le Baptisme est le premier entre les Sacremens, & est iustement appelé la porte & l'entrée des autres Sacremens; car si le Baptisme ne va deuant, personne n'est capable de receuoir les autres. Au Baptisme l'on obserue

ordinaire les formes & les ceremonies qui s'ensuiuent. Deuant toutes choses celuy qui est baptisé doit faire profession de la Foy Catholique, soit de foy-mesme, soit par vn autre. Secondement il doit renoncer au Diable, à ses vanités, & à toutes ses œuvres. En apres, il doit estre baptisé en Iesus-Christ; par lequel baptisme il est deluë de la seruitude de Sathā à l'estat de la grace de Dieu: & tous ses pechez estants effacés, il reçoit les dons de la grace celeste, par lesquels il est rendu enfant adoptif de Dieu, heritier de Dieu, & coheritier de Iesus-Christ. En quatriesme lieu, on luy donne vne robe blanche, qu'on luy commande de conseruer pure & nette iusques à la mort. Cinquiesmement, on luy met en la main vn flambeau ardent, qui signifie les bonnes œuvres qu'il doit adioindre à l'innocence de ses mœurs pendant sa vie: laquelle innocence est designée par cette robe blanche qu'on luy a

136 *Del'art de bien mourir.*

donnée vn peu auparauant. Car voicy comme parle nostre Seigneur dans l'Euangile : *Que vostre*

*Matth. 5. lumiere éclaire de sorte aux yeux des hommes, qu'ils voient vos bonnes œuvres, & que delà ils ayent subiet de glorifier vostre Pere qui est és Cieux. Voilà les principales ceremonies que l'ō a accoustumé de garder en donnant le Baptisme ; car ie laisse à part les autres qui ne font rien à nostre subiet. Par là vn chacun pourra cognoistre s'il a bien vescu depuis qu'il a receu le Baptisme, iusques au iour qu'il vit maintenant. Quant à moy ie crains fort qu'ils s'en trouue bien peu qui ayēt accompli tout ce qu'ils auoient promis de faire, ou certes qu'ils estoient obligés de faire : Car beau-*

*Matth. 20. coup sont appelez, mais il y en a bien*

*Matth. 7. peu du nombre des Eleuz. Et puis: Le chemin qui conduit à la vie est fort estroit, & peu y en a t'il qui le trouuent.*

Commençons par le Symbole de la Foy. Combien y a t'il de gens

Riques, de pauvres, ou d'artisans exerçans des mestiers vils & sordides, qui ou ne sçauent pas par cœur le Symbole de la Foy, ou ne l'ont iamais appris, ou bien ils prononcent à la vérité les paroles, mais s'en entendent pas le sens. Et neantmoins lors qu'on les baptisoit, ils ont respondu par la bouche de leurs Parrains à chaque article, qu'ils y croioient. Que si Iesus-Christ habite par la Foy dans nos cœurs, comme enseigne l'Apostre, comment est-ce qu'il habitera au cœur de ceux qui à grand peine peuuent reciter les paroles du Symbole, & qui n'en ont rien du tout au cœur? Et si Dieu *Purifie nos cœurs par la Foy*, comme parle l'Apostre Saint Pierre, combien sera sordide le cœur de ceux qui n'ont pas reçu de cœur la Foy de Iesus-Christ, encore qu'ils ayent reçu corporellement le Baptisme? Or ie parle de ceux qui sont des-là d'aage, & non pas des enfans. Car les enfans sont sanctifiés habituellement par la

Ephes. 3.

Act. 15.

138 *De l'art de bien mourir.*

grace, par la Foy, par l'Esperance, & par la Charité. Mais estans deuenus grands, ils sont obligés d'apprendre le Symbole de la Foy, & de croire de cœur à iustice la foy Chrestienne, d'en faire protestation pour leur Salut; ainsi quel'Apôstre enseigne ouuertement en l'Epistre aux Romains. Venons à l'autre ceremonie.

Rom. 10.

Tous les Chrestiens estant interrogés s'ils renoncent au Diable, & à ses vanités, & à toutes ses œuvres; respondent ou d'eux-mêmes, ou par leurs Parrins, l'y renonce. Mais combië y en a t'il qui y renoncent de parole, & ny renoncent nullement en effet? Plustost, combien s'en trouue il qui ne recherchent de toute leur affection les pompes & les œuvres du Diable, & qui les ensuiuent? Et toutefois Dieu cognoist tout, & ne peut estre moqué ny trompé. Et partant quiconque desire de bien viure & de bien mourir, qu'il entre dans le cabinet de son cœur, qu'il



se trompe point luy-mesme,  
 is qu'il pense & repense serieu-  
 nent & attētiuement s'il se plaist  
 x vanitez de ce monde, & si en  
 n cœur, en effect, ou par paro-  
 , il n'a point donné lieu aux œu-  
 es du Diable, qui sont les pe-  
 ieux. Car par ce moyen ou bien sa  
 onscience luy donnera de la con-  
 solation si elle est bonne, ou bien  
 elle le portera à faire penitence si  
 elle est mauuaise.

En la troisieme ceremonie nous  
 est manifestée vne grace & vne fa-  
 neur de Dieu, si releuée, & si gran-  
 de, que si nous employiōs les iours  
 & les nuicts entieres pour l'admi-  
 rer, & pour en rendre graces à  
 Dieu, nous ne ferions encore rien  
 digne d'un tel bien-fait. Bon Dieu  
 qui est-ce qui peut comprendre,  
 qui est-ce qui ne s'estonnera point,  
 qui est-ce qui ne fendra point tout  
 en larmes, venant à cōsiderer que  
 l'homme qui iustemēt deuoit estre  
 damné dans les enfers, passe en un  
 moment, par le Baptisme de Iesvs



CHRIST, de l'estat miserable de sa captivité, au droit de possession d'un Royaume tres-heureux? Mais d'autant plus que ceste faueur est grande, d'autant plus doit estre detestée l'ingratitude de plusieurs; veu qu'il y en a fort peu qui à peine soient paruenus à l'aage d'vsage de raison, qui commencent dès lors à renoncer à ceste grace admirable de Dieu, & à se voïer au seruice de Sathan. Car d'ensuiure dès sa jeunesse la concupiscence de la chair, la concupiscence des yeux, & l'orgueil de la vie, qu'est-ce autre chose, sinon contracter alliance & amitié avec le Diable, & renier Iesus-Christ veritablemēt & en effect? Rarement s'en trouue-t'il qui estants preuenus d'une singuliere grace de Dieu, cōseruent soigneusement la grace du Baptisme, & qui portent dès leur ieune aage le ioug de nostre seigneur, cōme parle Hieremie. Cependant si nous ne cōseruons soigneusemēt la grace que nous auons receuë au Baptisme, ou si par vne vraye penitence nous

Thren. 3.

renonçons derechef au Diable,  
uenans au seruice de Iesus Christ,  
y perseuerons iusques à la mort;  
ous ne pouuons ny bien viure, ny  
ous affranchir d'une mort mise-  
able.

La quatriesme ceremonie con-  
siste à donner vne robbe blanche à  
celuy qui est Baptisé, qu'on luy cō-  
mande de porter iusques à ce qu'il  
se doiuie presenter deuant Dieu.  
Par laquelle ceremonie nous auōs  
dit estre designée l'innocence que  
nous acquerons par le Baptisme,  
laquelle nous deuons conseruer  
iusques à la mort. Mais qui pourra  
expliquer, qu'elles embusches no-  
dresse le Diable, ennemy immortel  
du genre humain, qui ne procure  
rien dauantage, sinon que de cou-  
rir ceste robbe de toutes sortes de  
taches? De là viēt qu'il s'en trouue  
si peu, qui puissent viure long tēps,  
& euitier toutes les souilleures du  
peché. David certes appelle bien-  
heureux ceux qui cheminent sans  
macule en la voye de ce monde:

Mais d'autant plus qu'il y a de difficulté de cheminer sans macule en vn chemin sale & bourbeux, d'autant plus sera glorieuse la Palme & la Couronne de la vie innocente. Tous ceux donc qui desireront bien viure & bien mourir, doiuent prendre garde de toutes leurs forces à tenir tousiours blanche & nette la robe d'innocence. Que si parauenture il tombe quelques taches dessus, ils doiuent la blanchir souuent dans le sang de l'Agneau : Ce qui se fait par vne vraye cōtrition, & par les larmes de penitence. Certes Dauid ce saint homme, apres auoir long temps pleuré son péché, commença à respirer par l'esperance de la grace. De quoy remerciant Dieu, il luy tint hardiment ce langage ; *seigneur, vous m'arroserez avec l'Hissope, & se seray lauté, & ie deviendray plus blanc que neige.*

*Psal. 50.*

La dernière ceremonie est de rendre vn flambeau allumé, & de le porter dans ses mains. Ce qui ne designe autre chose, comme nous

uōs dit cy-dessus, sinon les bōnes  
œuvres que l'on doit marier avec  
innocence de vie. Or quelles sont  
ces bonnes œuvres que doiuent fai-  
re ceux qui ont esté regenerés en  
Iesus-Christ par le Baptême; S.  
Paul nous l'apprend par son exem-  
ple, disant; *J'ay soustenu vn bon com- 2. Thim.  
bat; J'ay acheué ma course, J'ay gardé 4.  
la Foy. Au reste, la Couronne de iusti-  
ce m'est preparée; laquelle le Iuste Ju-  
ge me rendra au dernier iour.* En ce  
petit nombre de paroles l'Apostre  
a compté succinctement toutes  
les bonnes œuvres, que doiuent  
faire ceux qui sont regenerés en  
Iesus-Christ, par le Baptême. Car  
il faut courageusement combattre  
contre les tentations du Diable,  
*parce que comme vn Lion rugissant il 1. Pet. 5.  
tourne de part & d'autre, cherchant  
quelqu'un pour le deuorer.* Il faut aussi  
accomplir la course des bonnes  
œuvres en l'observation des com-  
mandemens de Dieu, suiuant ce-  
ste parole du Psalmiste; *J'ay suivy Psal. 118.  
la voye de vos commandemens, apres*

#### 144 De l'art de bien mourir.

*que vous m'avez estendu le cœur.*

Il faut en fin garder la foy à Dieu, en faisant multiplier le talēt, ou en cultiuant sa vigne, ou en nous acquittant dignemēt del'administration qui nous a esté commise, ou bien gouuernant sagement nostre famille, ou bien en routes les autres charges & affaires, que Dieu nous a recommandées. Car nostre Seigneur comme tref-sage qu'il est, a voulu à la verité nous admettre comme enfans adoptifs, à l'heritage celeste: Mais afin que cela se fist à sa plus grāde gloire, & à la nostre, il a semblé bon à sa diuine sapience de nous laisser meriter cet heritage celeste, c'est à dire la beatitude eternelle par les bōnes œuvres que nous faisons par le moyē de sa grace, & de nostre franc arbitre. Et partāt ceste riche & glorieuse possession ne sera point dōnée à ceux qui dorment, ny aux paresseux, ny à ceux qui se donnent du bon temps, mais à ceux qui veillēt, à ceux qui trauaillent, & à ceux qui perle-

perseuerent à bien faire iusques à la fin de leur vie.

Qu'vn chacun donc examine ses actions, sa vie, & ses mœurs s'il veut bien viure, & heureusement mourir. Et si sa conscience luy rend tesmoignage qu'il ait soustenu vn bon combat contre les vices, contre la concupiscence, & contre toutes les tentations du vieux serpent: qu'il ait heureusement paracheué son cours en tous les commandemens & iustifications de Dieu, sans querelle ny dispute; & qu'il ait gardé la foy à Dieu en toutes les charges & offices qui luy ont esté commises, tout plein d'assurance qu'il se resiouysse & die avec l'Apostre: *La couronne de iuste n'est prestée, laquelle le iuste iuge me rendra.* Que si apres auoir examiné la conscience, elle l'accuse qu'en combattant avec l'ennemy du genre humain elle a esté outrageusement blessée, & que non seulement pour vne fois, mais fort souvent les sagettes de seul'ancées



par l'aduersaire l'ont trauesé iufques au fond de l'ame ? qu'à la course des bonnes œuvres il a souuent perdu courage, & que non seulement il n'a pas marché courageusement, mais mesmes qu'estant abbatu de lassitude, il s'est assis ou couché par terre au milieu du chemin: & enfin qu'il n'a pas gardé la foy à Dieu, es choses qu'il luy auoit commises, mais que ou la vaine gloire, ou l'acception des personnes, ou quelque chose de semblable luy a rauy vne partie du profit qu'il en pouoit recueillir; Que sans differer dauantage il ait recourts au remede de la penitence, & à Dieu comme à son Medecin, & ne remette nullement à vn autre temps cette affaire, qui est l'affaire la plus importante du monde, par ce que nous ne sçauons, ny le iour, ny l'heure que nous deuons mourir.

## CHAP. XI.

*De l'vniesme precepte de  
l'Art de bien mourir, qui  
est de la Confirmation.*

**A** PRES le Sacrement de Baptisme, suit le Sacrement de la Confirmation, duquel on peut tirer vne instruction non moins vtile pour bien viure, que du Baptisme. Car encore que le Baptisme soit plus necessaire que la Confirmation, toutefois la Confirmation est plus noble que le Sacrement de Baptisme. Ce que nous pourrons cognoistre par le Ministre, par la matiere, & par l'effet. Le Ministre ordinaire du Baptisme, c'est le Prestre, ou le Diacre, & en temps de necessité, c'est toute sorte de personnes. Le Ministre ordinaire qui confere la Confir-

G ij



mation, c'est l'Euesque, & par dispense du Pape, seulement le Prestre.

La matiere du Baptême, c'est l'eau naturelle : la matiere de la Confirmation c'est del'huile precieuse meslée avec du baufme, & consacrée par l'Euesque. L'Effet du Baptême, c'est la grace, & le caractere, tel qu'il est requis pour engendrer vn enfant spirituel, fuyant cette parole de saint Pierre:

1. Pet. 2. *Desirés le lait, comme enfans qui venés de naistre.* L'effet de la Confirmation, c'est la grace & le caractere, tel qu'il est requis pour créer vn soldat Chrestien, qui doit combattre contre les ennemis inuisibles; selon ce que dit saint Paul:

Ephes. 6. *Nous n'auons pas à combattre contre la chair & le sang, mais contre les Princes, contre les puissances, contre les gouverneurs de ce monde, de ces tenebres & contre les inuentions spirituelles de malice & les lieux Celestes.* En après au Baptême on donne du sel à goster aux enfans: & en la Confirma-

tion l'on donne vn soufflet, afin que le soldat Chrestien aprenne à combattre, non pas en frapant, mais en souffrant.

Mais pour entendre plus facilement quel est le deuoir de celuy qui a esté oint du Cresme sacré, c'est à dire du soldat Chrestien, il faut voir ce que receurent les Apostres lors qu'ils furent confirmés, qui fut le iour de la Pentecoste. Car les Apostres n'ont pas esté proprement confirmés par le Sacrement du Cresme, mais ils receurent de Iesus, qui est le Prince & le chef de tous les Prestres, l'effet du Sacrement sans le Sacrement. Or ils receurent trois sortes de dons, la Sagesse, l'Eloquence, & la Charité en souverain degré; Et de plus, le don de faire des miracles, qui estoit necessaire pour conuertir les infidelles à la Foy. Et ces dons estoient signifiés par ces langues de feu, qui furent venues le iour de la Pentecoste, & ce grand bruit qui fut semblablement en-

tendu. Car la lumiere du feu signifioit la Sagesse, la chaleur du même feu signifioit la Charité, la forme de langue signifioit l'Eloquence, & le grand bruit signifioit les dons des Miracles.

Le Sacrement de Confirmation que nous receuons maintenant, n'apporte pas avec soy le don des langues, ny le don des miracles: par ce que ces choses estoient necessaires, non pour l'vtilité ou pour la perfection des Apostres, mais pour la conuersion des infidelles: Mais elle apporte le don de la Sagesse spirituelle, & le don de

1. Cor. 13. *Charité : Qui est benigne & paisible.* Et pour marque de cette patience, qui est vne vertu tres-rare & tres-precieuse; l'Euesque donne publiquement vn soufflet à ce luy qui est confirmé, afin qu'il sçache qu'il a esté créé soldat de Iesus Christ, nō pour frapper, mais pour souffrir, non pour donner des iuures, mais pour les endurer. Car telle est la forme de combattre en

la Milice Chrestienne, non pas contre les hommes qui paroissent à nos yeux, mais contre les Diab- les que nous ne voyons point. Et c'est de cette sorte que Iesus Christ nostre Empereur a combattu & vaincu, mettant en desroute les puissances aëriennes, lors qu'il estoit attaché à la Croix. Et c'est de cette sorte encore que combat- toient les Apostres, estant confir- més depuis peu, lesquels ayans esté cruellement battus de verges dans le Conseil des Iuifs: *Sortoient tous* pleins de ioye de deuant le Conseil, de ce qu'ils auoient esté estimés dignes d'en- durer des opprobres & des outrages pour le nom de Iesus. Car certainement c'est la grace du Sacrement de Cō- firmation, de faire que vne per- sonne qui aura esté battüe iniuste- ment, ne pense nullement à la ven- geance, mais se resiouyst d'auoir souffert vne iniure pour l'amour de iustice.

Actor. j.

Maintenant donc que celuy qui a esté confirmé entre en son

152 *De l'art de bien mourir.*

cœur, & prenne garde attentivement s'il conserue en son cœur les dons du saint Esprit, & particulièrement la sagesse, & la force. Qu'il prenne garde, dis-je, s'il a receu la sagesse des Saints, qui sçait estimer les biens eternels, & mespriser les tēporels; & la force des soldats de Iesus-Christ, qui reçoient plus franchement vne iniure qu'ils ne la font. Et de peur qu'il ne se trompe, qu'il vienne à la pratique, qu'il examine sa conscience. Car s'il se trouue prest & disposé à faire des Aumônes, & non pas à amasser des richesses; & si ayant enduré vne iniure il n'a aucune pensée de vengeance, mais il l'a librement & facilement pardonnée; alors il pourra à bon droit se resiouyr en son âme, comme ayant le gage de l'Esprit d'adoptiō des enfans de Dieu. Mais si après auoir receu le Sacrement de Confirmation, il ne se recognoît pas moins auaricieux, ny moins subiet à la colere, ny moins impatient.

au parauant; si en effet il a de la  
 me à tirer vne piece d'argent  
 ut soulager vn pauvre: & si au  
 ntraire il se recognoist prompt  
 prendre les occasions du Lucrè  
 : del' Auarice; & de rechet s'il co-  
 noist qu'il se laisse facilement  
 mporter à la colere; & qu'il est en-  
 clin à la vengeance, si bien qu'estât  
 cōiuré mesmes par ses amis de par-  
 dōner l'offense qu'il auroit receüe  
 il se rend inexorable; que pourra-  
 il recueillir de là sinon qu'à la veri-  
 té il a receu le Sacrement, mais  
 non pas la grace du Sacrement?

Je dis cecy pour ceux qui sont  
 vn peu plus auancés en aage, lors  
 qu'ils veulent s'approcher pour  
 recevoir ce Sacrement: Car ceux  
 qui dés leurs ieunes ans, n'estans  
 pas encores capables d'aucune  
 fraudeny malice, s'approchent  
 pour recenoir la Confirmation; il  
 est croyable que les dons & les  
 vertus leur sont infuses, attendu  
 qu'il n'y a rien qui empesche: mais  
 ils doiuent craindre que les pe-

cœur, & prenne garde attentivement s'il conserue en son cœur les dons du saint Esprit, & particulièrement la sagesse, & la force. Qu'il prenne garde, dis-je, s'il a receu la sagesse des Saints, qui sçait estimer les biens eternels, & mespriser les tēporels; & la force des soldats de Iesus-Christ, qui reçoient plus franchement vne iniure qu'ils ne la font. Et de peur qu'il ne se trompe, qu'il vienne à la pratique, qu'il examine sa conscience. Car s'il se trouue prest & disposé à faire des Aumônes, & non pas à amasser des richesses; & si ayant enduré vne iniure il n'a aucune pensée de vengeance, mais il l'a librement & facilement pardonnée; alors il pourra à bon droit se resiouyr en son âme, comme ayant le gage de l'Esprit d'adoptiō des enfans de Dieu. Mais si après auoir receu le Sacrement de Confirmation, il ne se recognoist pas moins auaricieux, ny moins subiet à la colere, ny moins impatient.

qu'auparavant; si en effet il a de la peine à tirer vne piece d'argent pour soulager vn pauvre: & si au contraire il se recognoist prompt à prendre les occasions du Lucre & de l'Auarice; & de rechef s'il cognoist qu'il se laisse facilement emporter à la colere, & qu'il est enclin à la vengeance, si bien qu'estant cōiuré mesmes par ses amis de pardonner l'offense qu'il auroit receüe il se rend inexorable; que pourra-il recueillir de là sinon qu'à la verité il a receu le Sacrement, mais non pas la grace du Sacrement?

Je dis cecy pour ceux qui sont vn peu plus auancés en aage, lors qu'ils veulent s'approcher pour recevoir ce Sacrement: Car ceux qui dès leurs ieunes ans, n'estans pas encores capables d'aucune fraude ny malice, s'approchent pour recevoir la Confirmation; il est croyable que les dons & les vertus leur sont infuses, attendu qu'il n'y a rien qui empesche: mais ils doiuent craindre que les pe-



chés suruenants, & que ayant trop long-temps differé à faire penitence, ils n'esteignent l'esprit qu'ils ont receu à la Confirmation : c'est à dire qu'ils ne perdent la grace du saint Esprit. Car c'est en ce sens qu'il faut entendre cet aduertissement del'Apostre : *N'esteignez pas l'esprit.* Car celuy-là en ce qu'il peut esteint le saint Esprit, qui esteint en soy la grace de Dieu.

Celuy donc qui desire tousiours de bien viure, afin qu'il luy arriue de bien mourir vne fois, qu'il estime & prise autant qu'il doit la grace des Sacrements, qui sont les vaisseaux des thresors celestes: & principalemēt ceux lesquels estans vne fois perdus, ne peuuent plus se recouurer: tel qu'est le Sacrement de Confirmation, auquel on reçoit vn thresor incomparable de biens. Car encor que le caractere des Sacremens ne s'efface iamais, neantmoins sans les dons de la grace, ce caractere n'apportera aucune consolation, mais plustost il

augmentera la peine de nostre honte.

## CHAP. XII.

*Du douzième precepte de  
l'Art de bien mourir, qui  
est de l'Eucharistie.*

**L**A tres-sainte & tres-aug-  
ste Eucharistie, est le Sacre-  
ment le plus grand & le plus noble  
de tous les Sacrements, dans le-  
quel non seulement est contenuë  
la grace, mais l'auteur mesme de  
la grace. Or pour ce qui regarde  
ce Sacrement, deux choses sont  
necessaires, pour faire que l'hom-  
me Chrestien viue bien; & meure  
aussi heureusement au temps qui  
luy sera determiné de mourir. L'un  
ne, de receuoir quelquefois ce sa-  
cré aliment: nostre Seigneur nous Ioan. 6.  
disant que *si nous ne mangeons la*

chair du Fils de l'homme, nous n'au-  
rons point la vie en nous. L'autre de  
manger cette precieuse viande,  
avec la dignité & la preparation  
qu'il pourra y apporter. L'Apostre  
nous disant en l'epistre au Corin-  
thiens; que *Quiconque la mange & boit*  
1. Cor. II. *indignement, il mange & boit son iuge-  
ment, comme ne discernant pas le Corps  
du Seigneur.* Or c'est vne question,  
à sçauoir combien souuent on doit  
prendre cette viande: Et puis,  
qu'elle suffisante preparation nous  
deuons apporter, afin de nous ap-  
procher dignement, ou pour le  
moins non pas avec indignité, de  
ce celeste banquet.

Quant à la premiere; nous sça-  
uons qu'il y a eu là dessus plusieurs  
& differētes coustumes en l'Eglise  
Catholique. En la primitiue Egli-  
se les fidelles prenoient souuent la  
Communion du Corps de nostre  
Seigneur. Car c'est pour cette rai-  
son que saint Cyprian, au sermon  
del'Oratſon Dominicale, qui est  
le sixiesme en ordre, explique de

l'Eucharistie ces paroles : *Donnés nous aujourdhuy nostre pain quotidien.* Et enseigne qu'il faut tous les iours receuoir la sainte Eucharistie; s'entend si on n'a point de legitime empeschement.

Puis apres neantmoins, la Charité commençant à se refroidir, plusieurs différoient vn an tout entier à receuoir la Communion. Surquoy le Pape Innocent troisiésme fist ceste ordonnance, qu'au moins vne fois l'an, vn chacun tant hommes que femmes, seroit obligé de receuoir l'Eucharistie, à sçauoir aux festes de Pasques. Cependant la plus commune opinion des Docteurs tient pour chose fort pieuse & loiiable, que ceux qui ne sont pas Prestres, s'approchent de la sainte Eucharistie tous les Dimanches & les festes plus solennelles. C'est vne sentence fort celebre parmy ceux qui escriuent, comme ayant esté proferée de la bouche de saint Augustin. *De prendre tous les iours la sainte Eucharistie,*

Cap. Omnis de poenit. & remissi.

158 De l'art de bien mourir.

(dit-il) c'est chose que ie ne loüe ny ne blasme : Je conseille pourtant & admoneste de Communier tous les Dimanches.

Or encore que le liure des Enseignemens Ecclesiastiques, d'où est tirée ceste sentēce, semble n'estre pas de saint Augustin, elle est neantmoins d'un Autheur fort ancien, & n'est nullement contraire à la doctrine de saint Augustin, lequel enseigne clairement en l'Epist. 118. Epist. à Ianuarius, que ceux-la n'errent point qui croient qu'il faut communier tous les iours ; ny ceux-la nō plus qui croient qu'il ne faut pas cōmunier tous les iours, mais plus rarement. Certes celuy qui enseigne cela, ne reprendroit nullement ceux qui suiuroient une opinion moyenne, à sçauoir de s'approcher de ce Sacrement pour le moins tous les Dimanches. Et que ceste opinion ait semblé bonne à saint Hierosme, on le peut apprendre du Commentaire sur l'Epist. aux Galates : ou exposant le quatriesme Chapitre, Voicy

comme il parle; Il n'est pas permis aux Juifs d'immoler l'Agneau &c. comme il nous est permis, ou de ieusner continuellement, ou de prier sans cesse, ou de solemniser perpetuellement le iour du Dimanche avec ioye, en receuant le Corps de nostre Seigneur: Et la mesme opinion a pleu à saint Thomas, en la troisieme partie de sa Somme.

Q. 80. art.  
10. & vi-  
tino.

Quant à l'autre question touchant la preparation qu'il faut apporter pour receuoir dignement vn si grand Sacrement, afin de le receuoir à nostre salut, & non à nostre iugement & cōdemnation; Il est premierement requis que l'ame soit viuante de la vie de la grace, & non pas morte de la mort causée par le peché mortel. Car pour ceste raison il est appellé viande, & est donné sous l'espece du pain, par ce que la nourriture n'est pas pour les morts, mais pour les viuans. Celuy qui mange ce pain, dit nostre Seigneur en saint Iean, *Viura eternellement*. Et au mesme lieu; *Ma chair est vraiment viande*.

Ioh. 6.

Concil.  
Trid,  
Sess. 13.  
Can. 11.

Le Cōcile de Trente adiousté d'auantage que ce n'est pas assez pour faire vne entiere preparation pour receuoir dignement ceste viande celeste, que celuy qui se sent entaché de quelque peché mortel se contente de la seule contrition; mais qu'il faut de plus expier les pechez par la penitence, pourueu qu'il ait la commodité de se confesser. D'ailleurs, pource que ce Sacrement n'est pas seulement vne viande, mais aussi vne medecine, & medecine tres-bonne & tres-salutaire contre toutes les maladies que causent les Pechez: Pour ceste raison il est requis en second lien, que celuy qui se sent malade recherche sa santé, & desire d'estre guery de toutes les maladies des vices; & principalement des vices capitaux, qui sōt la Luxure, l'Auarice, & l'Orgueil. Or que l'Eucharistie soit vne medecine: Sainct Ambroise l'enseigne au cinquieme liure des Sacrements, Chapitre quatriesme, *Celuy, (dit-il,) qui a une playe, cherche la medecine :*



La playe, c'est d'estre suiets à pecher: la  
Medecine, c'est le celeste & venerable  
Sacrement. Et saint Bonauenture  
au second liure de l'aduancement  
des Religieux; Celuy, dit-il, qui se Chap. 7  
repute indigne, qu'il pense, qu'il a d'au-  
tant plus de besoin de rechercher le Me-  
decin, qu'il se sent malade. Et saint  
Bernard au sermon de la Cene de  
nostre Seigneur exhorte ses freres  
qu'ils attribuent à la vertu du saint  
Sacrement, quand ils experimen-  
tent en eux-mesmes que les mau-  
uaises inclinations s'amortissent  
peu à peu, & que les autres mala-  
dies de l'ame s'amoindrissent.

Finalemēt, le tres-auguste Sa-  
cremēt n'est pas seulement la Viā-  
de des malades, mais mesme c'en  
est le sçauant & amiable Mede-  
cin. Partant il le faut receuoir avec  
vne grande ioye & singuliere re-  
uerence: Il faut orner la maison  
de nostre âme de toute sorte de  
vertus; & principalement de la  
Foy, de l'Esperance, de la Charité,  
de la Deuotion, de la Picté, & des



fruits des bonnes œuvres, de l'Oraison, du Jeusne, & de l'Aumône. Car ce sont les ornemens & les parures que demande le doux hôte de nostre âme, qui n'a nullement besoin de nos biens. Joint que ce Medecin qui nous visite, est aussi Roy, & Dieu, dont la pureté est infinie, & que partant il demande une demeure pure. Escoute S. Chrysostome au sermon 60. au peuple d'Antioche; *Quelle chose y a-t'il au monde, quelque pure qu'elle puisse estre, que ne doive encore estre plus pur celui qui participe à ce sacrifice? Combien plus éclatante que les rayons du soleil, doit estre la main qui distribue ceste viande? & la bouche qui est remplie d'une flame spirituelle?*

Entre donc maintenant dans le Cabinet de son âme, quiconque desire de biē viure & de bien mourir; & la porte fermée, estant seul avec son cœur tout seul, devant Dieu qui sonde les reins & les cœurs, qu'il considere attentivement, combien de fois, & avec

quelle preparation il communie le Corps de nostre Seigneur. Et s'il trouue que par la grace de Dieu il communie souuent, & salutairement, & que parce moyē il est biē nourry, & que peu à peu il se sent guerir des maladies des vices; & que de iour en iour il profite davantage en l'exercice des vertus; qu'il se resiouisse avec tremblement, & qu'il continuē à seruir Dieu en crainte; non toutefois tant avec la crainte seruile, qu'avec la crainte chaste & filiale.

Que si c'est quelqu'un du nombre de ceux qui se contentants de Communier vne fois l'an, ne pensent plus au saint Sacrement tout le reste del'année; & qui oublians à manger le pain de vie, tant plus que leurs corps s'engraisse & se refait, d'autant plus leurs ames seichent & s'afoblissent: qu'il reconnoisse par là qu'il manque bien de iugement & de sagesse, & qu'il est bien éloigné du Royaume de Dieu. Car la Communion annuel-

# 164 De l'art de bien mourir.

le a esté ordonnée par le saint Concile vniuersel, non pas afin qu'on ne la face qu'une fois l'an: mais afin qu'on la face au moins vne fois l'an, s'ils ne veulent estre retranchez de l'Eglise, & liurez à Sathan.

Ceu x-la donc pour la pluspart, reçoient leur Createur au S. Sacrement, non par vne amour filiale, mais par vne crainte seruite. Et puis vn peu de temps apres ils retournēt aux escosses des porcs, aux plaisirs du monde, au gain temporel, & à la recherche des honneurs passagers; le tout pour entendre vn iour avec le riche Glouton; souuiens toy, mon enfant, que tu as reçu ton bien pendant ta vie.

Luc.16.

Que si au contraire il se trouue quelqu'un qui frequente souuent les diuins mysteres de ce S. Sacrement, tous les Dimanches, ou tous les iours si d'auanture il est Prestre, & que neantmoins il ne s'abstienne point de pecher mortellement, qu'il ne s'exerce nullement aux



bonnes œuures, & ne soit pas véritablement sorti du monde, mais que comme tout plein d'autres qui sont du monde, il soit ardent à gagner de l'argent, se plaise aux saletés de la chair, & aspire aux degrez des honneurs & des dignitez: Celuy là certes mange le Corps de nostre Seigneur à son dam; & tant plus souuent traicte-t'il indignement les saints mysteres, d'autant plus est-il imitateur du traistre Iudas, duquel nostre Seigneur dit; *Il eust mieux valu à cest homme-là, qu'il ne fust iamais nay au monde.* Mais Matth. 26 personne ne doit desespérer de son salut, pendant qu'il est encor en vie. Si bien que celuy qui repensant dans le Cabinet de son cœur à ses années passées, & à tout ce qu'il a fait, recognoist que iusques à maintenant il a cheminé hors la voye de salut; qu'il sache qu'il est encore temps de se repentir, pourueu qu'il vueille faire vne serieuse penitence, & retourner au chemin de verité.

Il sera bon d'adiouster à la fin de ce Chapitre, ce qu'escriit saint Bonaventure en la vie du bon Pere saint François, de l'admirable Pieté & de l'amour de ce saint personnage, à l'endroit de la sainte Eucharistie, afin que de là nostre froideur & tepidité soit eschau-

In vita S. *fée par son ardeur. Il estoit embrasé à l'endroit du sacrement du Corps de nostre Seigneur, de l'ardente ferueur de toutes les moüelles de son ame; admirant avec grand estonnement cette tres-charitable dignatiō, & ceste tres-digne Charité. Il Communioit souuent, & avec tant de deuotion qu'il rendoit vn chacun deuot, lors que goustant avec douceur l'Agneau immaculé; comme tout enyuré en son ame, il se laissoit d'ordinaire rauer & emporter en excez d'esprit. Voyla ses paroles. Duquel sont grandement éloignez, non seulement vn grand nombre de personnes laïques, mais aussi plusieurs Prestres lors qu'ils celebrent, paracheuant vne chose si sainte avec vne promp-*

\* 1

\*

## CHAP. XIII.

*Du treziesme precepte de l'Art  
de bien mourir , qui est de  
la Penitence.*

**L**E Sacrement de Penitence vient en suite, lequel consiste principalement en trois vertus, quant à ce qui regarde celui qui le reçoit ; à sçavoir en la Contrition de Cœur, en la Confession de bouche, & en la Satisfaction d'œuvre. Car qui fait bien ces trois choses, sans doute il reçoit le Pardon de ses fautes. Mais il faut voir & prendre garde attentivement, si la Contrition est vraie, si la Confession est entière, & si la satisfaction est parfaite. Commençons donc à la Contrition.

Ioël. i.

Le Prophete Ioël crie : *Deschi-  
rés vos cœurs, & non pas vos veste-  
mens*



*mens.* Les Hebreux auoient ceste  
coustume de dechirer leurs veste-  
mens lors qu'ils vouloient tesmoi-  
gner quelque signe de douleur:  
Mais le saint Prophete nous ad-  
uertit de fendre nos cœurs si nous  
voulons faire paroistre deuant Dieu  
vne grãde & sensible douleur pour  
les pēchez que nous auons com-  
mis. Et le Prophete Dauid adiou-  
ste, que non seulement nous met-  
tions nos cœurs en pieces, mais  
aussi que nous les brisions, & que  
nous les mettions en poudre. *Mon Psal. 51.*  
*Dieu, dit-il, vous ne depriserez point*  
*le cœur contrit & humilié.* Lesquelles  
comparaisons signifient apperte-  
ment que pour appaiser Dieu par  
la penitence, ce n'est pas assez de  
dire, ie me repens d'auoir offensé,  
mais qu'il faut auoir au cœur vn  
extrême regret, lequel difficile-  
ment se peut-il trouuer sans lar-  
mes, sans soupirs, & sanglots, si  
il est veritable. Les saints Peres  
mesmes, c'est chose admirable de  
voir avec combien de seuerité ils



parlent de la vraye Contrition. Sainct Cyprian au sermon de ceux qui sont tombez ; Pleurons, dit-il, nos pechez avec vne repentance égale à leur grandeur : à vne playe si profonde, qu'on ne manque point de grande medecine: que la penitence ne soit pas moindre que le crime. Il faut prier assiduelement, il faut passer le iour en pleurs, & les nuits en veilles & gémissemens, il faut employer tout nostre temps en larmes & lamentations, estās couchez par terre il faut se tenir dans les cendres, & se rouler dans le cilice & les ordures. Clement Alexandrin dans Eusebe en son histoire, appelle la Penitence vn Baptesme de larmes. Sainct Gregoire de Nazianze en la seconde oraison du Baptesme ; Je reçois, dit il, les Penitens, si ie les voy baignez en larmes. Theodorët en l'Epitome des diuins Decrets, au chapitre de la Penitence, escrit que les playes que nous receuons apres le Baptesme, ne sont pas à la verité incurables, mais qu'elles ne se guarissent pas pour-

Lib 3.

c. 17.

aliàs 24

ant si facilement qu'au temps passé, à sçauoir par le lauement de regeneration, mais par vne grande quantité de larmes, & par des œuvres penibles.

Telles & semblables raisons nous ont laissé par escrit tous les Saints Peres touchant la verité de la contrition. Maintenant plusieurs viennent à la Confession, qui môstrent n'auoir que fort peu ou point du tout de Contrition. Mais ceux qui desirent de se recôcilier veritablemēt avec Dieu, & de bienviure, afin de mourir en assurance; doiuent entretenir en leur cœur, & fermant la porte à toutes autres affaires, auoir en eux-mesmes telles ou semblables pensées. Helas, miserable que ie suis, qu'ay-ie fait, ayant commis tel & tel crime ! Premièrement, j'ay offensé ce Pere tres-doux qui est authour de tout bien, & qui m'a tant aimé, qui m'a comblé de toutes parts de les graces & bien-faits; de la Charité duquel ie recognois autant d'effects en moy-mesme,

Eph.

que i'en remarque de signes en moy &és autres. Mais que diray-  
 ie de mon Iesus, qui m'a aymé,  
 quoy que ie luy fusse ennemy, &  
 indigne de son amitié, & qui s'est  
 offert pour moy en Oblation & Ho-  
 stie à Dieu en odeur de suauité? Et  
 moy, ingrat & miserable que ie  
 suis, ie ne cesse point de l'offenser!  
 Quelle cruauté plus grande que la  
 mienne? Mon Seigneur a esté bat-  
 tu de verges, a esté couronné d'es-  
 pines, attaché avec des clouds à  
 vne Croix, afin de preparer vne  
 medecine à mes pechez inueterez  
 en mon âme. Et moy ie ne cesse  
 point d'en adiouster tous les iours  
 de nouveaux? Luy estant tout nud  
 dans la Croix, il crie qu'il a soif de  
 mon salut; & moy ie continuë  
 tousiours à luy donner à boire du  
 vinaigre & du fiel tres amer! En  
 apres qui sera ce qui me pourra ex-  
 pliquer, de quel degré de gloire ie  
 suis tombé, quand i'ay commis ce  
 peché mortel ou cestuy-là? I'estois  
 heritier du Royaume des Cieux, &

de la vie tres-heureuse: & ce pendant miserable que ie suis, ie suis deceu de ceste grande felicité! Felicité, dis-je, parfaite & accomplie de tous points; & ce pour vne volupté fort courte, ou pour des paroles iniurieuses aux hommes, & pleines de blaspheme contre Dieu, lesquelles ne m'ont apporté aucun bien. Et maintenant d'une felicité si grande, en quel mal-heur suis-je tombé? en la captiuité du Diable, qui est mon cruel ennemy: De sorte qu'aussi tost que ceste matiere pourrie de mon corps, qui menace à toute heure de ruine, viendra à se dissoudre; tout aussi tost ie tomberay sans aucun remede dans le feu eternal. Ha! miserable que ie suis, peut estre demain, peut estre de ceste nuit commenceray-je à habiter dans ces ardeurs sempiternelles! Mais par dessus tout cela, mon ingratitude, qui est l'ingratitude d'un mauuais enfant enuers vn pere tres-aymable, & d'un ser-

174 *De l'art de bien mourir*  
viteur à l'endroit d'un si bon Maître, me va tenaillant le cœur. Car d'autant plus qu'il m'a comblé de graces & de bien-faits, d'autant plus j'ay-je offensé par mes pechez.

Que si tu veux attentiuement penser à ces raisons & autres semblables, estant renfermé dans le cabinet de ton cœur : quiconque tu sois qui daigne lire ce liure, i'espere que tu obtiendras tout à fâict la grace de Contrition de nostre bon Seigneur. Dauid vn iour estant touché de repentance entra dans la solitude de son cœur, apres auoir commis vn adultere : & tout soudain ayant acquis la grace de Cōtrition, il commença à baigner son liect de larmes. Pierre apres auoir renié Iesus Christ, entra dedans son cœur, & sur le champ pleura amerement. Cette pecheresse penitente entra dedans son cœur, & incontinent elle commença à lauer de ses larmes les pieds de Iesus, & à les essuyer de



ses cheueux. Voilà donc les fruits de la sainte Contrition, lesquels ne naissent point ailleurs qu'en la solitude de nostre cœur.

Difons maintenant quelque chose de la Confession. Je voy que plusieurs s'approchent de ce tres-salutaire Sacrement, sans aucun fruit, ou veritablement avec bien peu de fruit: Et non pour autre raison, sinon parce qu'ils n'entrent iamais en leur cœur lors qu'ils se veulent preparer pour faire leur confession. Il y en a quelques-vns qui se presentent à cette action avec tant de negligence, que tout ce qu'ils peuvent faire c'est de pouuoir s'accuser generalement & confusément d'auoir transgressé tous les Commandemens, ou d'auoir commis tous les pechez mortels. Et à ces gens-là, il ne leur faudroit aussi donner qu'une absolution generale & confuse: encore mesme ne la meritent-ils pas. Car ils confessent ce que peut estre ils n'ont

pas fait, & ne confessent pas ce qu'ils ont véritablement commis.

Il y en a d'autres qui véritablement ont appris à dire leurs pechez d'ordre, & l'un apres l'autre: mais ils n'ont aucun égard à la qualité des personnes, ny au lieu, ny au temps, ny au nombre, ny aux autres choses que nous appellons circonstances: Cependant c'est vne negligence insigne & tres-dangereuse: Car c'est autre chose de frapper vne personne sacrée, autre chose est de frapper vne personne laïque, veu que pour auoir frappé de la premiere sorte, il y a excommunication, & non pas pour la seconde. Semblablement c'est chose differente d'auoir affaire à vne fille, ou à vne religieuse, ou à vne femme mariée, ou à vne femme publique: Autre chose est d'estre tombé vne fois en vn peché, & autre chose d'y estre tombé dix fois: car vn meisme peché reiteré par plusieurs fois, n'est pas vn seul.

peché, mais plusieurs. En fin ce qui est plus à admirer, il ne manque point d'y en avoir d'autres qui ne croyēt pas que les pechez internes, comme les desirs de fornication, d'adultere, d'homicide, & de larcin, soient des pechez, s'ils ne sont venus aux effects; bien plus ils ne mettent point au nombre des pechez les regards impudiques, ny les paroles lasciuves. Et neantmoins nostre Seigneur luy mesme dit en paroles claires; *Celuy qui regarde une femme pour la desirer, il a desia commis adultere en son cœur.*

Mat. 5.

Il faut donc que celuy qui veut aduiser à sa conscience, & faire vne confession vtile & salutaire, cherche premierement quelque liure qui enseigne la maniere de bien confesser les pechez; ou qu'il s'adresse à quelque confesseur pieux & docte; En apres il faut qu'il entre dans son cœur, & que serieusement & non pas en courant ny briefuement, il face vne entiere discussion de sa conscience, exami-

H. v.



nant diligemment ses penſees, ſes deſirs, ſes paroles, & ſes actions, & meſmes ſes omiſſions : & qu'en ceſt eſtat il deſcouure ſa conſcience au Medecin des ames, pieux & docte, luy demande humblement l'abſolution, ſe tenant preſt à accomplir la penitence, que le confeſſeur iugera bon de luy enioindre.

Reſte la ſatisfaction, dont nos anciens Peres, perſonnages treſſages, tenoient bien plus de conte, que pluſieurs d'entre nous ne ſemblent faire. Car eux conſiderants ſerieuſement qu'il eſtoit bien plus facile de ſatisfaire à Dieu pendant que nous ſommes encor viuants en ce monde, qu'au Purgatoire, ils enioignoient des peines & des ſatisfactions tres-griefues, & fort longues à faire. Quant au temps, ils enioignoient des penitences de ſept ans, ou de quinze, ou de trente, quelques vns auſſi pour toute la vie. Pour la qualite, ils enioignoient forces ieux

nes, & dauantage encore des prieres; Outre cela ils deffendoient aux penitens l'vsage des baings, des cheuaux, des carosses, & des habits somptueux: ils leur commandoient de se priuer des ieux, des recreations, & des theatres: Enfin presque toute leur vie s'écouloit en pleurs & en tristesse conuenables aux penitens. I'en rapporteray vn exemple.

Nous lisons dans le dixième Concile de Toledé, qu'un Euesque de Braga nommé Pontamius qui s'estoit souillé avec vne femme (comme parle le Concile) s'enferma luy-mesme sans estre contraint de personne, dans vne prison, & y fit penitence l'espace de neuf mois; & qu'apres cela il declara par ses lettres propres son peché au Concile des Euesques, & la penitence qu'il auoit subie de son bon gré pour ce suiet: Que toutefois le Concile ordonna qu'il continuast à faire penitence tout le temps de

sa vie , encore que cependant le Concile affirmast qu'on s'estoit comporté en son endroit plus humainement & misericordieusement que ne permettoient les Ordonnances & la seuerité des anciens Peres. Voila quelle estoit la seuerité des Peres anciens. Mais maintenant nous nous faisons tellement foibles & delicats , qu'une penitence qu'on nous aura donnée de ieusner quelques iours au pain & à l'eau ; & de dire autant de iours les sept Pseaumes avec les Litanies : & de donner quelques aumosnes aux pauvres , de quelque petite somme d'argent , nous semblera assez seuer & rigoureuse, encore qu'on nous l'impose pour effacer vne quantité de crimes & de pechiez. Mais ce que nous nous flattons en ce monde, nous le payerons grieffuement en purgatoire ; la iustice de Dieu l'exigeant ainsi : Si ce n'est que la force de la contrition soit si grande, comme prouenant d'une ar-

dente Charité de Cōtrition, qu'elle puisse impetrer de Dieu la remission de la coulpe & de toute la peine : Car véritablement vn cœur vraiment contrit & humilié émeut merueilleusement les entrailles de Dieu nostre Pere. Car la douceur & la bonté de ce Pere ne peut pas se contenir iusques là qu'il ne vienne au deuant de cet enfāt prodigue, mais vraiment penitent, qu'il ne l'embrasse, qu'il ne le baise, qu'il ne luy donne l'anneau de paix, qu'il n'esfuye ses larmes de douleur, & le remplisse de larmes de ioye plus douces que le miel.



## CHAP. XIV.

*Du quatorzième precepte de  
l'Art de bien mourir, qui est  
du Sacrement de l'Ordre.*

**L**ES deux Sacremens que nous  
Lauons à considerer briefue-  
ment en suite, n'appartiennent  
pas à toutes sortes de personnes;  
Mais l'un appartient aux person-  
nes sacrées, à sçauoir le Sacre-  
ment de l'Ordre : & l'autre aux  
personnes laïques, à sçauoir le  
Mariage. Disons donc succincte-  
ment du premier, non ce qui  
concerne ce Sacrement, mais seu-  
lement les choses qui sont neces-  
saires à l'Art de bien viure & de  
bien mourir.

Les Ordres sont sept en nom-  
bre, à sçauoir les quatre Mineu-  
res, & les trois Majeures; dont

le plus grand qui s'appelle la Prestre, se diuise en deux ; car il y a de grands Prestres que nous appellons Euesques , & il y en a de moindres , que nous appellons Prestres. Auant tous ces Ordres marche la Tonsure, qui est comme la porte à tous les Ordres, & c'est elle qui fait proprement les Clercs. Et par ce que les choses que l'on desire és Clercs, en ce qui est de viure pieusement & religieuxmēt, sont requises à plus forte raison en ceux qui ont desia receu les Mineures, ou les plus grandes Ordres, & principalement en ceux qui sont Prestres ou Euesques : pour cette raison ie me contenteray de considerer & d'expliquer succinctement, ce qui regarde les Clercs.

Il y a deux choses qui me semblent deuoir estre expliquées touchant les Clercs : la premiere, est Cere monie par laquelle ils sont Clercs : la secōde c'est l'Office qu'ils doiuent exercer en l'Eglise.

## 184 De l'art de bien mourir

La ceremonie par laquelle on les fait Clercs, comme on peut voir au Pontifical, est telle : Premièrement on leur coupe des cheueux de la teste : par laquelle Ceremonie est signifiée la renonciation des pensées & des cupiditez vaines & inutiles, telles que sont les cogitations & cupiditez des choses temporelles, des richesses, des biens, des plaisirs, & des autres choses semblables. Semblablement on commande à ceux que l'on rond de dire ce verset du quinzième Pseaume ; *Le Seigneur est la part de mon heritage, & de mon Calice : C'est vous Seigneur qui me rendrez mon heritage.* En apres l'Euesque commande qu'on apporte vn Surpelis blanc, dont il revestist le nouveau Clerc, disant ces paroles de l'Apostre aux Ephesiens ; *Le Seigneur te vestisse du nouuel homme, qui est creé selon Dieu en iustice & sainteté de verité.* Or l'on ne donne proprement aucun office au nouveau Clerc, mais sa

Ephe. 4.



charge est, selon la coustume, de servir au Prestre disant la Messe, quand il la dit priuément.

Considerons maintenant quelle éminence de perfection est requise en celuy qui est Clerc : & si elle doit estre telle en celuy qui est Tonsuré, quelle doit-elle estre ez Acolytes, ez Sous-diacres, ez Diacres, ez Prestres, & ez Euesques ? En verité mon âme a horreur d'y penser, attendu que à grand-peine peut-on trouuer en plusieurs Prestres, ce qu'on peut iustement desirer en vn simple Clerc. Le Clerc est obligé de reietter toutes pensées de conuotises inutiles & superfluës, qui n'appartiennent qu'a ceux du monde qui n'ont d'ordinaire autres desirs, ny d'autres pensées que des choses du monde. En outre celuy qui prend Tonsure est obligé de ne rechercher autre heritage ny partage que Dieu, afin que Dieu seul soit son heritage & son partage ; & que luy aussi soit ap-

186 *De l'art de bien mourir*  
pellé & soit en effect l'heritage &  
le partage de Dieu seul!

O grandeur de la perfection des  
Clercs ; qui renonce à tout le  
monde , afin de posseder verita-  
blement Dieu , & afin semblable-  
ment d'estre possédé de Dieu seul.  
C'est ce que signifient ces paroles  
du Psalmiste ; *Le Seigneur est le par-  
tage de mon heritage & de mon Cali-  
ce.* Cette moytié d'heritage s'ap-  
pelle ceste portion, laquelle par la  
diuision de l'heritage entre plu-  
sieurs freres , eschet à vn chacun  
d'iceux. Le sens de ces paroles  
n'est donc pas que celuy qui est  
faict Clerc vueille que Dieu soit  
vne partie de son heritage, & que  
les richesses de la terre en soient  
vne autre : Mais qu'il doit desirer  
Dieu de tout son cœur pour son  
partage : c'est à dire, rapporter à  
Dieu par vne bonne affection ,  
tout ce qu'il peut pretendre en  
ce monde. Il y a ceste difference  
entre le Calice & l'Heritage , que  
le Calice concerne les voluptez

& les delices, & l'Heritage regarde les richesses & les honneurs, Le sens entier sera donc; Seigneur mon Dieu, dez maintenant tout ce que ie puis esperer au monde, ou de richesses, ou de plaisirs, ou d'autres biens temporels, tout cela ie desire ne l'auoir qu'en vous seul. Vous seul ô mon Dieu, vous suffisez pour toutes choses. Et parce que l'abondance des biens celestes ne se peut auoir icy en ce monde, cest pourquoy celuy qui est Tonsuré continuant sa priere, dit; *C'est vous, Seigneur, qui me rendrez mon heritage.* Car ce que i'ay mesprisé & reietté pour l'amour de vous ou bien le donnant à vos pauvres, ou bien pardonnant pour l'amour de vous à ceux qui ne l'ont emporté: vous me le conseruez fidelement, & m'en tiendrez conte au temps que vous auez arresté; non pas en espee corruptible, mais en vous mesmes qui estes la fontaine inespuisable de tous biens.

Mais afin que personne ne re-  
 uoque en doute cette explication,  
 i'adiousteray les tesmoignages de  
 deux tesmoins qui sont au dessus  
 de toute exception, à sçauoir S.  
 Hierosme, & S. Bernard. *Parlant*  
*dit S. Hierosme en l'Epistre à Ne-*  
*potian, parlant de la forme de vie*  
*que doiuent tenir les Clercs, que*  
*le Clerc qui sert à l'Eglise de Iesus*  
*Christ, interprete premierement son*  
*nom, & ayant donné la deffinition*  
*du terme, qu'il tasche d'estre ce qu'il*  
*dit. Car si κληρος en Grec veut di-*  
*re Sort en Latin; pour cette raison*  
*sont-ils appellez Clercs, ou par ce qu'ils*  
*sont de l'heritage de Dieu, ou par ce*  
*que Dieu est leur Sort & leur parta-*  
*ge. Or celuy qui est ou le partage de*  
*Dieu, ou qui a Dieu pour son partage,*  
*se doit rendre tel qu'il possède Dieu, &*  
*qu'il soit possédé de Dieu. Celuy qui pos-*  
*sède Dieu, & dit avec le Prophete; Le*  
*Seigneur est mon partage, ne doit rien*  
*auoir outre Dieu, Que s'il a quelque*  
*autre chose outre Dieu, Dieu ne sera*  
*pas son partage. Par exemple, s'il a de*



iv, de l'argent, & des possessions. Dieu n'aura point agreable d'estre son partage parmy ces autres partages là. Voilà ce que dit S. Hierosme : duquel si quelqu'un veut lire l'Epistre entiere, il trouuera certes qu'il est requis és Clercs vne grande perfection de vie. Vient maintenant S. Bernard qui non seulement approuue l'opinion de S. Hierosme, mais mesmes se sert de ses paroles, encore qu'il ne le nomme pas. Voicy donc comme il parle en ceste longue Oraison qu'il a faite sur ces paroles de S. Pierre ; *Voilà que nous auons tout quitté. Le Matt. 19* Clerc, dit-il, qui a son partage en la terre, n'en aura point au Ciel. Si le Clerc a quelque chose outre Dieu, le Seigneur ne sera point son partage. Et vn peu apres declarant ce que le Clerc peut retenir pour soy des benefices Ecclesiastiques, il dit, Ne donner pas aux pauures les biens qui appartiennent aux pauures, c'est vne espeece de crime qui égale le sacrilege. Certainement on desro-

„ be au patrimoine des pauvres, &  
 „ aux trésors de l'Eglise par vne sa-  
 „ crilege cruauté, ce que les Mini-  
 „ stres & les dispensateurs, qui cer-  
 „ tes n'en sont ny Seigneurs, ny  
 „ vrayz possesseurs, prennent outre leur  
*vivre & leur vestement.* Voila le dis-  
 cours de S. Bernard, qui non plus  
 que S. Hierosme, ne dit point de  
 choses fausses, mais parfaites.

**Ephes. 4.** Vient en suite la ceremonie de  
 vestir le Surpelis blanc, en disant  
 ces paroles de l'Apostre; *Soyez re-  
 vestus de l'homme nouveau, qui a esté  
 créé de Dieu, en iustice & sainteté de  
 verité.* Car ce n'est pas assez à vn  
 Clerc de n'estre pas abundant en  
 richesses, mais il faut aussi mener  
 vne vie innocente & sans macule:  
 comme estant consacrez au mini-  
 stere de l'Autel, où l'Agneau sans  
 macule est tous les iours immolé.

Or vestir le nouuel homme, n'est  
 autre chose, que despoüiller les  
 mœurs du vieil Adam qui a cor-  
 rompu sa voye, & prendre les mœurs  
 du second Adam, à sçauoir de

us-Christ, lequel estant né de Vierge par vne maniere nouuelle, choisit vn nouveau genre de vie en justice & saincteté de verité: c'est à dire non seulement par vne justice morale, mais aussi en vne vie véritable & surnaturelle, tel que s'est montré Iesus-Christ, lequel suiuant le tesmoignage de l'Apostre S. Pierre, *n'a commis aucun peché, ny ne s'est trouué aucune fraude en sa bouche.* Pleust à Dieu que nous eussions plusieurs Clercs de la sorte, qui accomplissent en leur vie & en leurs mœurs, ce qu'ils designent par leur robe blanche.

En fin le deuoir & l'office des Clercs, c'est d'assister avec vne pureté Angelique, avec deuotion, avec grauité, avec diligence, & avec perseuerance, au Diuin sacrifice auquel l'Agneau de Dieu est tous les iours immolé. Je n'ignore pas qu'il se trouue en l'Eglise des Clercs fort pieux & deuots; mais non seulement ie sçay, ains souuent i'en ay veu de petulants &

1. Pet. 2.



192 *De l'art de bien mourir*

d'inconstans, avec des yeux égarés, servants en ceste posture à l'Autel de Dieu, comme si on y faisoit chose non seulement digne de tremblement, mais commune, & de peu d'importance. Et peut estre que ceste lourde faute n'est pas seulement au Ministre, mais mesmes aux Prestres qui celebrent, lesquels se haïtent quelquesfois tellement, & se comportent si indevotement, qu'il semble qu'ils ne sçauent ce qu'ils font. Que ceux-là escoutent ce que dit Saint Chrysostome, parlant du temps de la celebration de la Messe. Pendant tout ce temps là, dit-il au liure sixième du Sacerdace, & les Anges assistent le Prestre, & tous les Ordres des Puissances celestes chantent des Cantiques, & le lieu le plus proche de l'Autel est tout environné des Chœurs des Anges, qui rendent honneur à celui qui y est immolé.

Ce que nous pouuons facilement croire, quand ce ne seroit que pour la grandeur & la dignité du

Sacrifice qu'on y celebre pour  
 s. Qu'ils escoutent semblable-  
 ment S. Gregoire : *Qui est celui*  
*entre les fideles*, dit-il au quatrie-  
 me liure de ses Dialogues, *qui peut*  
*outer, qu'à l'heure mesme du Sacri-*  
*ce à la parole du Prestre, les Cieux*  
*viennent à s'ouvrir, les chœurs des*  
*Anges se trouvent là presens, les cho-*  
*ses superieures & celles d'icy bas sont*  
*coniointes ensemble, les choses celestes*  
*s'unissent avec celles de la terre, bref,*  
*que les choses visibles & invisibles de-*  
*viennent tout vn ?* Chose à laquelle  
 si le Prestre qui celebre, & le Clerc  
 qui le sert pensoient serieusement,  
 cōment se pourroit il faire qu'ils se  
 comportassent en ceste action de  
 la façon qu'ils s'y comportent ? O  
 que ce seroit vn triste & déplora-  
 ble spectacle, si nous auions les  
 yeux de nostre pensée ouuerts, de  
 voir le Prestre pendant qu'il traite  
 les diuins mysteres, environné de  
 tous costez des chœurs des Anges,  
 qui tremblent & sont estonnez  
 considerants ce que fait le Prestre,

& saisis d'admiration entonnent des clameurs spirituelles : Et cependant le Prestre qui est au milieu, tout plein de froideur & de stupidité, n'est nullement attentif à ce qu'il fait, n'entend pas ce qu'il dit, à si grand haste d'estre au bout, confondant les signes, & broüillant les paroles, de sorte qu'il semble à voir qu'il ne sçait ce qu'il fait : & le Clerc d'ailleurs qui le sert, regarde de çà & de là, ou folastre avec quelqu'un. Ainsi se mocque t'on de Dieu, ainsi mesprise-t'on les choses saintes, ainsi donne t'on sujet de mal parler aux Heretiques. Ce qu'estant ainsi, i'exhorte & aduertis tous les Clercs grâds & petits, qu'estans morts au monde, ils viuent seulement à Dieu : qu'ils ne mettent point leur affection aux choses tēporelles ; qu'ils gardent l'innocence avec zele, & qu'ils traitent religieusement les choses diuines ainsi qu'il appartient, & facent que les autres les traitent de mesme. Par ainsi ils

acquerront vne grande confiance enuers Dieu, & rempliront de bonne odeur l'Eglise de Iesus-Christ.

---

CHAP. XV.

*Du quinzième precepte de l'Art de bien mourir, qui est du Mariage.*

**L**E Sacrement de Mariage vient en suite, lequel a deux sortes d'institution : L'une, du droit de nature, en tant que c'est vn contract ciuil ; L'autre du droit Diuin, en tant que c'est vn Sacrement. Nous parlerons brièvement de l'une & de l'autre, non absolumēt, mais en ce qui peut contribuer à bien viure, afin de mourir heureusement. La premiere institution a esté faite par l'ordonnance de Dieu au Paradis terrestre. Car ces paro-

196 *De l'art de bien mourir*

**Gen. 2.** les de Dieu; Il n'est pas bon de laisser l'homme tout seul, faisons luy vn ayde qui luy soit semblable: ne se peuuent sainement entendre, sinon d'une ayde qui luy estoit necessaire pour engendrer & élever des enfans. Car comme enseigne fort bien S. Augustin, les hommes n'ont besoin de l'ayde des femmes, sinon pour engendrer & élever des enfans, veu qu'en toute autre chose les hommes soulagent mieux les hommes, que ne font les femmes. C'est pourquoy Adam vn peu apres que la femme fut créée, dist par vne inspiration diuine: *L'Homme laissera pere & mere, pour s'arrester à sa femme.* Lesquelles paroles nostre Sauueur attribué à Dieu, **Matt. 19** disant en S. Matthieu; *N'avez-vous point leu que qui a fait l'homme & la femme au commencement de la creation, les a faits masle & femelle, & a dit; Pour ceste raison l'homme quittera pere & mere, & s'arrestera à sa femme, & ils seront deux en vne mesme chair? Et donc que les hommes ne separent*

7. de  
Genesi  
ad lit.  
c. 7.

int ce que Dieu à conjoint. Nostre  
eigneur les attribué donc à Dieu,  
ar ce que Adam ne les dist pas de  
on propre sens, mais par l'inspira-  
ion de Dieu. Et voila la premiere  
institution du Mariage.

L'autre institution ou plustost  
elevation du mariage à l'eminente  
dignité de Sacrement, est tirée  
de ces paroles de l'Apostre S. Paul  
en l'Epistre aux Ephesiens; *Ephes. 5.*  
Pour ce  
sujet l'homme quittera pere & mere,  
& s'arrestera à sa femme, & ils seront  
deux en vne mesme chair. Ce Sacrement  
est grand; or ie dis entre Iesus-Christ  
& l'Eglise.

Or que le Mariage soit vn vray  
Sacrement, S. Augustin l'enseigne  
au liure du bien du Mariage; *De bo-  
no con-*  
nopces des nostres (femmes) dit-il, c. 18.

la sainteté du Mariage vaut mieux  
que la fécondité du ventre. Et au cha-  
pitre vingt-quatrième: Tout le bien,  
dit-il, que tous les homes & toutes les  
autres naissances mettent és nopces, c'est  
particulièrement en la generation, &  
en la Foy de la chasteté: mais quant au

De Fide  
& oper.  
cap. 7.

*peuple de Dieu, nous le mettons aussi en la sainteté du Mariage. Et au liure de la Foy & des œuvres ; En la Cité de Dieu, dit-il, & en sa montagne sainte, c'est à dire en l'Eglise, est recommandable non seulement le lien, mais aussi le Sacrement de Mariage. Mais ce n'est pas icy où il faut disputer plus exactement de ces choses. Ce qui appartient proprement à ce lieu, c'est d'expliquer comment les hommes & les femmes mariez peuvent viure en telle façon qu'ils se puissent asseurer de bien mourir.*

Il y a trois sortes de biens au Mariage, si vne personne en sçait bien vser. Il y a la lignée, la foy, & la grace du Sacrement. Vn homme qui veut bien vser du Mariage doit desirer la generation, & la bonne education de sa lignée : comme au contraire celuy là peche griefuement qui en mariage ne veut point auoir de lignée, mais seulement les plaisirs de la chair. Pour ce sujet vn des enfans du



atriarche Iuda, nommé Onam,  
est grandement blasmé en l'Escri-  
ure saine, de ce que en l'action  
conjugale, il épanchoit sa semen-  
ce sur la terre, de peur d'avoir des  
enfans. Car cela ce n'est pas vser  
du mariage, mais c'est en abuser.  
Que si quelquefois les personnes  
mariées se sentent chargez d'une  
multitude d'enfans, qu'ils ne peu-  
vent nourrir à raison de leur pau-  
vreté : à cela il y a un honneste re-  
mede & agreable à Dieu ; à sçavoir  
de se separer de corps par un com-  
mun consentement, & vacquer  
d'oresnavant à l'oraison & au ieus-  
ne. Car si c'est chose agreable à  
Dieu de vieillir en perpetuelle con-  
tinence & chasteté à l'exemple de  
la Vierge Mere de Dieu, & de S.  
Ioseph : Laquelle façon de viure  
ont imité l'Empereur Henry, &  
Chunegonde sa femme ; le Roy  
Edouïard & Egdide sa femme ; le  
Comte Elzearius & Dalphine sa  
femme, & beaucoup d'autres :  
Pourquoy ne sera-t'il pas agrea-

ble à Dieu ou aux hommes, que les personnes mariées apres auoir eu des enfans, viennent à s'abstenir par vn mutuel consentement de l'action coniugale, afin de passer le temps qui leur reste à viure en ieusnes & en oraisons ?

En outre c'est aussi vn grand peché, si celuy qui est marié vient à negliger ses enfans, & n'a pas assez de soin ou de leur education, ou de leur procurer ce qui leur est necessaire pour les nourrir. De cela on voit plusieurs exemples és Histoires sacrées & prophanes : mais pour chercher la briefueté, ie me contenteray d'en rapporter vn qui est au premier liure des Roys. Car voicy comme Dieu

1 Reg.  
3. & 4.

parle ; *En ce iour là ie feray paroistre contre Heli tous les maux que i'ay predits sur sa maison : Le commenceray & les mettray à fin. Car ie luy ay predit que ie condamnerois à iamais sa maison, à cause de son iniquité, par ce qu'il sçauoit bien que ses enfans se comportoient indignement, & il ne les a point*

rigez. C'est pourquoy j'ay iuré à la  
 raison de Heli que son iniquité ne se  
 verra iamais expier ny par victimes  
 par sacrifices. Dieu auoit predict  
 la, & peu de temps il l'accom-  
 mit. Car les enfans de Heli furent  
 ez à la guerre, & Heli tombant  
 son siege à la renuerse; s'écrasa  
 teste, & perit miserablement.  
 dōc si Heli, qui d'ailieùrs estoit  
 homme de bien, & Iuge de son  
 peuple; perit miserablement avec  
 ses enfans, & perdit le gouuernement  
 de son peuple, à raison des  
 crimes de ses enfans qu'il n'auoit  
 pas bien instruits comme il deuoit,  
 parce que scachant qu'ils se  
 gouuernoient mal il ne les auoit  
 pas corrigez: Que fera-t'on de  
 ceux qui non seulement ne s'estu-  
 dent nullement à bien instruire  
 leurs enfans, mais mesmes les oc-  
 asionnent à pecher par l'exemple  
 de leur mauuaise vie? Veritable-  
 ment ils ne doiuent attendre autre  
 chose qu'une fin horrible & espou-  
 uantable pour eux & pour leurs

enfants, si de bonne heure ils ne reuiennent à eux, & ne font vne digne penitence.

L'autre bien qui est au Mariage, c'est la Foy & la fidelité, laquelle consiste en ce, que les personnes qui sont mariées doiuent sçauoir que leur corps n'est pas à eux, mais à leur chere partie; & que cōme l'un ne peut desnier le deuoir à l'autre, aussi ne peut-il abandonner son corps à un autre qu'à sa partie; dequoy l'anneau qu'on leur donne, est le signe. Cette doctrine parle d'elle mesme dans S. Paul

1 Co. 7 en ces beaux termes; Que le mary, dit l'Apostre, rende le deuoir à sa femme, & tout de mesme, la femme à son mary. La femme n'a pas son corps en sa puissance, mais son mary. Semblablement aussi l'homme n'a pas la puissance de son corps, mais la femme, Ne vous fraudez point l'un l'autre, si ce n'est par mutuel consentement, & ce afin de mieux vacquer à l'Oraison. Voila la doctrine de l'Apostre, laquelle doiuent soigneusement

seruer les Chrestiens qui sont  
riez, s'ils desirent de bien viure  
de bien mourir.

Car pour les adulteres, s'ils sont  
blics, ou les Iuges les peuuent  
ilement & iustement punir, ou  
en les parens, & les voisins les  
assent pour sauuer leur hon-  
ur : mais pour ceux qui sont oc-  
ltes & cachez qui sont en bien  
as grand nombre, le Iuge tout  
issant & tres-iuste, à qui rien  
est caché, les condamnera sans  
ute aux supplices eternels.

Le troisieme bien du Mariage,  
qui est le plus excellent, c'est la  
ace du Sacrement, que Dieu in-  
se luy-mesme dans les cœurs des  
ns de bien qui se marient, s'ils se  
ouuent en bon estat pendant  
ils celebrent legitiment leur  
ariage. Or cette grace, outre les  
tres biens qu'elle apporte avec  
e, aide merueilleusement à con-  
lier la bienueillance entre les  
ux parties, encore que la diuer-  
é des esprits, des mœurs, les ma-

ladies, & les diuerſes diſpoſitions du corps & de l'eſprit puiſſent facilement ſemer du diuorce entre eux. Mais par deſſus toutes choſes, ce qui rend le Mariage tres-doux & tres-heureux, c'eſt cette conuenance qu'il a avec le Mariage de Ieſus Chriſt avec l'Egliſe : Duquel parle S. Paul en ces termes en l'Epiſtre aux Ephéſiens ;

**Ephéſ.** *Hommes aimez vos femmes comme Ieſus Chriſt a aimé l'Egliſe, s'eſtant liuré pour elle afin de la ſanctifier ; la purifiant par le lauement de l'eau en la parole de vie, afin de faire pour ſoy-meſme une Egliſe glorieuſe, qui n'eût ny ride, ny ſouilleure. Lequel meſme Apôſtre exhorte auſſi les femmes, diſant ; Que les femmes ſoient ſuiettes à leurs marys, comme à leurs ſeigneurs ; d'autant que l'homme eſt le chef de la femme, comme Ieſus Chriſt eſt le chef de l'Egliſe. Mais comme l'Egliſe eſt ſuiette à Ieſus Chriſt, que de meſme auſſi les femmes ſoient ſuiettes à leurs marys en toutes choſes. Finalement l'Apôſtre conclud :*

*Chacun ayme sa femme com-  
soy-mesme; & que la femme crâ-  
& porte respect à son mary. Cete-  
doctrine Apostolique, si on la  
considerer soigneusement & qu'on  
observe, rendra les Mariages  
heureux en la terre & au Ciel.  
Expliquons briefuement toute  
cette sentence de St. Paul: Premie-  
rement l'Apostre exhorte les hom-  
mes à aimer leur femmes, comme  
Iesus Christ a aimé l'Eglise. Certes  
Iesus Christ a aimé l'Eglise d'une  
amitié, & non d'une a-  
mour de concupiscence. Il a pro-  
curé le bien de l'Eglise, l'utilité de  
l'Eglise, & le salut de l'Eglise: &  
nullement recherché aucune  
utilité, ny aucun plaisir pour soy-  
mesme. Et partant ceux-là n'imi-  
tent pas Iesus Christ qui aiment  
leurs femmes ou pour leur rare-  
té, estans épris de l'amour de  
la beauté extérieure, ou pour les  
liens d'escus qu'elles leur ap-  
portent, ou pour leur riche pa-  
roisse. Car ceux-là n'ayment*



206 *De l'art de bien mourir*

pas leur femme, mais ils s'ayment eux-mesmes, desirans de contenter la concupiscence de leur chair, ou la concupiscence de leurs yeux, quis'appelle auarice.

Aussi Salomon, qui auoit esté sage au commencement, & qui  
 3 Reg II deuint fol sur la fin, ayma ses femmes & ses concubines, non d'amour d'amitié, mais de concupiscence, desirant non pas de leur faire du bien, mais d'assouvir sa concupiscence charnelle; par laquelle concupiscence estant aveuglé, il n'eust point d'horreur ny de crainte de sacrifier aux Dieux estrangers, de peur d'attiuister tant soit peu ses plaisirs. Or que Iesus-Christ en son Mariage avec l'Eglise, ne se soit point cherché soy-mesme, c'est à dire, son vtilité ou son plaisir, mais seulement le bien de l'Eglise son Espouse, il apert clairement par les paroles suivantes; *Et il s'est luyré pour elle afin de la sanctifier, la purifiant par le lauement de l'eau en la parole de vie. Car, c'est là*

la vraye & parfaite Charité, que  
se liureraux tourmens & aux sup-  
plices pour le salut de son Eglise.

Non seulement aussi Iesus Christ  
à aymé l'Eglise d'amour d'amitié,  
& non de concupiscence, mais  
mesmes il l'ayme d'un amour eter-  
nelle, & non pour un temps. Car  
comme il n'a iamais quitté la na-  
ture humaine dont il s'est une fois  
reuestu: De mesme il s'est ioint  
à l'Eglise son Espouse par un lien Iere. 31.  
d'un Mariage indissoluble. *Je t'ay*  
*aymée d'un amour perpetuelle*, par  
une Charité eternelle, dit-il par  
son Prophete. Et voila la raison  
pourquoy le Mariage qui est une  
fois consumé entre les Chrestiens,  
est indissoluble à iamais; par ce  
que c'est un Sacrement qui signifie  
le Mariage de Iesus Christ avec  
l'Eglise: lequel Mariage est du tout  
indissoluble, encore que le Maria-  
ge des Iuifs & des Payens puisse  
estre dissouz en certains cas.

Après cela le mesme Apostre  
Iouste, enseignant les femmes

## 208 De l'art de bien mourir

- & leur aprenant à se rendre suiettes à leurs maris, comme l'Eglise est suiette à Iesus Christ. Iezabel ne garda pas ce precepte, laquelle vouloit dominer son mary, & en fin elle se perdit & luy & elle avec tous ses enfans. Et à la mienne volonté qu'il n'y en eust pas tant parmy nous, qui desirent commander à leur maris; mais peut estre estre ce la faute des hommes qui ne sçauent pas garder leur autorité. Certes Sara femme d'Abraham estoit tellement suiette à son mary qu'elle l'appelloit son Seigneur; *l'ay desia bien de l'aage*, disoit-elle; *& mon Seigneur est fort vieux*. Laquelle vertu de Sara S. Pierre louë en son Epistre, disant; *Les femmes estoient suiettes aux hommes: comme Sara obeissoit à Abraham, l'appellant son Seigneur*: Mais c'est vne merueilleuse chose, que les SS. Apostres S. Pierre & S. Paul, enseignent par tout que les hommes ayent à aymer leurs femmes, & que les femmes craignent leurs
3. Reg. 21.  
4. Reg. 10.  
Gen. 18.  
1. Pet. 3.

hommes : Ou bien ce qui reuiens  
à vn, qu'elles soient suiertes à leurs  
maris. Quoy donc, la femme ne  
doit-elle pas aussi aymer son mary?  
A la verité elle le doit aymer, &  
estre aymée de luy : Mais elle le  
doit aymer avec crainte & respect,  
de sorte que l'amour n'empesche  
point la crainte, autrement la fem-  
me deuiendrait Tyran. Dalila cer-  
tes se mocquoit de Samson, & le  
traitoit non cōme son mary, mais  
comme vn esclau, qui d'ailleurs  
estoit homme courageux. Et au  
troisième liure des Roys il est par-  
lé d'un Roy épris de l'amour de sa  
concubine, lequel souffroit qu'elle  
fust assise à sa dextre, & qu'elle  
mist son diademe sur sa teste apres  
l'auoir osté de dessus la sienne, &  
mesme de luy donner des soufflets.  
Et partant il ne faut point s'eston-  
ner, si Dieu dist à la premiere fem-  
me ; *Tu seras soubz la puissance de  
l'homme, & il te dominera.* C'est  
pourquoy il n'est pas requis vn  
peu de sagesse à vn homme pour

*Iud. 16.*

*3. Reg.*

*Gen. 2.*

aymer & ensemblement conduire la femme : & au contraire, pour l'admonnester & l'enseigner, & semblablement pour la corriger & chastier s'il en est besoin : De sorte toutefois qu'il l'ayme véritablement comme la moitié de son corps, & face en sorte que réciproquement elle ayme son mary, & qu'elle se puisse persuader que pareillement il l'ayme aussi, & que c'est par charité & non par haine qu'il l'admonneste. Nous auons l'exemple de sainte Monique mere de S. Augustin, laquelle ayant vn hōme reuesche, facheux, & Payen ; elle sceut pourtant en endurer si prudemment & si pieusement, qu'il l'ayma tousiours, & qu'en fin il se conuertit à Iesus-Christ. Le Lecteur peut voir la dessus le liure des Confessions de S. Augustin.



## CHAP. XVI.

*Du seiziesme Precepte de  
l'Art de bien mourir, qui  
est du Sacrement de l'Ex-  
trême - Onction.*

**R**ESTE le dernier Sacrement,  
qu'on appelle Extrême On-  
ction : dont nous recueillons vn  
enseignement tres-vtile non seu-  
lement pour la fin de nos iours,  
mais pour tout le temps de nostre  
vie. Car en ce Sacrement l'on oingt  
toutes les parties du corps, ou  
resident les cinq sens du mesme  
corps : & à chacune l'on dit ;  
*Dieu te vueille pardonner tout ce en  
quoy tu peux auoir offensé par la veüe ;  
& ainsi des autres.* D'ou nous ap-  
prenons que les sens sont les por-  
tes par lesquelles toute sorte de

212 De l'art de bien mourir

pechez entrent dedans nostre âme. Et partant si quelqu'un garde soigneusement ces portes-là, il entrera facilement une grande multitude de pechez, & par ce moyen il viura en homme de bien, & moura heureusement. Parlons donc brièvement de la garde de ces cinq portes.

Que l'œil soit une porte par laquelle ont accoustumé d'entrer les pechez qui naissent de la luxure, le commun Maistre de tout le monde Iesus Christ, l'enseigne, *Matt. 5.* disant; *Qui regarde une femme pour la desirer, il a desja commis adultere en son cœur. Que si ton œil t'apporte du scandale, arrache le, & le iette hors de toy. Car il te sera plus expedient, qu'un de tes membres perisse, que tout ton corps soit confiné dans la gehenne.* Et puis nous sçavons que *Dan. 13.* les vieillards qui virent Susanne nue, furent épris des ardeurs de la concupiscence pour son sujet, & que pour ceste raison ils furent mis à mort.



Nous ſçauons auſſi que Da-  
uid qui d'ailleurs eſtoit l'intime  
amy de Dieu, tomba en adulte-  
re pour auoir ſeulement regardé  
Bethſabée qui ſe baignoit, & que  
de là arriua le meurtre d'Urie, &  
mille autres mal-heurs ſans nom-  
bre. Et puis la raiſon naturelle  
eſt toute preſente. Car la beauté  
de la femme ſemble comme for-  
cer en quelque manière l'hom-  
me à l'aimer, comme la beauté  
de l'homme fait la femme; ſi bien  
que cet amour ne ceſſe iamais  
iuſques à tant que l'on vienne à  
la conionction des corps, à cau-  
ſe de la concupiſcence qui eſt re-  
ſtée en nous du peché originel.  
Et c'eſt ce mal que déplore auſ-  
ſi l'Apoſtre, quand il dit; *Je  
ſens vne autre Loy en mes membres*  
*qui combat la Loy de mon eſprit, &*  
*qui va me captiuant ſous la Loy du*  
*peché, qui eſt dedans mes membres.*  
*Miſerable homme que ie ſuis, qui ſc-*  
*ra-ce qui me deliurera du corps de*

2. Reg.

Rom. 7.

214. *De l'art de bien mourir*  
*ceste mort ? La grace de mon Dieu,*  
*par Iesus Christ nostre Seigneur.*

Et donc quel remede trouuerons-nous contre vne si puissante tentation ? Le remede est tout present & facile à faire avec l'ayde de Dieu, si quelqu'un le veut pratiquer. Le remede est dans saint Augustin en l'Epistre cent neuuesme, laquelle contient la Regle des Vierges religieuses. Car voicy comme ce bon Pere leur parle ; *Vos yeux, s'il arrive que vous les iettiez sur quelqu'un, ne les arrestez pourtant sur personnes.* Car le seul regard est presque inévitable, mais il ne peut, ou pour le moins il n'a pas accoustumé de toucher les cœurs, s'il n'est continué. Partant si quelqu'un s'accoustume à dessein de ne regarder iamais les personnes doüées de beauté, & que par adventure il en rencontre quelqu'une, & que suivant sa bonne coustume il destourne ses yeux, il n'y aura au-

cun danger pour luy. Car saint  
 Augustin dit bien veritablement  
 que ce n'est pas le regard qui est  
 dangereux, mais que ce mal pro-  
 cede de ce que nous arrestons  
 trop fixement nostre veuë pour  
 regarder. Et c'est ce que le saint  
 Prophete Iob a enseigné par son  
 exemple, disant; *J'ay fait paction* Iob. 31.  
*avec mes yeux, de ne penser pas seu-*  
*lement à vne fille. Où il ne dit pas,*  
*J'ay transigé avec mes yeux pour ne*  
*voir point, mais de ne penser point:*  
 C'est à dire, de ne m'arrester point  
 si long temps à regarder vne fille,  
 que la veuë penetre iusques au  
 cœur, & que ie commence à pen-  
 ser à sa beauté, & petit à petit à  
 desirer de luy parler, & puis de  
 venir aux embrassemens. De quoy  
 il donne vne pertinente raison,  
 telle que deuoit donner vn hom-  
 me tres-sainct; Car, dit-il, *quelle*  
*part auroit Dieu en moy?* Comme  
 fil vouloit dire, Tout mon bien,  
 & mon partage, c'est mon Dieu;

## 216 De l'art de bien mourir

Qui est vn bien certes tres grand, de sorte qu'on ne se peut rien imaginer de plus grand. Or Dieu n'ayme que ceux qui sont chastes & iustes.

On peut aussi rapporter à cela l'aduertissement de nostre Seigneur; *Matt. 5. Si ton œil te donne sujet de scandale, arrache-le.* C'est à dire, possède tes yeux de la mesme façon, que si tu n'en auois point; & les accoustumé par ce moyen à se pruer de ces regards, comme si tu estois aueugle. Or ceux qui des leur ieune âge commencent à se rendre soigneux d'observer cela, n'ont point de peine toute leur vie de fuir & d'euitier ceste sorte de vice. Mais ceux qui en ont formé vne mauuaise coustume, difficilement à la verité pourront-ils changer leurs mœurs, toutefois ils le pourront avec l'ayde de Dieu, & par ce moyen aussi se desengager de ce precipice.

Mais

Mais quelqu'un me dira peut estre, pourquoy Dieu a-il créé de beaux hommes & de belles femmes, s'il ne veut pas qu'on les regarde & qu'on les ayme? La réponse est facile, & mesme on en peut donner deux. Parce que Dieu a créé les hommes & les femmes pour se marier ensemble. Car dès le commencement Dieu parla de ceste sorte; *Il n'est pas bon que l'homme demeure tout seul, faisons-luy une aide semblable à luy.* Or l'homme n'a besoin de l'aide de la femme, si ce n'est pour engendrer, & pour élever leurs enfans, comme nous auons dit cy dessus, suivant la doctrine de saint Augustin. L'homme pourtant & la femme ne s'accorderoient pas facilement, ny ne viuroient pas librement ensemble toute leur vie, si ce n'estoit la beauté qui a le pouuoir de concilier l'amitié entre eux. La femme donc ayant esté créée belle, pour estre aymée de son mary, elle ne doit estre aymée d'amour qui

Genes. 2.

Lib. 9. de  
Genes. ad  
lit. 6. 2.

218 De l'art de bien mourir.

tende à la cognoissance charnelle,  
que de son mary seulement. C'est  
Exod. 20. pourquoy il est ordonné en la Loy  
de Dieu, *Tu ne conuoiteras point la  
femme de ton prochain.* Et l'Apostre  
dit aux hommes; *Hommes aymez*

Ephes. 5. *vos femmes.* Dauantage il y a  
beaucoup de choses qui sont bel-  
les & bonnes; qui ne doiuent pas  
pourtant estre desirées de tout le  
monde, mais de ceux-là seulement  
auxquels elles sont conuenables.  
Manger de la chair, boire du vin,  
sont choses bonnes, mais pour  
ceux qui sont sains, & non pas pour  
les malades.

Ainsi après la resurreccion, lors  
que nous serons entierement gue-  
ris, la beauté des hommes & des  
femmes pourra estre seurement  
aymée de tout le monde, par ce  
que pour lors la maladie de la  
côcupiscence de la chair sera ostée,  
laquelle nous donne de la peine,  
pendant que nous sommes encore  
mortels. C'est pourquoy ce n'est  
point de merueille, s'il est main-

tenant permis de voir avec delectation le Soleil, la Lune, les Estoilles, les Fleurs, & les autres belles choses qui ne fomentent nullement la maladie de la concupiscence: & que neantmoins il n'est pas permis de voir ny de considerer avec plaisir les belles femmes & les beaux hommes, de peur que ceste consideration ne vienne à augmenter & entretenir en nous la maladie de la concupiscence.

Après le sens de la veüe suit celuy del'Oüye, qui ne doit pas estre gardé avecque moins de soin que le sens de la Veüe. Mais il faut joindre avec l'aureille la langue, qui est l'instrument de la parole. Car les paroles, soit bonnes soit mauuaises, ne paruiennent point iusques à l'oüye, si elles ne sont proferees par l'instrument de la langue. Et d'autant que la langue est cause de plusieurs maux, si elle n'est gardee soigneusement: Pour ceste raison saint Iacques



## 220 De l'art de bien mourir.

Iac. 3.

crie & dit; S'il se trouue quelqu'un qui n'offense point en parole; c'est un homme parfait. Et vn peu apres, Voilà, vn peu de feu combien de matiere deuore-t'il? Or la langue est vn feu, & vn monde d'iniquité. En ce passage, l'Apostre nous apprend trois choses. La premiere; que c'est chose fort difficile de bien regler la langue, & que partant ceux-là sont fort rares; & seuls hommes parfaicts qui sçauent bien cōtenir leur langue.

La seconde, que d'une mauuaise langue peut arriuer vn grand mal en peu de temps. Ce qu'il explique par la comparaison prise d'une estincelle de feu, laquelle, si elle n'est promptement esteinte, peut consumer en vn moment vne grande forest de bois. Car de la mesme façon, vne parole proferee avec peu de discretion, peut faire naistre du soupçon de quelque crime, d'ou s'ensuiuent des haines, des noises, des disputes, des homicides, & finalement la ruine totale

d'une famille entiere. Enfin il enseigne encore, que la mauuaise langue n'est pas vn seul mal, mais qu'elle encloist en soy vne grande multitude de maux. Car par la langue toutes sortes de crimes sont ou disposez, comme les adulteres & les larrécins; ou commis, comme les faux serments, & les faux tesmoignages; ou defendus, comme quand vn meschant cherche des excuses pour pallier le mal qu'il a commis, ou pour feindre vn bien qu'il n'a point fait. Et derechef, la mauuaise lāgue est iustement appellée, *vn monde d'iniquité*, car par la langue l'homme peche contre Dieu, en iurant & blasphemant: cōtre son prochain, mal-parlant & donnant des iniures: contre soy-mesme, se vantant d'auoir fait de bonnes œuvres, qu'en effect il n'a point faites; & par mensonge niant d'auoir fait le mal qu'il a commis.

Je joindray à ce tesmoignage

K iij

Psal. 119.

del'Apoftrre faint Iacques, celuy du Prophete Royal, au 1. Pfeaume Graduel. *Mon Dieu, (dit-il) deliurez mon âme des leures peruerfes, & de la langue trompeufe. Si ce bon Roy a redouté la langue mauuaife & frauduleufe; que doiuent faire les perfonnes particulieres: & encore plus, non feulement les perfonnes particulieres, mais ceux qui font pauvres, ceux qui font infirmes, & de baffe qualité? Le Prophete adjoufte en fuitte, *Que te peut on donner, ou que te peut il eftre adioufté de plus facheux, par deffus vne l'ague frauduleufe?* Les paroles font obscures, à caufe de la proprieté de la langue Hebraique, mais ie croy qu'en voicy le fens. Ce n'est pas fans fuject que i'apprehende la langue peruerfe & trompeufe: par ce que ceste forte de langue eft vn mal fi grand, que ie ne croy pas qu'on puiſſe rien adioufter de mal, par deffus ceſtuy-là.*

Il continuë & dit; *Des fleches accrées dans la main d'un homme robuste,*

*avec des charbons deuorants.* Il declare en ces paroles , par vne tres-belle similitude , quel mal c'est , & combien est grand le mal que cause la mauuaile langue. Car le Prophete la compare à vne sagette de feu , lancee & décochée d'un bras roide : D'autant que premiere-ment les flesches frappent de loing , & volent avec telle viffesse , qu'à peine les peut on éuiter.

Secõdement, les flesches ausquel-les est comparée la langue trompeuse , sont dictes estre lancées de la main d'un homme fort & puissant. En apres il dit , que ces flesches sont pointuës & acerees , c'est à dire , bien faictes & bien affilées par vn bon ouurier. Et adioust finalement , qu'elles sont semblables à des charbons ardents qui desolent & perdent tout ; c'est à dire , qu'elles sont enflammées afin de pouuoir ruiner & desoler tout ce qu'elles rencontrent , quelque resistance qu'on leur puisse opposer. Et par consequent , que la mau-

uaise langue & trompeuse, est semblable non tant aux fiesches dont vsent les hommes, qu'à celles que le Ciel decoche contre la terre, telles que sont les foudres & les tonnerres auxquels rien ne peut résister. Certes ceste description que fait le Prophete de la mauuaise langue, est telle, qu'on ne peut s'imaginer aucun mal si grand, qui se puisse comparer avec la langue mauuaise & dangereuse.

Et afin de pouuoir encor plus facilement entendre cecy i'adiousteray deux exēples tirees de l'Es-  
 1. Reg. 12. criture. L'un est celuy de ce scelerat Idumean Doëg, qui accusa le grand Prestre Achimelech, au Roy Saül, d'auoir conjuré contre luy avec Dauid : qui estoit cependant vne pure calomnie, & vne imposture. Et par ce que le Roy Saül estoit pour lors grandement animé contre Dauid, il creut facilement tout ce qu'il dist; si bien qu'il commanda sur le champ qu'on mist à mort non seulement

le grand Prestre Achimelech qui estoit innocent : mais aussi tous les autres Prestres , au nombre de quatre - vingt & cinq , lesquels n'auoient en rien du monde offensé contre la Majesté. Et Saül encore non content de ceste boucherie, commanda qu'on mist à mort tous les habitans de Nobé, qui estoit vne ville sacerdotale : & ne se contenta pas d'exercer sa cruauté à l'endroit des hommes & des femmes, mais il passa iusques aux enfans qui pendoient encore à la māmelle; laissant des effects de sa rage à l'endroit des animaux mesmes, des vaches, des asnes, & des moutons. Et est chose croyable, que cest de ceste dangereuse langue de ce miserable Iuif Doëg, qu'entendoit parler Dauid au Pseume dont nous auons des - ja expliqué vne partie. Par cet exemple, nous apprenons combien peut causer de mal vne langue dangereuse & pernicieuse.

Nous prendrons l'autre exemple

K v

226 *De l'art de bien mourir.*

Marc. 6.

de saint Marc. La fille de Herodias ayant dansé deuant Herode & deuant les Seigneurs de sa Cour, la badinerie de ceste fille fust tellement agreable à Herode, qu'il protesta deuant toute la compagnie, qu'il luy donneroit tout ce qu'elle voudroit demander, fust-cela moitié de son Royaume. Ce iurement sot & temeraire, fut cause de plusieurs grands mal-heurs.

Car premierement ceste fille s'en alla scauoir de sa mere qu'est-ce qu'elle deuoit demander; laquelle l'emboucha de demander la teste de saint Iean Baptiste. Elle la demanda, & sur le champ l'on vit apporter dans vn bassin la teste du Precurſeur de nostre Seigneur, separée de son corps. Combien d'espèces de peché y a-il en tout cela? La mere pêche griefuement, demandant vne chose tres-iniuste. Herode ne pecha pas moins griefuement, commandant qu'on fist mourir vn homme innocent, qui estoit le Precurſeur du Messie,



plusque Prophete, & qui n'auoit point d'esgal au monde entre les enfans néz de femme, & que Herode mesme scauoit bien estre iuste & saint personnage: Et cependant sans aucun sujet, sans iugement, à l'heure d'un celebre banquet, à la petition d'une fille qui auoit dansé, il commande qu'on luy tranche la teste! Mais escoutez les maux de la peine, puis que nous auons enté du les maux de la coulpe.

Peu de temps apres Herode fut relegué en perpetuel exil, apres auoir esté despouillé de son Royaume par l'Empereur Caius; & par ainsi celuy qui auoit iuré de dōner la moitié de son Royaume, changea son Royaume entier en vn perpetuel exil, tesmoing Iosephe en ses Lib. 18. antiquitez. Ceste mesme fille de cap 9.

Herodias qui auoit esté cause par ses fauts & par les dāces, de la mort de S. Iean, passant vn iour sur vne riuieré glacée, la glace venant à s'entr'ouuir, elle tomba, & tout son corps s'en alla à fond, excepté

228 *De l'art de bien mourir.*

la teste, laquelle estant demeurée  
separée du corps, alloit sautelant  
sur la glace: Et ce afin que tout le  
monde cogneust le sujet pour-  
quoy elle estoit morte si misera-  
blement. En fin Herodias se trou-  
uant atteinte d'une douleur insup-  
portable, mourut subitement, &  
suyvist de bien près sa fille aux  
tourments de l'enfer. Nicephore

Lib. 1. c. 2. Caliste en décrit la Tragedie en  
en son Histoire.

Voilà combien de maux, tant de la  
coulpe que de la peine, se sont en-  
suiuis, pour vniuersement sot, & te-  
merairement pensé par Herode.  
Venons aux remedes que doiuent  
apporter les hommes sages aux  
maux que cause la langue.

Le saint Roy & Prophete en-  
seigne tout au commencement du  
trente & huitiesme Pseaume, de  
quel remede il se seruoit pour cet  
effect. *I'ay dit en moy-mesme, dit-il,  
ie prendray garde à mes voyes, afin que  
ie n'offense point par ma langue: C'est  
à dire, ie garde soigneusement mes*

Psal. 38.

voyes, afin d'eüiter les pechez de la langue: Car ie ne parle, ny ne pense, ny ne fais chose aucune, sans auoir meurement iugé & considéré ce que ie dois faire, dire, ou penser. Car ce sont là les voyes par lesquelles cheminent tous les hommes en ceste vie. Et partant le souverain remede contre les mauuaises paroles, & non seulement contre les mauuaises paroles, mais aussi contre les mauuaises actions, contre les mauuais desirs, & contre les mauuaises pēsees; c'est de premediter & de pēser auparauāt que de faire quelque chose, à ce qu'on doit dire, faire, penser, ou desirer. Aussi est-ce vne propriété particuliere à l'homme, de ne faire rien temerairement, mais de faire vne reflexion de sa pensée sur les choses qu'il a à faire; afin de les executer si elles sont conformes à la droicte raison; & de ne les faire pas si elles setrouuent au contraire. Or ce que nous disons des actions, le mesme se doit entendre de la parole, des desirs, &

230 *De l'art de bien mourir.*  
des autres effects de l'ame raison-  
nable.

Que si parauenture il s'en trou-  
ue quelques - vns qui ne puissent  
penſer auparauant à tout ce qu'ils  
ont à dire & à faire : Certes il n'y  
deuroit auoir homme ſage, & qui  
ſoit curieux du ſalut eternal, qui  
n'eust tous les iours recours à Dieu  
par ſes prieres, & ce dès le matin  
auant que faire aucune affaire du  
monde, & luy demander qu'il luy  
plaiſe d'adreſſer ſes voyes, ſes a-  
ctions, ſes paroles, ſes deſirs, & ſes  
penſées à la gloire de Dieu, & au  
ſalut de ſon ame. Et puis le iour  
eſtant paſſé, auant que ſe mettre au  
lit pour repoſer, qu'il examine ſa  
conſcience & qu'il exige raiſon de  
ſoy - meſme, ſçauoir ſ'il a point of-  
fenſé Dieu, par penſée, par parole,  
en effect, ou par deſirs. Que ſ'il  
trouue auoir commis quelque pe-  
ché contre Dieu, principalement  
quelque peché mortel, qu'il ne ſoit  
pas ſi hardy que de fermer les yeux  
pour prendre ſon repos ceſte nuit.

là, que premierement il ne se soit reconcilié avec Dieu par vne veritable penitence, & qu'il n'ait formé vne vraye & stable resolution de garder les voyes, afin de ne pecher point par sa langue, ny en ses actions, ny en ses desirs. Et cela suffise pource qui est de contenir & garder sa langue.

Quant à ce qui regarde le sens de l'Oüye, il nous en reste peu de chose à dire. Car la langue estant retenuë par le frein de la raison de ne s'épandre point en mauuaises paroles, il n'y aura presque rien qui puisse corrompre le sens de l'Oüye.

Or il y a quatre sortes de paroles, ausquelles principalemēt il faut fermer l'entrée de l'Oüye, de peur que passant par l'aureille elles ne viennēt à infecter le cœur. Le premier rang est pour les paroles contre la Foy, lesquelles on escoute assez librement à cause de la curiosité des hommes: & cependant si elles penetrent insques à l'interieur, elles emportent la foy de nostre

232 *De l'art de bien mourir.*

cœur, laquelle est la racine & le principe de toutes bonnes œuvres. Mais entre toutes les paroles d'infidélité que l'on peut dire, il ny en a point de plus pernicieuses, que celles de ceux qui nient ou la providence de Dieu, ou l'immortalité de l'ame. Car ces discours là ne no<sup>r</sup> rendent pas tant Heretiques qu'Athées, & ouvrent la porte à toutes sortes de crimes & d'offenses.

L'autre espece de mauvaises paroles, consiste en detractions & medifances, lesquelles chassent tout à fait la Charité fraternelle: & sont cependant auidement ouïyes, mais par les curieux. Car David ce saint personnage qui estoit selō le cœur de Dieu, dit en ses Pseaumes; *Celuy qui detraçoit en secret de son prochain, c'est celuy. là à qui ie faisois la guerre.* Et d'autant que c'est d'ordinaire parmy les festins & bāquets que l'on entēd medire & detracter, pour ceste raison S. August. auoit fait escrire ces paroles au paroy proche de sa Table. *Celuy qui prēd plaisir à dechirer par medifance la vie des absens, qu'il*

*Psal. 100.*

*sache que ma Table luy est deffendue.*

Possidonius le raporte en la vie de saint Augustin.

La troisieme sorte de paroles pernicieuses, consiste es flatteries.

Car on entend volontiers les flatteries, & neantmoins elles engendrent l'orgueil & l'ambition. Or l'arrogance est la Reine des vices, & specialement ennemie de Dieu.

La quatrieme espece regarde la Luxure, & consiste particulièrement en paroles amoureuses, & en chansons lascives. Cependant rien n'est si doucement entēdu par ceux qui aiment le monde, que ces discours là, encore qu'il ny ait rien de plus nuisible. Car les chansons lascives sont semblables aux chāts des Syrenes, qui dōnoient du plaisir aux hommes, afin de les faire tomber dans la mer pour les deuorer.

Le remede salutaire contre tous ces dangers, c'est d'auoir des gens de biē pour amis, & de se separer de la compagnée des meschants, par tous les moyens que nous pour-



rons nous imaginer. Car des personnes que l'on ne cognoist point, n'osent pas entremesler parmy leurs discours des paroles de medifance, ou qui sentent l'heresie, ou la flatterie, ou la lasciuete, avec ceux qu'ils n'ont iamais veus auparauant, ou qui ne leur sont pas familiers. C'est pourquoy Salomon tout au commencement de ses Prouerbes instruisant vn enfant, a couché le premier precepte qu'il luy donne, en ces termes ; *Escoute, mon enfant, la doctrine de ton Pere. Si les meschans veulent t'allecher & t'attirer à eux ; donne toy bien garde de leur acquiescer en chose du monde. Si par fois ilste tiennēt ces discours. Viēst'ē avec nous, faisons la guerre à nostre s'g, dressons des embusches à l'innocent & le deuorōs tout en vie cōme l'Enfer, & celuy qui est entier en sa vie & en ses meurs, comme celuy que l'on iette dans vne fosse. Par ce moyen nous emporterons tout ce qu'il y aura de beau & de bon au monde, & nous remplirons nos maisons de riches despoilles. Faisons nostre fortune.*

**Prou. I.**

ne ensemble, n'ayons qu'une bourse pour tous; Mon enfant, ne chemine point avec ces gens-là. Car ils dressent des embusches contre leur propre sang, & brassent des ruses & des tromperies contre leurs âmes propres. Ce conseil comme venant d'un homme tres-sage, pourra facilement apporter remede au sens de l'Oüye, pour empescher qu'il ne soit gâté & peruertie par de mauuaises paroles: principalement si nous y ioignons la sentence de nostre Seigneur qui estoit plus sage que Salomon, & qui a dit ouuertement; *Que les domestiques de l'homme, sont les plus grands ennemis qu'il aye.* Et voilà quant au sens de l'Oüye. Matt. 10.

Le troisieme sens c'est l'Odo-  
rat, duquel il ne se presente pres-  
quer rien à dire. Car ce sens est em-  
ployé & occupé aux odeurs, qui  
n'ont pas grande force pour cor-  
rompre nostre âme. Or les odeurs  
precieuses ne sont que pour peu de  
gens, & celles qui sont communes,  
comme les odeurs des fleurs, des

que quiconque commet ces especes de crimes-là, n'aura jamais le Royaume de Dieu. Et encore n'est-ce pas-là toute la peine de ces pechez-là : mais outre cela la gourmandise & l'yurongnerie chargent les cœurs des hommes de sorte, qu'ils ne peuvent s'eleuer pour vacquer aux choses diuines. Ce que nostre Seigneur a enseigné : & saint Basile en l'Oraison du Ieufne, l'explique par deux similitudes fort à propos.

Luc. 21

La premiere est prise du Soleil & des vapeurs. Car tout ainsi que ces grosses vapeurs qui montent des lieux humides, couurent le Ciel de nuages, & empeschent que les rayons du Soleil ne viennent iusques à nous; de mesme aussi il s'excite dedans nous certaines fumées & comme des vapeurs, de la gourmandise & de l'yurongnerie, qui obscurcissent le Ciel de la raison, & nous desrobent les rayons de la lumiere diuine. L'autre similitude est tirée de la fumée & des Abeilles. Car comme on chasse facile-

238 *De l'art de bien mourir.*

ment ces petites mouches qui façonnent le miel, de leurs rusches par le moyen de la fumée: de mesme aussi la Sapience de Dieu, qui comme vne Abeille a de coustume de produire dans nos âmes le miel des vertus, de la grace, & des consolations celestes, ne se peut chasser plus facilement que par la fumée de l'yurongnerie & de la gourmandise.

Adioustez à cela que la Gourmandise & l'yurongnerie nuist grandement à la santé du corps. Le Medecin Antiphanes, comme rapporte Clement Alexandrin au second liure du Pedagogue; disoit qu'il ny a presque qu'une seule cause de toutes les maladies, à sçauoir la multitude, & la diuersité des viandes: & au contraire saint Basile en sa premiere Oraison du Ieufne, dit qu'il faut appeller l'Abstinence la Mere de santé. Et d'ordinaire tous les Medecins se seruent de l'Abstinence pour remettre les corps indisposez en bonne santé, & ordon-

nent de s'abstenir du vin & de la chair. Adiouſtez encore à ce que deſſus que la gourmandiſe & l'yurongnerie nuist grandement non ſeulement à la ſanté du corps & de l'ame, mais auſſi à nos biens. Car l'yurongnerie & la gourmandiſe en ont rendu pluſieurs de riches qu'ils eſtoient, pauvres & miſerables, & de Maîtres valets. En apres l'yurongnerie & la gourmandiſe priuent pluſieurs pauvres qui mēdient leur pain, de l'Aumofne des riches. Car ceux qui ne ſe contentent pas de boire & de manger ſobrement, conſument facilement toute leur ſubſtance en leurs plaiſirs & voluptez, de ſorte qu'il ne reſte rien du tout pour leurs pauvres freres diſetteux. Et par ainſi eſt accompli ce que dit l'Apoſtre; *L'un a faim, & l'autre eſt yure.* Mais *Cor. ii.* laiſſant cela à part, venons à parler des remedes.

Vn puiſſant remede contre l'yurongnerie & la gourmandiſe, c'eſt l'exemple de tous les ſaincts. Je ne

parle point des Hermites ny des  
 bons Moynes, dont parle saint  
 Hierôme en l'Epistre à Eustochiũ,  
 des moyēs de conseruer la virgini-  
 té, disant que parmy eux c'estoit  
 excez d'auoir mágé quelque chose  
 de cuict. Ie ne parle point de saint  
 Ambroise, qui ieusnoit tous les  
 iours, excepté les festes solemnel-  
 les & les Dimanches, comme tes-  
 moigne S. Paulin en sa vie. Ie ne  
 parle point de saint Augustin, le-  
 quel se contentoit d'herbes & de  
 legumes à sa Table, ayant quelque-  
 fois de la viande pour les passans,  
 ou pour les malades. Ie laisse aussi  
 maintenant à part tous les autres  
 saints. Si quelqu'un considere  
 attentiuement ce que Dieu fist,  
 quoy qu'il soit Seigneur de tout,  
 & nostre Pere à tous, quand il  
 prist la charge de nourrir son  
 peuple au desert; sans doute il ap-  
 prendra avec admiration & eston-  
 nemēt l'Art de Sobrieté. Car Dieu  
 seul, qui est seul Tout-puissant, seul  
 sage, seul bon, qui a peu, qui a sçeu,  
 & qui

& qui a voulu bien pourvoir de ce qui estoit necessaire à son peuple bien aymé, par l'espace de quarante ans entiers fit pleuvoir de la Manne du Ciel, & fit sortir de l'eau des rochers. Or la Manne estoit vne sorte d'aliment semblable à vne tourte faicte de farine & de miel, comme il est dit au liure de l'Exode. Voylà combien sobrement Dieu qui est tres-sage a voulu que son peuple disnast & soupast. Vn gasteau estoit leur manger, & l'eau leur breuvage: & cependant ils viuoient tous en bonne santé & disposition, iusques à ce qu'ils commencerent à vouloir manger de la chair. Exod. 16.

Iesus-Christ Fils de Dieu, dans lequel estoient tous les thresors de la Colos. 2. science & de la sagesse de Dieu, voulant vn iour à disner & à souper Ioh. 6. tout ensemble à beaucoup de milliers de personnes qui le venoient escouter, suiuant l'exemple de son Pere, mit deuant eux des parcelles & fragments de pain & de poisson.



242 *De l'art de bien mourir.*

Ioh. 31.

& de l'eau à boire. Et non seulement Iesus-Christ prepara vn banquet à ses auditeurs avec ceste grande sobrieté, lors qu'il estoit encor mortel, mais mesmes apres la Resurrection, lors que toute puissance luy fut donnée, au Ciel & en la Terre. Il donna à disner à ses disciples sur le bord de la Mer, avec vn seul poisson & du pain & encore peu, & ne fist faicte aucune mention ny de vin ny d'autres choses.

O que les conseils de Dieu sont esloignez des conseils des hommes! Celuy qui est Roy du Ciel, se plait à la simplicité de la terre, & met ses delices en la Sobrieté; estât premierement soigneux d'enrichir l'ame, de la contenter, & de la remplir de Ioye. Mais les hommes ayment mieux satisfaire à leur concupiscence, & escouter le Diable qui est leur ennemy, que non pas Dieu: si ce n'est que nous ne disions avec saint Paul que les hommes charnels n'ont autre Dieu que leur ventre.

Reste encore le sens de l'Attouchement, qui est le plus grossier de tous, & ensemble le plus vil. C'est parce sens qu'entrent en nos âmes pour les souiller, & par conséquent pour gâster les autres hommes, les œuvres de la chair, que va nombrant le saint Apostre, en ces paroles; *Les œuvres de la chair sont notoirs, qui sont, l'adultere, l'immondicité, & l'impudicité.* L'Apostre a donc spécifié en trois mots tous les genres de Luxure. Et n'est point de besoin de passer plus outre pour expliquer des choses qu'il vaudroit mieux estre entièrement ignorées parmy les fides, & n'en sçavoir pas seulement les noms. Car c'est ainsi que parle l'Apostre escript aux Ephesiens; *Que la fornication, ny toute autre sorte d'immondicité ne soit jamais nommée parmy vous, comme aussi est-ce chose fort decetée à des personnes appellées à un estat de sainteté.*

Gal. 5.

Ephes. 4.

Quant aux remedes qu'il faut apporter à tous ces vices là, voyez ceux que ie puis sçavoir pour

tiue sous la servitude ; de peur que 1. Cor. 9.  
venant à exhorter les autres, ie ne sois  
meschant moy-mesme. De là vient  
que les anciens Moynes & Her-  
mites instituerent vn certain gen-  
te de vie entierement contraire  
aux delices de la chair & aux vo-  
luptez, en ieunes, veilles, en cou-  
chant à terre, en flagellations, en  
cilices : le tout non pas en haine  
de leur corps, mais en haine de leur  
chair qu'ils sollicitoit à la paillar-  
dise.

Parmy vn grand nombre d'ex-  
ples qu'on peut apporter ie ne pro-  
duiray que cestuy-cy. Sainct Hila-  
riõ, comme tesmoigne sainct Hie-  
rosime en sa vie, se voyant tenté  
par des pechez de la chair ; *Je feray  
en sorte, disoit-il parlât à son corps,  
que tu n'auras plus envie de regimber,  
Je te traitteray non avec l'orge & l'a-  
voine, mais avec de la paille. Je t'ab-  
batteray de faim & de soif. Je te char-  
geray de pesants fardeaux. Bref ie re-  
chercheray tous les moyens, soit par les  
ardeurs de l'esté ; soit par les rigueurs*

## 246 De l'art de bien mourir.

de l'huyet, que tu penseras plustost à chercher ta nourriture que non pas les lasciuetez. Outre plus, les Medecins des corps ordonnent encore certains exercices moderez, comme la promenade, ou le ieu de la paume, ou quelque chose de semblable, pour recouurer la santé, ou pour la conseruer.

Le mesme peut seruir grandement pour la santé de l'ame, si celui qui est soigneux de faire son salut employe tous les iours quelques heures de son loisir à mediter les mysteres de nostre Redemption, ou les quatre fins dernieres, ou bien quelque autre sujet de pieté. Que si la meditation ne luy reussit pas selon son desir, pour le moins qu'il employe tous les iours vne partie de temps à lire l'Escripture sainte, ou les liures de deuotion, ou les vies des Saints.

Finalemēt, vn remede grandement efficace pour dompter tous les mouuemens de la chair, & tous les pechez de Luxure, c'est de fuir

**L'Oisiveté.** Car personne n'est si sujet aux sales pensées, que celuy qui n'a rien à faire, & qui passe son temps ou à regarder par vne fenestre les passants, ou à deuiser & discourir avec ceux avec qui il a de la familiarité. Au contraire, personne n'est plus affranchy des pensées sordides, que ceux qui passent les iours entiers à trauailler aux champs, ou qui s'occupent à l'exercice de diuers mestiers. Ce a esté le sujet pourquoy Iesus Christ nostre Maistre choisit des parents qui estoient pauvres, & qui gaignoient leur vie par leur trauail; & luy-mesme auant que s'appliquer à la fatigue de la predication, voulut auoir pour pere putatif vn Charpentier, auquel il aydoit à trauailler de ce mesme mestier. Car on disoit de luy; *N'est ce pas icy ce Charpentier, qui est fils de Marie?* Ce que i'ay bien voulu adiouster, afin que les artisans & ceux qui trauaillent aux champs n'ayent aucun sujet de se plaindre de leur

248 *De l'art de bien mourir.*

condition, attendu que la sapience diuine l'a choisie pour soy, pour sa Mere, & pour ce saint homme Ioseph, son pere putatif. Non pas qu'ils eussent nullement besoin de ce remede; mais c'a esté pour nous aduertir, nous qui sommes infirmes, de fuir l'Oisiveté, si nous voulons euitier beaucoup de pechez.





LIV. SECOND  
DE L'ART

DE BIEN MOURIR,  
AVX ADVENUES  
de la Mort.

---

CHAP. I.

*Du premier precepte de l'Art  
de bien mourir, lors que la  
mort est prochaine; qui est de  
la Meditation de la Mort.*

**D**v commencement nous  
avons diuisé l'Art de biē  
mourir en deux parties,  
en l'une desquelles sont  
prescrits les preceptes de bien

Lv



250. *De l'art de bien mourir.*

mourir, & les choses qui semblent les plus nécessaires à considérer au temps de la mort, lors mesme qu'il semble qu'elle est le plus esloignée de nous. en cette seconde partie nous auons à parler des choses qui appartiennent à la meditation de la Mort, considérée comme presente & à arriuer, ou comme sur le point d'arriuer. Or nous disons la Mort estre prochaine, & comme ja à nos portes, ou lors que nous sommes tous cassez de vieillesse, pource que comme dit l'Apostre, *Ce qui vieillit, & devient antique & caduc, est proche de sa fin*: ou bien lors qu'une grande maladie, qui est iugée mortelle & incurable par l'aduis des Medecins, & qui saisit aussi tost l'enfant que l'adolescent, & le ieune homme comme teluy, qui tombe de vieillesse, nous surprend: & partant il est bien necessaire de pratiquer ce premier aduis en telle extrémité, & nous arrester quelque peu sur la meditation de la Mort. Car encore que nous

Heb. 12

n'y mettions nostre pensee avec  
soing & attention, pendant que  
nous sommes en aage florissant &  
en bonne santé, & que pour l'es-  
timer comme fort éloignez de  
nous durant nostre ieunesse, nous  
n'auons aucun effroy de son hor-  
reur, mais quand nous la voyons  
venir, & que nous la touchons  
presque du doigt, nous y pensons,  
& alors sa consideratiō nous prou-  
fite au possible : tous les autres  
arts s'apprennēt plustost par exer-  
cice & pratique, que par science &  
doctrine : & combien que ceux à  
qui Dieu a donné la grace de mou-  
rir, si non plusieurs, mais du moins  
deux fois, comme la bien-heu-  
reuse Christine, & ce Drithelme  
Anglois, dont i'ay parlé en mon  
liure du Gemissement de la Colō-  
be, & cethermite, dont l'histoire  
est rapportee par Ioannes Clima-  
cus, & duquel nous dirons quel-  
que chose au dernier chapitre de  
ce liure, il appert toutefois qu'ils  
sont morts fort cōtēs & res-iouïs,

232 *De l'art de bien mourir.*

Mais pour nous à qui il n'est permis de mourir qu'une seule fois, il ny a voye meilleure pour aller au deuant de la mort, & l'accueillir sans crainte & frayeurs, que de mediter souuent és choses qui se passent au destroict de ceste vie.

Considerons donc serieusement en premier lieu, que par la mort se faict la dissolution du corps d'auec l'ame, sans toutefois que par ceste mort la vie de l'ame se puisse esteindre, ny que le corps en ceste cheute mortelle, retourne en la matiere cendreuse, frustré de l'esperance qu'il a d'estre re-vny à son ame, en la resurrectiõ generale des morts: Car s'il estoit autrement, comme miserablemēt s'imaginēt les Athées, ceux-là qui mesprisoient la mort, sembleroient auoir iuste occasion de dire de leur viuant, *ça mangeons & beuons, puis que demain nous mourrons; & qu'en la mort nous quittons toute ioye & plaisir de viure.* Prouerbe tres-ancien, parole des

vieux mondains venuë iusques à nous, du profond le l'antiquité Atheiste, comme il est aisé de voir & recueillir du 22. d'Esaye: & de l'Apôstre saint Paul en sa premiere aux Corinthiens chapitre quinzième. Mais qu'il y en aye entre nous, qui professent cette creance Chrestienne de bouche & de paroles seulement, & la nient par leurs actes & façons de viure; il est certes trop vray, & le voit on à l'épreuue, en ce que parmy nous se trouuent vne infinité de personnes, qui bien que cassez de vieillesse, chargez d'années, comme de cheueux blancs affoiblis & sans forces, ne pensét toutefois à rien moins qu'à la mort, & se gouvernent de mesme comme si iamais ils ne deuoient mourir; ou bien croyent que s'ils meurent tout meurt en eux: & pour eux, le corps avec l'ame & l'ame avec le corps: Mais quoy que les mortels se figurent ces choses avec autant d'impieté, que de folie, il

est ainsi toutefois que la separation du corps d'avec l'ame a vn rapport tres-proportionné, à la separation de l'espouse d'avec son cher espoux, c'est vn diorce temporel, qui separe pour vn temps, & non pas vn reiect du mariage & d'union pour iamais : car comme l'ame retient tousiours sa nature immortelle, ce corps par sa resurrection au dernier iour, venant à luy estre rev-ny & derechef animé pour iamais, viuront conjointement ensemble en l'Eternité.

Il faut donc, si nous sommes Chrestiens, & s'il nous reste quelque esprit de sagesse, s'exercer souuent en cette sainte pensée de la mort, & nous imaginer que si elle ne nous presse le talon, du moins nous est elle assurée à l'heure mesme que moins nous l'attendons : Car en ce gist tout le residu des meilleures affaires de nostre ame ; de finir nostre vie par vne bonne mort ; pendant que nous auons l'estre, il ne nous est rien plus :

facile, que de mespriser la vertu pour caresser le vice, ny rien de plus aisé, avec la grace de Dieu, que de laisser le vice & passer aux vertus: car celuy qui est aujour d'huy, heritier du Royaume des Cieux, peut demain & plustost voire en vn moment descheoir de ce grand heritage, par le peché, & devenir tributaire du Diable, & digne du feu eternal: & au contraire, par le secours de la grace de Dieu, celuy qui est esclau de Satan, peut estre tiré d'icelle seruitude, & derechef escrités registres, de vie, au rolle des fils de Dieu, & des heritiers de sa gloire: il arriue donc que celuy qui meurt en diuorce avec Dieu, il meurt pour estre éternellement ennemy de Dieu, & proye éternelle de l'Enfer: & à l'opposite, celuy qui meurt en l'amitié de Dieu, & pour estre heritier de ses biens, il est impossible que iamais il luy puisse estre ennemy, n'y qu'il puisse éternellement descheoir de cette

256 *De l'art de bien mourir.*

grace , avec laquelle il a quitté le monde, de maniere que de là il résulte infailliblement , que de la bonne ou mauuaise mort procede & depend tout le bon - heur ou mal - heur de l'homme , nostre beatitude ou éternelle misere: Qui sera donc celuy si olé, s'il n'est entièrement possédé de folie & priué de iugement , de sortir de ceste vie par la mort, s'as auoir appris l'Art de bien mourir, & ne sera de longue-main disposé à sa fin ?

- Vne autre consideration sur la mort qui est encore plus veile: c'est , que combien que la mort nous soit tres-assurée , puis que le chantre Royal estoit en peine de sçauoir, *quel est l'homme qui vit, & ne verra la mort ?* & quel l'Apostre ait publié cet arrest general, que c'est chose ordonnée aux hommes de mourir *une seule fois, & qu'apres la mort suyura le iugement:* il est ainsi toutefois qu'il n'y a rien de plus incertain que le iour & l'heure de la mort: Ce que le Sauueur declara disant,

*Psal. 88.*

*Aux Heb.*

2.



Veillez & soyez tousiours sur vos gardes, car vous ne sçauex pas ny l'heure ny le iour: Cette mort implacable, avec son front d'airain, heurte indifferemment à la porte de tous, elle renuerse par terre ce mur mortel, & brise ce Colosse de chair, sans auoir esgard aux grands, ny aux petits, aux ieunes ny aux vieux, elle nous surprend quelquefois au berceau; ou si elle nous laisse iusques à l'extreme vieillesse, elle nous adiourne fort souuent au tombeau par mille fortes de langueurs: les vns meurent en la prime-vere de leur aage, & le pis est que quelquefois elle arriue avec tant de precipitation & de haste, qu'elle ne donne le loisir aux coupables d'inuoker la misericorde de Dieu, pour finir en sa grace: effects certes perpetuellement redoutables de la prouidence Diuine, & resultans du fond de la sagesse éternelle, nous prestant la vie avec incertitude de rappel, afin que personne, singulierement des iustes, ne soit

si osé de demeurer attaché , non pas mesme vn seul moment, s'il est possible , au peché mortel. Et pource toy quel qu'ois , qui lis ces choses , si la conscience te remet deuant les yeux l'hideuse deformité du peché, qui possède ton ame , garde toy d'attendre au lendemain, non seulement au bout de la journée presente, ny que l'heure sonne auant que tu le mette hors, par contrition & regret de l'auoir commis , & le detester amèrement deuant Dieu , redoutant à chaque pas l'arriuée de la mort, durant la captiuité de ton ame en peché.

La troisieme consideration n'est pas de moindre consequence, c'est qu'au matin auant que de porter vostre esprit aux affaires iournalieres, & le soir auant que prendre le repos que la nature requiert, de peur que la mort arriuant ne nous surprenne au depourueu , sondez vostre Conscience avec soyn & diligence, & voyez si

En la nuit précédente, ou si le long de la journée es coulée, vous n'avez point commis quelque peché principalement mortel; & si vous n'en trouvez aucun qui puisse charger vostre conscience, rendez en graces à Dieu, auteur & distributeur de tous biës: que si vous en estes coupables, & cognoissez que vous l'avez offensé, ayez en regret en vostre cœur, & le plus tost que faire le pourrez, allez vous prosterner aux pieds du Prestre pour confesser vostre crime, recevez humblement de luy la penitence enjoincte, & au plus tost qu'il sera possible acquittez vous de ce qu'il vous aduise de faire, pour satisfaction de la peine due à vostre peché: Ceste raison d'examiner ainsi sa conscience deux fois le iour au moins, soulage merueilleusement vne ame, & empesche que la mort ne nous peut iamais effrayer à son arrivée.

La quatriesme consideration est

Eccel. 7.

aussi vtile que les precedentes, & est celle dont faict mention le sage Iesus fils de Sirach, quand il dit, *entout l'œuvre que tu fais aye memoire des choses pl<sup>9</sup> dernieres, & iamaiz tu ne pecheras*: Car comment est ce que celuy pouuoit offenser Dieu en son œuvre qu'il faict, si lors qu'il traueille de son labeur, il a l'esprit arresté sur l'exacte recherche du iuge au iugement dernier, & sur ce qui luy doit arriuer à l'heure de la mort? à cecy seruira le dire memorable de cet homme deux fois mort: dont parle Ioannes Climacus en son eschelle, de gré sixiesme, quand il dit: *Iene passeray point sous silence l'histoire de cet homme solitaire qui habitoit en Choreb, Cestuy cy ayant esté fort negligent de son salut, & eu fort peu de soing de son ame durant sa vie, il fut attaqué d'une forte maladie, tellement que le voyla à l'extremité de la mort, & ayant expiré enuiron vne heure apres ressuscita, par permission Diuine: rentré qu'il fust en soy mesme, il nous pria tous de*

pour retirer d'aupres de luy, & ayant fait  
 boucher de pierre la porte de sa cellule,  
 Il demeura là dedans, enfermé l'espace  
 de douze ans ne parlant à ame vivante,  
 & ne prenant d'autres viandes pour  
 sustenter sa vie que du pain & de l'eau;  
 estant assis en ce lieu, & ruminant en  
 son ame les choses qu'il auoit veues du-  
 rant son excez de la mort, en demouroit  
 si estonné, que sans se pouuoir retirer  
 de ce rauissement, il ne peut iamais tour-  
 ner sa face de costé ny d'autre, & sans  
 faire autre bruit que de s'aglotter, s'y fon-  
 doit en larmes: Et lors que pour la se-  
 conde fois il se vid proche de la mort,  
 ayant rompu la porte de sa cellule murée,  
 nous sommes entrez là dedans, & com-  
 me nous le requerrions d'un petit mot  
 d'instruction, sur ce qu'il auoit fait. En  
 ce lieu nous auons seulement remporté  
 de luy ceste parole? Il ny a personne, qui  
 ayant memoire de la mort puisse iamais  
 offenser Dieu. C'est ce que dit Cli-  
 macus: Que le Lecteur retien  
 ceste histoire, non comme vne fa-  
 ble, mais comme chose veritable-  
 ment arriüée, & escrete mesme par

262. *De l'art de bien mourir.*

vn saint personnage, qui a veu & ouy ces choses de ses propres yeux & de ses oreilles.

Dont il est facile d'apprendre quel profit & émolument il reuiuent à l'homme de mediter & penser continuellement à la Mort, & n'en perdre iamais la memoire. Cestuy - cy auoit auparauant esté negligent de rechercher les remèdes de son salut : mais par la grande misericorde de Dieu il goustâ la mort ; & resuscitant de mort à vie, medita en la mort l'espace de douze ans, & se consumma en regrets sur le souuenir de ses fautes, & celles qu'il ne croyoit estre que tres-legeres & petites auant qu'il mourust, ayant gousté l'amertume de la mort, il les recogneust estre tres-grandes enormes, & dignes, certes d'un plus long espace de temps pour estre inondées dans le deluge de ses larmes : C'est là le vray sens & le veritable Commentaire des paroles de l'Escripture qui

Eccles. 7. dit, *Qu'il se souuienne de ses derniers*

*Temps & tu ne pourras au grand i jamais  
offenser : Et si la continuelle me-  
moire de l'une des choses dernie-  
res apporta tant de lucre & de pro-  
fit à ce Religieux, qui par vne peni-  
tence de douze années, il racheptra  
son ame obligée à la peine eternal-  
le, & merita le Ciel en recompen-  
se de ses larmes; à quelle vtilité ne  
retournera point le souuenir assidu  
de toutes les quatre dernieres, de la  
Mort, du Iugement, de l'Enfer &  
du Paradis? que pleust au Ciel que  
plusieurs des mortels cogneussent  
& experimentassent quelque peu  
l'essay du gain quel'on y fait, il ne  
faudroit point d'autre bride pour  
arrester les desirs de nos sens, & le  
cours licentieux de nos appetits  
desreiglez.*



---

CHAP. II.

*Du second precepte de l'Art de bien mourir, aux aduennës de la mort: assauoir du Jugement dernier.*

**L**A seconde des choses plus dernieres, est le Jugement; lequel est double, l'un particulier, auquel toutes les ames sont iugées, & y reçoient leur arrest ou de vie ou de mort eternelle, si tost qu'elles ont quitté la cōpagnie du Corps. L'autre general & vniuersel, qui se fera au dernier iour: l'un & l'autre sont vraiment horribles & formidables; principalement aux impies & detestables pecheurs, comme au contraire tres-desirable & glorieux aux iustes: & est chose tres-vtie pour ceux qui desirent heureusement

ment finir, que de porter souuent  
sa pensée en iceux: Et nul ne doit  
reuoquer en doute qu'incontinent  
apres la mort d'un chacun, il ny ait  
vn Jugemēt particulier; & fut mes-  
me déclaré au Concile de Floren-  
ce contre les Heretiques, que ceux  
qui partent de ce monde avec la  
macule du peché mortel, commē-  
cent aussi tost la souffrance de la  
peine & misere eternelle d'Enfer:  
comme à l'opposite ceux qui dece-  
dent apres la remission de la coul-  
pe mortelle, redeuables seulemēt  
de quelques restes des peines tem-  
porelles, vont soudain pour l'ac-  
quit de cette debte, au feu du Pur-  
gatoire. Et ceux finalement qui  
meurent nets & purgez de coulpe,  
& absous de la peine, qui est deuē  
au peché, apres la reception du  
Baptisme, sont indubitablement  
admis dedans le Ciel en cette tri-  
omphante compagnie de iustes.

S. Thom.  
sur le  
quatr.  
dist. 47.

Car il est fort croyable, comme  
enseignent les Theologiens, que  
la sentence du Iuge redoutable se-

M

266 *De l'art de bien mourir.*

Domini-  
que à So-  
to sur le 4.  
dist. 45.

ra signifiée en ce iour de la mort,  
aux aureilles des hommes, ou par  
le ministere des Anges, ou sera re-  
uelé de Dieu mesme, à l'esprit & à  
l'ame des iugez; que par la con-  
duicte des Anges les ames des gens  
de bien, seront rauies dans le Ciel,  
ou enuoyez pour quelque reste de  
satis-faction, & pour quelque tēps  
au feu de Purgatoire: comme au  
contraire les ames des damnez ra-  
uies & emportees par les mains des  
Diables, en la gehenne éternelle.  
Et ne faut pas douter que ce iu-  
gement ne se puisse faire en vn  
moment; pource quelà sera pre-  
sent le Iuge, qui encore qu'il soit  
Dieu & hōme tout ensēble, selon la  
forme Diuine, & son essence éter-  
nelle; il est par tout; & selon sa  
forme & nature humaine, il cog-  
noist toutes choses: & pource tres-  
veritablement luy disoit le Prince  
des Apostres saint Pierre, *Seigneur*  
*tu cognois toutes choses*: là est present  
le Diable accusateur, ainsi appellé  
dedans l'Apocalypse, accusateur de

apoc. 12.

*nos freres* ; il accourt au cheuet des mourans , comme vn loup , comme vn Lyon , comme vn chien à la proye. Là s'éleue la conscience de l'ame , tesmoing de ses delicts , laquelle estant separée du corps , abyssme des vertus , sepulchre d'ignorance , ne peut plus estre trompée & deceuë ou d'ignorance , ou d'oubly ; mais se cognoist alors en elle mesme & se voit , si elle est agreable ou deplaisante à dieu. C'est pourquoy il n'y a rië qui empesche que ce iugement ne face en vn momēt & ne soit mis aussi tosten effect. Or ce iugement peut estre dit particulier , conferé avec l'autre iugement qui se fera au dernier iour , & sera public & general , à la face de tous les Anges du Ciel , & à la veuë de tous les hommes de la terre.

Je sçay que vous me direz qu'il semble n'estre point necessaire d'un autre iugement dernier & final , pour derechef iuger ceux qui sont des-jà non seulement iugez,

mais adiugez à la gloire , ou aux peines éternelles : il est nécessaire toutefois, & pour de belles raisons.

La premiere, se considere de la part de Dieu : car il n'y a pas aujour-d'huy faute de gens , qui cōsiderant comme les iustes sont traictez en ce monde , persecutez & affligez des iniustes : comme au contraire, plusieurs sortes de meschans iouyr amplement des aises & cōmoditez temporelles, ne reuoquent comme en doute , ou si Dieu voit ces choses , ou si les voyant, il a quelque soing & ressentiment de la tribulation des siens, & de l'insolence des ames reprouuees: C'est pourquoy affin que tout le genre humain entende, que celuy qui regist le monde est tressage, & faict toutes choses avec grande prudence : Il a pleu à Dieu se reseruer vn iour dernier, pour donner recompense aux esleuz, & l'Enfer aux meschans, en presence de tous les Anges & de

tous les hommes, afin que tout esprit & toute ame, soit contrainte de luy dire & chanter; *Vous estes iuste Seigneur, & iustes & veritables sont vos Iugemens.*

Apoc. 18.

L'autre raison est, afin que que Iesus-Christ qui a esté iniustement iugé deuant les hommes, tourmenté & mis à mort par un genre de suplice le plus atroce, le plus cruel & indigne qui soit; soit en ce iour ven & recogneu de tout le monde, assis dans son trosne de grandeur, iugeant équitablement les pécheurs; & afin que ce que Iob luy disoit en son liure s'accōplisse; *Vostre cause ô mon Dieu, a esté iugée comme la cause d'un homme coupable & meschant, mais vous recevrez le iugement & la cause: & partant l'ignominie de la Passion du fils de Dieu, sera iustement compensée, par la gloire du mesme iugement, au trosne & theatre de tout le monde; & alors sera accompli ce dire de l'Apostre, Deuant le nom de Iesus,*

Iob. 36.

Aux Phil.  
lip. 2.

270 *De l'art de bien mourir.*

*Iustes, que de terrestres & infernaux.*

La troisieme raison est, afin que la recompense des Iustes soit parfaite & accomplie : le salaire de iustice, est l'honneur & la gloire : Et pource que plusieurs hommes grandement iustes, ont esté icy bas traictez publiquement cōme les pl<sup>9</sup> scelerats, les & pl<sup>9</sup> infames du monde: il est raisonnable, qu'au theatre public de tout le monde soit louée & recompensée leur iustice: de ce nombre sont les Saints Martyrs de Iesus-Christ, qui à la barbe des tyrans & persecuteurs Payens, des Heretiques, des Princes, & des Roys qui les ont faict mourir, comparoistront en ce iour avec Palmes & Couronnes de gloire.

La quatrieme raison, ce sera pour la confusion des hypocrites : Car il y en a assez qui mourants, laissent quelque opinion de sainteté apres eux, & toutefois ils seront les plus abominables du monde, tels sont les Heretiques, Cal-



uinistes, les Anabaptistes, & de ce genre estoient anciennement ceux desquels escrit saint Cyprian au liure de l'vnité de l'Eglise, quand il dit, *Quoy qu'ils bruslent au milieu des flammes, & soient iettez au feu, & leur vie exposée à la rage des bestes, ce ne sera point pourtant là vne couronne de foy, mais vne peine de perfidie & malice; ce ne sera pas là vne fin d'une vertu religieuse, mais vne fin, vne mort, de desespoir & misere.* C'est pourquoy il est necessaire qu'au moins au iugement vniuersel, l'hypocrisie de telles gens soit mise publiquement au iour.

La cinquiesme raison est, affin que les ames & les corps soient conjointement iugez: car au iugement particulier il n'y a que les ames de iugees, & ny a qu'elles qui iouissent apres ce iugement premier, du prix de leurs merites, ou endurent la peine de leurs crimes: mais au iugement general les hommes y comparoistront tous entiers en ame & en corps: Et pource que

les ames & les corps ont esté compaignons du vice ou de la vertu en ce monde, ainsi seront ils apres la resurrection generale, compaignons de salaire ou de peine.

La sixiesme raison & la derniere est, affin que non seulement les biens ou les maux que nous auons faicts en cette vie, reçoient recompense ou supplice de vengeance en ce iour, mais aussi c'est affin que les biens & les maux produicts en ce monde, de nos bonnes ou mauuaises œuvres, & qui se cōtinuent iusques à la cōsommation du monde, recueillent en ce iour public, la publique loüange ou la honte, l'honneur, ou le des-honneur qu'ils meritent.

Et pour apprendre avec les exemples la verité de cecy, combien y a il d'ames nourries dans les Cloistres & Monasteres, & dans les escolles publiques, où les vnes y prennent instruction de pieté, & les autres profitent en disciplines Diuines & humaines, & s'exercēt

ainsi fort long temps en ces lieux à  
apprendre & retenir, à lire, à prier,  
à enseigner & escrire, d'où les vns  
se rendent capables de composer  
des volumes entiers, vtils pour la  
cognoissance ou des arts, ou de la  
vraye sagesse, de la pieté & autres  
bonnes sciences : où toute sorte  
de personnes & de tout aage peu-  
vent profiter : il ne manque aussi  
d'y auoir en ces lieux des ames si  
perduës que des'addonner à la cõ-  
position des liures lascifs & deli-  
cieux, voire heretiques, cause  
de la perte & de la ruine des ames:  
instruisent la ieunesse aux theatres  
publics, aux ioustes & combats  
illicites, aux jeux de Comedies  
impudiques & des-honnestes, où  
s'apprend le vice, où se perd la  
vertu, où Dieu s'oublie, & où se  
tendent les rets & les filets du  
Diable, & par tant & si mauuais  
inuentiõs & sciences si damnables,  
sont mesme apres leur mort la cau-  
se & le sujet que tant d'hommes  
se damnent. Et pource qu'avec la

## 274 De l'art de bien mourir.

fin du monde toutes choses finiront, & que les merites des bons, ou demerites des meschans seront. consommez alors; il sera raisonnable qu'en ce iour soit prononcé l'arrest & la sentence de tous ceux qui ont esté depuis le commencement du monde, par la bouche du Iuge Souuerain, tres iuste & tres-puissant.

Voyla donc les causes pour lesquelles outre le iugement particulier qui se faict à la mort d'un chacun, il y a encore vn autre iugement, sçauoir vniuersel, qui se fera en la fin du monde. Et pource il faut sommairement declarer quel est le Iuge futur qui doit estre en ce iour terrible; d'où il viendra: à qui il viendra, quels il iugera, & quelle sera la sentence du Iuge.

Pour le Iuge, ce sera sans doute le Sauueur Iesus-Christ, veu qu'il  
*Matth. 15* dit en saint Matthieu; *Lors que le fils de l'homme viendra en sa Majesté, & tous ses Anges avec luy; lors il sera*

sur le trosne de sa Majesté, & serōt assemblées deuant luy toutes gens, & ce qui suit : les Apostres, sainct Pierre, sainct Paul, & sainct Iean, confirment cela mesme : sainct Pierre aux actes des Apostres, C'est luy qui Aēt. 10. est ordonné Iuge des viuants & des morts : l'Apostre S. Paul disoit le Aēt. 17. mesme, il a pris iour, auquel il viendroīt iuger le monde en équité en l'homme qu'il a estably, le suscitant de mort à vie : Et l'Apostre Euangelique S. Iean, Il le dit encore plus clai remēt, il luy a donné puissance de faire iugement, pource qu'il est le fils de l'homme : & le mesme, le Pere ne iuge personne : Ioan. 5. mais a donné tout iugement à son fils.

Or il descendra du Ciel expressement pour faire iugement, & viendra iusques à l'air prochain, affin qu'il puisse estre veu & entendu de tous ceux qui seront sur la terre, apprenez cela du mesme fils de Dieu, disant, vous verrez le fils de l'homme venant es nuées du Ciel : Matth. 25. Aux Thes-  
salon. 4.

M vj.

## 276 De l'art de bien mourir.

criuant aux Theſſaloniens, nous ſerons (dit-il) ravis avec eux, en l'air au deuant de Jeſus-Christ: c'eſt auſſi ce que Ioël auoit predit, diſant, *J'aſſembleray toutes gens & les conduiray en la Vallée de Joſaphat, & là ie debatteray avec eux*: Or de ces paroles *Vallée de Joſaphat*, ſe recueille le lieu ou ſe doit faire le grand iugement de tous; ou pource que cette voix Hebraïque *Joſaphat* ſignifie proprement iugement de Dieu: ou pource que la vallée de Joſaphat, eſt proche de Hieruſalem vers la partie Orientale du Temple, cōme dit ſainct Hieroſme au Commentaire ſur le chapitre premier de Ioël: & n'y a lieu plus propre que cettuy-cy, pour vn tel iugement: Car de là on voit Hieruſalē, où le Sauueur a preſché & predit ce iugement final: de là auſſi ſe voit le mont de Caluaire, où le meſme Seigneur fut attaché en Croix pour la redemption du genre humain: encore le mont des Oliues, d'où il eſt monté glorieux.

& triomphant au Ciel : Et donc il viendra en celieu dedans les nuées du Ciel, avec tous ses Anges, qui sont du moins, *mille millions, dix mille centaines de milles*, comme escrit Daniel; le dy du moins; Car selon l'opiniõ de saint Denys Areopagite & de saint Thomas, le nombre des Anges excède le nombre de toutes les choses corporelles : Là aussi assisteront le Roy Iuge, toute la multitude des Saints en corps glorieux, desquels a dit saint Iean en son Apocalypse. *J'ay veu une grande compagnie, que nul ne peut nombrer, tirée de toutes gens, tribus, langues & nations*; Et ainsi sera en ce Jugemẽt vn spectacle tel qu'il n'en a point esté, ny n'en sera iamais veu de semblable depuis le commencement du monde iusques à la fin : Là comparoistront en personnes, tous les impies coupables de Mort eternelle, qui ayans renny leurs corps, nuds & saisis de tristesse, mais tristesse tres-grande & incroyable, demeureront en terre,

Daniel. 7.

S. Denys

liure de la

celeste

hyera.

S. Tho-

mas 1.

part. q. 50.

art. 3.

Apocal. 7



## 278 *De l'art de bien mourir.*

amenez de toutes parts par le ministère des Anges en la vallée de Josaphat & lieux circonuoisins: Or le nombre de ceux-cy sera infiniment plusgrand que le nombre des saints, veu que la mesme sagesse eternelle à dit que plusieurs sont appelez & fort peu de choisis, que la voye est estroicte, qui conduit à la vie,

Matth. 12. & peu entrent en icelle, & large celle

Matth. 7. qui mene à la mort & plusieurs entrent parelle. Ques'il est vray, comme il

Apocal. 7. est tref-veritable, que la multitude des saints hommes, ne peut estre nombrée, combien moins le pourra estre le nombre des meschants? & à ceux s'vniront tous les esprits malings qui sont aussi en nombre infiny.

Ces choses ainsi ordonnées, auant que la sentence du Iuge se prononce, les liures de comptes se verront ouuerts, comme nous l'apprenons du Prophete Daniel, & de l'Apostre saint Iean: Or quels seront ces liures, qui seront ainsi ouuerts au Iugement, Saint Paul:

Daniel. 7. prenons du Prophete Daniel, & de  
Apocal. l'Apostre saint Iean: Or quels se-  
20. ront ces liures, qui seront ainsi ou-

l'explique, quand il escrit aux Co-<sup>1. Co-</sup>  
 rinthiens, disant : *Gardez vous de in-<sup>rinth. 4.</sup>*  
*ger avant le temps, iusques à ce que le.*  
*Seigneur vienne, qui sçaura esclairer*  
*l'obscurité des tenebres, & manifester*  
*les conseils des cœurs : Car Dieu s'es-*  
*clairera de sa lumiere, afin que par*  
*elle l'on voye iusques au dedans*  
*des consciences de tous les hom-*  
*mes pecheurs : & partant tous ceux*  
*qui seront en ce Theatre, verront*  
*les consciences de tous, & par ce-*  
*ste lumiere les œuvres, les paroles*  
*& les pensées seront toutes paten-*  
*tes : Bon Dieu ! quel horrible spe-*  
*ctacle sera lors, de voir les consci-*  
*ences des hypocrites, le mensonge*  
*des traistres & trompeurs ; qui n'e-*  
*stimoient comme rien de pecher*  
*& de meller le vice avec les cho-*  
*ses sacrées. De ceste publication*  
*des fautes & forfaits de tous les*  
*hommes de laquelle procedera le*  
*prejugé de la future sentence ; il se*  
*fera, ce qui se lit en l'Apocalypse ;*  
*Les Roys de la terre, les Princes, les Tri-<sup>Apocal.</sup>*  
*buna, les Riches & les Forts, & tous les*

280 De l'art de bien mourir.

serfs & les libres, se tiendront cachez ez  
cavernes & dans les roches creuses des  
monts, & diront aux montaignes &  
aux pierres, tombez sur nous, & nous  
cachez hors de la face de celuy qui sied  
sur le Trosne, & de l'Ire de l'Agneau,  
parce que viendra le grand iour ! &  
qui pourra resister ! Et cela mesme  
predisoit autrefois le Sauueur en  
l'Euangile, lors qu'il portoit la  
Croix sur ses espauls, & parlant  
aux femmes pleurantes les dou-  
leurs, leur disoit, Filles de Ierusalem  
ne plorez point sur moy, mais sur vous,  
pour ce que voicy les iours esquets ils di-  
ront ; Bien-heureuses les steriles, & les  
ventres qui n'engendrèrent iamais, &  
les mammelles qui n'allaitèrent iamais :  
alors ils commenceront à dire aux mon-  
taignes, tombez sur nous, & aux vallées,  
cachez nous. Finalement se pronon-  
cera la sentence de la bouche du  
Iuge, disant Venez bien-heureux, al-  
lez maudits ; Et iront les Iustes en la  
vie eternelle, & les iniustes au feu  
eternel.

Math. 25.

Luc. 23.

Je vous prie donc maintenāt mes

Lecteurs de penser & repenser  
 souuent & attentiuelement qu'ils  
 doiuent vn iour comparoistre en  
 ce Theatre public; & qu'ils cōside-  
 rent serieusemēt ce que pour se dis-  
 poser à ce Iour il est besoing de  
 faire: Qu'ils ne me disent point,  
 que le iour du Iugement est enco-  
 re bien esloigné de nous, & par-  
 tant qu'est-il besoing de se tant  
 attrister & affliger sa vie, comme si  
 nous en estions à la veille. Car si  
 peut estre le Iugement general est  
 encore quelque peu distant de nos  
 iours: le particulier n'en n'est ia-  
 mais esloigné, il est tousiours à nos  
 portes; & telle que sera la senten-  
 ce donnée au Iugement particu-  
 lier, telle sera celle du second.  
 C'est pourquoy l'homme sage &  
 iuste, doit estre tousiours prest &  
 disposé pour ouyr & receuoir la  
 sentence du Iuge en l'un & l'autre  
 Iugement, & viure en telle crain-  
 te & estat, comme si auourd'huy  
 ou demain il la deuoit entendre;

car l'heure de ce Iugement particulier n'est pas plus distante de nous que l'heure de la Mort; & l'heure de la Mort, n'est iamais loing de la personne du vieillard, ou de celuy qui est trauaillé de quelque griefue maladie: Donc en l'attente d'un tel Iugement, où il s'agist d'affaires les plus importantes pour nous; il faut recourir à la misericorde de Dieu, par le secours d'iceluy qui quoy qu'il soit nostre Iuge en ce Iugement, il est pourtant auiourd'huy nostre souverain Aduocat enuers son pere, Saint Iean le dict, *Nous auons*, dit-il, *vn Aduocat iuste Iesus-Christ*: En apres il nous faut incessamment inuoyer l'assistance des amis de l'Aduocat, en premier lieu la Vierge tres-misericordieuse, Mere de l'Aduocat; les Anges & & toutes les ames iustes: & non seulement nous adresser à cet Aduocat & à ses amis avec prieres, mais aussi avec dons: Car les saints

Iean. 2.

ne refusent iamais les dons & les  
presens des hommes, non pour  
eux, mais pour estre par nos mains  
affectez au profit des pauvres,  
membres de Iesus-Christ; Car  
eux estans au Ciel bien-heu-  
reux, & tres-contens ils  
n'ont aucun besoing  
de nos moyens.

## CHAP. III.

*Du troisieme precepte del' Art  
de bien mourir, aux appro-  
ches de la Mort: qui est de la  
peine eternelle.*

**A** PRES la consideration de la Mort & du Jugement il est expedient de se représenter vn peu en nous mesmes la rigueur des supplices eternels, & l'excez des plaisirs & contentemens du Paradis: Car ce sont aussi les deux autres dernieres fins de nostre bonne ou mauuaise fortune, l'vne ou l'autre desquelles nous arriuera infalliblement lors que le Fils de Dieu siera en Jugement cōtre les pecheurs: Et ces deux fins sont entr'eux tellement contraires, que l'vne nous rend tref. miserables & l'autre tref.



heureux. Et pource que nous auons  
traicté de l'un & l'autre en nostre  
liure, de l'Eleuation de l'Ame en  
Dieu, vers la fin: & que nous auons  
aussi parlé des Loyes du Paradis en  
tout nostre liure, de l'Eternelle fe-  
licité des Saints: & des supplices  
eternels en nostre liure second du  
Gemissement de la Colombe; &  
finalement de toutes les quatre fins  
dernieres, en nos Predications La-  
tines, selon ce qu'il nous venoit  
alors en l'esprit, & l'auons presché  
au peuple, & l'auons laissé par es-  
crit: il m'a semblé de n'en parler  
icy que par forme d'une briefue  
recapitulation, afin que le Lecteur  
aye de quoy exercer attentiuement  
sa pensée, attendant l'heure de la  
Mort, & se disposer de loüe main  
pour l'accueillir & luy aller au de-  
uant sans aucune crainte.

Ainsi nous desirons en ce lieu  
reduire toute ceste consideration  
de la peine des dānez, à trois chefs;  
& la considerer selon le lieu, le  
temps & la maniere. Le lieu est la

profondité mesme, le temps l'Eternité: & la maniere qui peine fâs mesure & façon. Le lieu, dis-je, est la mesme profondeur: Car les misérables reprouvez à cause de leurs crimes enormes de leze Majesté divine, & seront emprisonnez en la partie plus profonde & retirée du monde; infiniment distante de ceste maison Royale des bien-heureux, qui est au Ciel: Cela estoit fort conuenable certes, de punir par ceste sorte de supplice, l'arrogance du Diable & des hommes superbes: Car pource que le Diable disoit, *Je monteray dans le Ciel, j'exalteray mon tresne au dessus des astres & seray semblable au Tres-haut*, il luy fut respondu *tu seras tiré bas aux Enfers, dans le profond du Lac; peine semblable à tous hommes reprouvez fils de superbe.*

May. 14.

Or de ceste premiere misere des damnez s'ensuiuront trois autres, assauoir les tenebres, les fâcheries, & la disette ou necessité: Car pource que l'Enfer est au

centre de la terre, où les raiz tant du Soleil, que de la Lune & des Estoilles ne peuvent pas penetrer: Il ny aura autre lumiere là dedans, sinon de celle qui pourra sortir du feu de soulfhre, qui au lieu de diminuer la peine des damnez l'augmentera & croistra. Car à la faveur de ceste lueur horrible, ils verront les Diables, leurs ennemis plus cruels, ils verront aussi par la mesme, les hommes, les amis, ou parens, qui auront esté cause de leur misere eternelle: Ils verront finalement leur nudité, leur pauvreté, leurs liens, & leurs tourmens: Chose possible qu'ils ne desireroient point voir, & ne verront rien de bon qui leur donne consolation: O tenebres nō tenebres, tenebres pour couvrir & cacher toutes sortes de biēs, & decouvrir toutes sortes de maux.

Dauantage les detresses de ceste gehenne seront telles que la multitude des damnez ne les pourroit soustenir: Car cōme ainsi soit que

la terre n'est que comme vn poinct  
indiuifible comparée à l'immensi-  
té du Ciel, & que l'Enfer ne com-  
prenne toute la terre, ny la moitié  
d'icelle, mais seulement le Centre,  
& que le nombre des damnez soit  
plus grand que celuy des iustes,  
desquels toutesfois dit sainct Iean  
Apocal 7 en l'Apocalypse, *J'ay ueu vne trou-*  
*petant grande, que personne ne la pou-*  
*uoit nombrer; qui se pourroit imagi-*  
*ner en l'esprit, combien grandes*  
*seront les detresses de ceste gehen-*  
*ne eternelle? Que maintenant d'oc-*  
*ces grands Roys Nabuchodonos-*  
*or, Darius, Alexandre, Iule Cesar*  
*& tant d'autres, qui estimoient la*  
*terre trop estroicte pour enfermer*  
*leur grandeur; qu'ils allent à pre-*  
*sent en ce lieu de misere voir s'ils*  
*pourront se remüier en ces detres-*  
*ses eternelles, y auoir franche cou-*  
*dée, à ce qu'ils ny soient si cruëlle-*  
*ment & estroictement gehennez.*  
*O vanité des vanitez, tant que les*  
*mortels viuent ils n'ont autre pen-*  
*sée que d'estendre & dilater leurs*  
*terres,*

terres, possessions & seigneuries, leurs Sceptres, Courōnes & Royaumes, affin de se glorifier pour peu de temps, en la multitude de leurs sujets & vassaux : & ne songent iamais quelles detresses les attendent en cesté gehenne éternelle, où non pour vn temps, mais pour vne éternité, ils seront contraincts de demeurer en dépit qu'ils en ayent.

Maintenant que diray-je de l'incroyable diserte que souffriront les damnez ! ils seront pauvres & desnuiez de tous lieux : mais riches & abondans de peines & de maux : les riches se souuiédront alors de toutes les delices de la terre, desquelles ils ioüysssoient à cœur saoul en ce monde, soit en leur boire & manger, soit en leurs vestemens & tout obiect de luxe, soit au faict de leurs chasses, iardins, vignes, possessions, theatres & ieu diuers : Mais le souuenir de toutes ces choses ne seruira que pour redre leur douleur plus cuisante, &

N

290 De l'art de bien mourir.

accroistre leurs peines se voyans  
nuds là dedans, gisans en misere  
incroyable, deprimez, mocquez,  
& miserablement dépoüillez de  
toutes sortes de biens : ils diront  
alors, *las ! de quoy nous a seruy la gloi-  
re & la vanterie de nos richesses, de quoy  
nous ont seruy ces choses ? las toutes sont  
passées, elles se sont esvanouies comme  
l'ombre !*

Sap. 5.

Venons au second chef, qui  
est la consideration du temps.  
Combien durera cet exil de l'En-  
fer ? ha ! que pleust au Ciel qu'il ne  
durast dauantage que la durée de  
la vie presente : mais il n'y aura  
point de comparaison, car le tēps  
ne succedera au temps : mais bien  
l'éternité : C'est pourquoy autant  
durera la misere des damnez en  
Enfer, que durera l'Eternité de  
Dieu, laquelle comme elle n'a  
point eu de commencement, aussi  
n'aura elle iamais fin : Et tout au-  
tant seront tourmentez les dam-  
nez, que les bien-heureux seront  
res-jouis & beatifiez au Ciel : &

finalement autant de temps seront  
à mourir les reprouuez en Enfer,  
que Dieu sera à viure ; & si Dieu  
ne cesse point d'estre ce qu'il est  
éternellement, les damnez ne ces-  
seront d'estre tourmentez éternel-  
lement : ô vie de mort, ô mort  
immortelle : si tu és vie, comment  
és tu mort ; si tu és mort, commēt  
és tu vie ? si tu és vie comment fais  
tu mourir ? si tu és mort, comment  
vis-tu & dure. Tu ne peux pas dōc  
estre appelée mort ny vie, pource  
que l'vne & l'autre ont quelque  
chose de bon en soy ; la vie a du  
plaisir, & la mort est vne fin de mi-  
sere : mais toy tu ne donne ny re-  
pos ny plaisir, & n'abboutis à au-  
cune sorte de fin : Qu'est-ce donc  
que nous te dirons estre, sinon que  
tu és toute ceste totalité de mal,  
que la vie & la mort ont en soy :  
Ce seroit à la verité vne chose grā-  
de & importante, si nous pouuions  
quelque peu apprendre & sçauoir  
ce que c'est que l'eternité des pei-  
nes d'Enfer : ceste seule pensée



comme vne forte bride seroit suffisante d'arrester le cours de la cōcupiscence humaine, & vn remede si propre pour temperer nostre vie, que non seulement nous viurons en Chrestiens, mais semblerions viure en saincts Anachorettes.

Reste des trois à considerer la forme de ces peines, que nous auons dit estre sans ordre ny mesure, La peine d'Enfer n'est point vne certaine peine particuliere, mais est comme vn ramas & vn assemblage de toute sorte de peines: car en Enfer, toutes les puissances de l'ame intelligible participent à la peine; & tous les sens, tant internes qu'externes endurent & partissent la peine: & ne faut pas s'imaginer que les peines s'endurent là dedans à tour, & les vns apres les autres, mais toutes les peines assemblées se ruënt sur la personne des damnez: çà bas en terre, comme nous n'auons iamais peu apprendre le bien general dont iouïssent les saintes ames au Ciel;

aussi iamaïs n'auons nous peu cognoistre ce mal general ; & ceste peine vniuerselle qu'endurent les damnez en Enfer : car comme la gloire est vn ramas de tous biens & plaisirs, la damnation est vn assemblage de tous maux & douleurs : icy, si les yeux nous tourmentent, les dents ne sentent point de douleur, & si les dents nous font mal, en mesme temps nos yeux n'ont aucune douleur : mais en Enfer, toutes sortes de douleurs les plus cuisantes seront en tous les membres du damné, il les endurera toutes en vn mesme temps, pour ce que le feu infernal enuironnera entierement son corps, sans iamaïs le consommer : *allez* (dit le Iuge) *au feu éternel.* Et Esaye, *leur vie ne mourra point, & le feu ne s'esteindra point* : Parolès que le Sauueur repete par trois fois en saint Marc, en vn mesme chapitre, affin d'imprimer en nos cœurs l'apprehension de cette peine d'Enfer, qui est vn feu de durée éternelle, qui tour-

mentera les damnez de ces cuisantes douleurs, en toute éternité.

Qui verroit en ce monde vn homme estre icy tourmenté & brulé vif au feu par vn iuste iugement de Dieu, ne pourroit pas supporter le spectacle d'une telle peine, quoy que ce ne soit que pour bien peu de temps : Que si cela duroit vn iour entier, qui pourroit voir vne chose si horrible, quoy que celuy qui endure ce feu fust le plus coupable du monde : Qu'un chacun dise donc à part- soy, si ie ne peux supporter le regard du supplice, d'un homme condamné au feu tout vif, qui ne me touche point toutes-fois : comment est-ce que ie pourray endurer le supplice du feu en mon corps, vne heure, vn iour, vn mois, ou vne année ? & si cela me semble trop horrible & cruel, de telle sorte que ie n'ose y penser, comment suis-je si miserable de m'exposer au peril d'estre pour iamais crucié, brulé, & tourmenté, dans les plus vives

flammes d'Enfer ? Que si las ! nous ne croyons ces choses, où est nostre foy ? si nous le croyons, où est nostre iugement ! où est nostre prudence, si nous auons quelque peu d'entendement, & si nous adjoustōs foy aux saintes Escritures, comment se peut il faire que nous ne soyons esmeuz, & n'ayons quelque ressentiment de no<sup>r</sup> voir tous les iours sur le point de tōber en vn si éminent peril ? Donc que celuy qui est soucieux de son salut, r'entre en foy, & ayans considéré toutes ces choses avec grande attention, qu'il se gouerne tellemēt que la mort ne le surprenne iamais au dépourueu, & ne coure la risque de la peine éternelle du feu d'Enfer, mais que l'attendant à chaque pas preparez à sa venuë, le sortir de ce monde soit entier en possession de la gloire.

## CH A P. IV.

*Du quatriesme precepte de  
l'Art de bien Mourir, en  
la Mort imminente, qui est  
la Consideration de la gloi-  
re des iustes.*

**R**Este à considerer la gloire de bien-heureux qui tient le derner lieu entre les quatre choses dernieres: de celuy ie considere les trois choses mesmes que nous auons considerees ez supplices éternels, au chapitre precedent, à sçauoir le lieu, le temps, & la maniere de ceste gloire.

Le lieu de la gloire celeste c'est le Paradis; le temps c'est l'éternité qui n'aura iamais de fin, & la maniere d'icelle est vne felicité qui excede tout nombre & maniere.

Commençons par le premier. Le lieu du Paradis est tres-haut, il est esleué au dessus de toutes les montaignes de la terre, sur tous les Elemēs, & sur toutes les Estoilles, d'où vient qu'en la sainte Es-criture, il est appellé, *Royaume des Cieux, maison de Dieu, Cité du grand Roy, Cité du Dieu vivant, Ierusalem celeste*. De ce lieu de ceste Cité celeste, qui est située si haut, nous pouvons facilement cognoistre, qu'il y a beaucoup de priuileges & de prerogatiues, qui le releuent par dessus tous les lieux du monde: Le premier ce lieu estant le plus haut de l'Vniuers, il est aussi le plus grand & le plus capable: Car comme ainsi soit que la figure de l'Vniuersité des choses soit estimée ronde, en telle sorte que le globe de la terreienne comme le lieu du Centre du monde, & le Ciel suprême la derniere partie, il faut que ce Ciel qui enuoloppe tous les autres soit d'une latitude & capacité presque infinie: & ainsi le lieu des bien-heu-



& en vn clein d'œil passez à l'Occident, maintenant du Midy au Septentrion, & tout en vn instant faire le circuit de l'vniuers : Cependant que les ames damnées ne bougent d'vne place pieds & mains liees, avec la souffrance d'vn million de douleurs en ceste prison del'Enfer? Mais plus grande sera encore la felicité des biē-heureux, en ce qu'ils iouïront d'vn si doux Zephir, que ny les tenebres ny l'obscurité, ny les vapeurs, ny le soufflé des vents, ny aucune sorte d'haleine contagieuse ne pourra corrompre ny infecter; pendant que les miserables Citadins d'Enfer, se verront contrainsts sans ordre ny raison, de croupir & languir dans l'espaiz des tenebres, suffoquez sans mourir dans la fumée d'vne fournaise embrasée, sans aucun espoir de rafraichissement., bref miserablement gifans dans ce lien plein d'horreur.

Que diray-ie maintenant de ceste Cité suprême, ie diray quelle est appelée haute, pource qu'elle est



### 300 De l'art de bien mourir.

afferée contre toute machine &  
 espece de maux, *Louë le Seigneur, ô*  
*Hierusalem*, chantoit le Roy Da-  
 uid, *Louë ton Dieu, ô Syon, pource qu'il*  
*a afferé les serrures de tes portes*: Ce-  
 ste afferance & munition des por-  
 tes, ne signifient pas le mesme que  
 les paroles portent: Car il est dit en  
 l'Apocalypse de la sainte Cité ce-  
 leste, *que ses portes ne fermeront point*  
*de iour: & que la nuit ne sera point là*:  
 C'est pourquoy Dieu a afferé les ser-  
 rures des portes de la Hierusalem celeste,  
 C'est à dire, il l'a renduë inexpugna-  
 ble à raison de la hauteur incroya-  
 ble & du lieu de son assiette inac-  
 cessible à tout mal & peril. Que si  
 le Dragon a combattu dans le Ciel  
 avec l'Archange saint Michel, la  
 cause est; que quand ce combat se  
 fit, Lucifer ne monta pas des En-  
 fers au Ciel, mais pource qu'il fut  
 créé au Ciel & que par superbe il  
 s'éleva en soy-mesme pour voir  
 s'il se pourroit esgaller au tref-  
 haut, il se rebelle contre son Crea-  
 teur avant qu'il fust Confirmé en

grace, pource saint Michel entre-  
prit ce combat avec luy, pour le  
precipiter aux Enfers: Car pource  
que Ierusalem celeste est fondée en  
paix, l'enemy de la paix ne pouuoit  
demeurer en iceluy, mais, *comme vn* Luc. 10.  
*foudre du Ciel*, & ne peust du depuis  
y remettre le pied, ny apres luy per-  
sonne n'a esté receu pour estre Ci-  
tadin de ceste Cité celeste, sinon  
celuy qui aura esté fondé en paix  
perpetuelle. Voyla pour le lieu.

Difons maintenant vn mot du  
temps; Le temps pour posseder la  
celeste Hierusalem apres la cheute  
du Diable, est vn temps sans temps,  
c'est à dire vne perpetuelle durée  
de plaisir, sans flux de iours, ny de  
nuicts: ainsi en l'Apocalypse, *Iura* Apocal.  
*par le viuant ex siecles des siecles que le* 10.  
*temps ne sera plus*: Et nostre Seigneur  
en l'Euangile, dira au dernier iour,  
*ainsi iront ceux-là* sçauoir les Iuges,  
*au feu eternel, & les iustes à la vie eter-*  
*nelle*: Il y aura seulement ceste diffe- Math. 22.  
rence, que les meschans souffriront  
l'Eternité malgré eux, chercheront.

302 *De l'art de bien mourir.*

la Mort, & ne la trouueront : mais les Iustes n'oyront choses plus agreables, que la biē heureuse Eternité, Ie dis la vie sans aucune crainte de mourir, l'asseurance en la vertu, sans redouter la cheute au peché.

Reste que nous parlions maintenant de la maniere par laquelle les bien-heureux se comporteront en Paradis apres la Resurrection generale: Et certes i'estime que l'on peut vrayement dire cecy, que tous les biens qui se peuuent desirer en terre, quoy que meflange de plusieurs desplaisirs & ennuis, quoy qu'en nombre grand ne fera rien à l'esgard du nombre des biens & des plaisirs qui sont reseruez au Ciel, sans aucun meflage des maux ny de fascheries; Ce que nous tenons pour biens entre les biens de la terre, sont, l'honneur, la puissance, les richesses & les delices: L'honneur que recoignent les bien-heureux au Ciel sembleroit certes incroyable, si celuy qui l'asseure n'e-

estoit la mesme verité, qui ne peut mentir; Oyez ce que dit nostre Seigneur en l'Apocalypse de saint Apocal. 3.

*Celuy qui vainquera, ie luy donneray à se seoir avec moy en mon Trosne, de mesme que moy qui ay vaincu, & mesme assis au Trosne de mon Pere.*

Qu'est-ce, ie vous prie, qu'il y a de plus grand que cet honneur? y a-il chose grande digne d'estre comparée à la grandeur du Trosne de Dieu! Certes le Trosne du Fils de Dieu est tref-haut au Ciel, & celuy qui sied en ce Trosne reçoit véritablement vn honneur incroyable. Quel applaudissement, quelles loiianges se celebrent, ie vous prie au Ciel deuant Dieu & les Anges, lors qu'une belle ame, lors qu'un homme auparauant mortel & fragile, est mis par les mains de Dieu au Trosne de son Fils, *qui est le Prince des Roys de la terre, & le Roy des Roys, & le seigneur des Seigneurs.* Certes il ny a rien plus à desirer en cet honneur.

Et pour la puissance de l'hom.

# 304 *De l'art de bien mourir.*

me bien-heureux elle sera telle, que iamaïs nous ne nous pourriõs en imaginer de semblable: C'est la promesse de Iesus-Christ en l'E-uangile, parlant du seruiteur fidel-

*Math. 24.* le, *Je vous dis en verité qu'il l'ordonne-  
ra sur toute sorte de biens:* Paroles qui veulent dire que l'ame fidelle estât bien-heureuse au Ciel sera participante de la puissance que Dieu a sur toutes choses créées: Et quelle est la puissance de Dieu sur les choses créées? Elle est tres-grande & incõparable: C'est pourquoy tous les Saints seront dicts & seront veritablement tous Roys de tout le monde, non pour quelque peu d'années, mais pour toute Eternité, & est la sentéce que le Fils de Dieu Iuge suprême, prononcera en faueur des bons au iugement, quand il leur dira, *Venez les benis de mon Pe-*

*Math. 25.* *re, possédez le Royaume qui vous est préparé dès la Constitution du monde.*

Touchant les Richesses des bié-heureux, il suffit assez à tous les hommes de sçauoir, que les Ri-



chelles du Paradis seront tres-am-  
ples, & eternelles, comme disoit  
Dauid, *Gloire & Richesses sont en sa* Psal. 125.  
*maison, & Dieu sera tout en tous*, Com. 1. Cor. 15.  
me dit l'Apostre, Paroles qu'ex-  
pliquent Theophilacte & S. An-  
selme, de la sorte *Dieu sera toutes*  
*choses en tous*; Pource que mainte-  
nant vne chose ne nous sert que de  
viande, vne autre de breuuage, vne  
autre de vestement, vne autre de  
maison, vne autre d'honneur, vne  
autre de Richesses: mais au Ciel,  
apres la Resurrection, Dieu sera  
aux bien-heureux viande, breuua-  
ge, vestement, maison, Richesses,  
plaisir, hōneur & puissance; de ma-  
niere que pour les bien-heureux,  
toutes choses leur seront pretieu-  
ses dans le Ciel, toutes choses in-  
corruptibles, toutes choses diui-  
nes: Et adiousté saint Hierosme  
en l'Epistre à Amandus, que Dieu  
sera toutes choses à tous les bien-  
heureux, non seulement corporel-  
les, mais aussi spirituelles: mainte-  
nant toutes les graces diuines ne se

conferent pas en gros aux hommes; mais à l'un est donnée la Sagesse, comme à Salomon, à l'autre la bonté, comme à David, à l'autre la patience comme à Iob: mais quand la fin de toutes choses arrivera, alors toutes choses seront en tous, & chacun des Saints possèdera toutes les vertus & tous les dons de grace: Qu'est-ce, ie vous prie, que donneroit icy bas l'auare affin de posseder toutes les Richesses des hommes? Qu'est-ce que ne donnera le paillard, pour auoir iouissance de toutes les pensées? quoy l'ambitieux, pour posseder les honneurs & grandeurs qu'il desire? & toutefois ces choses sont temporelles, & de briefue durée, & qui pis est tous ces plaisirs de iouir & d'auoir doiuent briefuement finir, avec douleur, pauvreté & misere. Pourquoi donc ne cherchōs nous pas Dieu en qui seul nous possederons tous biens spirituels & corporels eternellement?

Mais, que dirons nous finale-



ment de la grand' ioye & plaisir,  
dont iouïssent les bien heureux au  
au Ciel ! Isaye & saint Paul s'es-  
crient & disent là dessus; *Certes l'œil*  
*n'a veu, ny l'oreille entendu, ny iamaïs*  
*n'est monté en la pensée de l'homme, de*  
*pouvoir voir, entendre ny comprendre*  
*les choses que Dieu prepare à ceux qui*  
*l'ayment.* Car vraiment Dieu a  
preparé à ses ayman en la celeste  
patrie, le plaisir, la ioye, la vo-  
lupté, les delices, la douceur, la  
suavité, telle que iamaïs nul des  
mortels, n'engousta ny n'en pour-  
ra gouter de semblable. Trois  
choses sont requises à la naissance  
du plaisir : la puissance, l'object, &c.  
l'union de la puissance avec l'ob-  
ject, & plus ces choses sont gran-  
des, plus le plaisir qui en proce-  
de, est grand. Il ny a puissance en-  
tre les choses créées, de plus gran-  
de, plus unie & plus capable de  
delectation, que la volonté raiso-  
nable, nul object plus excellent,  
aymable & plus doux que l'essen-  
ce du Createur, *gustez* dit David,

Esaye 69.

1. Cor. 13.

*Psal. 33.* & voyez combien le seigneur est doux:

Et le Sage, parlant du Soleil & des Estoilles dit, desquels si aucuns se sont pleus d'en cōsiderer la beauté, ils les estimeront Dieux, mais qu'ils sçachent que beaucoup plus beau est le seigneur d'iceux, car celuy qui est auteur & Pere

*Sap. 13.*

de beauté, a créé & produict toutes ces choses: nulle conjunction plus intime ne se peut imaginer, que l'vion qui se faiet de Dieu avec la volonté raisonnable, car dit l'Apostre, qui s'unit a Dieu, est faiet vn mesme esprit avec luy.

*1. Cor. 6.*

La conjunction des corps se faiet ordinairement à l'exterieur & en la superficie, & ne penetre pas l'interieur: & toutefois la volupté corporelle gaigne tellement les hommes, qu'en certaine manière elle les met en folie, qu'elle suauité & douceur gouteral'ame, lors qu'elle se verra si intimement conjointe avec Dieu, qui est la suauité infinie, afin d'estre faiet vn mesme esprit avec luy: Icy les paroles me manquent sans pouuoir expliquer, ce que ie

roule & conçois là dessus en mon ame.

Adioustez que tout le plaisir humain qui naît des choses créées, n'est momentaine ou certes tres-brief au respect du plaisir qui naît de la conjunction de l'esprit humain avec Dieu, qui est la suavité infinie qui ne prendra jamais fin : Et toutefois il y a tant de folie en la teste de plusieurs, que mieux ils aiment jouir des plaisirs charnels, & viles, des-honnestes & de petite durée, que des plaisirs souverains, éternels, tres-purs, & qui ne finiront jamais. Et ce suffise pour la consideration des quatre fins dernieres.

---

*CHAP. V.*

*Du cinquiesme precepte de  
l'Art de bien Mourir,  
és approches de la Mort,  
qui est de la maniere de fai-  
re un bon Testament.*

**A**YANT traicté cy deuant de  
la consideration de la mort  
approchante, & des autres fins der-  
nieres, il est par consequent ne-  
cessaire de considerer, que celuy  
qui s'appreste pour sortir du mon-  
de, dispose premierement de sa  
maison : ainsi le Prophete Esaye  
Esaye 38. aduisoit le Roy Ezechias, luy di-  
sant ; *dispose de ta maison, pour ce que tu  
mourras, & ne viuras plus :* de quelles  
merueilleuses angoisses & fasche-  
ries sont liberez ie vous prie les hō-



mes reguliers, qui peuuent dire  
auec les Apostres, *voila nous auons* Matth. 19  
*tout quitté* : de lesquels fut vn saint  
Augustin dont escrit Possidonius  
en la vie, *qu'il ne fist aucun testament,*  
*pource que luy qui estoit vn des pauures*  
*de Iesus Christ n'auoit rien à leguer;*  
*Car encore qu'il fust Euesque, toutcfois*  
*comme vn vray religieux & regulier, il*  
*n'auoit rien de propre à luy.*

Or vn testament se doit faire  
tout au commencement de la ma-  
ladie, si par prudence il ne se faict  
deuant en pleine santé : & n'est pas  
vne petite faute de se reseruer à  
faire son testament quand la mala-  
die presse, que la mort nous heurte  
sur l'espaule, & qu'il faille que les  
parens & amis nous contraignent  
de le faire, à l'extremité de nostre  
vie, auquel temps de maladie il  
commence d'entrer en resuerie,  
que la raison le delaisse & la cog-  
noissance le quitte, ou bien au  
moins, c'est alors qu'il ne peult  
disposer de ses affaires, avec telle  
prouidence & iugement qu'ils le

pourroient faire en bonne santé.

Dauantage en maniere de bon Testament, il faut premierement qu'ils pensent à restituer le bien d'autrui s'ils s'en sentent leur conscience chargée. En apres qu'ils delaissent leurs richesses à ceux qu'ils cognoistront par droict leur appartenir apres eux, & qu'ils ne souffrent estre gaignez par personnes qu'ils ayment alors pour se desister de leurs biens en leur faueur, au preiudice des vrayz heritiers s'ils nient que la Iustice y repugne. Et pour ceux qui ne dependent que d'eux-mesmes, qu'ils aduisent auant toutes choses de faire leurs affaires telles qu'elles reussissent à la gloire de Dieu, puis soigner à la necessité de leurs prochains: Que s'ils ont affluence de biens & de commoditez, desquelles comme de choses superflues, ils doiuent long temps y auoir en auoir assisté les pauures, qu'ils ne croient pas auoir satisfait à leur consciēce, s'ils ne confessent ceste faute au Prestre

avec

avec les autres pechez, pour en obtenir absolution, s'ils n'ont commandé ces choses estre données aux pauvres, ou s'ils eux mesmes continuellement ne les ont données: Car c'est vne sentence commune entre les saincts Peres & Docteurs Scolastiques, que les choses superflues sont deuës aux pauvres: dequoy nous auons parlé au liure premier Chap. 9. Et n'est besoin de le repeter. Et pour les choses qu'ils desirent donner de leur propre volonté, qu'ils prennent l'aduis des personnes pieuses & doctes & apprennent d'eux quelles sont les œuvres de Charité plus agreables à Dieu, en quel lieu & temps il les faut faire: vous aurez en vn endroit le bastiment d'une Eglise demeuré imparfait faute de moyens, qu'un Cemetiere rompu; en vn autre vne multitude de pauvres filles prestes à marier; en vn Monastere bon nombre de Religieux malade en grâdes necessitez; en vn autre, plusieurs captifs à rachapter &

plusieurs prisonniers à delivrer: & finalement en telle distribution il ny a reigle meilleure, *que la foy sincere, & la prouidence prudente*, comme dit saint Ambroise, *ou la Charité avec la prudence, & la prudence liée avec la Charité*, comme parle saint Gregoire.

S. Ambroise  
liu. 3. de  
ses offices  
chap. 48.  
S. Gregoire  
re 3. part.  
de son  
Pastoral  
admonit.  
27.

Luc. 16.

Mais cecy est fort à considerer, que les aumosnes qui se font par les viuans, ou qui sont recommandées des mourans, se facent ou soiēt recōmādées, estre principalement faictes par vne personne qui soit agreable à Dieu; car elles sont de plus grand merite pour la personne qui donne; car tels bons aumosniers se reçoient par de bons amis *ex tabernacles eternels*, selon la promesse de Iesus-Christ en saint Luc: Car si elles se font ou soient commandées estre faictes par vn homme meschant & ennemy de Dieu, alors telles aumosnes ne profitent de rien pour la vie eternelle, quoy qu'il soit des autres merites; & ne font point receuoir l'ame de



l'aumosnier ez tabernacles eternels; C'est pourquoy il faut prendre l'aduis d'un sage Confesseur, ou des amis, ou de quelque personne religieuse, qui vous est familiere: Davantage celuy qui recognoistra avoir esté en peché mortel lors qu'il a fait son Testament, il s'en doit Confesser, & s'estant acquitté d'une entiere & parfaicte Confession, alors il doit derechef confirmer & approuver tout ce qu'il a fait coucher en son Testament, & principalement des aumosnes qu'il laisse à faire apres sa mort, soit à l'Eglise ou aux pauvres.

Adioustons en dernier lieu, que celuy qui en son Testament a laissé beaucoup de biens à ses parens, ne soit pas oublieux de son ame, veu principalement qu'il n'est pas assuré qu'au sortir de ce corps elle s'en-voie droit au Ciel, mais qu'elle est plustost conduite en purgatoire: C'est pourquoy il aduysera pieusement & prudemment, qu'une par-

### 316 De l'art de bien mourir.

2. Ma-  
chab. 12.  
S. Aug.  
au liure  
du soing  
pour les  
morts.  
chap. 1,

tie des aumosnes laissées à faire  
apres sa mort , soit distribuer aux  
Prestres , qui offrent le sacrifice de  
la Messe à Dieu, pour son ame : Car  
*c'est vne sainte & salubre pensée de  
prier pour les morts, afin qu'ils soient  
desliez des liens de leurs pechez, com-  
me il est dit ez liures des Macha-  
bées, d'où collige saint Augustin  
que les ames des deffuncts sōt plus  
soulagez par le sacrifice du corps  
de Iesus-Christ, que par les sacri-  
fices de tous les troupeaux de l'an-  
cien Testament.*

## CHAP. VI.

*Du sixiesme precepte de l'Art  
de bien mourir, la Mort  
estant proche: qui est de la  
Confession des pechez.*

**A** PRES la consideration des quatre fins dernieres & de l'expedition des affaires domestiques, il est necessaire que l'homme ja vieil & plein de iours, ou attaque d'une perilleuse maladie, se despoüillant de tous autres soings dispose serieusement son ame pour recevoir comme il faut le Sacrement de penitence: Car il arrive assez de fois que le Sacrement de Penitence au temps qu'il est le plus necessaire, est le temps auquel il est receu avec moins de soing & de devotion: Et ceux qui sont trauaillez.

O. iij.

d'une forte maladie, ou debilitiez en leurs forces, par la force des douleurs corporelles, qui ont perdu le iugement, & qui sont ja proches des horreurs de la mort, ou pour l'amour des leur qu'ils delaissent à regret, font assez souuēt vne Confession imparfaicte de leurs pechez, & ne peuuent pas alors auoir vn vray & parfait regret d'auoir offencé Dieu, au milieu de ces angoisses.

Et moy-mesme ie peux estre tesmoing de ceste difficulté que ressentent le plus souuēt les malades, car comme vn iour i'estois allé visiter vn mien amy, homme riche & noble, qui pour quelque grief peché commis, estoit tombé en vne maladie mortelle, & que ie luy disois, qu'il n'y auoit rien de plus salutaire en ce dernier article du tēps qu'une vraye repentance de ses pechez, & vn grand regret de les auoir faits, pource que Dieu ne reiette iamais vne ame humiliée, & vn cœur contrit & froissé de dou-

leur: Il respondit ; & qu'est-ce que contrition? Je ne peux comprendre ce que vous me dictes : J'adionsterray , ie vous requiers ceste chose, que d'un vray cœur il vous desplaise, & ayez regret d'auoir offensé Dieu, & que arrestiez en vous mesmes si vous releuez de ceste maladie, de ne le plus offencer, & que cela procede du vray amour de Dieu qui vous a faict des graces & des faueurs infinies, les benefices duquel vous auez compensez d'ingratitude: Il me respondit, ie n'entend plus, & ne suis plus capable de ces choses: Et ainsi il mourut, laissant en sa mort les signes assez apparêts de sa damnation: Tous & tels exemples nous aduisent que lors que nous sommes en pleine santé de purifier tellement nostre conscience, & faire vne telle penitence des pechez confessez, comme si la confession que nous en aurons faicte estoit la derniere de celles que nous ferons.

Il est bien important toute fois

O. iiii

qu'au plus fort d'une maladie mortelle, nous faisons vne entiere Cōfession, & principalement d'exalter en nous mesmes la contrition d'un vray regret des fautes passées, & vne ferme resolution de ne iamaïs les faire, si la vie nous est prestée plus long temps. Et ne faut pas seulement faire penitence des pechez commis, mais aussi des bonnes œuvres que nous nous sommes oubliez de faire, selon que nous y estions obligez, ou par deuoir, ou par charité: Car plusieurs considerent assez soigneusement les pechez qu'ils ont fait contre Dieu & le prochain, mais ils s'oublient facilement des obmissions, & n'en font point d'estat, I'adiousteray aussi vn exemple assez vtile.

Vn certain Euesque fort docte & pieux, estoit malade iusques à la mort, vn Prestre qui estoit nostre amy & qui m'a raconté cecy, commanda à s'approcher de luy & luy de mande s'il n'auoit point de peché sur la conscience: il respondit que

par la grace de Dieu il ne luy estoit  
 arriué aucune chose, par laquelle  
 il peust auoir offensé Dieu depuis  
 sa derniere confession. Le Prestre  
 l'interroge, si sa conscience ne le  
 remordoit point de ses pechez ou-  
 bliez, & de ses obmissions, veu  
 que l'Apostreadmonestoit l'Eues-  
 que Timothée avec tant de soing,  
 disant, *le testifie devant Dieu & Iesus* 1. Thim. 4.  
*Christ qui doit iuger les viuans & les*  
*morts, par l'aduenement d'iceluy, &*  
*par son regne, presche la parolle, pressé*  
*en l'occasion avec importunité, argüe,*  
*prie, reprend asprement avec toute pa-*  
*tience & doctrine.* Ce qu'ayant en-  
 tendu ce bon Euesque, il se prit à  
 plorer, & dist veritablement les  
 obmissions m'espouuantent assez,  
 & ayant dict ces choses vous eus-  
 siez veu ces deux yeux conuertis en  
 deux fontaines de larmes.

Dauantage la contrition est  
 necessaire à ceux qui se disposent  
 pour bien mourir: car la confessiõ  
 sans contrition ou attrition veri-  
 table, ne suffit à salut, non plus

Ov



2<sup>e</sup> sal. 50.

que la satis-faction sans la contrition, & ne se peut faire que fort malaisement par la personne malade : mais la contrition qui est fuiuy de charité conduit à salut, encore que la confession ou la satis-faction ne se puissent faire: Car comme nous auons dit cy nage-res, *Dieu ne reiette iamais vn cœur contrit & humilié*: C'est pourquoy la contrition est grandement requise en vn homme malade : de quoy nous auons vn exemple tres-riche de saint Augustin, qui comme escrit Possidonius en sa vie, ainsy qu'il estoit grandement trauaillé de la maladie de laquelle il est mort, il commanda que l'on luy escriuit tous les Pseaumes de David, singulierement ceux qui traittent de la penitence, & les ayant faict me tre contre la muraille, il les leutt & regarda quatre fois le long de sa maladie, & en les lisans ploroit tousiours fort abondamment, en se gardant de porter son esprit & sa pensee ailleurs.

leurs. Dix iours auant qu'il mourut il requit de ses familiers que perſonnen'entraſt vers luy, ſinon és heures qu'il falloir que les Medecins entraſſent pour le viſiter, ou lors que l'on luy apportoit ſon viure, car tout le reſte du temps il eſtoit ſeul en priere: ô perſonnage tres-ſage & tres-heureux: apres qu'il euſt receu le baptême & que les pechez du temps paſſé en ſon erreur, luy furent remis, il veſquit quarante trois ans, eſquels iuſques au plus fort de ſa derniere maladie, il s'employa à preſcher la parole de Dieu, & à eſcrire des liures infinis, tres-vtiles à l'Egliſe vnuerſelle, il mena vne vie fort paiſible, tres-innocente & tres-ſaincte: & touteſois en ſon extrême vieilleſſe, & en ſa maladie, il employa tellement le reſte de ſes iours en contrition & penitence, que pendant qu'il liſoit les Pſeaumes Penitenciaux, il ploroit tous iours fort abondamment. Et certes il faut remarquer ces deux

O v j

mots , *toufiours & abondamment* , car il ne fut point seulement en cet acte de contrition vne heure , ny vn iour , mais bien par plusieurs iours & fort souuent & abondamment , il deploroit sa vie & ses pechez : mais quels pechez pouuoit deplorer cet homme tres - saint : ie croy pour moy que c'estoient seulement quelques pechez veniels ; affin que non seulement , il euitast la peine de l'enfer , mais mesmes les ardeurs du Purgatoire , & que son ame s'enuolast droict au Ciel : Que si ce saint & sage personnage s'attrista par tant de iours , & versa si grande abondance de larmes , seulement pour le regret d'auoir commis quelques pechez veniels : que feront ceux qui ont l'ame non seulement pleine de pechez veniels , mais de plusieurs pechez mortels , quelle satisfaction doiuent ils faire à Dieu.

Donc tous les malades qui ont la mort , comme on dit , entre les dents se disposent de telle sorte ,

auant que la maladie les surprenne, afin qu'estans cassez de viellesse ou de maladie, il ne leur soit besoing de se rompre le cœur en cette angoisse par la contrition des pechez mortels, mais pour les plus legers seulement qu'il face penitence, & par vne sainte confession & communion, ayent soing de se munir tellement contre les assauts du Diable, qu'ils arriuent apres cette vie, au port de la beatitude, en la grace de Dieu, & en la guide du bon Ange.

## CHAP. VII.

*Du septiesme precepte de l'Art  
de bien mourir, la Mort  
estant proche, Qui est du  
Sacro-sainct viatique.*

**Q**Uand les premiers Chre-  
tiens vouloient administrer  
le S. Sacrement de l'Eucharistie  
aux malades, ils les oignoient pre-  
mierement avec vne onction sain-  
cte, puis leur donnoient le tres-  
sacré corps de Iesus-Christ. Et  
affin que cecy se verifie par exem-  
ple, il y en a vn beau dans Laurent  
Surius tom. premier, en la vie de  
sainct Guillaume Archeuesque de  
Bourges, qui viuoit du temps du  
Pape Innocent 3. là on lit ainsi :  
*Il receut le Sacrement d'extrême On-  
ction avec humilité & deuotion: l'ayant*

reçeu, requit qu'on luy donnast la sacro-  
saincte Eucharistie, affin qu'assisté en  
chemin d'un si fort conducteur, il peust  
pénétrer & foncer hardiment & assen-  
rement les escadrons ennemis. Nous  
lisons cela mesme de saint Mala-  
chie, en sa vie, écrite par saint  
Bernard, sçavoir qu'il reçut le  
Sacré Viatique apres l'extrême  
Onction.

Outre ces deux tesmoignages,  
qui monstrent l'ordre qu'il y a en-  
tre l'extrême Onction & l'Eucha-  
ristie, on en peut encor alleguer  
deux autres, qui font voir que le  
Sacré Viatique se donnoit aux ma-  
lades apres l'extrême Onction. En  
la vie de saint Ambroise écrite  
par Paulin, on lit que la Saincte  
Eucharistie fut donnée à saint Am-  
broise, ainsi qu'il estoit sur le point  
de mourir: de maniere qu'apres  
avoir usé le saint Viatique, il ren-  
dit l'esprit. Simeon Metaphra-  
ste escrit presque le mesme de S.  
Jean Chrysostome, en sa vie: de  
sorte qu'il est évident, que mesme

### 328 De l'art de bien mourir.

en l'antiquité de l'Eglise, & entre les vieux Chrestiens, l'Eucharistie estoit le dernier des Sacremens que l'on administroit aux malades.

Or maintenant nous nous munissons premierement du Sacré Viatique: Et apres quelques iours selon que la maladie augmente, nous oignons le malade avec la sainte huile: Et l'une & l'autre façon de faire a ses raisons. Les anciens Chrestiens consideroient le venerable Sacrement de la sainte Huile auoir esté institué, & pour recourir la santé du malade, & pour chasser les reliques des pechez remis en la penitence: car ainsi l'a dit saint Iacques; y a il quel-

Iacq. 5.

qu'un d'entre nous qui soit malade? qu'il face venir les Prestres de l'Eglise, & qu'ils prient sur luy, & l'oignent d'huile au nom du seigneur, & l'oraison de foy sauuera le malade, & le seigneur l'allegera, & s'il est en pechez, ils luy feront remis. Et pource les anciens esperans la santé corpo-



relle de ceste Sacro-Saincte Onction : Ils n'attendoient point à conferer ce Sacrement au temps auquel la santé du malade est desesperée au iugement des medecins : mais lors que la maladie commençoit d'estre iugée perilleuse par les medecins, ils auoient incontinent recours à l'Onction sacrée. Ce qui se peut mesme entendre de ce que saint Bernard escrit en la vie de saint Malachie Euesque, que cest homme estant malade, se leua de sa chambre qui estoit au plus haut lieu de la maison, & s'en alla à l'Eglise, afin de receuoir l'extreme Onction premierement, puis le Sacré Viatique, & ayant reçu ces Sacremens remonta en sa chambre & se recoucha en son lit : maintenant quand les malades entendent parler de l'extreme Onction, ils croient que c'est faict de leur vie ; & à raison de ce les parens & amis different de leur faire receuoir ce Sacrement que le plus tard qu'ils peuuent.

Il y a aussi vne autre raison, qui occasionnoit les anciens, d'ordonner premierement les malades, puis leur donner la sainte Eucharistie: C'est pour autant qu'au Sacrement de l'extrême Onction les pechez sont remis, comme nous auons appris de l'Apostre saint Iaqués, & pource l'extrême Onction est appellée de quelques anciens, *la penitence des malades*: Or est-il que la remission des pechez & la penitence, doiuent preceder, comme vne preparation & disposition necessaire, tres-haut Sacrement de l'Eucharistie, qui requiert vne tres-grande pureté de l'ame.

Finalemēt tous les Sacremens se concluent & terminent par le Sacrement du corps de nostre Seigneur: ainsi les adultes qui sont baptisez, cōme Hebreux & les Turcs, sont continuellement confirmez apres le Baptisme, & sont admis au sacrifice de la Messe, & reçoient la sainte Eucharistie: ainsi ceux qui.

faisoient penitence, la penitence estant parfaite, s'approchoient tousiours de la sainte Eucharistie, au moins à la façon ancienne: Et ceux aussi qui reçoivent les ordres mineures & maieures les ayans receuz s'approchèt de la sainte cõmuniõ: En fin ceux qui se liēt au liē de Mariage, ils cõfirment & corroborent le Sacrement de Mariage avec le Sacrement de l'Eucharistie. Et de nostre temps l'ordre est chāgé, non sans cause raisonnable: Car il arrive souuent, qu'afin que les malades ne s'effrayent, l'extrême Onction se differe iusques à l'extrémité, & est à craindre que le malade, ou perde l'vſage de raison, ou pour quelque autre cause, ne soit plus capable de recevoir la Sainte Eucharistie: C'est pourquoy au iourd'huy on confere le Sacrement de l'Eucharistie avant celuy de l'extrême Onction: Car il est beaucoup meilleur, que par vn ordre changé ces Sacraments s'administrent aux malades, qu'ils soient

priuez du plus grand & du plus salutaire: Ioint aussi quel'extrême Onction se peut conferer au malade estant mesme en l'agonie de la mort, priué de iugement & de sentiment, & ne cognoissant plus que l'on fait autour de sa personne, pouruen qu'il soit encore viuant, car les deffuncts ne sont capables d'aucun Sacrement: Et voyla pour ce qui concerne l'ordre qui doit estre obserué en l'administration de ces deux Sacremens.

Je viens maintenant à la maniere comme il faut conferer la sainte Eucharistie: & exposeray en premier lieu briefuement ce qu'il faut faire au malade auparauant qu'on luy porte le saint Sacrement: & en apres ce que doit faire la personne malade, en la presence du saint Sacrement; & comment il se doit comporter en le receuant. Pour le premier, ie serois d'aduis, avec le meilleur conseil du Pere spirituel, que le malade considerast diligemment ces paroles de saint

Thomas; O sacré Conuiue, auquel Ie-  
 sus-Christ se prend, où se celebre la me-  
 moire de sa passion, l'ame est remplie de  
 grace, & où nous est donné en arde de la  
 gloire future; Il considerera donc at-  
 tentiuelement que la Sacro-saincte  
 Eucharistie nous est donnée à nous  
 autres viateurs, en forme de vian-  
 de, afin que nous ne venions à de-  
 faillir au voyage du Ciel, qui est  
 nostre patrie, & principalement au  
 temps auquel estants lassez du grand  
 chemin, nos forces diminuent: Or  
 ceste viande est appellée Conuiue &  
 sacré Conuiue, car jacoit qu'il se dō-  
 ne sous la seule espee du pain,  
 c'est toutefois vn Conuiue entier  
 & tres-grand, non profane, mais  
 sacré, non du corps, mais de l'ame,  
 & pource il adioust, auquel Iesus-  
 Christ se prend: Car sous ces espe-  
 ces ou accidents de pain, est le vray  
 corps de Iesus-Christ, non point  
 separé de l'ame ny de la diuinité: &  
 pource c'est vne chose tres-gran-  
 de, & tres-pretieuse, vn tres-grand  
 & suau banquet surpassant tout

goust & saueur delectable, propre seulement pour la nourriture de l'ame & non du corps.

Que si voulez voir les fructs ou l'vtilité de ceste viande; vous l'avez adioustée, lors qu'il dit, *là se celebre la memoire de sa passion, l'ame est remplie de grace, & là est donné le gage de la gloire future.* Ainsi donc le premier fruct de ce banquet, c'est la memoire de la passion de Iesus-Christ, & pource le corps & le sang de nostre Seigneur se cōsacre souz double espece de pain & de vin, afin que l'espece du pain represente le corps separé du sang, & par consequent Mort; & l'espece du vin, le sang separé du corps; Encore que souz l'vne & l'autre espece I. Christ y soit tout entier, non mort, mais vivant, Car nostre Seigneur a voulu que par ces mysteres il demeurast tousiours avec nous la memoire de sa passion, par laquelle nous auons euité tous maux & acquis toute sorte de biens; de là nostre Seigneur mesme disoit à ses Apo-

stres, parlant de ce Sacrement *Faites cela en memoire de moy: Et l'Apo-* Luc. 22.  
stre saint Paul exposant ces paroles du Seigneur, dit: *Toutes & quant-* 1. Cor. 11.  
*es fois que vous mangerez ce pain, & que vous boirez ce Calice, vous annoncerez la Mort du seigneur, iusques à ce qu'il vienne: C'est à dire, toutes les fois que vous vous approcherez de ce Sacro-saint mystere, vous aurez souuenance que Iesus-Christ nostre Seigneur a mis sa vie pour nous: & ceste Commemoration durera iusques au second aduenement de nostre Seigneur. C'est à dire iusques à la consommation du monde.*

Or nostre Seigneur a voulu que nous eussions vne continuelle memoire de sa mort & passion, pource qu'il scauoit, que ceste memoire nous seroit tres-vtile, & qu'ayants souuenance de son amour admirable, nous asseurions nostre esperance en luy, soit en nostre vie, soit en no-



stre Mort: Car qu'est ce qu'il pourroit refuser à ceux, par lesquels il a donné sa vie avec tant de cœur & de courage!

L'autre fruit de ce celeste banquet se remarque en ces mots, *l'ame est remplie de grace*, qui est vn priuilege singulier du Sacrement de l'Eucharistie, lors qu'il est receu avec vne digne preparation: Car ainsi que la viande corporelle, n'estant qu'une, se porte dans l'estomac par la manducation, & toutefois refait tous les membres du corps, le nourrit, & le fortifie, & rejouit; & au contraire la trop grande abstinence de viande, ne rend pas seulement l'estomac debile; mais extenuë nos membres, les rend foibles, languissans, & tuë finalement le corps: ainsi ceste viande diuine, refait toutes les puissances spirituelles de l'ame, la nourrit & fortifie. La memoire, par ce sacré aliment, se remplit de la grace du doux souuenir des benefices de Dieu, & principalement de la Passiõ de nostre

stre

estre Seigneur, par laquelle nous a-  
uons le salut eternel : Par cet ali-  
ment, nostre entendement est rem-  
ply de la grace de la foy, non seule-  
ment habituelle, mais actuelle : Car  
la foy purifie les cœurs de beau-  
coup d'erreurs, & remplit l'esprit  
de l'intelligence des choses diui-  
nes, ce qui engendre vn plaisir in- Act. 15.  
croyable. Finalement la volonté,  
par ceste mesme viande est remplie  
de grace, c'est à dire d'esperance  
certaine, & d'ardente charité ; la-  
quelle comme elle est la Royné  
des vertus, les attire toutes à foy,  
de la possession desquels l'homme  
deuiét riche des Richesses du Ciel :  
& ainsi par ce diuin Sacrement l'a-  
me est remplie de grace.

Finalement, parce mesme salu-  
taire Sacrement, nous est donné le  
gage de la gloire future : Et est prise ce-  
ste Metaphore du gage, de ce qu'é-  
tre les hommes, ce qui est promis  
ne se peut refuser, lors principale-  
ment, que pour estre alleuré de la  
foy promise il y a vng gage laissé. Or

338. *De l'art de bien mourir.*

nostre Seigneur nous a laissé son corps en l'Eucharistie, pour nous estre gage de la beatitude eternelle: c'est pourquoy celuy qui meurt ayant receu ce precieux corps avec pureté & reuerence, il monstrera à Dieu le gage de ce qu'il luy a promis, & ne luy pourra refuser son Paradis: & celuy-là monstre ce gage qui meurt vny avec Iesus-Christ par vne vraye charité, que la digne perception de ce salutaire Sacrement laisse en l'ame; & alors ceste ame sort de son corps, comme vne esponse appuyée sur son bien aimé.

Et est ce qu'escriuoit saint Iean en son Apocalypse disant,  
 Apoc. 14. *bien-beureux les morts qui meurent en nostre seigneur*, c'est à dire bien-heureux les mourans, qui meurent vnys avec Iesus-Christ, comme les membres avec le Chef, Car per-  
 Ioan. 5. *sonne ne monte au Ciel, fors celuy qui est descendu du Ciel, le fils de l'homme qui est au Ciel*: Or Iesus-Christ fils de l'homme n'y est point monté sans

son Corps, auquel luy mesme est chef: Et pource ceux - là seulemēt meurent en nostre Seigneur, qui lors qu'ils meurent s'vnissent avec Iesus - Christ, comme les membres au chef: Cē qu'obtiennent tous ceux, qui vn peu auant leur mort reçoient dignement Iesus - Christ en l'Eucharistie: Et voyla ce qui est de la preparation du malade pour receuoir ce sacré Viatique, & auparauant qu'on luy apporte le Sacrement: Car aussi tost que le Sainct Sacrement est apporté, le malade doit se dresser autant qu'il le pourra faire, & adorer son Seigneur, ou à genouil, ou tout du moins de la teste abaissée: Et souuētefois nostre Seigneur donne des forces aux hommes qui se meurent, afin qu'en ceste heure mesme ils se puissent leuer, & fleschir le genouil deuant luy: ainsi lisons nous de S. Guillaume Archeuesque de Bourges: *Lors qu'il vit venir à soy son Seigneur & son Createur, tout aussi tost ayons*

### 340 De l'art de bien mourir.

recueillly nouvelles forces , se iette à bas de son liçt, comme si toute la fièvre l'eust quitté , non sans estonnement des assistants , principalement pource que lors il sembloit aller rendre le dernier soupir de sa vie: & ainsi avec vn pas assuré, il alla au deuant de son sauueur ; l'amour qu'il luy portoit, luy fournissant de forces, & à fleschir les genouïls, & se fondant tout en larmes, il l'adore, & afin que plus souuent il peust fleschir le genouïl il les iette contre terre, & recommande avec deuotion son agonie à Dieu, le priant que ce qu'il luy reste pour la purification de son ame, il luy plaise luy faire & donner, affin que l'ennemy ne trouue prise sur luy.

Il me semble aussi estre tres-bõ, que le malade auant qu'il reçoie le corps de nostre Seigneur, recite ou se face reciter ces petits versets de saint Thomas d'Aquin, qui protestent de la foy, releuent l'esperance, & embrasent la charité, les voicy tournez du sens latin en vers françois.

Humblement ie t'adore Diuinité ca-  
chée,

Qui es sous ces figures vrayemēt impri-  
mée :

Mon cœur s'auole à toy , à toy seul il  
veut estre ,

Car en te contemplant il defant à soy  
mesme :

L'œil, le goust, & la main, se trompent  
en toy mesme ,

La seule foy de l'ouye, suffit pour le co-  
gnoistre.

Je voy tout ce qu'a dit : le Fils de  
Dieu viuant ,

N'y ayant verité plus vraye que sa pa-  
role ;

Sa Deité se cache, quand en Croix il  
s'immole,

Icy l'humanité miraculeusement :

Toutefois confessant, & voyant l'un  
& l'autre ,

Je veux ce que vouloit le larron plein  
d'hommage ?

Ainsi que saint Thomas, tes mains ie  
m'en uisage ;

342 De l'art de bien mourir.

Siteconfesseray- ie mon vray Dieu & nul  
autre :

Rends moy de plus en plus ma foy viue  
& complete :

Qu'en toy soit mon amour , & ma fiance  
parfaicte.

O ! sacré memorial de la mort du  
Sauueur ,

Vray pain donnant la vie à l'ame du  
pecheur ;

Accorde à mon ame qu'elle viue de toy ;  
Fais luy diuinement , mon Seigneur &  
mon Roy,

Amoureux Pelican , rejaillir tes don-  
-ceurs :

Et du Bausme Diuin de ton sang espan-  
ché ,

Remedie à ses maux , appaise ses lan-  
-gueurs :

Nettoye sa souilleure , son ordure , &  
peché.

De ce sang vne goutte tant petite soit  
elle ,

Suffit pour la guarir de sa playe mortelle  
Voire de nettoyer tout le monde bonny

*Du crime de nos peres , par son prix in-  
fimy.*

*Bon Iesus , que ie vois maintenant  
sous ce voile ,  
Ne me feras tu point ceste grace & fa-  
ueur ,  
Qu'à la lueur de ta face , objet de tout  
bon - heur ,  
Ie iouïsse bien - heureux , de ta gloire  
Eternelle ?*

Ces vers estans ainsi deuotement  
recitez, ou ouys reciter, apres a-  
uoir dit son *Confiteor Deo*, &c. &  
receu l'absolution & benediction  
du Prestre & dit, *Domine non sum di-  
gnus*, &c. avec autant d'humilité &  
deuotion que faire se pourra, qu'il  
reçoïue en toute assurance la  
viande Celeste.

Après la communion, s'ensuit  
l'action de graces, pour vn tant ex-  
cellent benefice de Dieu : & outre  
les prieres de bouche, qui ordinai-  
rement se font, mesme au moyen  
de quelques liures pieux, il seroit

P. iij



très-vtile que la personne qui cō-  
munie se retirast au cabinet de son  
cœur, & meditaſt tacitement à  
part ſoy les paroles de ſon Sei-  
gneur Ieſus, qui dit en l'Apoca-  
lypſe, *C'eſt moy qui ſuis attendant à*  
Apoc. 3. *la porte, & qui heurte ſi quelqn'un*  
*m'ouvre i'entreray à luy, & ſouperay*  
*avec luy, & luy avec moy; Car ces*  
*choſes proprement appartiennent*  
*à ceux qui ſe retirent à part apres la*  
*communion: & le meſme Sei-*  
*gneur qui a inſtitué ce Sacrement*  
*ſous l'eſpece d'un banquet, ne de-*  
*ſire rien tant que les Chreſtiens*  
*s'en approchent; & c'eſt ce qui eſt*  
*ſignifié en ces paroles, C'eſt moy*  
*qui ſuis à la porte & qui heurte, c'eſt*  
*à dire, c'eſt moy meſme qui m'in-*  
*uite au feſtin commun, afin qu'en-*  
*ſemblement ie mange, ſi quelqn'un*  
*m'ouvre, conſentant au bon deſir*  
*que ie luy auray inſpiré, i'entreray*  
*vers luy, par la communication de*  
*ce Sacro-Sainct Conuiue, & ſou-*  
*peray avec luy & luy avec moy: Car*  
*Dieu eſt dit ſouper avec nous, lors*

qu'il se res-jouït de nostre profit spirituel, selon cedire du Prophe-  
te, *Le Seigneur se res-jouïra en ses* Psal. 103.  
*œuvres, & au mesme lieu, que ma*  
*parole luy soit agreable; quant à moy ie*  
*meres jouïray au Seigneur.* Esquel-  
les paroles se voit exprimée la mu-  
tuelle res-jouïssance, & comme  
le doux banquet que Dieu faict  
avec l'ame, & l'ame avec Dieu:  
Car Dieu se plaist au profit spiri-  
tuel de l'ame, & l'ame se res-jouï-  
t des benefices qu'elle a reçu de  
Dieu: desquels le principal & plus  
grand est que luy mesme par ce  
magnifique Sacrement, s'est com-  
me daigné lier & attacher avec  
elle. Que l'ame fidelle pense donc,  
apres ce Viatique receu quelle  
chose douce & fructueuse pour  
elle, d'avoir logé en soy Iesus-  
Christ comme hôte, & qu'elle  
songe à cecy pendant que les espe-  
ces sacrées se digerent, qu'elle a  
hebergé, dis - je, chez soy &  
dans soy Iesus - Christ, non seu-  
lement comme Dieu, mais aussi

346 *De l'art de bien mourir.*

comme homme: qu'elle peut hardiment & asseurement entreprendre toutes choses avec luy, & passer avec luy tous perils, toutes angoisses & frayeurs, au sortir de cette vie, se recommander à luy de tout son cœur, & le requérir qu'il la prenne en sa sauvegarde durant la tentation, qu'il luy donne pour ayde & protecteur Ton saint Ange, & la conduise au port de salut.

## CHAP. VIII.

*Du huiictiesme precepte de  
l'Art de bien Mourir,  
quand la Mort est pro-  
che : sçauoir, de l'extre-  
me Onction.*

**L**E dernier Sacrement est l'on-  
ction sacrée, qui peut appor-  
ter vne grande consolation au ma-  
lade, pourueu quel'on cognoisse  
sa vertu, & que l'on recoiue ce  
Sacrement en temps & à propos.

Ce Sacrement est suiuy de deux  
effects tres- grands, comme nous  
auons dit au chapitre precedent :  
il cause la santé du corps, & la re-  
mission des pechez : traictons en  
peu de mots del'vn & l'autre : tou-  
chant le premier, saint Iacques di- Iacq. 5.  
soit, y a il quelque malade entre vous

P. v j

348 De l'art de bien mourir.

qu'il face venir les Prestres de l'Eglise,  
& qu'ils prient sur luy, l'oignant d'hui-  
le au nom du Seigneur, & l'oraison de foy  
sauuera le malade : Voyla vne pro-  
messe assez claire : mais pourquoy  
rarement aujourd'huy les mala-  
des reuiennent ils en santé apres la  
saincte Onction ; Il y a deux rai-  
sons : l'vne est que ce Sacrement se  
confere au iourd'huy aux malades  
plus tard, qu'il ne faudroit : car il  
ne faut pas esperer des miracles par  
ce Sacrement, car quel miracle se-  
roit-ce, si celuy qui vit viuoit tou-  
ours en perpetuelle santé ? mais si  
ce Sacrement se conferoit aux ma-  
lades, lors qu'ils commencent à  
deuenir malades avec peril de la  
vie, certes nous verrions souuent  
l'effect de la santé s'ensuyure, non  
pas en vn moment, mais avec le  
temps, qui est la cause pour laquel-  
le l'extreme Onction ne se confere  
pas à ceux qui pour quelque delict  
sont executez par iustice, pource que  
telles gēs ne peuuent euitier la mort  
sans quelque sorte de miracle.

L'autre cause est, pource qu'il n'est pas tousiours necessaire que le malade soit libre de sa maladie, mais plustost mourir, & aussi la priere de l'Eglise telle quelle est, & qui se faict en cette extreme Onction, ne demande pas absolument la santé du malade, sinon seulement si elle luy est vtile pour le salut eternal.

L'autre effect de ce Sacrement est la remission des pechez; car ainsi le dit saint Iacques, *Et s'il est en pechez ils luy seront remis*: Mais pource que la remission du peché original appartient proprement au baptesme & la remission du peché actuel au baptesme, si ceux qui s'ont baptisez sont adultes, ou au Sacrement de penitence: pource les Theologiens enseignent que les pechez qui sont remis au Sacrement de l'extreme Onction, sont seulement reliques de pechez: Or il y a deux sortes de reliques de pechez: Car quelquefois sont appelez reliques de pechez les pechez mortels ou veniels qui sont com-

350 *De l'art de bien mourir.*

mis apres le Sacrement de penitence receu, & ne sont point par apres declarez au Cōfesseur, ou par ignorance, pource que le penitent ne sçauoit pas qu'ils fussent mortels, ou par inaduertence, pource qu'il ne s'en est souuenu, & pource le malade n'aura point esté soigneux de chercher le confesseur, pour les luy reueler: Or ce sont ces reliques de pechez qui sont effacez par l'extreme Onction: & de ce genre des pechez dit Sainct-Iacques, *& s'il est en pechez ils luy seront remis*; ce que declarent assez apertement les Conciles de Florence & de Trente sess. 14. Can. 2.

L'autre genre de reliques de pechez est vn certain horreur; vne tristesse & fascherie qui saisit les malades: à quoy a eu esgard Sainct Iacques disant; *& le Seigneur l'allégera*: Car ce Sacrement refioiit les malades, lors qu'ils pensent aux promesses diuines, qui sont exprimées en ce Sacrement: & pour cette cause, ce Sacrement ne deu-

roit estre differé iusques à l'extremité du temps, auquel le malade voit & n'entend plus aucune chose.

Or de quelle vtilité soit ce Sacrement, il se peut recueillir de la forme des paroles: Car cinq principales parties du corps sont oinctes, esquelles parties sont les sieges des cinq sens naturels, c'est à sçauoir le sens de la veüe, de l'ouye, du fleurir, du goustier & toucher; & à l'instant dit le Prestre; *Dieu te pardonne en tout ce que tu pourras auoir failly par l'ouye, la veüe, &c.* parceque cette oraisõ est la forme du Sacrement, sans doute elle opere avec efficacité, ce que les paroles portent, s'il ny a quelque empeschement au contraire de la part du receuant.

Et combien grande soit la liberalité & benignité de Dieu en ce Sacrement, il se peut sçauoir de ce luy qui considerera vn peu, quelle multitude de pechez procedé cõme de leurs sources, de ces cinq sens exterieurs. Et c'est la cause



pourquoy si Malachie Euesque d'Hybernie, duquel saint Bernard a escrit la vie, ayant differé pour quelques heures d'administrer le Sacrement d'extreme Onction à vne noble femme malade, & qu'aussi tost ceste femme fust allée de vie à trespas sans ce Sacrement, fut saisi d'un tel regret qu'il se coucha au lict de la defuncte avec ses Prestres, & y passa la nuict en prieres & en larmes, attribuant à sa coulpe propre ou de ce que ceste femme n'auoit recouuert sa santé par ce Sacrement, ou de ce que par le mesme, elle n'auoit recueilly ceste tant ample liberalité du Seigneur par la remission de ses pechez. Et pource que ce saint Euesque estoit amy de Dieu; il obtint par ses larmes & prieres, que ceste femme resuscitast, & ayant esté oincte avec grande deuotion par les mains de ce saint homme, elle recut double fruit de ceste onction sacrée, car elle retourna en bonne santé, ves-

quit encore plusieurs années, & ne perdit point l'Indulgence de ses pechez, comme pieusement nous croyons: Cet exemple d'un si grand personnage, reduite par escrit par un autre tres-sainct en toute fidelité, peut persuader facilement à tous Chrestiens, quel estime il faut faire de ce reuerable Sacrement.

---

*CHAP. IX.*

*Du neufiesme precepte de l' Art  
de bien Mourir, la mort  
estant proche, qui est de la  
premiere tentation du Dia-  
ble, sçavoir de l' H'eresie.*

**A** L'arriuée de la Mort, qui est  
nostre ennemy, *comme vn*  
*Lyon rugissant*, ne s'oublie pas, mais  
accourt incontinent à l'homme,  
comme vn affamé apres sa proye,  
& avec toutes ses forces se trouue  
en ceste luitte derniere pour assie-  
ger l'esprit & l'ame de la personne  
qui se meurt.

Il commence son premier com-  
bat par la tentation, sur le fait de la  
foy : Car comme les choses que  
nous croyons, ne sont pas seulemēt  
au dessus du sens, mais aussi sont re-

leuees au dessus de la raison naturelle: & mesme la foy qui est le fondement de nostre iustification, s'ensuit que si ce fondemēt est sap-  
pé, tout l'edifice des bonnes œu-  
res est à bas: Et ceste tentation est  
la plus grāde de toutes, pource que  
nous auons à combattre avec vn  
ennemy, qui est non seulement do-  
cte & subtil, mais qui est accoustu-  
mé aux combats dès le commence-  
ment du monde: C'est luy qui a de-  
ceu tous les Princes des Hereti-  
ques, entre lesquels il y en a eu bon  
nombre de sages, de doctes & de  
subtils: Fort bien donc l'Apostre  
nous admoneste, disant, *Nous n'a-*  
*uons pas vne luitte à faire avec la chair*  
*& le sang,* c'est à dire, avec les hom-  
mes, *mais avec les choses plus spiri-*  
*tuelles de la malice entre les celestes,* c'est  
à dire avec les Diables, qui sont es-  
prits, & esprits tres-meschans &  
subtils, & qui nous voyent du Ciel  
aërien: nos armes propres pour ce-  
ste guerre ne sont pas les disputes,  
mais la nuë & simple foy de la veri-

Ep hes. 6.

# 356 Del' art de bien mourir.

i. Pier. 5.

Ephes. 6.

té, ainsi nous l'enseignent les Princes des Apostres, saint Pierre, *Votre ennemy le Diable, tourne comme vn Lion rugissant cherchant quel il deuorera, auquel resistez forts & fermes en la foy: & saint Paul, en toutes choses armez-vous du bouclier de la foy, par lequel vous puissiez esteindre les dards enflammez du tres-meschant ennemy: D'oc par la doctrine des Apostres, il ne faut pas disputer avec le Diable, mais receuoir tous ses coups avec le bouclier de la foy, & les luy renuoyer encore que cruels, enflammez & bruslans, c'est à dire bien qu'ils semblent subtils & penetrās. Nous auons vne exemple vrayement effroyable dans Pierre Baroc, Euesque de Pauie, qui a escrit trois liures de la raison de bien mourir; Voicy comme il parle en son secōd liure: Il y auoit autrefois, comme i'ay appris, deux hommes fort doctes, qui estoient les premiers de leur escole pour la dispute, tous deux sages, bien morigenez & fort religieux; l'un desquels ayant quitté le monde, il ne demoura plus.*

que l'autre qui luy survesquit ; auquel  
 comme il estudioit en sa Bibliotheque sur  
 les livres de l'Ecriture sainte , celui  
 qui estoit mort apparut tout en feu ; &  
 comme tout effrayé il luy demandoit la  
 cause d'une si grande peine , il luy res-  
 pondit en plorant. Quand i'estois sur le  
 point de partir de ceste vie , est venu à  
 moy l'ancien ennemy , & pource qu'il me  
 recognoissoit docte , commença de m'in-  
 terroger ce que ie croyois de la foy ; au-  
 quel ie respondis que ie croyois ce qui estoit  
 couché au symbole des Apostres ; & me  
 pria que ie luy exposasse les choses qui  
 sembloient estre plus obscures , Je les luy  
 exposay selonce que i'auois leu au Symbo-  
 le de saint Athanase ; & ne croyois le  
 pouuoir faire avec plus de lumiere & de  
 verité : Puis dist , ce n'est pas , dit-il , ce  
 que tu pense , car pour les choses qui con-  
 cernent la personne du Pere , elles sont en  
 partie claires & veritables , & en par-  
 tie obscures & fausses : Car il est verita-  
 blement eternel , & toutefois comme il est  
 toujours Dieu , il n'est pas toujours Pere ,  
 mais premierement Dieu , & puis apres  
 Pere : Et comme voyant ces choses , ie disois

## 358 De l'art de bien mourir.

que c'estoit là vne doctrine Heretique & Diabolique; il me respondit, disant, il ne faut disputer en criant, mais avec raisons, si nous desirons tirer la verité de ce cy; quant à moy ie peux dire facilement ce que ie sçais pour deffendre mon opinion, pour expliquer la tienne comme tu pourras, & tu me retireras d'un grand erreur: Quant à moy miserable, qui presumais de mon esprit & de mon sçauoir plus qu'il n'estoit raisonnable, comme ie fus entré en dispute avec luy, comme avec un autre homme commun; par les raisons qu'il alleguoit contre ma croyance, & qui plus m'estonnoit rapportant mesme force tesmoignages de l'Escripture sainte me mena peu à peu en un tel labyrinthe d'erreur, qu'alors ie ne creus plus que le Fils & le S. Esprit estoient Dieu. Là dessus la mort me surprit, & en l'estat que j'estois elle me presenta deuant mon Iuge; & là aussi tost fus condamné de m'en aller en ce feu, lequel, quoy qu'il soit tres-grand, ie l'estimerois tolerable, s'il deuoit finir apres mille millions d'années: mais il est eternal, & tel, qu'il

ny a aage d'homme qui en ait ouy parler de semblable, & là dedans ie deste à toute heure ma science qui m'a mené en ce miserable precipice d'erreur; & cela, dict, il, disparut: Or celuy qui estoit au monde, estant fort estonné sur la nouveauté de la chose, & sur la peine de son amy deffunct, entra en soy-mesme, premierement, puis raconta à ses amis ce qu'il auoit veu, & leur demanda aduis de ce qu'il seroit bon à faire, sur cecy: & fut deliberé entr'eux, que chacun garderoit la foy que l'Eglise Catholique tient & garde: Un peu apres il devint malade de la maladie dont il mourut; & voyla qu'à l'heure de sa mort le mesme ennemy se presente à luy encouragé du succez de la premiere dispute: Il l'interroge de la foy, ce qu'il croyoit: & respond qu'il croyoit ce que l'Eglise Mere croit: & derechef luy demande ce que croyoit l'Eglise: Ce que ie croy, dit-il, & tousiours en ceste maniere il respondoit ie croy ce que l'Eglise croit, & l'Eglise ce que ie croy, les assistans qui estoient res



## 360 De l'art de bien mourir.

de luy, voyans comme il estoit interrogé par quelqu'un, & continua ainsi sa réponse iusques au dernier soupir de sa vie: & arriva ainsi qu'ayant eut l'astuce du Diable, il s'enuola droit au Ciel: Et quelques iours apres il s'apparut aux amis avec lesquels il auoit deliberé de cet affaire, bien en autre posture que n'auoit fait son amy decedé auant luy, & leur rendit graces, de ce que par leur bon aduis & conseil, il estoit paruenu au Royaume des Cieux. Nous auons descrit ces choses comme elles se sont passées, & n'auons pas creu estre chose superflue de la raconter au long, afin que par l'infortune de l'un, & par le bon heur de l'autre, un chacun apprenne comme il faut disputer de la foy avec le Diable: & que c'est assez en matiere de foy de se conformer à ce qu'en croit l'Eglise Catholique: Voyla ce que dit Baroc, auquel nous n'auons rien adionsté.

CHAP. X.

## CHAP. X.

*Du dixiesme precepte de l' Art  
de bien Mourir, la Mort  
estant proche, qui est de la  
seconde tentation; sçavoir du  
Desespoir.*

**L'**Autre tentation, est le desespoir, de laquelle le Diable tente non seulement les meschans, mais aussi les plus iustes : Mais singulierement les hommes tres-meschans, & espere à l'heure de la mort les conduire en ce miserable gouffre de desespoir : Car il presente deuant les yeux tous les crimes qu'ils ont commis en leur vie, comme escrit d'un certain soldat le venerable Bede liure 5. de l'Histoire de son pais, duquel les paroles sont : *Liu. 5.*  
*Il y auoit un certain quidam du temps c. 14.*

Q

## 360 De l'art de bien mourir.

de luy, voyans comme il estoit interrogé par quelqu'un, & continua ainsi sa réponse iusques au dernier soupir de sa vie: & arriva ainsi qu'ayant eut l'astuce du Diable, il s'envola droit au Ciel: Et quelques iours apres il s'apparut aux amis avec lesquels il auoit delibéré de cet affaire, bien en autre posture que n'auoit fait son amy decédé auāt luy, & leur rendit graces, de ce que par leur bon aduis & conseil, il estoit paruenü au Royaume des Cieux. Nous auons descrit ces choses comme elles se sont passées, & n'auons pas creü estre chose superflüe de la raconter au long, afin que par l'infortune de l'un, & par le bon heur de l'autre, un chacun apprenne comme il faut disputer de la foy avec le Diable: & que c'est assez en matiere de foy de se conformer à ce qu'en croit l'Eglise Catholique: Voyla ce que dit Baroc, auquel nous n'auons rien adionsté.

CHAP. X.

## CHAP. X.

*Du dixiesme precepte de l'Arc  
de bien Mourir, la Mort  
estant proche, qui est de la  
seconde tentation; sçavoir du  
Desespoir.*

**L'**Autre tentation est le desespoir, de laquelle le Diable tente non seulement les meschans, mais aussi les plus iustes : Mais singulierement les hommes tres-meschans, & espere à l'heure de la mort les conduire en ce miserable gouffre de desespoir : Car il presente deuant les yeux tous les crimes qu'ils ont commis en leur vie, comme escrit d'un certain soldat le venerable Bede liure 5. de l'Histoire de son pais, duquel les paroles sont: *Liv. 5.*  
*Il y auoit un certain quidam du temps c. 14.*

Q

### 362 De l'art de bien mourir.

de Cocnred , qui regna apres Edilred ,  
 homme reuestu en soldat , qui plus qu'il  
 estoit agreable au Roy pour son industrie  
 exterieure, plus estoit-il deplaisant à soy-  
 mesme pour sa negligence interieure: Le  
 Roy l'admonestoit souuent , qu'il fist  
 penitence de sa vie miserable , & qu'il  
 quittast ses pechez auant que la mort le  
 surprist , où alors il perdrait toute occa-  
 sion de s'amender & de se repentir: mais  
 qu'il fust souuent aduisé de ce faire , il  
 mesprisoit les paroles de salut , & pro-  
 mettoit tousiours de se conuertir avec le  
 temps: sur ces choses le voyla saisi d'v-  
 ne forte maladie : vers lequel estant en-  
 tré le Roy pour le visiter , ( Car il l'ay-  
 moit fort ) il le pressoit fort qu'au moins  
 auant qu'il mourust , il fist penitence de  
 ses pechez: & il respondoit, qu'il ne vou-  
 loit pas alors confesser ses pechez , mais  
 qu'il attendroit le temps qu'il fust gue-  
 ry, de peur que ses compagnons le voyants  
 ne dissent qu'il le feroit pour la crainte de  
 la mort: il parloit courageusement, luy  
 sembloit , mais comme il apparut , il fut  
 miserablement deceu par apres par la  
 fraude du Diable: & comme sa maladie

augmentoit, le Roy entra derechef en sa chambre, mais il dist au Roy en criant d'une voix miserable, Que veux-tu maintenant ! Qu'es-tu venu faire icy ! tu ne me peux apporter aucune utilité, ny salut : Le Roy luy dit, il ne faut ainsi parler, sois sage ; Je ne suis pas insensé, dit-il, mais j'ay devant mes yeux ma meschante conscience. Peu devant toy, sont entrez deux beaux ieunes hommes, & se sont tenez pres de moy, l'un au cheuet de mon liect, l'autre à mes pieds : l'un luy donna un petit liure tres-beau, mais tres-menu, & me le donna à lire, & y ay veu escrit dedans tout le bien que j'ay fait, mais il estoit tres-petit & peu : Incontinent apres est survenue une multitude de meschans & horribles esprits ; alors le plus noir de face d'entr'eux, & qui sembloit estre le chef, produisant un roolle d'un horrible regard, si grand & fort gros, & insupportable pour sa pesanteur, & commanda à l'un de ses gens de me le donner à lire ; lequel apres que ie l'eusse leu, i'y trouuay tous mes pechez escrits, non seulement ceux que j'auois commis d'acte & de parole, mais iusques aux

### 364 De l'art de bien mourir.

moindres de mes pensées, escrites là dedans en caractères tres-noirs : ainsi parloit ce miserable desesperant, & peu de temps après venant à mourir, il fut contraint de faire penitence eternelle sans fruit : au lieu qu'il la pouuoit faire en brief & temporellement en ce monde : Voyla ce que dict Bede : d'où manifestement nous voyons ce que le Diable nostre ennemy a fait enuers ce miserable soldat, l'empeschant premierement de faire penitence, sous l'esperance d'une vie, puis apres le portant en desesperoir à sa mort.

Liv. 5. ca.  
25. de  
l'Histoire  
d'Anglet.

Il y a encore vn autre exemple dans le mesme auteur au Chapitre suyuant, où il dit ainsi ; *J'ay cogneu moy-mesme vn frere, que pleust à Dieu que ie n'eusse iamaïs cogneu, lequel ie pourrois bien nommer, s'il estoit necessaire, cestuy-cy estant reduit en vn monastere fort noble, y mena vne vie fort ignoble & mauuaise : estant atteint d'une maladie incurable ; le voyla incontinent aux extrêmes, alors*

il appella ses freres , & s'atrista merueilleusement deuant eux , & semblable à vn damné , commença à dire qu'il voyoit les Enfers ouuerts , & Satan là dedans engouffré au profond de ce lieu , Cayphe aussi avec tous les autres qui ont liuré nostre Seigneur à la mort , bruslans dans les flammes aupres de luy : en la compagnie desquels ie voyois helas ! vne place preparée pour moy miserable damné. Les freres oyans ces choses , commencerent de l'exhorter soigneusement qu'estant encore en vie il fist penitence : Mais en se desesperant respondoit: il n'est pas maintenant temps de changer de vie , pource que ie voy à present mon iugement accompli : Et disant ces choses, il expira sans recevoir le sacré Viatique, & son corps fut enterré es lieux plus retirez du Monastere: voyla ce que dit Bede. Or ce que dit ce miserable moyne , qu'il n'estoit pas lors au temps de changer de vie, il ne dist.

Q. iij.



# 366 De l'art de bien mourir.

Ezech. 18.  
& 33.

pas cela selõ la verité de son cœur,  
mais il le dit par l'astuce & fallace  
du Diable : Car le saint Esprit  
crie apertement par Ezechiel le  
Prophete, que tousiours Dieu est  
prest d'embrasser ceux qui se con-  
uertissent du peché à penitence :  
Ce que declare plus apertement  
saint Leon Pape en l'Epistre à  
Theodore Eueque de Frioul, en  
ces mots, *nous ne pouuons auoir des  
mesures de la misericorde de Dieu, ny  
deffinir les temps pour aller vers lequel  
la conuersion ne souffre point de remise,*  
*disant le saint Esprit par le Prophete,*  
*Quand tu pleureras en ta conuersion,*  
*alors tu seras sauué.*

Tome 5.  
au iour  
27. Sep-  
tembre.

I'adiousteray encore vn exemple  
ou deux, par lesquels on verra  
qu'aussi le Diable tente les plus  
iustes au sortir de cette vie, par  
le peché de desespoir : Il y en a  
vn dans Laurent Surius, en la vie  
du bien-heureux Comte Elzear,  
qui a vescu en virginité avec sa  
femme Dalphine, & a faict plu-  
sieurs beaux miracles apres sa

mort : & ce pendant au sortir de cette vie il a enduré de grandes tentations : voicy comme parle l'auteur susdict au chapitre dernier. *Estant en l'extremité de son agonie, il monstra vne face fort horrible, d'où on pouuoit colliger qu'il estoit en grande detresse pour les choses qu'il luy proposa : & en ce conflict s'escria, la force des Demons est grande : mais cette force fut tout à fait destruiete par sa vertu, & par les merites de la Sacro-Saincte Incarnatiō & Passiō del. Christ: par apres il s'escria de rechef disant, iay entierement vaincu : quelque peu de temps apres, il dit avec vn grand cry; ie me sousmets entieremēt au iugement de Dieu: & ayant dit ces choses, son visage retourna en sa premiere forme, & estant meslangé de ie ne sçay quelle rougeur & splendeur & beausé, il rendit l'ame.*

L'autre exemple est encore plus terrible, il est chez Iean Climacus, qui raconte d'vn certain religieux venerable nōmé Estienne, qui ayant passé quarante ans de sa vie en ieusnes, veilles, lar-

### 368 De l'art de bien mourir.

mes, prieres, & orné d'autres vertus dans le desert, il arriua finalement au terme de la mort, & comme il estoit en son extrême agonie, il fut tellement accusé de crimes par les Demons, qu'il fust comme contrainct de se desesperer, mais s'estonnant en luy mesme, & ayant les yeux ouuerts, commença à respondre à ceste accusation de Satan, *iay faict cela quelquefois certainement & est vray: mais par penitence & par larmes i'ay effacé ce crime, mais aussi quelquefois il n'a esté ainsi, vous mentez:* Et derechef; *vous dictes vray, mais i'ay pleuré & seruy: en quelques choses toutes fois, disoit il, vous m'accusez veritablement, & n'ay dequoy respondre:* & ainsi mourut, laissant un doute apres luy, de son salut ou de sa damnation: ainsi tous ces exemples & plusieurs autres de mesme nous enseignent qu'auant que la mort arriue que nous purgions soigneusement nostre conscience, & ne desesperer iamais de la misericorde de Dieu.

## CHAP. XI.

*De L'onZiesme precipte de  
l'Art de bien mourir, la  
Mort estant proche, qui est  
de la troisieme tentation,  
sçauoir de la Hayne de  
Dieu.*

**N**Ostre ennemy le Diable, ne  
se traueille pas seulement de  
tout son pouuoir, de despoüiller  
les mourans, de la foy & de l'espe-  
rance, & les precipiter en erreur  
& au desespoir: mais aussi il s'effor-  
ce de separer les amis de Dieu ar-  
riere de son amour, & leur susci-  
ter la haine, & les porter aux blas-  
phemes, voire les inuiter à suyure  
les arts magiques, & tels pour la  
pluspart de ceux qui font ces cho-  
ses, ne craignent nullement la

Q.v.

mort, ny les peines d'Enfer: car ils  
esperent qu'en enfer ils y mene-  
ront vne vie heureuse, c'est à dire  
qu'ils seront compagnons des  
Diabes, qu'ils se persuadent reg-  
ner és enfers: Ceux qui escriuent  
de cecy sont Grillaud au liure des  
Sortileges question neufiesme nō.  
bre deux, & Martin Delryo, liure  
6. de ses Disquisitions Magiques  
chapitre premier, section 3.  
ainsi donc parlent ces autheurs,  
apres que les Sorcieres sont prises  
comme elles mesmes l'ont con-  
fessé, alors le Diable les sollicite &  
persuade à ce qu'elles persistent  
jusques à la mort; & s'il faut qu'el-  
les soient amenées au lieu du sup-  
plice, & que le feu soit allumé en  
leur presence, il leur promet qu'il  
deliurera leurs corps de la corde &  
des flammes, & qu'elles ne seront  
nullement offensées par le feu:  
Que s'il faut qu'elles meurent par  
feu, il leur persuade que cette  
mort se recevra sans douleur, &  
qu'estans sortis de cette vie sans

aucun sentiment de supplice, dit qu'elles seront transportées à vne vie bien-heureuse, où elles serōt semblables aux Diables, qu'elles aurōt mesmes forces, mesmes sciences, mesme richesses, puissance & plaisirs; voila comme le Diable trompe & deçoit les hommes, par ses fallacieuses promesses.

Il y en a encore d'autres, qui encore qu'ils ne soient enchanteurs ny magiciens proprement, il sont toutefois tellement aveuglez d'avarice, qu'ils deuiennent presque semblables aux infidelles; & par ce non sans cause, l'Apostre a appellé l'avarice seruitude d'Idoles.

Ephes. 5.  
Coloss. 3.

Moy mesme voyant vn iour vn malade se mourant; comme ie commençois à luy parler de la preparation requise pour sortir de ce monde, il me respondit avec constance & sans crainte, *Monsieur, j'ay desiré vous parler non pour moy, mais pour ma femme & mes fils: quant à moy je m'en vays és enfers, & n'est besoing*

Q.vj

372. De l'art de bien mourir.

que vous faciez aucune chose pour moy :  
il dist ces choses avec vn esprit fort  
paisible, comme s'il parloit de fai-  
re quelque voyage à vn village, ou  
en quelque bourg : la cause de ce-  
cy estoit que le Diable s'estoit  
rendu maistre de son ame, de ma-  
niere qu'il ne desiroit aucune-  
ment se separer d'avec luy : & tou-  
tefois il n'estoit ny Magicien, ny  
Negromancien, mais il exerçoit  
vn art fort perilleux, & estoit ad-  
onné au gain & à l'auarice, ne se  
souciant de iustice ny d'iniustice,  
pourueu qu'il enrichist, s'estant  
ainsi oublié non seulement de Dieu,  
mais mesme de son ame: En som-  
me comme avec plusieurs paro-  
les, ie me trauallois pour le rame-  
ner à vne meilleure pensee, ie ne  
peux rien auancer sur son esprit.  
Quelqu'vn vouldra possible sca-  
voir quel Art cestuy-cy exerçoit;  
ie diray que sa fin a seruy d'exem-  
ple & d'amendement pour ceux  
qui luy sont semblables : il estoit  
Procureur & solliciteur de causes,

du nombre de ceux qui ne se souciēt, si yne cause est iuste ou iniuste à deffendre; & par ce font tort à l'vne & l'autre des parties, pourueu qu'ils emplissent leur bourse.

I'adiousteray vn exēple, puis que ie me voy tombé sur ce propos: vn certain personnage fort docte traittoit vn iour avec moy, m'exposant les merites de la cause d'un quidam; & luy interrompant son discours luy dit, qu'il me sembloit que ceste cause estoit iniuste & nullement à deffendre, & me respondant il me dist, quant à moy, ie ne suis point Aduocat de verité ny de iustice, mais de mon seruiteur, il est de mon deuoir que i'expose les merites de la cause que i'ay entrepris de deffendre: Le iuge verra & cognoistra en faueur de qui il donnera sentence: Or pour moy ie ne desire point en cecy estre creu seul, mais plustost croyez le Docteur S. Thomas, tres-grād & tres-sainct personnage, voicy comme il parle en la seconde partie de sa somme;



# 374 De l'art de bien mourir.

xx. quest. Le respōd qu'il faut dire qu'il n'est loisible  
 71. à personne de cooperer à mal faire, soit en  
 Art. 3. consultant, soit en procurant, ou consen-  
 tant en quelque maniere que ce soit, pour-  
 ce que celuy qui ayde & qui conseille est  
 autant que celuy là mesme qui fait : &  
 Rom. i. l'Apostre dit descrivant aux Romains,  
 que ceux sont dignes de mort qui sont  
 non seulement le peché, mais aussi qui  
 consentent à celuy qui fait le peché, d'où  
 vient, comme j'ay dit, que tous tels &  
 semblables sont sujets à restitution. Or  
 il est tres-certain qu'un Aduocat don-  
 ne ayde & cōseil à celuy duquel il deffend  
 la cause ; d'où vient que si par malice au-  
 cun deffend vne cause iniuste, il offence  
 mortellement, & est tenu à restituer le  
 dommage & le tort fait à la partie con-  
 traire, contre tout droict & iustice : que  
 s'il la deffend ignoramment, croyant  
 qu'elle soit iuste, il est excusé selon que  
 l'ignorance peut estre excusée ; Voyla  
 ce que dit saint Thomas : & le Car-  
 dinal Caietan expliquāt ces dernie-  
 res paroles de Saint Thomas, dit,  
 Celuy qui deffend vne cause iuste ou in-  
 iuste, encore qu'il ne sçache point quelle

soit iniuste, il offence non par ignorance,  
 mais avec ignorance, qui n'excuse point,  
 & deffend iniustement, comme aussi ce-  
 luy qui n'a soing de discerner si vne cho-  
 se est iuste ou iniuste: car telle sorte de  
 gens negligent de sçauoir, ce qu'ils sont  
 tenus de sçauoir.

A ces tentations on en peut ad-  
 iouster vne autre, qui ne nuit pas-  
 tant, qu'elle profite, encore que le  
 Diable la pratique pour nuire:  
 Car cet ennemy du genre humain  
 se presente ordinairement aux mou-  
 rans avec vn aspect terrible & ef-  
 pouuantable, afin que s'il ne les  
 peut deceuoir, au moins il trouble  
 & empesche le plaisir qu'ils pren-  
 nent à l'oraison, ainsi Seuerus Sulpi-  
 ce escrit du bien-heureux saint  
 Martin, que le Diable se presenta  
 à luy à l'heure de sa mort, auquel il  
 dit, *Que fais-tu icy, meschante & cruelle*  
*beste, tu ne trouueras rien de funeste en*  
*moy.* Le Venerable Pierre Damian  
 escrit aussi en la vie de saint Odi-  
 le, que le Diable luy apparut vn  
 peu deuant sa mort, avec vne face

376 *Del'art de bien mourir.*

fort effroyable, dequoy saint Odi-  
le raconta, disant ; *A l'heure mesme  
de mon trespas, je vis en ce coing-là (Car  
il monstroït la place quasi avec le doigt) :*  
*vne figure fort noire & terrible, qui  
m'espouanta de son horreur, & com-  
mença à me tenter : mais par la vertu  
confortante de Iesus-Christ, il ne me  
peust nullement nuire.*

Au 27.  
Auril.

Aussi saint Adeline Euesque de  
Sez, escrit ainsi dans Laurent Su-  
rius en la vie de sainte Oportune  
vierge, que le Diable s'apparut à el-  
le à l'heure de sa mort en forme  
d'un tres-noir Ethiopien, des che-  
veux & de la barbe duquel distil-  
loit de la poix blanche & liquide,  
ses yeux estoient comme vn fer  
chaud qui se tire du feu, iettant  
mille estincelles de feu : la flamme  
sortoit de sa bouche & de ses nari-  
nes, & avec vne vapeur sulphurée  
& fort puante.

Et la raison pour laquelle Dieu  
permet que ses saints soient ainsi  
exercez par des visions si horribles,

est celle-là mesme que donne l'Ange du Seigneur, en la vie de saint Aicard, chez Laurent Surius : Car Au 15. Septemb. comme le Diable estoit en vn certain Monastere fort vigilant & entêtif à sa proye, le saint Ange Gardien de tout ce Monastere, dit au Diable, *Tu fais icy un office irres- profitable aux Religieux, mais de nul fruiet & profit pour toy ; cela leur sert pour l'expiation de leurs pechez, & de confusion pour toy, & le Diable respondit, Ne suis-ie pas debiteur à ces Chrestiens, & interessé à leur salut !* L'Ange luy repart, *Tu le n'es debiteur, car s'il y a quelque chose en eux qui soit à reprendre, ils seront purgez par ta vision : Et vn peu apres, le mesme Ange disoit à saint Aicard, parlant du Diable, Ne crains point deuant sa face, car il ne luy est donné aucun pouuoir de nuire à ceste famille de Chrestiens, sinon de les espouuanter quand l'ame est sur le point de se departir d'auec le Corps, mais ceste ter-*

378 De l'art de bien mourir.

re leur sera vne vraye expiation de  
pechez ; que s'il y a quelque cho-  
se de mauuais en eux , il  
sera expié par l'effroy  
de sa vision.

## *CHAP. XII.*

*Du douZiesme precepte de  
l'Art de bien Mourir, la  
Mort estant proche, qui  
est du premier remede con-  
tre les tentations du Dia-  
ble.*

**N**Ous auons és chapitres pre-  
cedents rapporté quatre sor-  
tes de tentations, desquelles les  
mourans sont ordinairement assail-  
lis à l'heure de la mort: Or contre  
ces quatres, on se peut pratiquer  
deux sortes de remedes, l'un est  
pour ceux qui ont encore l'enten-  
dement sain, & peuuent ouyr &  
entendre ce qu'on leur dit: l'autre  
est general pour tous, & tres-vtile  
& leur.

Quant au premier, si la ten-

tation est pour le faict de la foy, il ne faut nullement entrer en dispute avec le Diable, comme dit est: & faut aduertir generalement ceux qui sont tentez, que si la tentatiō est de la nature de Dieu, qui est vn essence, & trine en personne; faut instruire le malade, & luy faire cognoistre combien grande est son ignorāce sur les choses creées, non seulement spirituelles, mais aussi corporelles: car la plus grand' part des hommes, ne se peut pas facilement persuader que chaque estoille du firmament soit plus grande que toute la terre: & neantmoins les Mathematiciens enseignent qu'il est tres-veritable. Que s'il est ainsi, que la chose corporelle ne peut estre cogneüe de plusieurs qui croyent toutefois aux hommes doctes, pourquoy ne croiront-ils pas ce que Dieu mesme nous a reuelé par les Apostres & Prophetes, & a confirmé par plusieurs signes & miracles?

Que si la tentation appartient

és choses que Dieu a faictes & fait tous les iours cōme nous le croyons, comme est entr'autres la trāsmutation du pain & du vin au corps & sang de Iesus-Christ, restans seulement les accidens du pain & du vin ; il faut apporter des exemples des choses innumera-bles que nous croyons Dieu auoir faictes, & desquelles il n'y a nulle raison à rendre. Qui pourra comprendre que le monde ait esté créé de rien, seulement par le seul plaisir de Dieu ? & toutefois plusieurs de ceux qui croient cela, ne peuvent croire au mystere de l'Eucharistie. Dauantage qui croiroit que tous les corps des morts, qui sont reduits en cendres & en poudres, ou qui ont esté enseuelis dās le ventre des bestes, ou conuertis en herbes, puissent par le seul commandement de Dieu resusciter en vn moment, Et toutefois tous les Catholiques le croient facilement, & le confessent au Symbole, mesme Iob l'a creu, il y Iob. 19.



## 382 *Del'art de bien mourir.*

a plusieurs milliers d'ans auant eux, quand il disoit, *Je sçay que mon Redempteur vit, & qu'au dernier iour ie seray releué de terre, & seray derechef reuestu de machair*: Donc de ces œures de Dieu & de plusieurs autres admirables, qui surmontent nostre capacité, nous pouuons facilement croire les autres œures Diuines que l'Eglise Catholique nous propose pour croire, puis qu'elle est, comme dit l'Apostre, la Colonne & le firmament de verité, telles & semblables choses peuuent estre proposées à ceux qui sont tentez du Diable, sur le subject de la foy.

1. Thi-  
moth. 3.

Et à ceux qui sont tentez sur l'esperance, leur faut proposer la grandeur presque infinie de la misericorde de Dieu, qui excède le nombre & le poids de nos pechez, ainsi dit le Saint Esprit par Dauid Psal. 144. *Le Seigneur est pitoyable & misericordieux, patient & grandement pitoyable: Il est doux à tous, & ses misérations sont sur toutes ses œures*: Il

leur faut aussi proposer la propitiation du Mediateur, dont parle S. Iean, disant, *c'est luy qui est la propitiation pour nos pechez, non pour nos pechez seulement, mais pour les pechez de tout le monde*: faut encore proposer la vertu de penitence, laquelle si elle procede d'un cœur vraiment contrit, elle ne sera jamais reietée deuant Dieu: Car tres-veritablement luy disoit le Prophete, *seigneur tu ne despriseras point le cœur contrit & humilié*: puis l'exemple de l'enfant prodigue, qui auoit prononcé ces paroles, *mon Pere i'ay peché contre le Ciel & deuant vous*, qu'aussi tost les entrailles du Pere furent esmeuës, & se ietta sur le col de son fils, le baïsa, le reuestit d'une robe precieuse, luy mit l'anneau au doigt, & fit vn grand banquet, pource que son fils qu'il auoit perdu, estoit retrouué, il estoit mort, & estoit resuscité.

*I. Iean. I.*

*Psal. 50.*

Finalemēt faut proposer l'exemple de saint Paul, qui lors qu'il persecutoit l'Eglise, fut preuenu

# 384 De l'art de bien mourir.

i. Ti-  
moth. i.

de la grace de Dieu, & de persecu-  
teur qu'il estoit, fut fait predica-  
teur; Ce qu'il escrit luy-mesme  
auoir esté fait, afin qu'à son exem-  
ple tous les pecheurs se conuertis-  
sent, & que personne tant scelerat  
& detestable pecheur soit-il, ne  
doit iamais desesperer de la miseri-  
corde de Dieu; *C'est icy vne parole  
fidelle, & digne d'estre receüe que Je-  
sus-Christ est venu en ce monde pour  
sauuer les pecheurs, desquels ie suis le  
premier, & pource i'ay obtenu sa mi-  
sericorde, afin que Iesus-Christ demon-  
strast sa patience enuers moy, pour l'in-  
struction de ceux qui croiront à luy pour  
la vie eternelle.*

Ioan. 8.

Et pour ceux qui sont tentez par  
le Diable par vne forte tentation  
contre la charité de Dieu, & par  
icelle sont excitez à hayr Dieu &  
aymer le Diable: Il leur faut re-  
monstrer que le Diable est vn mé-  
teur, comme dit nostre Seigneur.  
*Quand le Diable parle, il parle menson-  
ge de son propre, pource que c'est vn  
menteur, & est son Pere: où ce mot,*  
*son*

son Pere, veut dire que le Diable est Pere de mensonge, comme enseigne saint Augustin & saint Iean Chrysostome: car c'est le Diable qui le premier de tous commença à mentir, lors qu'il dist à Eue & par elle à Adam, *Vous ne mourrez nullement*; Dieu auoit dit à Adam, qu'il ne mangeast du fruit défendu s'il vouloit ne iamais mourir: & le Diable au contraire leur dist qu'ils en mangeassent, & qu'ils ne mouroient point: & partant il ne faut iamais croire le Diable, pource qu'il est menteur & le Pere de mensonge. D'auantage le Diable est ja condamné au feu eternal, avec tous les siens qui l'ont suiuy; ainsi dira le Seigneur aux damnez au iour du Iugement, *Allez maudits au feu eternal qui est préparé au Diable & à ses Anges*: & pource ceux-là s'abusent qui se donnent à son seruice, esperants regner avec luy aux Enfers apres la Mort, où ils croient pos-

Traict.

41. sur S.

Ican.

Homil.

42. sur S.

Ican.

Genes. 3.

Math. 25.

R

### 386 *De l'art de bien mourir.*

feder richesses & grands plaisirs. Finalement il se voit par experience, que toutes les promesses du Diable sont trompeuses ; & certes il ny a encore personne de nostre cognoissance qui aye iouy des grands tresors que promet le Diable, ny aucun qui ayt peu estre liberé de la Mort, de la prison ou de la galere par la puissance du Diable : Que les hommes curieux considerent ces choses serieusement, & certes il s'en trouuera peu, voire aucun d'eux, qui se vueille de Dieu tres-puissant, tres-sage & tres-bon, pour s'adonner au seruice du Diable qui est tres-pauvre, tres-menteur & tres-miserable.

Nous ne dirons rien de la quatriesme tentation, veu qu'il appert assez, que ceste tentation n'est point si nuisible que salutaire & profitable aux mourans: Mais si pour la supporter plus facilement quelqu'un desire quelque

*Liv. II. Chap. XII. 387*

tesmoignage de l'Eſcriture, qu'il  
liſe luy - meſme , ou permette  
qu'on luy liſe pendant que tel-  
le viſion dure , le Pſalme

26. qui commence , Do-

*minus illuminatio*

*& ſalus mea.*

R ij

---

*CHAP. XIII.*

*De XIII. precepte de l'Art  
de bien mourir, la Mort  
estant proche, qui est du se-  
cond remede contre les ten-  
tations du Diable.*

**N**ous auõs expliqué le premier remede cõtre toutes les tẽta-  
tiõs du Diable, maintenant nous  
parlerons du second, qui sera com-  
mun & general contre toutes ten-  
tations : Ce grand & salutaire re-  
mede est en l'oraison, soit qu'elle  
se puisse faire par le malade, ou par  
autres pour luy, ou par luy & les  
assistans conioinctement : car il se  
sçait assez, combien vaut la priere  
à ceux qui craignent Dieu, prin-  
cipalement veu qu'il est assez no-  
toire que le Diable ne peut tenter

sinon autant que Dieu luy permet: il est comme vn Lyon rugissant, ou comme vn chien enragé, lié d'une chaisne de fer, qui ne peut mordre selon son desir, mais seulement autant que Dieu qui tient ceste chaisne de sa main tres-puissante le luy permet. C'est ce qui est enseigné par saint Augustin, exposant ces paroles du Psalmiste, *Dis à mon ame, je suis ton salut, & rapportant l'exemple de Iob dit, Dieu monstra en cela la vraye cause de ces.* homme Iob, pource que le Diable n'a aucune puissance de nous oster les choses temporelles, sinon celles qu'il reçoit de la puissance souveraine: Il pouvoit bien porter envie au saint homme: mais il ne luy pouvoit pas nuire: Il le pouvoit accuser, & non pas condamner: luy pouvoit il oster quelque chose? seulement vn ongle! ou le blesser au moindre de ses cheveux, s'il n'eust dit à Dieu, enuoyé ta main? Qu'est-ce à dire, enuoyé ta main? sinon donne la puissance, il la receut donc & tenta Iob, & Iob fut tenté, mais le tenté emporte le dessus, & le tentateur est



### 390 De l'art de bien mourir.

vaincu : Dieu permit au Diable de luy  
 oster ses biens , mais il ne delaissoit point  
 interieurement ce sien seruiteur, & fit de  
 l'ame & du courage de Iob comme vne  
 forte espée , pour dompter la malice du  
 Diable : combien vaut cela ! ie dis de  
 l'homme & pour l'homme : l'homme qui  
 auoit esté vaincu au Paradis , vainc &  
 surmonte sur le fumier : là il est vaincu  
 du Diable au moyen d'une femme , icy il  
 vainc & le Diable & la femme. Voyla  
 donc comme saint Augustin mō-  
 stre que le Diable ne peut sinon ce  
 que Dieu luy permet , ainsi à son  
 exemple l'ont enseigné S. An-  
 thoine & saint François , Ainsi  
 saint Athanase parloit de saint  
 Anthoine en sa vie. Saint Anthoi-  
 ne étant enuironné d'une multitude de  
 Demons , & se joüant d'eux leur disoit,  
 si vous auiez quelques forces l'un de  
 vous suffiroit pour combattre avec moy :  
 mais pource que Dieu a coupé vos for-  
 ces , vous estes tous rompus , & qu'ainsi  
 ne soit , le signe de vostre imbecillité pa-  
 roist en ce que vo<sup>s</sup> vo<sup>s</sup> reuestez des formes  
 d'animaux irraisonnables : & se con-

fiant encore en son Dieu, leur disoit, si vous valliez quelque chose, & si Dieu vous a donné puissance sur moy, il vous est permis de me deuerer : Car le signe de la Croix & la foy en Dieu nous sont vn mur inexpugnable contre vous.

Sainct Bonauenture rapporte presque le mesme de saint François, Cherchant les lieux solitaires dans les deserts, ayant delaisé les Eglises, il s'en y alloit de nuict en priant, où il a soustenu souuent beaucoup de sortes d'horribles combats à l'encontre des Diables, lesquels combattans sensiblement avec luy le croyoient diuertir & troubler en sa priere, mais luy estant muny des armes du Ciel, plus rudement estoit-il traicté de ses ennemis, plus estoit il fort en vertu & ardent en œuvre, disant confidemment à Iesus Christ, prenez moy Seigneur sous l'ombre de vos aisles, deuant la face des impies qui m'ont affligé ; puis partant aux Demons, leur disoit, ô malins esprits, faictes contre moy tout ce que vo<sup>9</sup> pourrez, car vous ne pouuez rien sinon ce que la main vous donne pour estre faict, & moy ie me tiens.

S. Bonauent. en la vie de S. François c. 10.

### 392 De l'art de bien mourir.

prest avec ioye & plaisir, pour supporter & endurer tout ce qu'il aura ordonné que vous me ferez souffrir: & les Demons ne pouuans abbatre vn esprit si constant, se retirèrent confus. Ayant donc posé ce fondement, que le Diable ne peut rien sinon ce que Dieu luy permet, il n'y a point de doute que l'ardente priere enuers Dieu soit de sains ou malades, profite beaucoup contre les tentations, singulierement si ceux qui prient sont amis de Dieu.

I. 4. de ses Dial. c. 39. Nous auons de cecy vn tres-bel exemple dans Sainct Gregoire, lequel assure estre vne histoire arriuee en son Monastere, & la raconta comme il dit en vn sien sermon, voicy les paroles; Celuy, dont il me souuient auoir fait mention en mes homelies faictes deuant le peuple, fut vn ieune enfant fort inquitte, qui s'appelloit Theodore, qui suuyt son frere en mon Monastere, & plustost par necessité, que par bonne volonté. C'est à sçauoir, il ne prenoit plaisir d'entendre quelqu'un parler de son salut; car

il ne pouuoit non seulement faire bien, mais mesme il ne vouloit ouyr parler de bien faire, & asseuroit queia-  
 mais il n'estoit arriué à l'habitude d'une sainte conuersation en iurant, en se fâchant, & en se moquant: mais en ceste pestilence, qui affligea dernièrement vne grande partie du peuple de ceste ville, estant frappé en l'aine, il fut incontinent assaillly de la mort, & comme il rendoit le dernier souffir, les freres s'approcherent de luy pour conduire son ame à la recommandation de leurs prieres au sortir de son corps: & ja son corps estoit à demy mort en la partie inferieure de l'estomach, & ny auoit plus qu'un peu de chaleur vitale en son estomach, & plus ses freres le voyoient sur le terme de passer outre, plus ardemment estoient ils en prieres: & alors il commença à crier aux assistants & interrompre leur priere par sa voix, disant, retirez vous, retirez vous: voyla que ie suis liuré au Dragon pour estre deuoré, & ne le peut faire à cause de vostre presence: il m'a ja engoulé la teste avec sa gueule, retirez vous affin qu'il ne me face dauantage.

### 394 Del'art de bien mourir.

languir, mais qu'il face de moy ce qu'il en doit faire: si ie suis pour estre deuoré de luy, pourquoy est-ce que pour l'amour de vous ie demeure si longuement en attente? alors ses freres commencerent à luy dire, qu'est-ce que tu dis frere? munis toy du signe de la Croix: ie le voudrois bien: mais ie ne peux, car ie suis pressé & enfermé par les escailles de ce Dragon: Ce qu'ayans ouy les freres, se ietterent en terre, & prièrent avec larmes pour sa deliurance. Et voyla que soudainement ce malade commença à crier, disant, Je rends graces à Dieu, car voyla le Dragon qui m'auoit pris pour me deuorer, lequel fuit, & ayant esté chassé par vos prieres, il n'a peu icy demurer dauantage: maintenant ie vous prie de prier pour mes pechez, car ie suis prest de me conuertir, & renoncer entierement à ma vie seculiere: ainsi dōc cet homme, qui comme dit est, estoit ja mort en la moitié de son corps, & estant resté quelque peu viuant, se conuertit à Dieu de tout son cœur, & ayant changé de volonté & de resolution, prit la discipline des verges, & au sitost il mourut.

Que ceux donc qui se trouvent auprès des mourans apprennent qu'il ne faut pas s'arrester à parler avec le malade, comme à prier Dieu pour luy : & ne faut pas permettre que toute sorte de personnes le voyent & l'assistent en cette dernière heure, mais seulement les personnes pieuses & deuotes, qui ont du credit par leurs prieres enuers Dieu : car l'oraison continuelle de l'homme iuste profite & sert beaucoup : Et comme le Diable voyant qu'il luy reste fort peu de temps à faire son affaire, remeut toute pierre en cet article : ainsi les amis doivent d'autant plus fort assister de leurs prieres leur amy mourant, en ce dernier destroict.

R. v j

## CHAP. XIV.

Du quatorziesme precepte de  
l'Art de bien Mourir, la  
Mort estant proche, qui  
est de ceux qui ne meurent  
point de maladie ordinaire,  
mais de quelque autre cau-  
se.

**J**USques icy nous avons ensei-  
gné comment se doiuent pre-  
parer à la mort, ceux qui decedent  
de maladie : comme maintenant il  
semble qu'il est bon de parler de  
ce qu'il faut faire à ceux, qui sont  
en peril de mort, non par maladie  
ordinaire, mais pour quelque au-  
tre cause extraordinaire. Il y a  
trois sortes d'hommes qui sont en  
peril de mort, hors le cours des

maladies ordinaires : Car aux vns la mort est fort proche & certaine, sans qu'ils y pensent, elle les pr  d    l'improuiste , comme sont ceux qui se trouuent surpris d'apoplexie : ou qui sont frappez de la foudre du Ciel : aux autres la mort est proche, non improuiste ny certaine, mais fort coniecturable: comme sont ceux qui combattent avec les ennemis , & ou qui sont sur la mer, au fort d'une perilleuse tempeste , aux autres finalement la mort est proche, non pas qu'ils y soient pris au despourueu, & ne leur est incertaine, comme sont ceux qui par sentence de iuge sont condamnez    mourir.

Le premier genre de ces hommes l   , n'ont point de meilleur remede, que la continuelle & iournaliere meditation de la mort : &    eux appartient ce saint aduertissement du Sauueur, *Veillez, car vous ne s  avez ny l'heure, ny le iour* ; c'est Math. 25. une fascheuse veritablement, mais vrile & precieuse necessit  , qui



pousse & contraint les hommes à choses profitables: Si le Seigneur disoit, veillez tous nuds exposez à l'air tres-froid iusques à ce que vous soyez tous gelez, & que vos chairs se deschirās de toutes parts, vous veniez à mourir, comme ont veillé autrefois les quarante Martyrs, Ne faudroit-il pas faire cela pour paruenir en assurance à l'eternelle felicité, & s'il disoit, veillez nud, attachez sur les grilles, iusques à ce que vous soyez consommé au feu avec de tres-afpres & cuisantes douleurs, comme a fait saint Laurent: Ne faudroit-il pas faire cela d'une gayeté de cœur, pour euiter le feu eternel? Mais nostre Seigneur ne commande point cela, ains seulement que nous veillions, de peur qu'estans endormis au peché le larron de nuit n'arrine, & nous desrobe l'or de la charité, les pierres pretieuses de la chasteté, ou le tresor de la foy, ou autres biens de vertu, & que nous trouuants oppressez de

pechez mortels, & attaquez de la mort, il nous face faire naufrage au chemin de la vie eternelle, pour nous precipiter au feu d'Enfer. Mais il y en a peu qui meurēt avec tant de precipitation qu'on ne leur puisse donner quelque remede: Je veux qu'il y en aye peu, mais ne seras-tu point, possible, de ceux-là, & l'un de ce petit nombre, si tu en es, de quoy te servira le nombre grand de ceux qui ont euité ce peril! Escoute donc combien il est expedient que tu pratique ce conseil de Dieu nostre Pere, qui crie, disant, *Veillez, veillez, car vous ne savez ny le iour ny l'heure.*

Pour l'autre genre d'hommes qui meurent à la guerre ou sont submergez en la mer par la force du vent & de l'orage, trois choses leur sont necessaires afin de bien mourir: Le premier, que iamais ils n'entrēt en guerre s'ils ne cognoissent que le subiect de la guerre est iuste, ou bien s'ils ne sont cōtraints par le Prince de prendre les armes.

& n'ont aucune cognoissance de la  
 Li. 22. c. 75. iustice ou de l'iniustice de la guer-  
 re : ainsi l'enseignent saint Augu-  
 stin en ses liures contre Fauste Ma-  
 nicheen, où il escrit, qu'autre est la  
 raison du Prince commandant, au-  
 tre celle du soldat obeissant, & en-  
 seigne que le Prince ne peut faire  
 la guerre, si le sujet de l'affaire n'est  
 iuste : trop bien le soldat peut-il  
 faire les armes, pourueu qu'il soit  
 ignorant de l'iniustice d'icelles. Le  
 second est qu'ils obseruent en la  
 guerre les loix de saint Iean Ba-  
 ptiste, qui estant interrogé des  
 soldats, ce qu'ils deuoient faire  
 Luc. 3. pour estre sauuez, respondit, ne  
 molestez personne, ne faictes tort à per-  
 sonne, soyez contents & satis-faits  
 de vos soldes, le dernier est, que ia-  
 mais il n'endurent vn peché mor-  
 tel en leur ame : car autrement il  
 sera facile que la mort qui enleue  
 plusieurs testes en la guerre, ne les  
 surprenne au despourueu, & leur  
 assigne le dernier rendez-vous aux  
 enfers : C'est pourquoy veritable-

mēt les soldats qui sont és armées, sont tousiours en danger de la mort éternelle, voire autant que de perdre la vie temporelle, & autant voire plus affaire à se démeller de la tentation du Diable, qu'ils ont à se donner de garde des surprises des ennemis.

Ces mesmes choses se peuvent dire à ceux qui voguent sur la mer avec mille perils & dangers de la mort. Premièrement ils se doiuent garder d'entreprendre aucun voyage de mer à mauuaise fin, comme pour detrousser les premières flottes des marchands qui leur viennent au deuant, comme font les Pyrates & Escumeurs de Mer: Ou s'ils nauigent pour cause de guerre, qu'ils obseruent ces mesmes reigles du saint Precursseur du Sauueur: Finalement qu'ils se donnent garde de croupir longuement en peché mortel, puisqu'estant exposez sur vn element si sujet au naufrage, il n'ont que trois doigts entre la mort & la vie.

Le troisieme genre d'hommes, semblent pouuoir estre appelez heureux: car ou ils finissent leur vie iustement condamnez ou iugez faussement & sans cause si iniustement, la mort qu'ils reçoient en gré sert pour la satisfactiō de leurs crimes enuers Dieu, s'ils ont regret de les auoir commis si iniustement, & qu'ils pardonnent volontiers à ceux qui sont cause de leur mort à l'imitation du Fils de Dieu, qui pria pour ceux qui le crucifioient, disant, *Mon Pere, pardonne leur, car ils ne sçauent ce qu'ils font*, ceste mort leur est vne planche pour passer à la vie eternelle.

Adioustez que ceux endurent moins de mal en la mort que ceux qui languissent l'attendant en leur liēt avec mille cuisantes douleurs & souffrāces: En apres ceux mourants avec tous leurs sens rassis & le iugement bien sain, se peuuent mieux disposer aux Sacremens de Penitence & de l'Eucharistie, & plus propres à faire de bōnes prie-

res, que ceux à qui la langueur du liēt debilité les sens, attiedit le courage, & ostel l'ardeur & la deuotion apres: Finalement ceux-cy ne manquent pas en plusieurs lieux d'auoir des hommes doctes, que les assistans iusques à la mort les instruisent & exhortent, voire resoudent à faire vne belle fin, & prendre la mort en gré, & que lors le sortir de ceste vie mortelle, est leur entrée en la vie immortelle, voila comme ceux-cy semblent estre bien-heureux en leur mort.

## CHAP. XV.

*Dela Mort heureuse de ceux  
qui ont appris l'Art de bien  
mourir.*

**A**Yant expliqué les preceptes de l'art de bien mourir, il semble qu'il reste vne chose à considerer, sçauoir que nous expliquions briuelement, quelle vtilité il y a en l'art de bien mourir: C'est chose facile, & toute fois tres-grande: Car celuy qui meurt biẽ, meurt heureusement, & ne meurt, non point en quelque sorte heureusement, ny ne meurt aussi en quelque sorte miserable. Celuy qui meurt bien, ou qui meurt mal: mais celuy qui meurt bien passe de ceste vie mortelle & miserable à la vie eternelle: comme au contraire celuy qui meurt mal, passe de ceste

vie, qui luy semble longue & heureuse à vne vie pleine de trauail & douleur qui n'aura iamais fin en ses peines & miseres; & pource est plustost appellée mort eternelle, que vie eternelle: Car tous les hommes meschans qui mouront mal seront morts pour toute sorte de ioye & plaisir, mais viuant pour toute sorte de douleur & trauail.

Et que ces choses soient, l'Escriture l'assure, Sainct Iean parlant en son Apocalipse de ceux qui meurent bien, disoit, *I'ay ouy vne voix du Ciel disant, bien-heureux sont les morts qui meurent au Seigneur, maintenant l'esprit dit qu'ils se reposent de leurs peines & trauaux:* Il y a quelques Autheurs qui croyēt que ces paroles s'entendent seulement des Martyrs: mais la plus commune opinion, & la plus veritable explication est qu'elles s'entendēt en general de toutes sainctes ames qui meurent pieusement en Iesus-Christ: Certes sainct Bernard en vne sienne Epistre, qui est intitulée *Epist. 98.* des Machabées dit ainsi, *Bien-heu-*



## 406 De l'art de bien mourir.

reux sont les morts qui meurent non seulement pour le Seigneur, comme les Martyrs: mais qui meurent au Seigneur, comme les Confesseurs, certainement ceux-là sont bien-heureux: C'est pourquoy il y a deux choses qui me semblent rendre vne mort pretieuse, la vie, & la cause, mais plus la cause que la vie, mais ceste mort sera trespretieuse, laquelle sera recommandable & par la cause & par la vie: Voilà ce qu'il dit.

A cecy sert aussi que l'Eglise, qui est veritable interprete des Es- critures, commande que l'on se serve de celieu de l'Apocalypse pour l'Epistre de la Messe des morts: Sainct Iean dit donc, *Bien-heureux les morts qui meurent au Seigneur*, c'est à dire, heureux sont tous ceux qui lors qu'ils meurent se trouuent au Seigneur: i. se trouuent vnis par charité avec le Seigneur, comme membres vifs du chef, qui est Ie- sus-Christ, Ainsi saint Luc escrit de saint Estienne mourant, *Il s'est endormy au Seigneur*, c'est à dire, Il a

Act. 7.

esté conioint au Seigneur, comme  
 vn membre à son chef; & la rai-  
 son pour laquelle ceux qui meurēt  
 au Seigneur, sont bien-heureux est  
 expliquée par saint Iean, disant,  
*Maintenant l'esprit dit qu'ils se repo-*  
*sent de leurs travaux:* Car le saint Es-  
 prit declare assez qu'en la mort des  
 Saints, fin est imposée à toutes leurs  
 œuvres laborieuses & penibles, &  
 qu'alors commence le repos eter-  
 nel; & non seulement tous tra-  
 uaux cessent alors, mais ils com-  
 mencent vne vie tres-heureuse,  
 pleine de toute sorte de plaisir,  
 pource que leurs bonnes œuvres  
 cheminent apres eux: Car toutes  
 bonnés œuvres meritoires & plei-  
 nes de consolation & plaisir non  
 temporel, mais eternal, ne restent  
 point en terre, mais elles suyuent  
 les saints ouuriers d'icelles dans le  
 Ciel, selon le dire du Prophete, *Il a Psal. 112.*  
*dispersé & a donné aux pauvres, sain-*  
*stice demeure au siecle du siecle.* Les ri-  
 chesses d'un homme de bien de-  
 meurent veritablement en terre,

ou plustost se consomment en terre, mais la iustice, la liberalité, & la misericorde, par laquelle les richesses terriènes sont communiquées aux pauvres, demeureront au siecle du siecle; & non seulement demeureront, mais rendent tres-riche celuy qui a distribué aux pauvres ses richesses perissables sur terre: Et non seulement les œuvres de liberalité les suyuent, mais aussi les œuvres de sagesse, de charité, de la crainte du Seigneur, de force, de chasteté, de religion, bref toutes bonnes œuvres les suyuent, & leur acquierent de tres-grandes & amples recompenses. Vrayement donc celuy est tres-heureux qui meurt bien, puis qu'il acquiert le repos de ses travaux, & la iouissance de toutes sortes de biens pour iamais.

A cecy sert le veritable tesmoignage de l'Ecriture, & les visites des Saints qui ordinairement assistent aux hommes iustes à l'heure de leur mort; afin de consoler leur ame à la sortie de ce corps, les ay-

der

der à repousser les Diable, & par leurs saintes consolations les releuent de l'effroy & de la crainte de leurs tentations: laquelle visite des saincts n'est pas contée pour peu de chose entre les felicitez des hommes iustes mourans.

Je pourrois en ce lieu rapporter plusieurs histoires: mais ie me cōtenteray de quelques exemples, tirez des dialogues de saint Gregoire, voicy ce qu'il dit au quatresiesme liure, parlant du Prestre Dial. c. II.

*Ursinus, le Prestre Ursinus estant proche de la mort, il commença à crier avec ioye, disant, bien venuz soiez mes Seigneurs, qui auez daigné venir visiter vostre petit fermiteur, ie viens, ie viens, & vous rends graces: & comme souvent il repetoit oette parole, & ceux ausquels il disoit cela, estans presens, luy demandoient dequoy il les remercioit, tout admiré qu'il estoit, leur respondit: ne voyez vous pas que les Saincts Apostres sont venus icy? à sçauoir saint Pierre & saint Paul Princes des Apostres: & de rechef se retournant vers*

eux leur disoit ; voyla ie viens, ie viens, & disant ces choses il rendit l'ame: Et pource qu'il auoit veu les Saincts Apostres, il assura qu'il les auoit suivis: ce qui auient souuentefois aux iustes, qu'en leur mort ils ont la vision des Saincts, de peur qu'ils ne redoutent la mort, & cependant que la compagnie des citoyens du Ciel se monstre à leur ame, ils se separent & despestrent aisement de leur chair.

Le mesme saint Gregoire, au mesme liure chapitre suiuant, raconte que saint Iuuenal & saint Eleuthere martyrs s'apparurent au milieu d'une grande lumiere, à Probus Euesque del'Eglise de Reate, & aussi tost le venerable Probus, estant separé de son corps par la mort, monta au Ciel avec ceux qui luy estoient apparus: le mesme au chapitre suiuant, il rapporte de sainte Galle seruante de Dieu, laquelle estant malade & proche de la mort, s'apparut à elle l'Apostre saint Pierre & luy signifia que tous ses pechez luy auoient esté

remis, de maniere qu'elle se retira de ce monde avec assurance de bien : Le mesme au chap. suiuant rapporte de Seruulus parality que, qu'à l'heure de sa mort fut ouye au Ciel la voix des Anges chantans Cantiques de loïange, & ressent y vn odeur tres-excellent aupres de luy : au chapitre d'apres, il es- crit de sainte Romule seruante de Dieu, qu'un nombre grand de saintes Vierges s'apparurent à el- les à sa mort, avec vne grande lu- miere & vn inestimable odeur : au chap. suiuant, il raconte de sona- mie Tharsille, qu'elle vit premie- rement saint Felix Pape luy appa- roissant, & luy disant ces mots, *viens, car ie tereçois en ce lieu de lu- miere* : par apres estant saisie d'une forte fièvre, qui la coucha au lit de la mort, elle vit Iesus venant à elle, l'enuisageant, elle rendit son ame à Dieu : & fut delaissee au lieu où elle mourut tel odeur apres sa mort, que la suauité tesmoigne assez, que l'autheur de la suauité

**412** *De l'art de bien mourir.*

mesme auoit esté là: en l'autre chapitre, il escrit de sainte Muse Vierge, que la bien-heureuse Vierge merc de Dieu luy apparut, assistée des saintes Vierges du Ciel, & l'emmena avec elle mourant, au Royaume éternel, finalement au chapitre d'apres, il asseure que les Anges se trouuerent à la mort de S. Estienne.

Nous voyons donc par le témoignage de saint Gregoire qu'à la mort des gens de biē, & des femmes religieuses, se sont souuente-fois trouuez non seulement les Anges, mais aussi les Martyrs ja deffuncts, les Princes des Apostres, la Roynemesme des Cieux, ou finalement Iesus Christ Roy de gloire éternelle : Et combien grande soit ceste felicité, combien grande ceste gloire, & cette incroyable ioye du cœur, pour ceux qui ont appris ainsi l'Art de bien viure & de bien mourir, nul ne le peut dire, sinon ceux auxquels Dieu a faict experimenter cette grace.

## CHAT. XVI.

*De la miserable Mort de  
ceux qui ont negligé d'ap-  
prendre l'Art de bien  
Mourir.*

**N**Ostre Seigneur disoit de Iu-  
das le traître, *ce luy eust esté* Matth. 26  
*chose bonne, si cet homme ne fust jamais*  
*né* : car il ne se peut rien imaginer  
de plus miserable qu'un homme  
qui se fouruoye de la fin par sa fau-  
te, à laquelle il auoit esté créé :  
toutes les autres choses, comme  
les bestes brutes, les plantes, ou  
les creatures inanimées, n'endu-  
rent aucune fascherie quand elles  
defaillent, pour n'auoir peu arri-  
uer à la fin de leur creation : Mais si  
l'homme s'éloigne de la sienne,  
qui est la vie éternelle, pour la-  
quelle il est créé, il ne laisse pas

S iij



414 De l'art de bien mourir.

d'estre & de viure, mais il mene vne vie la plus miserable de tous, en ce qu'il cherche la mort en sa misere, & ne la peut trouuer: & pource, il est plus beste, que la mesme beste, & plus mal-aduisé que l'insensé & le fol, de ce qu'il ne s'efforce de toute sa puissance de paruenir à la vie éternelle, veu que personne n'en peut estre priué, qu'il ne soit obligé aux miseres immortelles des peines.

2. Cor. 4. Et pour faire voir l'importance de cecy, i'ay resolu de fonder ma consideration sur ces paroles de l'Apostre, car dit-il, *Ce qui à present est leger, & passager en nostre tribulation, opere en nous en grandeur outre mesure le poids éternel de la gloire: car nous y contemplerons les choses qui se voyent, & ne se voyent point, celles qui se voyent sont temporelles, & celles qui ne se voyent point, sont éternelles: Ces belles paroles de l'Apostre, & vrayement dorées, sont tres-claires & faciles à entendre à l'homme spirituel, qui aisement & sans pei-*

nes'acquiert l'Art de bien viure & mourir: mais elles ne sont que tenebres & chimeres pour l'homme animal & charnel, & ne prend aucune intelligence d'icelles, que si c'estoient des paroles Hebraïques & Arabes, proposées à vn homme Latin, ou à vn homme Grec.

L'homme spirituel collige de ces paroles, que les tribulations souffertes & endurées pour Dieu, quoy que cruelles & fascheuses, sont tres-legeres & briefues, quoy qu'elles se continuënt par plusieurs années, pource que tout ce qui prend fin, ne peut estre de longue duree au prix del'Eternité: Et que ces mesmes tribulations trouuent deuant Dieu vn merite de si haut prix, que de là elles acheptent à l'homme, le grand & éternel tresor de la gloire & de tous biens: d'où apprennent les sages, qu'il ne faut iamais redouter les tribulations, mais bien redouter les pechez, ne faire estat des biens temporels, mais seulement estimer

ceux qui sont éternels : d'où s'ensuit qu'ils vivent bien en terre, & regnent heureusement au Ciel, & que tout ainsi qu'ils vivent pieusement par cecy, aussi par le mesme ils font vne tres-heureuse fin.

Mais les hommes brutaux, & qui n'ont l'esprit de sagesse en eux, qui de paroles croient à l'Escripture, & dementent leur parole par l'œuvre : ceux-là changent les paroles de l'Apostre, & les prenans à contrepoil, disent, sinon de bouche, au moins de cœur, que la pauvreté, l'ignominie, l'iniure, & les tribulations sont choses insupportables, & doiuent estre reiettez arriere de nostre esprit, encore que pour ne les souffrir il faille mériter, tromper, commettre homicide, offencer Dieu, & souffrir damnation éternelle apres la mort : Car qui sçait, disent-ils, s'il y a iamais eu d'enfer ? qui a iamais veu le poids de la gloire éternelle ? Mais nous cognoissons assez par experience, que la pauvreté, les

ignominies & iniures sont choses mauuaises , nous le sçauons certainement, & le touchons du doigt: Voyla ce que dit le monde, & ceux qui sont du monde, & quoy qu'ils ne disent de bouche, si le tesmoignent ils par œuure, & est la cause pour laquelle, vne grand part des hommes viuent mal, & meurent miserablement.

Et afin que nous le facions cognoistre par vn exemple ou deux de la mort mal-heureuse des hommes perdus: i'en rapporteray premieremēt vn escrit par saint Gregoire au liure quatriesme desdits dialogues, C'est l'exemple d'un certain Crisorius qui estoit l'un de ceux que i'ay cy deuant raportez, homme politique & prudent pour les choses du monde, comme dit saint Gregoire, propre & capable de beaucoup de choses, mais tres-auare & superbe: Cestuy-cy estant couché au liēt de la mort, & ouurant les yeux, vit de tres-mauuais esprits se presenter deuant luy, &

estoit grandemēt à craindre qu'ils ne le rauissent comme vne proye pour le trainer aux enfers : Les voyant il commença à trembler & patir, & tres-suer, & avec de grāds cas demander trefue, disant, *trefue ou iusques au matin, ou trefue iusques au soir*, & en criant ainsi il mourut. D'où il est euident que ceste vision ne fut pas tant pour luy que pour nostre instruction & profit: Car il en arriue ordinaiemēt ainsi à ceux qui different à se conuertir au dernier iour de leur vie, & de ce nombre sont ceux qui comme dit saint Gregoire au commencement du quatriesme liure, ne croient pas facilement ce qu'ils ne voyent point, ou s'ils le croient, ils ne le croient tellement que cela les excite à bien viure.

L'autre exemple est du mesme saint Gregoire au lieu susdit; racontant d'un certain Religieux hypocrite que l'on croyoit ieusner, & cependant beuvoit & mangeoit à cœur saoul en secret; Cestuy-cy

fut damné, dit saint Gregoire, car quoy qu'il confessast son péché, il n'en fit toutefois aucune penitence: Car Dieu voulut que son hypocrisie parust, & ne luy donna la grace de se repentir: afin que les autres apprissent que c'est chose perilleuse de differer sa confession & la penitence à l'heure de la mort.

Et laissant ces choses à part, disons que ceux qui n'ont point appris l'art de bien mourir n'ont jamais fait vne heureuse fin: Je reviens aux paroles du saint Apostre saint Paul, qui sont pleines de mysteres & de documens salutaires.

Donc il faut premierement remarquer avec quelle force l'Apostre extenuë ses merites & fait peu de cas de ses tribulations souffertes pour Iesus-Christ, & releue admirablemēt le Royaume des cieux, qui est la recompense des œuvres, *Ce qui est, dit-il, momentanee & leger de de nostre tribulation*: Voyla l'extenuation & appetissement de ses

420 *Del'art de bien mourir.*

Act. 7.

merites : l'Apostre a trauaillé de toutes les forces l'espace enuiron de quarante ans, Car lors qu'il fut appellé de Iesus-Christ à la dignité d'Apostre, il estoit ieune adolescent ; ainsi l'est-il dit aux Actes ; *ils deposcrent leurs vestemens aupres des pieds del'adolescent ; qui s'appelloit saul*, Or il fut au seruice de Iesus-Christ iusques en sa vieillesse, ainsi qu'il tesmoigne de foy escriuant à Philemon *veu que tu es vieil comme Paul* : & partant l'Apostre saint Paul consumma au seruice de Iesus-Christ tous les ans de son adolescence & de son aage viril, & vne partie de sa vieillesse, & toutefois il dit que ses tribulations qui luy ont esté perpetuelles depuis sa conuersion iusques à son martyre sont momentanées : & dit vray, s'il les faut comparer à l'Eternité de l'Eternelle felicité, & toutefois elles ont esté fort longues.

Il adiousté à la briefueté, la legereté, disant, *le momentanée & leger de nostre tribulation* : encore que

ses tribulations ont esté fort cruel-  
 les & aspres, comme il monstre  
 luy-mesme escriuant aux Corin- 1. Cor. 4.  
 thiens, & disant, *iufques à ceste heu-*  
*re nous auons en faim & soif, & som-*  
*mes nuds buffetez & errans, & tra-*  
*uailans de l'œuvre de nos mains; on*  
*dit mal de nous quand nous benissons;*  
*nous sommes persecutez, & nous l'en-*  
*durons; nous sommes blasphemex &*  
*nous prions, nous sommes faicts com-*  
*me les balicivres & ordures de ce mon-*  
*de, & comme la racleure de tous iuf-*  
*ques à maintenant: Et le mesme*  
 en la seconde aux Corinthiens.  
 Chapitre 11. Adiouste encore,  
 En travaux | dauantage, en playes ou-  
 tre mesure, en prison dauantage, en la  
 mort souuentefois: I'ay receu des Iuifs  
 par cinq fois quarante coups moins vn,  
 I'ay esté battu de verges par trois fois,  
 I'ay esté lapidé vne fois, I'ay fait nau-  
 frage trois fois, I'ay esté en la prison  
 du profond de la mer nuit & iour:  
 souuentefois és chemins, ex perils des  
fleues, ex perils des brigands, ex pe-



422 De l'art de bien mourir.

*rils de ma nation, ex perils au desert,  
ex perils en la mer, ex perils entre les  
faux freres : en labeur & trauail, sou-  
uent en veilles, en faim & en soif,  
& souuent en ieusne, nudité & froi-  
dure. Voyla les tribulations que  
sainct Paul appelle legeres, les-  
quelles quoy que tres-rudes &  
pesantes, toutefois l'amour qu'il  
portoit à Iesus - Christ les en-  
durant, les luy rendoit tres-lege-  
res, & la grandeur du prix desti-  
né aux merites fort douces & brief-  
ues.*

Et cet Apostre fait l'excellen-  
ce de ceste recompense eternal-  
le, disant, *Il opere en nous en gran-  
deur le poids de la gloire eternelle, où  
selon l'ordinaire des saintes Es-  
critures qui s'accommodent à no-  
stre capacité, L'Apostre décrit  
le salaire des bonnes œuures par  
la similitude de la grandeur de la  
chose corporelle : Car vne chose  
corporelle, est dicte grande, lors  
qu'elle est releuée haute, longue,*

ample & profonde : & parle ainsi de la grandeur de la felicité des bien-heureux, disant, *outre mesure en grandeur*, c'est à dire, la recompense de nos labeurs sera grande outre mesure, c'est à dire tres-haute, tellement qu'il ny a honneur, dignité, ny grandeur qui luy soit comparée : de la longueur, il adiouste, *Eternel*, pource qu'il

n'aura iamais fin, en comparaison duquel toute durée est briefue.

& momentanée.

## CHAP. XVII.

*Sommaire de tout l'Art de  
bien mourir.*

**L**A Consolation de ceste vie presente est aussi petite & passagere comme la tribulation : & au contraire la consolation & la tribulation de l'autre vie est eternelle & tres-grande : Et pource vraiment ceux-là sont imprudēs qui mesprisent la consolation & la tribulation de ceste vie future : La premiere proposition de cet argument est de soy euidente, & l'experience le monstre : La seconde tres-claire par l'Escripture du saint Esprit ; & la troisieme se conclut par la verité des deux autres : Donc si quelqu'un desire facilement & briefuement apprendre l'art de bien mourir, qu'il ne se contente seu-

lement de la lecture de ce liure, ny d'autres semblables: mais qu'il cōsidere attentiuement, non vne seule mais plusieurs fois, non avec le seul desir d'apprendre, mais avec intention de bien viure, & d'y finir heureusemēt sa vie, combien sont esloignees & distantes les choses eternelles des choses passageres, & les choses legeres des plus rudes & pesantes: Et quiconque desire s'edifier solidement en ceste verité, qu'il considere les exemples de ceux qui ont esté auāt nous, soient sages, ou fols, c'est à dire, de ceux qui en bien viuant sont morts heureusement, & qui en viuant mal, meurent pour mourir eternellement.

Et afin que ie soulage le lecteur en la recherche des exemples, i'en rapporteray trois par paires, l'un des Roys, l'autre des hommes priuez, & le troisieme des Ecclesiastiques, tous trois des saintes Escriitures.

Le premier sera de Saül

426 *De l'art de bien mourir.*

1. Roys. 9.

& Dauid : Saül premier Roy des Hebreux, quand il estoit homme priué & pauvre, estoit tellement homme de bien, que l'Ecriture assure qu'en tout Israël il n'y en auoit aucun meilleur que luy : Estât créé Roy, il changea tellement de vie & de meurs, qu'il ne s'en trouua pas vn plus meschât. Il persecuta Dauid innocent iusques à la mort, non pour autre cause, sinon pour ce qu'il se doutoit qu'il seroit Roy apres luy : En fin apres auoir regné vingt ans, il fut tué en guerre, & descendit ez enfers. Et le pieux & fidelle Dauid, apres la longue persecution de Saül, fut déclaré Roy, & gouerna iustement le Royaume l'espace de quarante ans, durant lesquels il souffrit aussi de grandes persecutions, & finalement reposa en paix.

Conferons maintenant les consolations & tribulations de l'vn avec celles de l'autre, & voyons si l'vn a plus profité que l'autre en l'art de bien viure & de mourir.

heureusement : Pendant que Saül regnoit il n'eust aucun plaisir en son regne , à cause de la haine qu'il portoit à David : C'est pourquoy il goustâ vingt années en la douleur de son regne detrempée dans le fiel de l'enuie.

Ces ans reuolus, tout plaisir de vie fuit de luy , & luy succede vne longue & fascheuse misere : au contraire devant regna quarante ans, & quoy qu'il eust souffert des tribulations assez grâdes, il eust pourtant de grandes & frequentes consolations pour les reuelations diuines dont il parle en ses Pseaumes : & apres sa mort ; il ne descendit pas comme Saül ez enfers, mais au sein d'Abraham avec les saints Patriarches , & apres la Resurrection de Iesus-Christ, monta avec luy au Ciel.

Maintenant donc que le Lecteur iuge, si la sortie de ce corps n'est pas tres-malheureuse pour les hommes perdus , encôre qu'ils soient Empereurs : & au contrai-

428 *Del'art de bien mourir.*

re la sortie des iustes tres heureu-  
se, iacoit qu'ils soient Roys & Em-  
pereurs: Saül, comme i'ay dit, re-  
gna vingt ans, & est demeuré apres  
sa mort deux mille ans & plus au  
feu d'enfer sans aucun refrigerer:  
quelle cōparaison de vingt à deux  
mille ans? Qui voudroit desirer  
vingt ans en la iouissance des plus  
grands plaisirs, s'il scauoit asseure-  
ment qu'il suracheteroit ces plai-  
sirs de mille sortes de peines en  
deux mille ans & plus? Je ne croy  
pas qu'il y ait homme si depour-  
ueu d'esprit qui desire endurer le  
plus grand des tourmens, Je ne di-  
ray pas deux mille, ny deux cens,  
afin de iouir seulement vingt an-  
nées de toute sorte de plaisirs? Que  
sera donc si nous adionstōs ce mot  
que le tourment de l'enfer ne dure  
pas seulement deux mille ans, mais  
n'aura iamais fin! certes ceste seu-  
le Eternité de supplices, sans relas-  
che ny repos & sans aucun refrige-  
re est telle qu'il ny a cœur de fer  
ny poitrine d'airain qui ne soit fle-

chie à penitence par ceste consideration. La mesme pensée pourra tirer le Lecteur de la tribulation passagere de Daud, la conferant avec la grādissime gloire & le plaisir eternel, dont il ioüist dans le Ciel apres sa mort, encore que plus nous esmeuvent les tourmēs eternels de l'enfer, que les ioyes immortelles du Paradis.

L'autre exemple sera du Riche Glouton & du pauvre Lazare, tiré de l'Euangile de saint Luc: Ce Riche gaudissant se res-ioüist pour vn peu de temps avec ses amis, *il estoit reuestu de pourpre & de fin lin, & faisoit festin tous les iours: Le Lazare au contraire estoit pauvre, tout debile & malade gisant à la porte du Riche, tout plein de playes, desirant estre seulement rassasié des seules miettes qui tomboient de sa table, & nul ne les luy donnoit: Mais peu de temps apres la chance se tourna: Car voila le Riche qui meurt, & descend aux Enfers: Le Lazare aussi meurt à son tour, mais les* Luc. 16.



maines des Anges luy seruent de coche pour estre doucement porté au sein d'Abraham, lieu de paix & de refrigeration : Voila donc le Riche qui pour vn peu de temps de plaisir commence à souffrir. vne eternité de miseres, sans aucun refrigerere ou relaps de tourments : & le pieux & tout patient Lazare apres vne briefue tribulation passée, repose heureusement dans le sein d'Abraham, Commencement d'une Eternité de repos & de paix, qui luy fut donnée lors qu'avec Iesus-Christ il est resuscité glorieux & triomphant avec luy en la gloire, où il est pour iamais bien-heureux. Certainement si nous eussions esté entre les vifs en ce temps-là, il n'y eust eu aucun de nous, au moins fort peu, qui n'eust mieux aymé suivre la fortune extérieure du Riche, que la misere apparente de la chance du Lazare : Et toutefois aujourd'huy nous iugeons cestuy-là tres-miserable & cestuy-cy tres-heureux : Pourquoi

donc maintenāt que le choix s'offre à nous, n'eslisons nous plustost la voye du Lazare, que celle de ce Riche, pourquoy plustost ne suivons la vertu de ce pauvre affligé que les vices & deffauts de ce Riche ayse ! Je ne dis pas que les Richesses soient à mespriser, Abraham, Daud & plusieurs autres saints ont esté riches & tres-riches : mais ie condamne l'intemperance, la gourmandise, le luxe, la vanité, l'inclemence & autres mōstres de vertu, qui ont couché le Riche dans les flammes eternelles. Ne considerons point au Lazare, sa pauvreté & ses playes seulement, mais considerons sa patience, & sa pieté, & le loïons : Et est vne chose fort admirable, que jaçoit que nous recognoissions cecy, sçauoir que le Riche a esté tres-maladuisé en sa vie, & le Lazare tres-sage, toutefois ne se trouuent pas peu de personnes qui suivent le Riche & l'imitēt en leur vie, encore qu'ils se puissent asseurer qu'ils seront

comme luy plongez ez mesmes peines, puis qu'ils ont voulu effigier leur vie sur le pourtraict & semblance de la sienne.

Reste le troisieme exemple qui sera celuy de Judas le traistre, avec saint Matthias qui succeda à Judas en son Apostolat : Judas estoit vn homme tout à fait mal-heureux en ce monde, mais tref-malheureux & miserable en l'autre : Il suiuiſt le Sauueur l'espace de trois ans, n'ayant autre desir que de remplir sa bourse d'vn larcin sacrilege, ne se contentant point de l'argēt qu'il retiroit des aumosnes du commun; & estāt griefuement malade d'auarice, paruint à ceste extremité que de vendre son Seigneur & sō Maître pour de l'argēt : mais peu apres le Diable l'ayant tiré en deſespoir, il restitua l'argent, & se pendit luy-mesme, se priuant ensemblement & de la vie temporelle & de la vie eternelle : C'est pourquoy le Sauueur prononça de luy ceste horrible sentence, disant, *Il eust esté bon*

*à cet*

homme s'il n'eust iamais esté né. Pour  
sainct Matthias qui succeda à Iu-  
das, c'est à dire, fut esleu en sa  
place, il a soustenu vn petit mo-  
ment de travail & douleur, non  
sans gouter avec affluence des de-  
lices du Ciel; & maintenant tout  
labeur & douleur finie, il regne  
heureusement au Ciel avec Iesus-  
Christ, auquel il a sur la terre si  
fidellement seruy: Ceste colla-  
tion de vie entre sainct Matthias &  
Iudas appartient aux Euesques &  
Reguliers: Iudas a esté Apostre de  
Iesus-Christ, & par consequent  
designé Euesque, car sainct Paul  
exprime de sainct Matthias & de  
Iudas ces paroles de Dauid, *qu'un  
autre prenne son Euesché.* Et le mes-  
me Iudas estoit tenu entre les re-  
guliers, puis que sainct Pierre par-  
lant de tous les Apostres disoit:  
*Voyla nous auonstous quitté, & t'auons* Psal. 100.  
*suivy; Qu'est-ce donc qui nous arrue-*  
*ra? Donc Iudas le plus mal'heu-*  
*reux de tous les hommes, en des-*  
*cheant du plus haut degré d'hon-*

434 *De l'art de bien mourir.*

neur qui soit, restituant quelque peu de chose qu'il auoit mal acquise, perdit son gain, fut bourreau de soy mesme & condamné aux peines éternelles, peut seruir d'exemple à tous les Ecclesiastiques & à tous reguliers, pour leur faire cognoistre, comment ils cheminent en la voye de ce monde, à quel peril ils s'exposent, s'ils ne perfectionnent leur vie, selon la perfection de l'Estat & de la reigle qu'ils tiennent: Car Saül & le riche d'une felicité temporelle, sont tombez en vne éternité de tourments: & Iudas n'ayant iamais eu aucune felicité temporelle, mais seulement vn ombre imaginaire ou plustost esperance de felicité, a eu vne fin mal-heureuse, & beaucoup plus miserable que Saül, & le riche, se priuant de vie, & se donnant en proye à l'Enfer: Mais encore que Iudas eust esté tellement riche, qu'il eust surpassé tous les riches du monde en excez de richesses, & fust paruenu en fin,

comme il est aux perpetuelles miseres, que luy eust profité tout ce grand amas de richesses!

Que ceste seule ratiocination demeure donc ferme & asseuree, ainsi que i'ay proposé au commencement du chapitre, & que nous repetons encore icy avec les paroles del' Apostre, *Que ce qui est present est de peu de durée, & vn moment fort leger de nostre tribulation, mais il opere en nous le poids de la gloire éternelle, qui est sans mesure & avec grandeur, ne contemplant point là dedans les choses qui se voyent, mais celles qui ne se voyent point, car les choses qui se voyent, sont temporelles, & celles qui ne se voyent point, sont éternelles.*

F I N.











8-1



